



ՁԻԱԲՈՒԾՈՒԹՅՈՒՆ

ՀԱՅԴԱՆՈՒԹՅԱՆ

Դոցին Գ. Վ. ԱՓԻՆՅԱՆ

ՋԻԱԲՈՒԾՈՒԹՅՈՒՆ

(Գյուղատնտեսության երկրորդ կարգի վարպետներ
պատրաստելու ձեռնարկ)

245

АПИНЯН ГЕВОРК КАРАПЕТОВИЧ

КОНЕВОДСТВО

(На армянском языке)

Армянское Государственное издательство

Айпетрат, Ереван, 1954

Մեծահայր
1950/1/5

Ն Ե Ր Ա Յ ՈՒ Թ Յ ՈՒ Ն

Ձին կարևոր նշանակություն ունի ՍՍՌՄ ժողովրդական տնտեսության համար: Պարտիան և կառավարությունը միշտ էլ ուշադրություն են դարձրել ձիարուծության զարգացման վրա:

Ձին հատկապես մեծ նշանակություն ունի սոցիալիստական դյուղատնտեսության համար: Չնայած սոցիալիստական դյուղատնտեսության մեքենայացման բուռն թափին, հողագործության կուլտուրայի բարձրացմանը, ձին՝ որպես կոլտնտեսության արտադրամիջոց, իր նշանակությունը չի կորցրել: Առաջավոր կոլտնտեսությունների փորձը ցույց է տալիս, որ նույնիսկ արտադրական պրոցեսների լայն մեքենայացման պայմաններում, տնտեսության մեջ օգտագործվող բանոց ձիերի բեռնվածությունը չի պակասում: Կոլտնտեսություններում կան որոշ աշխատանքներ, որոնք նպատակահարմար է կատարել ձիերով, օրինակ՝ կարճ տարածությունների վրա կատարվող բոլոր տեղափոխությունները, մանավանդ մեծածավալ բեռների (խոտ, ծղոտ, բամբակ և այլն) փոխադրումը նպատակահարմար է կատարել ձիերով: Ձիերը լայնորեն օգտագործվում են նաև դաշտային թեթև աշխատանքների մեջ, մասնավորապես արահատորի աշխատանքի համար անհարմար դիրք ունեցող հողակտորների մշակման ժամանակ:

Դյուղատնտեսական աշխատանքների ամենաեռուն շրջանում մեքենայական քաշող ուժի հետ միասին ձիերի լայն օգտագործումը հնարավորություն է ստեղծում այդ աշխա-

տանքներն ամբարտել ավելի սեղմ ժամկետներում: Ուստի և գյուղատնտեսական աշխատանքները պլանով նախատեսված ժամկետներում կատարելու համար, ՄՏԿ աշխատանքների բարելավման հետ միասին, պետք է լայնորեն և ռացիոնալ կերպով օգտագործել նաև կենդանի քաշող ուժը, մանավանդ ձիերը:

Եվ պատահական չէ, որ ՍՍՌՄ Մինիստրների Սովետի և ՍՄԿՊ Կենտկոմի «Երկրում անասնաբուծության հետագա զարգացման միջոցառումների և կոլտնտեսականների կողմից պետությունն անասնապահական մթերքների պարտադիր հանձնումների նորմաների իջեցման մասին» որոշման մեջ, որը բխում է ՍՄԿՊ Կենտկոմի Սեպտեմբերյան պլենումի որոշումներից, տալիս է՝ «Դատապարտել առանձին ղեկավարների ոչ ճիշտ վերաբերմունքը ձիաբուծության նկատմամբ, որոնք կարծում են, թե ներկայումս մեքենայացման աճի կապակցությամբ ձին կորցրել է իր նշանակությունը գյուղատնտեսության մեջ, այնինչ նույնիսկ կոմպլեքսային մեքենայացման դեպքում գյուղատնտեսական և տրանսպորտային շատ աշխատանքներ, ինչպես նաև կոլտնտեսականների անձնական կարիքների սպասարկման աշխատանքներն ավելի ռացիոնալ կլինի կատարել լծկանով»:

Այսպիսով, ՍՍՌՄ պլանային տնտեսության պայմաններում ձին չի հակադրվում մեքենային, տրակտորին, ինչպես դա տեղի ունի կապիտալիստական տնտեսություններում, այլ լրացնում է նրանց աշխատանքը, դարձնելով այն ավելի էֆեկտիվ:

ՍՍՌՄ գյուղատնտեսության մեջ ձիերը շատ քիչ են օգտագործվում, որովհետև քաշող ուժի մեծ մասը կազմում են եզները: Նման դրությունը չի կարելի հանդուրժելի համարել այն տեսակետից, որ պարտիայի 19-րդ համագումարի դիրեկտիվների և ՍՄԿՊ Կենտկոմի Սեպտեմբերյան պլենումի որոշման համաձայն կոլտնտեսություններում խոշոր եզերավորների նախրում կովերի տեսակարար կշիռը պետք է մեծ չափով բարձրացնել: Մյուս կողմից պետք է ի նկատի

ունենալ և այն, որ ձին իր արտադրողականությանը զգալի չափով գերազանցում է եղանքը:

Նդնիրի քանակի կրճատումը ռեսպուբլիկայում պետք է ընթանա առաջին հերթին դյուդատնտեսության հետադա մեքենայացման միջոցով և ապա, ըստ հնարավորության, եզր ձևով փոխարինելու հանապարհով:

Ձին բաժակահին մեծ նշանակություն ունի նաև արդյունաբերության մեջ՝ բնոների տեղափոխման համար: Առանձնապես ձիերը լայնորեն օգտագործում են անտառների խորքերից անտառանյութերը դեպի երկաթգծերը և գետարեւոանները տեղափոխելու համար: ՍՍՍՖ-ում ձին օգտագործվում է նաև սպորտի ասպարեզում:

Ձիու սպորտով զբաղվող երիտասարդները դառնում են ամենի առողջ ու ամրակազմ, հարպիկ, և նրանց մեջ զարգանում է համարձակությունը, վճռականությունը և կամքը:

Մեզ մոտ ձիերը որոշ նշանակություն ունեն և բուժման գործում: Նրանց կաթից պատրաստված կումիսը կարևոր նշանակություն ունի որոշ հիվանդությունների, մանավանդ թոքային հիվանդությունների բուժման համար: Այդ նպատակի համար ՍՍՍՖ-ում գոյություն ունեն կումիսով բուժելու հատուկ սանատորիաներ:

Ժողովրդական տնտեսության համար նշանակություն ունի նաև ձիու միսը, կաշին, մազը և այլն: Ձիու աղբը հանդիսանում է լիարժեք պարարտանյութ և լայնորեն օգտագործվում է մեր դաշտերի պարարտացման և ջերմոցների համար: Ձիերն ունեն նաև այն նշանակությունը, որ էշերի հետ տրամախաչելիս ստացվում են ջորիներ, որոնք ժողովրդական տնտեսության համար որոշ նշանակություն ունեն:

ՍՄԿՊ Կենտկոմի Սեպտեմբերյան պլենումի որոշումների համաձայն, ձիաբուծության հետադա զարգացումը պետք է ընթանա ձիերի որակի բարձրացման և նրանց ռացիոնալ օգտագործման ուղիով: Այս առթիվ ՍՍՍՖ Մինիստրների Սովետի և ՍՄԿՊ Կենտկոմի վերահիշյալ որոշման մեջ ասված է՝ «Դանելով որ ձիաբուծության զարգացման ասպար-

րեզում գլխավոր խնդիրը գլխաքանակի որակական բարե-
լավումն է, այսուհետև աննպատակահարմար համարել
ձիերի գլխաքանակի աճի առաջադրանքների սահմանումը
մարզերի, երկրամասերի և ռեսպուբլիկաների ժողովրդա-
տնտեսական պլաններում»։ Նույն որոշման մեջ ասված է նաև՝
«Ռեսպուբլիկաների Միության Սովետներին, մարզպետ-
կոմներին ու երկրպետիկոմներին իրավունք վերապահել,
սկսած 1954 թվականից, ձիերի գլխաքանակի դժով առաջա-
դրանքներ տալ շրջաններին ու կոլտնտեսություններին, ել-
նելով կոլտնտեսությունների՝ լձկանի պահանջներից»։

ՉԻՆԻԻ ԾԱԳՈՒՄԸ ԵՎ ԷՎՈԼՅՈՒՑԻԱՆ

Ընտանի ձիերն առաջացել են վայրի ձիերից, հազարավոր տարիներ մեզանից առաջ:

Բազմաթիվ ուսումնասիրություններով պարզվել է, որ հին ժամանակներում վայրի ձիերը լայն կերպով տարածված են եղել ինչպես նվրդալայտ, այնպես էլ Ասիայի մայր յամաքներում:

Ներկայումս վայրի ձիերը պահպանվել են միայն Մոնղոլիայում՝ այսպես կոչված Պրժևալսկու ձին: Վերջինս ընտանի ձիերի հետ տրամախաշելիս տալիս է պտղատու (բեղում) սերունդ: Ընտանի ձին սկզբնական շրջանում շատ քիչ էր տարբերվում իր վայրի նախահայրերից, բայց մարդու կողմից անընդհատ տարվող աշխատանքի շնորհիվ նա աստիճանաբար փոխվել է և կազմել առանձին ցեղեր, որոնք մարդու համար հանդիսանում են որպես արտադրամիջոց:

Այսպիսով, ձիերի ցեղերը ստացվել են աստիճանաբար՝ կերակրման, խնամքի, պահվելու, նրանց աշխատանքի մեջ օգտագործելու և արհեստական ընտրության հետևանքով բնական պայմանների որոշ ներգործության տակ:

Ձիերի նոր ցեղեր ստանալիս մարդը միշտ էլ ելել է իր տնտեսական շահերից, որոնք տարբեր հասարակատնտեսական ֆորմացիաներում միևնույնը չեն եղել: Այսպես, օրինակ՝ շատ հին ժամանակներում (ստրկատիրական շրջանում) ձիերը գլխավորապես օգտագործում էին պատերազմների մղելու համար և որպես փոխադրամիջոց. դրա շնորհիվ էլ ձիերի ցեղերը ծառայում էին գլխավորապես հեծնելու համար: Այս դրությունը շարունակվել է մոտավորապես մինչև կապիտալիզմի զարգացումը, երբ պահանջ է առա-

չացել լծելու ծանր տիպի ձիերի՝ ինչպես քաղաքում՝ բնակե-
ր տեղափոխելու, այնպես էլ գյուղատնտեսություն մեջ օգտա-
գործելու համար:

Սոցիալիստական տնտեսության պայմաններում ձիերի
նոր ցեղեր ստանալու համար ստեղծված են լայն հնարավո-
րություններ: Եթե կապիտալիզմի վարդապետն շրջանում
ինչպես և նրանից առաջ, նոր ցեղեր ստացվում էին տա-
նյակ տարիներ անտիստեմ տարվող աշխատանքից հետո,
այս մեր սոցիալիստական տնտեսության պայմաններում
ցեղերը ստացվում են նախագծված պլանի համաձայն, օգ-
տագործելով սովետական ագրոփոլոգիական գիտություն և
պոլյովյան ֆիզիոլոգիայի նվաճումները: Այդ բանի շնորհիվ
վերջին 20—30 տարիների ընթացքում ՍՍՄՄ-ում ստացվել
են ձիերի մի շարք հայրենական նոր ցեղեր, որոնք իրենց
տնտեսապես օգտավետ հատկություններով դերապանցում են
մինչև այժմ հղած ցեղերին: Այդպիսի ցեղերի շարքին են
պատկանում՝ վյադիմիրովյան ծանրաքառշ ձին, բուդյոնո-
վյան և տերսկի ցեղը, ռուսական վարզունը և այլ ցեղեր:
Տարիների ընթացքում ՍՍՄՄ-ում պլանային կարգով տե-
ղական ցածրորակ ցեղերը լավացվել են բարձրորակ ցեղերի
հետ տրամախաչելու միջոցով, զրա հետևանքով մեր մի
շարք շրջաններում առաջացել են մեծ քանակությամբ խառ-
նածին ձիեր: Ներկայումս այդ խառնածին ձիերի հետ տար-
վում է խորացրած առհմային աշխատանք՝ նրանցից հայրե-
նական նոր բարձրորակ ցեղեր ստանալու նպատակով: Ան-
հրաժեշտ է, որ նոր ստացվելիք ձիերի ցեղերը լինեն բարձր
արտադրողականությամբ և համակերպված լինեն տեղային
բնական պայմաններին:

ԳԼՈՒԿ 2.

ԶԻԵՐԻ ԿՈՆՍՏԻՏՈՒՅԻԱՆ ԵՎ ԷՔՍՏԵՐՅԵՐԷ

ԿՈՆՍՏԻՏՈՒՅԻԱ

Կոնստիտուցիան դա կենդանու օրգանիզմի անատոմո-
ֆիզիոլոգիական առանձնահատկությունների միակցությունն
է. այդ առանձնահատկությունները պայմանավորված են

նրա ժառանգականությամբ և անհատական զարգացման պայմաններով ու կապված են արտադրողականության բնութ-
թի և արտաքին զրգուիչների նկատմամբ օրգանիզմի ցուցա-
բերած վերաբերմունքի հետ:

Գլուպտանահասական կենդանիների կոնստիտուցիայի ու-
սումնասիրության և նրա կլասիֆիկացիայի հարցերով
զբաղվել են սովետական մի շարք աշխատավոր գիտնական-
ներ, ինչպես, օրինակ, պրոֆեսորներ Կուլեշովը, Բոդոանովը,
ախագիմիկոս Իվանովը և ուրիշները:

Նրանց ուսումնասիրությունները պարզել են, որ ձիերի
տարրեր ուղղության ցիկլերի կոնստիտուցիան միակերպ չի
լինում, այլ յուրաքանչյուր ուղղության համար բնորոշ է
սրույն կոնստիտուցիան տիպ:

Պրակտիկայում օգտվում են պրոֆ. Պ. Ն. Կուլեշովի և
պրոֆ. Ն. Ա. Բոդոանովի կլասիֆիկացիայից:

Այդ կլասիֆիկացիայի համաձայն տարբերվում են հե-
տևյալ կոնստիտուցիոն տիպերը՝ 1. նուրբ, 2. կոպիտ, 3.
փուխը կամ խոնավ և 4. խիտ կամ չոր:

Ն ու ռ ը կ ո ն ս տ ի տ ու ջ ի ո ն տիպի ձիերի ոսկրա-
կազմը (կամխորը) լինում է նուրբ, գլուխը փոքր, ոտքերը
բարակ, աչքային կոնստիտուցիա ունեցող ձիերի բուն մաշ-
կը լինում է բարակ, մազերը՝ նուրբ, տնայես, որ եթե կոնս-
տիտուցիան միևնույն ժամանակ չոր է, ապա արջան անոթ-
ներն արտաքինից ակնհայտ կերպով երևում են:

Կ ո պ ի տ կ ո ն ս տ ի տ ու ջ ի ո ն տիպի ձիերի ոսկրա-
կազմը լինում է կոպիտ, գլուխը մեծ, ոտքերը հաստ, նրանց
բուն մաշկը ինչպես և մազերը լինում են կոպիտ, իսկ մկան-
ները՝ բավականին մեծածավալ:

Խ ո ն ա վ կ ա մ փ ու խ ը կոնստիտուցիա ունե-
ցող ձիերի ենթամաշկը շատ լավ է զարգացած, նրանց բա-
շի, պոչի և ոտքերի ստորին մասի մազերը սովորաբար
առատ են լինում, մկանները լավ են զարգացած, բայց չոր
չեն, աչքինքն նրանց մեջ ճարպը շատ է. ոտքերի ջիլերը և
հոդերն արտաքինից լավ չեն նկատվում. սմրակների եղջե-
րանյութը մեծ մասամբ ամուր չի լինում: Խոնավ կոնստի-

տուցիայի ձիերը ընդունակ են իրենց օրգանիզմում (ենթամաշկում, մկանների միջև և որովայնային խոռոչում) կուտակելու մեծ քանակությամբ ճարպ: Նրանց տեմպերամենտը (խառնվածքը) աշխույժ է:

Խիտ կամ շոր կոնստիտուցիայի ձիերի ենթամաշկը շատ թույլ է զարգացած, որի հետևանքով ոտքերի ջիլերը և հոդերն արտաքինից ակնհայտ երևում են, բաշի և պոչի մազերն առատ չեն, ոտքերի ստորին մասում երկար մազերը կամ բացակայում են, կամ էլ շատ աննշան են զարգացած: Չոր կոնստիտուցիայի ձիերն ընդունակ չեն իրենց օրգանիզմի մեջ (ենթամաշկում, մկանների միջև և որովայնի խոռոչում) կուտակելու մեծ քանակությամբ ճարպ: Սովորաբար նրանց տեմպերամենտը լինում է աշխույժ:

Թացի նշված կոնստիտուցիոն տիպերից ակադեմիկոս



Նկ. I. Հեծնելու տիպի ձի, որի կոնստիտուցիոն շոր է և նորրա:

Մ. Ֆ. Իվանովը տարրերում է նաև ամուր կոնստիտուցիա: Լեյսպիտի կոնստիտուցիայի ձիերը լինում են ամրակազմ, դիմացկուն, աշխատանքի մեջ՝ տոկուն և բարձր կենսունակությամբ:

Հեծնելու սրընթաց ձիերին յուրահատուկ է չոր և նուրբ կոնստիտուցիա, ծանր լծելու ձիերին՝ խոնավ և կռպիտ կոնստիտուցիա: Կան ցեղեր, որոնք ըստ իրենց կոնստիտուցիոն տիպի, նշված ծայրահեղ տիպերի մեջ կարծես միջին տեղն են գրավում, ինչպես, օրինակ՝ վարզունները (լծելու թեթև ձիեր), կամ հեծնելու և ծանրաքարշ ձիերի խառնածինները և այլն:



Նկ. 2. Մանրաքարշ տիպի լծելու ձի, որի կոնստիտուցիան
խոնավ է և կռպիտ:

Էքստերյեր կոչվում է կենդանու արտաքին տեսքը: Էքստերյերի նշանակությունը անասնաբուծության, հատկապես ձիաբուծության մեջ շատ մեծ է:

Էքստերյերի միջոցով որոշում են ձիու տիպը (ուղղություն) և կոնստիտուցիան: Ձիու տոհմային գնահատականը տալիս՝ ծագման, արտադրողականության և սերնդի սրահի հետ միասին հաշվի է առնվում նաև նրա էքստերյերը, որը հնարավորություն է տալիս մեզ տոհմի համար թողնել առողջ, արատներից զուրկ, ամրակազմ և ցանկալի տիպի կենդանիներ: Բացի դրանից, էքստերյերի միջոցով մենք որոշ գաղափար ենք կազմում ձիու արտադրողականության մասին: Ձիու ցեղը որոշելիս ճշգրիտ տվյալների բացակայության դեպքում հաշվի են առնում նրա էքստերյերը:

Էքստերյերի միջոցով կարելի է նաև ճշտությամբ որոշել ձիու տարիքը և կենդանի քաշը: Ձիուն ըստ էքստերյերի գնահատելիս նկատի են ունենում հետևյալը.

ա) Ս ե ո լ: Համբիկների և հովատակների էքստերյերի գնահատման ժամանակ նույն մոտեցումը չպետք է ունենալ, քանի որ նրանք միշտ էլ միմյանցից տարբերվում են երկրորդական սեռական նշաններով: Այսպես՝ հովատակը դարիկից ավելի խոշոր է, նրա կոնստիտուցիան կոպիտ է, առջևի մասը ավելի լավ է զարգացած, քան հետևի մասը, իրանը համեմատաբար ավելի կարճ է և ալի:

բ) Տ ա ր ի ք ը: Ըստ իր էքստերյերի մտքովը և առհասարակ մատղաշը խիստ կերպով տարբերվում է չափահաս ձիուց, նա լինում է հարաբերական իմաստով ավելի բարձրահասակ, կարճիրան և նեղ մարմնով:

գ) Տ ի պ ը: Տարբեր ուղղության (հեծնելու, ծանրաքաշ, վարդուն) ձիերի էքստերյերը միեկույնը չի լինում, դրա համար էլ ձիերը ըստ էքստերյերի գնահատելիս միեկույն մոտեցումը չենք կարող ունենալ. այն, ինչ որ լավ է մեկ տիպի համար, կարող է մեկ ուրիշ տիպի համար վատ համարվել:

Ձիու էքստերյերը ուսումնասիրում են նկարագրության և շափումների միջոցով, որպես լրացուցիչ մեթոդ՝ օգտագործվում է նաև լուսանկարումը:

Ձիուն ըստ էքստերյերի գնահատելիս անհրաժեշտ է երկու մեթոդն էլ օգտագործել, այսինքն՝ յուրաքանչյուր ձիուն պետք է նկարագրել և չափել, իսկ հնարավորության դեպքում՝ նաև լուսանկարել:

ՉԱՓՈՒՄՆԵՐ

Չափումները կատարում են շափածոդով, կարկինով և ժապավենով (ռուկակայով):

Ճիշտ ավյալներ ստանալու համար, շափումներ կատարելիս անհրաժեշտ է, որ ձին կանգնած լինի հարթ և հորիզոնական տեղում, գլուխն ուղղած դեպի առաջ և ոտքերի դրվածքը լինի ճիշտ: Էքստերյերի մանրազնին ուսումնասիրությունների ժամանակ մեծ թվով շափումներ են կատարում, բայց գործնական անասնապահության համար բավական է իմանալ հետևյալ շափումները.

1. Ձիու բարձրությունը՝ մեղավի ամենաբարձր կետից ուղղահայաց մինչև գետին:

2. Ձիու բարձրությունը՝ մեջքի ամենացածր կետից ուղղահայաց մինչև գետին:

3. Ձիու բարձրությունը՝ սրբանի ամենաբարձր կետից մինչև գետին:

4. Իրանի թիք երկարությունը՝ բազկա-թիակային հոդից մինչև նստոսկրի հետին ըլրիկը:

5. Կրծքի խորությունը՝ մեղավի և կրծոսկրի միջև, թիակների հետին անկյունների դժով: Նշված հինգ շափումները վերցնում են շափածոդով:

6. Կրծքի փաթը շափում են թիակների հետին անկյունները շոշափելով:

7. Ենթադաստակի փաթը շափում են ենթադաստակի վերին $\frac{1}{3}$ մասի ստորին եզրում:

Այս երկու չափումները (6-րդ և 7-րդ) կատարում են ժապավենով:

8. Գլխի երկարությունը չափում են ծոծրակային կատարից մինչև ունդների (քթանցքերի) ստորին անկյունները միացնող գծի մեջտեղը:

9. Ծակատի լայնությունը չափում են ականակապիճների ամենահեռու կետերում:

10. Կրծքի լայնությունը չափում են բազկա-թիակային հոդերի ամենահեռու կետերում:

11. Գավակի լայնությունը չափում են զստոսկրների ցցանքների ամենահեռու կետերում:

Նշված 4 չափումները (8, 9, 10, 11) կատարում են կարկինով:

Մեծ թվով ձիերի չափումների տվյալները ամփոփում են և մշակում հատուկ ձևով, օրինակ, դուրս են բերում միջին թվաբանական: Սակայն միայն բացարձակ չափումները լրիվ պատկերացում չեն կարող տալ ձիու էքստերյուրի, նրա մարմնամասերի զարգացած լինելու աստիճանի մասին, դրա համար էլ բացարձակ չափումներից բացի, դուրս են բերում նաև հարաբերական չափումներ՝ ինդեքսներ: Ինդեքս կոչվում է մի չափումի հարաբերությունը մյուսին՝ արտահայտած տոկոսներով:

Որպես օրինակ կարելի է բերել հետևյալ ինդեքսները՝
1. $\text{Մարման իրաված ու թվան ինդեքսը}$

$$\frac{\text{Խափի երկարություն}}{\text{Մնդավի բարձրություն}} \times 100$$

Այս ինդեքսը ցույց է տալիս իրանի երկարության աստիճանը: Լծելու ձիերի մոտ այս ինդեքսն ավելի մեծ է, քան հեծնելու ձիերինը, հետևապես նրանց իրանն ավելի ձգված է:

2. $\text{Լայն իրան ու թվան ինդեքս}$

$$\frac{\text{Կրծքի փաթ}}{\text{Մնդավի բարձրություն}} \times 100$$

Այս ինդեքսը բնորոշում է ձիու հարաբերական լայնիրանությունը և մաստիվությունը:

3. Ոսկրայնության ինդեքս.

$$\frac{\text{Ենթադաստակի փաքը}}{\text{Մնդավի բարձրություն}} \times 100$$

Ոսկրայնության ինդեքսը բնորոշում է ոսկրակազմի (կմախքի) կոպտության աստիճանը և ձիու կոնստիտուցիայի ամրության ցուցանիշներից մեկն է հանդիսանում:

Գ ա վ ա կ ի ի ն դ ե ք ս .

$$\frac{\text{Գավակի լայնություն}}{\text{Գավակի երկարություն}} \times 100$$

Այս ինդեքսը ցույց է տալիս գավակի լայնության աստիճանը, որը գամբիկների մոտ սովորաբար ավելի մեծ է լինում:

4. Մ ե ծ դ լ խ ա ն ի ու թ յ ա ն ի ն դ ե ք ս .

$$\frac{\text{Գլխի երկարություն}}{\text{Մնդավի բարձրություն}} \times 100$$

Այս ինդեքսի արժահայտությունը ավելի փոքր է լինում սրունիաց ձիերի մոտ:

ԶԻՈՒ ԷՔՍԵՐՅԵՐԻ ԲՆՈՒԹԱԳՐՈՒՄԸ՝ ԱՌԱՆՁԻՆ ՄԱՐՄՆԱՄԱՍԵՐԸ ԶՆՆԵԼՈՒ ԵՎ ՆԱՄՐԱԳԵԼՈՒ ՄԻՋՈՅՈՎ

Զիու էքստերյերն ըստ առանձին մարմնամասերի ճիշտ կերպով բնութագրելու համար անհրաժեշտ է ունենալ քափականին մեծ փորձ, այսինքն կարողանալ նկատել ձիու արտաքին ամենափոքր նրբությունները:

Յ-րդ նկարում ցույց են տրված ձիու առանձին մարմնամասերը և բերված են նրանց անունները:

Զիու գնահատումը ըստ էքստերյերի պեսք է կատարել որոշ հաջորդականությամբ: Ամենից առաջ անհրաժեշտ է

ձիուն գննել շարժման ժամանակ, հետո նրան պետք է կանգնեցնել հարթ տեղում և, նրանից հեռանալով 6—8 քայլ, որոշել նրա բնդհանուր զարգացումը և մարմնակազմի ներդաշնակությունը: Դիտումը սկսում են գլխից, հետո անցնում են պարանոցի, իրանի և վերջավորությունների ղնահատմանը:




Նկ. 3. Ձիու մարմնամասերը

1—վերին և ստորին շրթունք, 2—ոտնգնեղ, 3—դունչը, 4—քիթը, 5—հակառ, 6—աչքերը, 7—ականջները, 8—ստորին ծնոտի հետևի անկյունները, 9—կոկորդը, 10—պարանոցի կատարը և բաշը, 11—ծոծրակը, 12—մեղավը, 13—թիակը, 14—բաղկաթիակային բլրիկը (թուփը), 15—ուսը, 16—արմունկը, 17—ենթաբազուկը, 18—դաստակը, 19—ենթադաստակը, 20—կապը կամ բխավը, 21—ամբակը, 22—շագանակները, 23—մեջքը, 24—գոտկատեղը, 25—զավակը, 26—պուշը, 27—զատոսկրների ջցանքները, 28—նստոսկրի բլրիկը, 29—կողերը, 30—որովայնը, 31—ամորձիների փոշտը, 32—ծունկը, 33—զավակի մկանները, 34—ազդը, 35—սրունքը, 36—ցատկիչ հոգը և կրունկը (զարշապարը), 37—նախազարշապարը, 38—խոզանակները (կոճղամագերը), 39—ձիու բարձրության չափումը՝ մեղավից մինչև գետին, 40—իրանի թեք երկարության չափումը, 41—կրծքի փաթի չափումը, 42—ենթադաստակի փաթի չափումը:

Գլուխը կարող է լինել տարբեր մեծության. հեծելու ձիերի գլուխը լինում է համեմատաբար փոքր, թեթև, քանի որ նրանց կոնստիտուցիան նուրբ է, իսկ ծանրաքարշ ձիերինը, ընդհակառակը՝ մեծ, որը կոնստիտուցիայի կոպտության ցուցանիշ է: Վարդունների գլուխը բավականին փոքր է, բայց ավելի մեծ, քան հեծնելու ձիերինը: Ցանկալի է, որ բոլոր տիպի ձիերի գլուխը լինի շոր, աչքինքն ենթամաշկը լինի թույլ զարդացած, արյան անոթներն ու Ֆկանները արտահայտված: Արընթաց ձիերի գլուխը ավելի շոր է լինում, քան ծանրաքարշներինը: Գլխի պրոֆիլը կարող է լինել ուղիղ, գոգավոր, ուռուցիկ կամ սապատավոր: Ընդ որում՝ կարող է ուռուցիկ լինել միայն հակառակ կամ քիթը, և կամ ամբողջ դիմադիծը:

Ականջները լինում են տարբեր մեծության ու ձևի. լավ



Նկ. 4. Ձիու գլխի պրոֆիլը՝ ա) ուղիղ, բ) գոգավոր, գ) թեթևակի ուռուցիկ, դ) ուռուցիկ կամ սապատավոր:

են համարվում ոչ մեծ, նուրբ, ցլված, շարժուն ականջները. վատ է, երբ ականջները շատ մեծ են, հաստ, և մաշված, կախված:

Ցանկալի է, որ բոլոր տիպի ձիերի աչքերը լինեն խուշոր, փալլուն, մուգ գույնի և աշխույժ, բայց ոչ շարահասաց, ալդպիսի աչքերն ավելի բնորոշ են սրբնիաց ձիերին: Եթե ձին առանց օգտակարի անընդհատ ականջները շարժում է, ապա դա մեծ մասամբ տեսողության թուլության ցուցանիշ է:

Ձիու ոտնոցները (քթանցքերը) պետք է լինեն լայն, իսկ լորձաթաղանթը՝ փարդադույն և մաքուր, հարթ: Առանձնապես լայն են լինում սրբնիաց ձիերի ոտնոցները: Բայց եթե ոտնոցները չափազանց լայնացած են, ապա դա թոքերի էնֆիզեմալի (լայնացման) ցուցանիշ է: Քթանցքերից հոսող թափալին լորձը կարող է լորձաթաղանթի բորբոքման կամ դեղձատապ, և մինչև անգամ խլախտ հիվանդությունների հետևանք լինել:

Ձիու գլուխը գիտելիս անհրաժեշտ է ուշադրություն դարձնել նրա շրթունքների, լեզվի և առամների վիճակի վրա: Ձիուն կոպիտ կերպով և սխալ սանձահարելու հետևվանքով, շրթունքների անկյունները կարող են պատվածքներ ունենալ կամ շատ կոշտացած լինել, որոնք կդժվարացնեն նրա ճիշտ ղեկավարումը:

Վնասված, վիրավոր լեզուն խանգարում է ձիուն նորմալ կերպով սնվել: Երբեմն ձիու սեղանատամները անկանոն են մաշվում, որի հետևանքով նրանց սուր ծայրերը վիրավորում են ալտերը, լնդերը և լեզուն: Այսպիսի դեպքերում հարկավոր է հատուկ գործիքով խարտել առամների սուր ծայրերը:

Ձիու բերանը զննելիս անհրաժեշտ է ուշադրություն դարձնել նաև ստորին ծնոտի անատամ եզրերի վրա: Կավ է համարվում, երբ անատամ եզրերը սուր չեն և նրանց դադաթը լեզվի մակերեսից փոքր ինչ բարձր է. այս դեպքում սանձը սեղմում է ինչպես անատամ եզրի, այնպես էլ լեզվի վրա, որի հետևանքով ձին սուր ցավ չի զգում և նրան դե-

կալվարելը հեշտ է լինում: Եթե անատամ եղբերը շատ ցածր են լինում, ապա սանձը սեղմում է միայն լեզվին և ձին դժվար է սանձահարվում, իսկ եթե ստորին ծնոտի անատամ եղբերը լինում են շատ բարձր, ապա սանձը ձգելիս ձին սուր ցավ է զգում, որի պատճառով միշտ անհանգիստ վիճակում է լինում:

Անհրաժեշտ է նաև ուշադրություն դարձնել ստորին ծնոտի ոսկորների հետին անկյունների միջտարածության վրա: Լավ է համարվում, երբ այդ տարածությունը մեծ է լինում, ինչպես, օրինակ, սրընթաց ձիերի մոտ: Այս դեպքում ձին ավելի ազատ է շնչում:

Ցանկալի է, որ ձիու ծոծրակը լինի երկար և բավականաչափ լայն, մանավանդ հեծնելու ձիերի մոտ, քանի որ աչք դեպքում ձիերն ավելի հեշտությամբ են իրենց մարմնի ծանրության կենտրոնը տեղափոխում դեպի հոտ, առանց գլուխը բարձրացնելու:

Մեծ նշանակություն ունի այն, թե ինչպիսի անկյան տակ է ձիու գլուխը միանում պարանոցի հետ: Լավ է համարվում այնպիսի միացումը, երբ գլխի առանցքը հորիզոնի հետ կադմում է 45° անկյուն, որի դեպքում գլխի և պարանոցի միացման տեղում կողքից նկատվող ակոսի լայնությունը հավասար է լինում 4 սմ, կամ ադամարդի երկու մատների հաստությանը: Այս դեպքում ձին գլուխը լավ է պահում, նրա տեսողության հորիզոնը լայն է լինում, և նրան սանձահարելը դժվար չի լինում:

Պարանոցը (վիզը) լինում է տարբեր երկարության և հաստության: Սրընթաց ձիերի պարանոցը երկար է և բութ: Երկար պարանոցը նպաստում է արագավազությանը՝ ձիու ծանրության կենտրոնն ավելի մեծ չափով դեպի առաջ տեղափոխելուն օժանդակելով: Մանրաքարշ ձիերին բնորոշ է կարճ և հաստ պարանոց, դա ապահովում է ձիու առջևի մասի ավելի ծանրակշիռ լինելը և նպաստում է բեռ քաշելուն:

Ըստ ձևի պարանոցը լինում է՝ ուղիղ, կարապի և եղջերուի պարանոցի նման: Կարապի պարանոցը բնորոշ է

նրանով, որ նրա վերևի գիծը (կատարը) ուղուցիկ է, իսկ ստորինը՝ կոր, գոգավոր՝ կարապի պարանոցի նման, եղջերուի պարանոցի դեպքում, ընդհակառակը՝ պարանոցի վերևի գիծը լինում է գոգավոր, իսկ ստորինը՝ ուղուցիկ: Ուղիղ պարանոցի ժամանակ, ինչպես վերևի, այնպես էլ ստորին գիծը լինում է ուղիղ: Ամենից լավ համարվում է ուղիղ պարանոցը, որի դեպքում ձիու շնչառությունը ավելի ազատ է լինում և գլխի միացումը պարանոցի հետ՝ ավելի հաշտ: Մովորաբար լավագույն կուլտուրական ցեղերի ձիերի պարանոցը լինում է ուղիղ, ինչպիսին է դարչուն հեծնելու արաբական, բուլղոնովյան ցեղերի պարանոցը: Եղջերուի պարանոցը ավելի հաճախ պատահում է տափաստանային (մոնղոլական) տիպի ձիերի մոտ, այսպիսի պարանոց ունեցող ձիերը գլուխը լավ չեն պահում և դժվար են դառնում: Կարապի պարանոցը ավելի հազվադեպ է, նա դեղեցիկ է, բայց կարող է շնչառությունը դժվարացնել, այսպիսի ձիերը գլուխը լավ են պահում և սովորաբար ավելի հեշտ են սանձահարվում:



Նկ. 5. 1) Ուղիղ պարանոց. 2) Կարապի պարանոց. 3) Եղջերուի պարանոց.

Ուշադրություն են դարձնում նաև պարանոցի զրվածքի վրա. այսինքն՝ նրա իրանի հետ միանալու վրա: Տարբերում են՝ 1) բարձր զրվածք, երբ շնչափողը կրճքի վանդակն է մտնում բազկաթիակային հոդերը միացնող գծից վերև, 2) միջակ, երբ շնչափողը նշված գծի վրայով է ներս մտնում և 3) ցածր զրվածք, երբ այդ գծից ցածր է ներս մտնում:

Ամենից լավ համարվում է միջակ գրվածքը: Յածր գրված պարանոցը հանդուրժելի է լծելու ձիերի մոտ, իսկ պարանոցի բարձր գրվածքը համեմատաբար լավ է հեծնելու ձիերի համար:

Մեղավր միացնում է պարանոցի կատարը մեջքի հետ լավ է համարվում, երբ նա անցնում է իր ծալքերով դեպի պարանոցի կատարը և մեջքը՝ աստիճանաբար:

Մեղավր գնահատում են ըստ բարձրության, երկարության և լայնության: Հեծնելու ձիերին և վարժուններին յուրահատուկ է բարձր, նեղ և երկար մեղավր: Այսպիսի մընդավն ունենալով երկար մկաններ, նպաստում է արագավազությանը և թույլ չի տալիս, որ թամբը սահի դեպի առաջ: Մանրաբարչ ձիերի մեղավր լինում է կարճ, լայն և ցածր. այդպիսի մեղավր նրանց արտադրողականությանը չի խանգարում:

Մեջքը պետք է լինի ամուր, լավ զարգացած մկաններով: Բացի դրանից մեջքը գնահատում են ըստ երկարության, լայնության և ձևի:

Հեծնելու ձիերի մեջքը լինում է ավելի կարճ, քան լծելու ձիերինը. կարճ մեջքն ունի այն առավելությունը, որ ավելի ամուր է և, որ ձիու ընթացքի ժամանակ շարժումներն ավելի արագ կերպով հետևի վերջավորություններից հաղորդվում են ձիու առջևի մասին, արագացնելով նրա շարժումները: Մանրաբարչ և առհասարակ լծելու տիպի ձիերի մեջքն ավելի երկար է լինում, որը նրանց արտադրողականության վրա բացասաբար չի անդրադառնում: Թեև հեծնելու ձիերի մեջքը, լծելու ձիերի մեջքի հետ համեմատած, ավելի նեղ է լինում, բայց և այնպես շատ նեղ մեջքը լավ չի համարվում նաև հեծնելու ձիերի համար: Թույր տիպի ձիերի համար լավ է համարվում ուղիղ մեջքը, որովհետև նա ամուր է լինում: Հեծնելու ձիերի մոտ ուղիղ մեջքը նպաստում է նաև արագավազությանը այն իմաստով, որ այս դեպքում շարժումները հետևի վերջավորություններից ավելի կարճ տարածությամբ են հաղորդվում ձիու առջևի մասին: Մեծ սլակասություն է համարվում, եթե ձիու մեջքը

գոգավոր է (կախ ընկած, թամբաձև), աչքայիսի մեջքը թույլ է լինում: Այս տեսակետից առանձնապես խստապահանջ պետք է լինել արտադրող հովատակների նկատմամբ, որովհետև թույլ մեջք ունեցող արտադրողները մի կողմից դուրավորումը լավ չեն կատարում, իսկ մյուս կողմից թույլ կոնստիտուցիան կարող է փոխանցվել սերնդին, իսկ ինչպես հայտնի է, հովատակը անհամեմատ ավելի մեծ թվով սերունդ է տալիս, քան դամբիկը: Վատ է նաև ուռուցիկ (սապատավոր) մեջքը, որը թեև ամուր է լինում, բայց կաշկանդում է ձիու սպառ շարժումները, հաճախ թամբից նրավրա վերքեր են առաջանում, և աչքայիսի ձիերը հաճախ հետևի ոտքերը խփում են առջևի ոտքերին:

Գոտկատեղը մեջքը միացնում է սրբանի հետ: Բոլոր տիպի ձիերի համար ցանկալի է լայն, կարճ, ուղիղ, կամ քիչ ուռուցիկ և լավ զարգացած գոտկատեղ: Առանձնապես



Նկ. 6. Լավ զարգացած մեղավ ունեցող հովատակ:

Վարձ է լինում հեծնելու ձիերի գոտկատեղը, որպիսին նպաս-
տում է նրանց արագավազությանը:

Վատ է նեղ, երկար և դողալոր գոտկատեղը:

Կավակը լինում է տարբեր երկարության. հեծնելու
արընթաց ձիերի գավակն ավելի երկար է լինում, որը ցույց
է տալիս այդ հատվածի մկանների լավ զարդացվածությունը
և որից դրանի շարժում կախված է ձիու շարժման արագու-
թյունը: Բոլոր տիպի ձիերի համար ցանկալի է լայն գավա-
կը, բայց սովորաբար այն ավելի լայն է լինում ծանրա-
բարձրի մոտ: Ուշադրություն պետք է դարձնել նաև գավակի
ողղության վրա: Ընդհանուր առմամբ ծանրաբարձ ձիերի
գավակը ավելի մեծ շարժում է թերված լինում, քան հեծնե-



Նկ. 7. Թամբաձև մեղր ունեցող ձի:



Եկ. 7-րդ. Սաղատատիւր միջր ունեցող ձի:

յու ձիերին: Տանիքածն գավաղը նրա նեղ լինելն է ցույց տալիս և մեծ թերութիւնն է համարուում բոլոր տիպի ձիերի համար: Ծանրաքարշ ձիերի մոտ երբեմն գավաղը լինում է երկրածան:

Պոչը: Տարբերում են պոչի բարձր և ցածր դրվածք. հեծնելու տիպի ձիերի պոչը սովորաբար ավելի բարձր է դրված լինում և շարժման ժամանակ նրա մագերը հեռու են մնում մարմնից. պոչի ցածր դրվածքը ամենից շուտ պատահում է ծանրաքարշ ձիերի մոտ:

Բոլոր տիպի ձիերի համար ցանկալի է, որ կրծքի վանդակը մեծածավալ լինի: Կրծքի վանդակի ծավալը կախում է նրա լայնութիւնից, խորութիւնից և երկարութիւնից: Սրբնթաց ձիերին բնորոշ է համեմատաբար ավելի նեղ, բայց խորը կուրծքը, որի դեպքում առջևի վերջավորութիւնների շարժումներն ավելի ազատ են լինում և շարժման ժամանակ օդի դիմադրութիւնն ավելի պակաս է լինում:

Ծանրաքարշ ձիերի կուրծքը, ինչպես և ամբողջ իրանը լինում է լայն և ավել համարվում, երբ կրծոսկրի ծայրը (կոթունը) ներս բնկած չի լինում և կրծքի մկանները լավ են զարգացած: Խիստ նեղ կուրծքը մեծ թերություն է համարվում ոչ միայն ծանրաքարշ, այլև արագավազ ձիերի համար:



Նկ. 8. Ուղիղ գավակ:



Նկ. 9. Կախ բնկած գավակ:



Նկ. 10. Երկրաժան գավակ:



Նկ. 11. Տանիրածև գավակ:

Որովայնը (փորը): Նորմալ դեպքում որովայնի ստորին գիծը սկսվում է կրծոսկրին հավասար և աստիճանաբար բարձրանում է դեպի հետևի վերջավորությունները: Եթե կրծքից սկսած այդ գիծը խիստ կերպով ներքև է իջնում, ապա այդպիսի որովայնը կոչվում է «խոտալին», իսկ եթե նա մեծ չափով բարձրանում է գլխի վերև՝ կոչվում է հավաքափոր: Ընդհանրապես ծանրաքարշ ձիերի որովայնը լի-

Երում է ավելի մեծածավալ, քան հեծնեկու սրբնիաց ձիերինը:

Ումեքը (վերջավորությունները) հանդիսանում են ձիու համար նեցուկ և շարժման լծակներ: Զիտ մարմնի ծանրությունը ավելի մեծ չափով բնկնում է առջևի ոտների վրա, իսկ հետևի ոտքերի դերն այն է, որ նրա շարժման ժամանակ հրում են իրանը դեպի առաջ:

Հեծնեկու սրբնիաց ձիերի ոտքերը լինում են ավելի բարակ, չոր, ամուր ջիլերով, իսկ ծանրաքարշ ձիերինը, բնդհակառակը՝ հաստ և խոնավ: Յանկալի է, որ բոլոր ձիերի ոտքերի հոդերը լինեն մեծածավալ: Արագավազ ձիերի ոտքերն առհասարակ ավելի երկար են, քան ծանրաքարշ ձիերինը:

Առջևի ոտքերը սկսվում են թիակից: Արագավազ ձիերի թիակը (ուտը), ծանրաքարշ ձիերի համեմատությամբ, լինում է ավելի երկար և թեք դրված, որի ղեպքում ձին ավելի մեծ չափով է կարողանում ոտքերը նեակել դեպի առաջ, որովհետև բազկաթիակային անկյունը այս ղեպքում ավելի փոքր է լինում:

Զիերի արմունկոսկրը պետք է լինի երկար և չպետք է կրճատերին սեղմված լինի, կամ բնդհակառակը, դեպի դուրս սլացված լինի, որովհետև զրա հետևանքով ձին ծուռթաթություն կունենա, կամ ոտքերը իրար կխփի: Ենթաբազուկը պետք է լինի լայն, բաժականին երկար և լավ պարզացած մկաններով: Դաստակը պետք է լինի ամուր, խնշպես առջևից, այնպես էլ հետևից լայն, չոր և ենթաբազուկի նկատմամբ ուղղահայաց դրված: Եթե դաստակը դեպի դուրս է սլացված և ձին կարծես թե կանգնած է կիսածալած ոտքերի վրա, որը հիշեցնում է այծի ոտքերի դիրքը, այդ պակասությունը կուշվում է այծոտնություն: Նշված պակասությունը կարող է լինել բնածին, կամ ձևոքքերով: Այս կարելի է սրբել բարձրացնելով ձիու առջևի ոտներից մեկը, բնդ որում՝ եթե մյուս ոտը կուղղվի, դա կնշանակի, որ այծոտնությունը ձևոքքերով է, իսկ եթե ոչ, ապա բնածին է:

Այծոտնությունը մեծ պակասություն է հանդիսանում, մանավանդ, եթե նա ձևոքքերով է: Նրանով տառապող ձիերի

առջեի ոտքերը, մինչև անգամ թեթև աշխատանքից հետո, սկսում են դողալ, որը համարվում է ոտքերի թուլության նշան:

Եթե դաստակի հողն առջևից դեպի ետ է ծոված, այսինքն առջևից դսկավորություն ունի, ապա այն կոչվում է հորթի դաստակ. այսպիսի հողը թույլ է լինում և դրա համար էլ մեծ պակասություն է համարվում:



Նկ. 12. Կոթի գրվածք
(այծատնություն):



Նկ. 13. Շորթի գրվածք:

Ենթադաստակը (ենթադաստակ) չափեր է չափազանց բարակ լինի և դաստակի մոտ սեղմված: Կալ է համարվում, երբ ենթադաստակի հատությունը տվյալ ցեղին ու հասակին համապատասխան է և ենթադաստակի նկատմամբ հաուղհաջաց դիրք է գրավում: Ջիլերը, մանավանդ արագավաղ ձիերի մոտ, պետք է լավ արտահայտված լինեն, որը ոտքերի շարունակ և ջիլերի ամրության ցուցանիշ է հանդիսանում:

Ենթադաստակի հատվածում կարող են տոաջանալ մի

շարք հիվանդագին և րևույթներ, Հարվածներ, վնասվածքների հետևանքով հաճախ առաջանում է ոսկրի դերան (նորագոյացում), որը, եթե չիվերին մոտ է գտնվում, ձիւ կազալու պատճառ է դառնում: Կծկող ջիւերի ծայրահեղ յարման հետևանքով կարող է նրանց խիստ ձգում, կամ մինչև անգամ՝ խզում առաջանալ. դրա արդյունքը լինում է ուժեղ բորբոքում և ապա ջիւերի կծկում և հաստացում (բրոնխառն): Զնոքերիովի աշտոնությունը մեծ մասամբ արդյունք է լինում այդ հիվանդության: Բացի դրանից, այդ հիվանդությամբ տառապող ձիւերի ենթադաստակի ներսի մակերեսի դիժը լինում է ուռուցիկ:

Երբեմն ենթադաստակի առջևի մասի տարածիչ ջիւերի բորբոքման և հաստացման հետևանքով նշված տեղում առաջանում է աղեղնաձև ուռուցք, որը կոչվում է բուլշին:

Կապի հողը գտնվում է ենթադաստակի և կապոսկրի միջև. նա պետք է լինի բավականաչափ լայն, չոր, առանց ուռուցքների:

Կապի հողի և պսակոսկրի միջև ընկած մասը կոչվում է բխավ: Նրա կազմության մեջ մտնում են կապոսկրը, կապանները և կծկող ու տարածող ջիւերը: Բխավը զսպանակէ դեր է խաղում, մեղմացնելով սմբակների հարվածները գետնին: Բխավները իրենց դերը լավ կատարելու համար պետք է լինեն միջակ երկարության. ինչպես շատ երկար, այնպես էլ կարճ բխավները լավ չեն համարվում: Բացի դրանից, բխավները պետք է որոշ թեքություն ունենան. լավ է համարվում, եթե առջևի ոտքերի բխավների թեքությունը հորիզոնի հետ կազմում է 45—50° անկյուն: Շատ թեք դրված բխավների ջիւերը և կապանները ավելի մեծ չափով են լարվում և կապոսկրը աստիճանաբար հորիզոնական դիրքին է մոտենում. դրան հակառակ՝ շատ ուղիղ բխավները ոտքի հարվածները լավ չեն մեղմացնում, որի հետևանքով հողերը մեծ չափով ցնցումներ են կրում և հաճախ վնասվում:

Բխավի ստորին եզրին, կապա-պսակային հողի վրա երբեմն գոյանում է ոսկրային նորագոյացում (գերաճ), որը

կոշվում է ժարկաւ. նա հաճախ առաջացնում է ուժեղ ցավ և կաղուխոն:

Հետևի ոտները ձիու շարժման բնթացքում շատ կարևոր դեր են խաղում՝ մղելով կենդանու իրանը դեպի առաջ. դրա համար էլ իրենց վերևի մասում նրանք օժտված են հզոր մկաններով: Զիտ ազդրային մասը պետք է ունենա լավ զարգացած մկաններ, լինի նորմալ թեքության և արագավազ ձիերի մոտ՝ ավելի երկար: Ազդրոսկրի վերևի ծայրը կոնքի հետ կապում է ազդրակոնքային հոդը, իսկ նրա ստորին ծայրը վերջանում է ծնկի հոդով:



Նկ. 14. Երկար
բխավ:



Նկ. 15. Ծառ թեք
(արջի բխավ):



Նկ. 16. Գարձ
բխավ:



Նկ. 17. Ուղիղ
(դիք) բխավ:

Մեկից դեպի ներքև, մինչև ցատկիչ հոդը, գտնվում է սրունքը: Այս մասը պետք է ունենա լավ զարգացած մկաններ, որոնք հնարավորին չափ պետք է իջած լինեն դեպի ներքև և լավ արտահայտված լինեն. հեծնելու սրընթաց ձիերի սրունքները ավելի երկար են լինում: Այսպիսով, ձիու ազդրերը (բդերը) պետք է լինեն լավ զարգացած՝ հաստ, լայն և երկար:

Ֆատկիչ հոդը (զարչապարը) ձիու շարժման բնթացքում շատ մեծ լարում է կրում, դրա համար էլ պետք է լինի լավ զարգացած, աշխինքն՝ լինի լայն, հաստ և չոր: Ֆատկիչ հոդը ենթակա է որոշ հիվանդությունների: Ուժեղ լարման և խնամքի ոչ ճիշտ սեփումի հետևանքով ցատկիչ հոդի հատվածում կարող են առաջանալ այտուցներ (ջրալեցում): Մանր հիվանդություն է հանդիսանում շ ա պ ա տ ը, աշխինքն՝

ցատկիչ հողի խրոնիկական բոբրոբումը, երբ հողի ներքին մասում առաջանում է ոսկրային գերաճ, և այն ամենի հետևանքով ձին սկսում է կաշալ կամ քայլելիս հիվանդ ուր ցնցել:

Մյուս հիվանդությունը, որը պատահում է ցատկիչ հողի հատվածում, դա կ ու ը ր ա կոչված հիվանդությունն է: Փայվելի շատ հավաքական անուն է, այսինքն մի քանի հիվանդություններ մոտավորապես նույն կերպ են դրսևորվում, դրա համար էլ նույն անունն են կրում: Արտաքինից կուրբան արտահայտվում է նրանով, որ ցատկիչ հողի հետևի մասում, կրունկոսկրից դեպի ներքև, ուղիղ մակերեսի փոխարեն ուռուցիկություն է նկատվում: Կուրբան մեծ մասամբ ջիլերի և կապանների բոբրոբման հետևանք է: Կուրբան, և մանավանդ շատ հիվանդությունը, մեծ չափով զցում



Նկ. 18. Շատառ Նկ. 19. Կուրբան

են ինչպես տոհմային, այնպես էլ օգտագործելի ձիերի արժեքը, իսկ ուժեղ արտահայտված լինելու դեպքում, նրանց զարձնում են խոտան: Ցատկիչ հողից ճերքի գալիս է նախազարշապարը, որը պետք է լինի ուղղահայաց, իսկ արշավի ձիերի մոտ՝ նաև կարճ:

Կ ա պ ի հ ո գ ե ը ր պետք է լինեն լավ զարգացած, մեծածավալ և ամուր:

Քիավներ: Հետևի ոտքերի քիավները, առջևի ոտքերի քիավների համեմատությամբ, փոքր-ինչ ավելի կարճ են լինում և ավելի քիչ թեթևած. նրանց թերությունը հորիզոնի հետ միջին հաշվով 50—55° է կազմում:

Սմբակներ: Առջևի ոտքերի սմբակները ավելի լայն են

լինում և կյտրավում, իսկ հետևի ոտքերինը՝ սեղմ և օվալի-
ձև են ունենում և ավելի փոքր են: Սմբակները տարբեր
ամրություն են լինում. ընդհանուր առմամբ ծանրաքարշ
ձիերի սմբակների եղջյուրը ավելի թույլ է լինում, քան սրբն-
վաց ձիերինը: Կլիման, սելեֆր նույնպես ազդում են սրմ-
բակների կարծրության վրա, ինչպես, օրինակ՝ լեռնային
վայրերում բուծվող ձիերի սմբակները շատ կարծր են լի-
նում:

Ցանկալի է, որ ինչպես առջևի, այնպես էլ հետևի ոտ-
քերի սմբակները ունենան հարթ մակերես, լինեն առանց
ճեղքվածքների, դատարկ պատերի, փթած սլաքի և այլն:
Տափակ, լիքը ներքանով ամբալը ենթակա է հոդացավի, և
աշխատանքի համար ավելի քիչ է պիտանի: Չափազանց
նեղ, սեղմ սմբակը գոգավոր ներքանով, նույնպես վատ է
համարվում: Առջևի ոտքերի սմբակի առջևի պատի թեքու-
թյունը հորիզոնի հետ մոտավորապես 50° անկյուն պետք է
կազմի, իսկ հետևի ոտքերինը՝ 60°. լավ է համարվում, երբ
սմբակի առջևի պատը 2,5 անգամ բարձր է լինում նրա
հետևի պատից: Սմբակի սլաքը, որը մեղմացնում է ոտքի
հարվածը գեանին, պետք է նորմալ փխճակում լինի:

Ատֆեռի դրվածքը համարվում է ճիշտ, եթե առջևից (կամ
հետևից) նայելիս առջևի ոտքերը ծածկում են հետևի ոտ-
քերը, այսինքն՝ նրանք մի գծի վրա են գտնվում, իսկ կողքից
նայելիս՝ ուղղահայաց են: Բացի այդ, ինչպես առջևի, այն-
պես էլ հետևի ոտքերի միջտարածությունը միահավասար է
լինում և այդ տարածությունը վերևից ներքև մնում է ան-
փոփոխ և բավականին լայն է: Հաճախ ոտքերը ճիշտ չեն
լինում դրված, որը բացասական կերպով է ազդում ձիու
արտադրողականության վրա:

Տարբերում են առջևի ոտքերի անկանոն դրվածքների
հետևյալ ձևերը.

1. Երբ առջևի ոտքերն ուղղահայաց չեն, այլ ետ են
դրված գեպի փոքի տակը, կամ ընդհակառակը, գեպի դուրս
են դրված:

2. Եթե ոտքերը միմյանց շատ մոտիկ են դրված, կամ

թե իրարից չափից ավելի հեռու են դառնում, այդ դիրքերը համարվում են աննորմալ: Նորմալ է համարվում այն հեռավորությունը, երբ 2 սմբակների միջև կարող է երբորդ սրմբակը տեղավորվել:



Նկ. 20. Զիւս ոտքերի ճիշտ դրվածքը

3. Երբ դաստակի հողերը խիստ մոտիկացած են (խրսածե):

4. Երբ բխավները և սմբակները ծաված են դեպի դուրս:

5. Երբ նրանք ծաված են դեպի ներս (ծուռվաթուխում):

Վերջին այս երկու դեպքերում ձիերի սմբակներն անկանոն են մաշվում, ոտքերի արտաքին և ներքին կողմերի ծանրաբեռնումը նորմալ չի լինում և հաճախ շարժման ժամանակ ոտքերն իրար են կպչում, որի հետևանքով հաճախ վերքեր են առաջանում:

Հետևի ոտքերը նույնպես կարող են ունենալ հետևյալ անկանոն դրվածքները. 1. ծայրահեղ նեղ (մոտիկ), կամ լայն, 2. կովի դրվածք, երբ ցատկիչ հողերը շատ մոտիկացած են, 3. Օ-աձև կամ տակառաձև դրվածք, երբ ցատկիչ հողերը միմյանցից խիստ հեռացած են, իսկ ներքևում ոտ-




Նկ. 21. Առջևի ոտքերի դրվածքը. 1) ճիշտ դրվածք (տեսքը առջևից), 2) ճիշտ դրվածք (տեսքը կողքից), 3) դեպի ներս դրված, 4) դեպի արտաք դրված:



Նկ. 22. Առջևի վերջավորությունների ոչ ճիշտ դրվածքը. 1) ծուռթաթություն դեպի դուրս, 2) իրաձև, 3) ծուռթաթություն դեպի ներս, 4) լայն, 5) նեղ (մոտիկ):

բերր մոտիկացած են, 4. թրածև դրվածք, երբ ցատկիչ հոդի անկյունը սովորականից փոքր է լինում (140°), և ոտքը կեռ թրժ նման ավելի մեծ շափով է ծոված լինում դեպի որովայնի տակը: Ոտքերի թրածևություն ավելի հաճախ պատահում է լեռնային ձիերի մոտ, և շատերի կարծիքով դա լեռնային ուղեֆին համակերպվելու ձևերից մեկն է:

Հետևի վերջավորությունները ճիշտ կերպով դրված լինելու դեպքում, եթե նստասկրի բլրիկի, ցատկիչ հոդի և կապի հոդի արտաքին մակերեսներին շոշափող անցկացնենք, ապա այդ գիծը ուղղահայաց կլինի, իսկ եթե այդ գիծը թեքվեց դեպի սրովայնի տակը, կամ բնդհակառակը՝ դեպի հտ, կնշանակի ոտքերի դրվածքը ճիշտ չէ:



Նկ. 23. Հետևի վերջավորությունների դրվածքը.

1) ճիշտ, 2) դեպի առաջ դրված, 3) դեպի հետ դրված, 4) թրածնի:



Նկ. 24. Հետևի վերջավորությունների ոչ ճիշտ դրվածքի զանազան ձևերը.

1) կովի, 2) տակառածնի, 3) լայն, 4) նեղ (մասիկ):

Մաշկը և մազերը կապված են ձիու կոնստիտուցիոն տիպի հետ: Նուրբ և չոր կոնստիտուցիա ունեցող հեծնելու սրբնիվաց ձիերի մաշկը լինում է բարակ, նուրբ, չոր, ալ-սինքն թույլ զարգացած ենթամաշկով, իսկ ծանրաքարշ ձիե-րը, որոնց կոնստիտուցիան կոպիտ է ու խոնավ, ունենում են հաստ-կոպիտ և խոնավ մաշկ: Մազերը ևս սրբնիվաց ձիերի մոտ լինում են նուրբ, իսկ ծանրաքարշերի մոտ՝ կո-պիտ Պոչը, բաշը և հակատափունջը ծանրաքարշերի մոտ լի-նում են ավելի ազատ՝ երկար և խիտ, քան հեծնելու սրբն-իվաց ձիերի մոտ:

Ոտքերի ներքևի մասում, կապի հողի հատվածում, ծան-րաքարշ ձիերն ունենում են երկար մազեր, մինչդեռ սրբն-իվաց ձիերի ոտքերը աչգալիսի մազերից զուրկ են լինում:

Ձիերի էքստերյուրը նկարագրելու համար գոյություն ունեն հատուկ քարտեր, որտեղ նախօրոք նշված է լինում ձիու առանձին մարմնամասերի հնարավոր վիճակը: Օրի-նակ, գլուխը՝ մեծ, փոքր, պարանոցը՝ երկար, կարճ, հաստ, բարակ, ուղիղ և ալյն:

էքստերյուրը նկարագրողը նալում է ձիու առանձին մարմ-նամասերին և ընդգծում է այն բառը, որը բնորոշում է տրվ-յալ մարմնամասը: Օրինակ՝ եթե գլուխը մեծ է, ընդգծում է «մեծ» բառը և ալյն, իսկ եթե տվյալ մարմնամասը միջին տեղ է գրավում, ապա երկու ծայրահեղ ցուցանիշների միջև պլյուս նշան է դնում: Այս կերպ բոլոր ձիերին նկարագրե-լուց հետո ստացած տվյալները ամփոփում են, այսինքն վերածում տոկոսների (օր. մեծ գլուխը կարող է կազմել 76 տոկոս, միջակը՝ 14, փոքր գլուխը՝ 10 տոկոս և ալյն):

Տոհմային գործի մեջ, օրինակ, բոնիտիրովկայի ժամա-նակ, ցուցահանդեսներում, ձիերին տգնահատելիս ընդուն-ված է էքստերյուրի գնահատականը տալ ըստ բալերի, ալ-սինքն թվանշաններով:

ՁԻԵՐԻ ՇԱՐԺՄԱՆ ՁԵՎԵՐԸ

Ձիաբուծության գրադպողը անպայման պետք է ծանոթի լինի ձիերի շարժման (քայլվածքի) ձևերին: Ձիու շարժման մեխանիզմը հետևյալն է:

Ձիու ծանրության կենտրոնը հանդիստ վիճակում գտնվում է նրա առջևի մասում. եթե բազկաթիակաշին հողից տանենք մի հորիզոնական դիմ և այն հատենք ուղղահայաց զծով, որը կանցնի կրծոսկրի թրածն ելունի շոշափողով, ապա այս երկու գծերի համասն կետում էլ գտնվում է ձիու ծանրության կենտրոնը: Առաջընթաց շարժում կատարելիս ձին իր հետևի մասով հրում է իրանը դեպի առաջ և երկարացնում է պարանոցը: Այս գործողությունների շնորհիվ ծանրության կենտրոնը նշված տեղից տեղաշարժ է կատարում դեպի առաջ և ձին իր հավասարակշռությունը չկորցնելու համար ստիպված է կատարելու առաջընթաց շարժում: Որքան ծանրության կենտրոնն ավելի շատ է դեպի առաջ տեղափոխվում, այնքան ձին ստիպված է լինում ավելի արագ ընթանալ:



Նկ. 25. Ձին քայլով դնալիս:

Տարբերում են ձիու քայլվածքի հետևյալ հիմնական ձևերը՝ քայլ, վարդ, շորոտաքայլ (յորդա) և արշալ:

Քայլը մի շարժում է, որի ժամանակ բոլոր չորս ոտքերն էլ առանձին-առանձին են բարձրանում և իջնում գետնին այնպես, որ լավում է չորս դուխուն: Քայլի ժամանակ ձիու շարժումը սկսվում է հետևի ոտքերից մեկից, ինչպես, օրինակ, ձախ ոտքից սկսելիս գետնից կտրվում է առջևի աջ ոտքը, ապա՝ հետևի աջը, և վերջում՝ առջևի ձախը, և այսպես շարունակ:

Տարբերում են քայլելու հետևյալ ձևերը՝ նորմալ քայլ, երբ հետևի ոտքերը ծածկում են առջևի ոտքերի հետքերը, մանր (կարճ) քայլ, երբ հետևի ոտքերը առջևի ոտքերի հետքերի հետևում են մնում, և լայն (երկար) քայլ, որի ժամանակ ձին իր հետևի ոտքերը դնում է առջևի ոտքերի հետքերից առաջ:

Քայլը ձիու ամենադանդաղ շարժման ձևն է. սրընթաց

ձիերը քայլելով կարող են մեկ ժամում անցնել 6—7 կմ հանապարհ, իսկ ծանրաքարշ ձիերը՝ 4—5 կմ:

Ձիու օգտագործման տեսակետից քայլի նշանակությունը շատ մեծ է: Ձիերը բևեռների տեղափոխումը (ինչպես լծած, այնպես էլ մեջքին բարձած), ինչպես նաև գյուղատնտեսական աշխատանքների մեծ մասը կատարում են քայլով: Հեծնելու ձիերը ևս հաճախ քայլով են բշտում:

Վարդը ձիու շարժման ավելի արագացրած ձևն է: Վարդով շարժվելիս ձին միաժամանակ գեանից խաշածն բարձրացնում է երկու ոտքերը, ինչպես, որինակ՝ բարձրացնում է հետևի ձախը և առջևի աջը, հենվելով մյուս երկու ոտքերի վրա, որից հետո օդում գտնված ոտքերը գնում է գեանին, բարձրացնում խաշածն մյուս զույգը, այն է՝



Նկ. 26. Ձին արագ վարդով գնալիս:

հետևի աջը և առջևի ձախը, և այսպես շարունակ: Վարդի ժամանակ շորս դոփշունի փոխարեն երկու դոփշուն է լավում:

Ամենաարագ վարդի ժամանակ լինում է մի մոմենտ, երբ ձիու շորս ոտն էլ գտնվում են օդում, այն պատճառով, որ օդում եղած ոտքերը գեռ գետին չհասած, մյուս երկու ոտքերը արդեն գետնից բարձրանում են:

Վարդը կարող է տարբեր արագություն լինել, բայց ընդհանուր առմամբ նա ավելի արագ շարժում է, քան քայլը:

Վարդով ընթանալիս ևս ձին կարող է հետևի վերջավորությունները առջևի ոտքերի հետքերին չհասցնել, կամ դնել հետքի վրա, կամ էլ հետքերից զգալի առաջ, նայած թե ինչ արագությամբ է շարժվում:

Դանդաղ վարդով գնալիս մեկ ժամում ձին անցնում է 9—10 կմ, միջին արագությամբ ընթանալիս՝ 14—15 կմ և արագ վարդով գնալիս՝ 30 կմ և ավելի: Օրինակ, լավագույն վարդուները 1 կմ տարածությունը կտրում են 1 րոպե 18 վայրկյանում. իհարկե, այդպիսի արագությամբ միայն

կարճ տարածությունների վրա (3 կմ սահմաններում) կարելի է քշել ձիուն:

Բոլոր տիպի ձիերն էլ ընդունակ են վարգով շարժվելու, բայց ամենից արագ վարգ ունենում են վարգունները, այսինքն թեթև լծելու տիպի ձիերը: Վարգի գործնական նշանակությունը շատ մեծ է. երկար ճանապարհ գնալիս թե՛ հեծնելու և թե՛ թեթև լծելու ձիերը մեծ մասամբ վարգով են քշում. դանդաղ վարգից օգտվում են նաև թեթև գյուղատնտեսական աշխատանքների ժամանակ:

Շորորաֆայլ (յորդա) գնալիս ձին միաժամանակ բարձրացնում է իր երկու ոտքերը հենվելով մյուս երկու ոտքերի վրա միայն այն տարրերով՝ յամբ, որ ձին ոչ թե խաշած է փոխում ոտքերը, այլ միասին՝ մերթ աջ կողմի, մերթ ձախ կողմի ոտքերը: Շորորաֆայլը ևս արագ շարժումների շարքին է պատկանում, նա դեռ վարգից էլ փոքր-ինչ արագ է: Այստեղ ևս արագ ընթացքի ժամանակ նկատվում է շորո ոտքերի օդում ազատ կախվածության ֆազա:



Նկ. 27. Չին շորորաֆայլի դեպքում:

Շորորաֆայլով քշում են գլխավորապես հեծնելու ձիերին, որովհետև քայլվածքի այս ձևը շատ հարմար է ու հանգիստ: Սովորաբար ոչ բոլոր ձիերն են դնում շորորաֆայլ. կան ձիեր, որոնց ծանրության կենտրոնը սովորականից ավելի բարձր դիրքում է գտնվում, այդպիսի ձիերը

բնականից հակում ունեն շորորաֆայլով գնալու, մյուս դեպքերում հարկ է լինում ձիուն վարժեցնել հատուկ կերպով այդ ձևի քայլվածքին:

Բանակում շարժման այս ձևը չի ընդունված, որովհետև դա համարվում է ավելի քիչ կայուն և ավելի շուտ հոգնեցնող շարժում, քան վարգը:

Արշավը և սրաշավը ձիու ամենաարագ շարժումն է:

Ձին կարող է արշավել աչ կամ ձախ ոտքից: Եթե ձին արշավում է աչ ոտքի վրա, ապա շարժումը սկսվում է հետևի ձախ ոտքից, հետո շարժվում են հետևի աչ և առջևի ձախ ոտքերը միասին, և վերջում՝ առջևի աչ ոտքը, որից հետո դալիս է օդում ազատ կախվածության ֆազան, և այսպես շարունակ: Արշավը կարող է տարբեր արագության լինել: ամենատարագ արշավը կոչվում է սրարշավ: Կավազուն արշավի ձիերը 1 կիլոմետր տարածությունը կարում են մեկ րոպեում, դեռ մի փոքր էլ ավելի շուտ: Արշավելու ընդունակ են բոլոր տիպի ձիերը, բայց ամենից արագ կարող են արշավել հեծնելու սրենթաց տիպի ձիերը:

Փոխք առանձին ձևի շարժում է: Միջին որակի հեծնելու ձին, վարժեցումից հետո, կարող է թոխք գործել երկարության 7 մ և բարձրությամբ՝ 1,5 մ: Երբեմն ձին սխալ վարժեցման հետևանքով անկանոն է քայլում, այսինքն տարբեր ձևի շարժումները խառնում է իրար:



Նկ. 28. Ձին արշավելիս:

ԿՈՆԳԻՅԻՍ.

Կոնդիցիան — ձիու մարմնի ֆիզիոլոգիական վիճակն է, որը պայմանավորվում է նրա բավարկությամբ և մարդավածությամբ: Այստեղից էլ կերակրման և մարզանքի փոփոխմամբ կարելի է նույն ձիուն տարբեր կոնդիցիայի հասցրնել:

Տարբերվում են հետևյալ կոնդիցիաները:

1. **Տ ու չ ա հ ա ն դ ե ս ա յ ի ն** կոնդիցիա, երբ առատ կերակրման միջոցով ձիուն հասցնում են լավ բրտվածության, որպեսզի գեղեցիկ կլորավուն ձևեր ստանա:

2. **Տ ո հ մ ա յ ի ն** կ ա մ դ ու ղ ա վ ո թ մ ա ն կոնդիցիա, երբ ինչպես արտադրող հովատակը, այնպես էլ

զամբիկն այնպիսի բաղաժույթյան աստիճանի է հասցւում (միջակից բարձր), որը առավել շարժով նպաստավոր լինի նրանց բազմացմանը. ծայրահեղ բաղաժույթյունը, ինչպես նաև նիհար լինելը, ցանկալի չէ ինչպես հովատակների, այնպես էլ զամբիկների համար:

3. **Ք ա ն ո ղ** (աշխատանքային) կոնդիցիա. բանուղ ձիերը պետք է աշխատանքի լավ վարժված լինեն, ունենան լավ մարզված մկաններ և միջակ բաղաժույթյուն:

Մանր աշխատանքներում օգտագործելուց առաջ ձիու բաղաժույթյունը պետք է լինի միջակից բարձր, այնպես, որ կողերը չերևան և ձիերն առույգ անսր ունենան:

4. **Մ ա ռ զ վ ա ծ ու թ յ ա ն** կոնդիցիա. Դա բանուղ կոնդիցիայից փչ է տարրերովում, այս դեպքում ձիու օրգանիզմը հասցնում են այնպիսի միճակի, որն առավել շարժով նպաստի նրա արտադրողականությանը: Նշված միճակին հասցրնելու համար, ձիուն համեմատաբար ավելի մեծ քանակությամբ խտացրած կեր են տալիս և սխտեմատիկորեն ենթարկում մարզանքի:

5. **Վատ կերակրման, խնամքի կամ հիվանդության հետևանքով** ձին կարող է ս ո վ ա ծ կոնդիցիայում լինել, այսինքն կունենա շատ նիհար և թույլ մկաններ: Այս վիճակում ձիերը պիտանի չեն ինչպես աշխատանքի, այնպես էլ տոհմային օգտագործման համար:

ՋԻԵՐԻ ԵՐԱՆԳԸ ԵՎ ՆՇԱՆՆԵՐԸ ԵՐԱՆՑԸ

Ընտանի ձիերը լինում են զանազան երանգի (գույնի) Թեև ձիու երանգի և նրա արտադրողականության մեջ առանձին կապ չի հայտնաբերված, բայց և այնպես գործնականում ձիերի երանգի վրա մեծ ուշադրություն է դարձվում:

Ձիերի երանգը հարկավոր է իմանալ նրանց ճիշտ ճանաչելու և մեկ ձին մյուսից զանազանելու համար: Առանձնապես դա մեծ նշանակություն ունի տոհմային գրանցումների համար: Չպետք է մոռանալ այն, որ սովորաբար ձիերը չեն համարակալում, ինչպես մյուս գյուղատնտեսական կենդան-

ներերը, և դրա համար ձիերը միմյանցից դանադանում են հիմնովելով նրանց անվան, երանգի ու նշանների վրա:

Զիռ երանգի բնորոշումը տալիս ելնում են նրա մարմինը պատռոց մազերի և հուկատափնջի, բաշի ու պոշի գույնից:

Երանգների հայերեն անունները դեռևս հշտորեն չեն սահմանված, դրա համար էլ երանգների անունը բերում ենք մոտավոր արտահայտություններ:

1. Կարմրաշեկ (սիմայա) — ինչպես մարմինը, այնպես էլ բաշը և պոշը լինում են շեկ, այս երանգը կարող է լինել բաց և մուգ:

2. Գորշավուն (բուրայա) — մարմինը շագանակագույն է, բաշը և պոշը՝ ավելի մուգ:

3. Եարատ (իզրենեկայա) — մարմինը դարչնագույն է (շոկոլադի գույնի), հաճախ խալերով, բաշը և պոշը՝ սպիտակ կամ ծխագույն. (այս երանգը կարող է լինել ինչպես բաց, այնպես էլ մուգ):

4. Սևաթույր (վորոնայա) — ինչպես ամբողջ մարմինը՝ նույնպես էլ բաշը և պոշը սև են:

5. Պիծակավոր սևաթույր (կարակովայա) — ձին ամբողջությամբ սև է լինում, միայն գնչի ծայրին, աչքերի շուրջը, փորի տակը և աճուկային հատվածներում շեկ կամ շագանակագույն պիծակ է լինում:

6. Աշխեռ (գնեգայա) — (մուգ կամ բաց) — մարմինը կարմրա-դարչնագույն է, բաշը, պոշը և ոտքերի ստորին մասը մինչև դաստակի և ցատկիչի հողերը սև են:

7. Դեղնավուն (բուլաննայա) — (բաց կամ մուգ) — մարմինը լինում է դեղնավուն-ոսկեփայլ կամ ավազագույն, բաշը, պոշը և ոտքերը դաստակից և ցատկիչ հողերից ներքև սև են:

8. Մոխրագույն (սերայա) — (բաց և մուգ) — մարմինը պատած է սև, սպիտակ մազերով, որոնք համահավասար խառնված լինելով՝ մոխրագույնի տպավորություն են թողնում, երբեմն սպիտակի հետ խառնված են լինում շեկ մազեր: Հասակի հետ այս երանգը ավելի բաց է դրոշմում,

Հաճախ հասնելով սպիտակի, նշված երանգի ձիերի մարմինը հաճախ պատած է լինում խալիքով կամ ճանձկեններով (մանր պտերով):

9. Չալ—մարմնի մուգ գույնի մաղերին խառնված են սպիտակ մաղեր, որոնք զլխի և ոտքերի վրա շատ քիչ են լինում. ստացվում է այնպիսի տղավորութուն, որ կարծես թե ձիու մարմնի մուգ գույնի վրա ալյուր է շաղ տված:

10. Բզետ (պեզայա) — երբ հիմնական երանգը լինում է կարմիր, սև, դեղին, սակայն մարմնի վրա լինում են խոշոր սպիտակ պտեր (մասեր):

Ձիերի երանգը հասակի հետ հաճախ փոխվում է: Այսպես, մարուկի երանգը հաճախ բոլորովին այլ է լինում, քան մեծ հասակում, կամ էլ ծեր հասակում երանգը կարծես փոխվում է, ստանալով ավելի բաց գույն, օրինակ՝ մոխրագույն ձիերը դառնում են սպիտակ:

ՁԻՐԻ ՆՇԱՆՆԵՐԸ

Ձիերի երանգը նկարագրելիս ցույց են տալիս նաև այն սպիտակ նշանները, որոնք կարող են լինել նրանց մարմնի այս կամ այն մասում:

Սկզբում նկարագրում են զլխի նշանները և ապա ոտքերի. եթե ճակատի վրա կան սպիտակ մաղեր, որոնք ընդհանուր ֆոնից շեն սահմանագծված, կոչվում են ալեհերք, եթե ճակատին կա սպիտակ պուտ, կոչվում է պեծիկ կամ աստղ, ճակատից դեպի ներքև, քթի վրայով դնացող սպիտակ նշանը կոչվում է ծորվածք, եթե ալդ սպիտակ նշանը շատ լայն է և ընդգրկում է նաև դունչը, կոչվում է ճաղատ, եթե ուռնգների միջտարածությունը սպիտակ է՝ միջոքնգային սպիտակություն, իսկ եթե նշանը մարմնի գույն ունի, կոչվում է մարմնագույն պուտ: Եթե շրթունքները սպիտակ են, ալդ դեպքում կոչվում են շրթունքների սպիտակություն, միևնույն ժամանակ նշում են՝ թե որ շրթունքն է սպիտակ, նշանը ինչ մեծությամբ է և ինչ դիրք ունի:

Վերջավորությունների նշանների նկարագրությունը սկզբ-

վում է առջևի ոտքերից, սկզբում ձախ ոտքերն են նկարագրում, հետո՝ աջ:

Ոտքերի նշանները նկարագրելիս ցույց են տալիս սպիտակ գույնի տարածման աստիճանը, այսպես՝ սպիտակությունը կարող է լինել պսակի շուրջը, մինչև բխավի կեսը, մինչև կոճղամազերը, նա կարող է ընդգրկել և կոճղամազերը, ենթադաստակի և սրունքի $\frac{1}{3}$ -ը, $\frac{1}{2}$ -ը, մինչև դաստակի և ցատկի հոդերը (գուլպաներ):

ՉԻՈՒ ՏԱՐԻՔԻ ՈՐՈՇՈՒՄԸ ԱՏԱՄԵՆԵՐԻ ՄԻՋՈՅՈՎ

Չիու տարիքը բավականին ճիշտ կերպով կարելի է որոշել տատամների միջոցով: Տարիքի որոշման այս ձևը հիմնված է տատամների դուրս գալու, փոխվելու և մաշվելու վրա:

Չափահաս ձիերն ունեն 12 կտրիչներ՝ 6-ական յուրաքանչյուր ծնոտի վրա և 24 սեղանատատամներ՝ 12 հաս վերին և 12 հատ ստորին ծնոտի վրա: Հովատակները կտրիչների և սեղանատատամների միջև ունեն նաև 4 հատ ժանիքներ՝ 2-ական՝ վերին և ստորին ծնոտների վրա: Զամբիկները ժանիքներ շատ հազվադեպ են ունենում, նրանց մոտ ավելի հաճախ պատահում են խիստ քերպարգացած ժանիքներ: Այսպիսով, չափահաս հովատակներն ունեն 40 տատամ, իսկ զամբիկները՝ 36:

Նրբեմն վերին ծնոտի առաջին սեղանատատամների առջևում դուրս են գալիս այսպես կոչված պալի տատամներ, որոնք ամուր չեն լինում և հաճախ կերը ծամելիս խոնգարում են, դրա համար էլ նրանց անհրաժեշտ է հեռացնել:

Կտրիչ տատամները լինում են կաթնույին (վաղ հասակում) և մնայուն, որոնք որոշ հասակում փոխարինում են կաթնայիններին: Կտրիչների միջին զույգը կոչվում է բռնիչներ, նրանց կողքերին դասավորված հետևյալ զույգը կոչվում է միջին կտրիչներ և հետևյալ զույգը՝ եզրային կտրիչներ:

Կտրիչ տատմի վերևի մասը կոչվում է պսակ, նրանից ներքև, ավելի նեղ մասը՝ վզիկ, իսկ վզիկից ներքև՝ արմատ:

Կտրիչը բաղկացած է օսկրանման նյութից՝ դենտինից և

իր միջի մասում ունի խոռոչ: Դենտինը արտաքինից պատած է փաշլուն, կարծր նյութով՝ էմալով, որը դժվարացնում է առամի մաշվելը: Կտրիչի պսակի ծայրի մակերեսը կտվում է մաշվող մակերես:

Մաշվող մակերեսի վրա էմալը ծալվում է պսակի ծայրին զսնվող փոսիկի մեջ, պատելով նրա հատակը և պատերը: Այդ փոսիկները կոչվում են բաժակներ: Վերի ծնոտի բաժակները կրկնակի անգամ խորն են, քան ստորին ծնոտի բաժակները: Նշված բաժակները առամի մաշվելու հետևանքով աստիճանաբար կորցնում են իրենց խորությունը, իսկ որոշ հասակում բոլորովին վերանում են:

Կաթնաչին կտրիչները դուրս են գալիս և հետադառնում փոխվում մնացումներով հետևյալ հաջորդականությամբ՝ սկզբում բռնիչները, հետո միջին կտրիչները և վերջում հզրաչիները: Նույնպիսի հաջորդականությամբ էլ մաշվում են կտրիչների բաժակները:

Կաթնաչին կտրիչները մնացումների համեմատությամբ լինում են ավելի մանր, նրանց պսակը համեմատաբար ավելի լայն է, վզիկը՝ արտահայտված և գույնը՝ սպիտակ: Սեղանատամներից առջևի 12-ը (վեցական յուրաքանչյուր ծնոտի վրա) լինում են փոփոխվող, այսինքն՝ դուրս գալուց հետո որոշ ժամկետներում փոխվում են մնացումներով, իսկ մնացած 12-ը (զարձյալ 6-ական յուրաքանչյուրի ծնոտի վրա) մնալուն են, այսինքն փոխվելու ենթակա չեն: Ժանիֆատամները ևս դուրս գալուց հետո չեն փոխվում:

Տարիքը որոշելիս, հեշտության համար, առաջնորդվում են միայն կտրիչ ատամների հետ տեղի ունեցող փոփոխություններով, թեև որոշ հասակում սեղանատամները ևս կարող են ծառայել այդ նպատակի համար: Հովատակների մոտ հաշվի են առնում նաև ժանիֆների դուրս գալու ժամկետը: Տարիքը որոշելիս նկատի են ունենում հետևյալ ցուցանիշները.

- 1) կաթնաչին կտրիչների դուրս գալու ժամկետը,
- 2) նրանց բաժակների մաշվելը,
- 3) կաթնաչին կտրիչների փոխվելը մնացումներով.

4) մնացուն կտրիչների բաժակների մաշվելը,

5) մնացուն կտրիչների մաշվող մակերեսի ձևը:

Մտքովները մեծ մասամբ ծնվում են առանց կտրիչների, նրանք ունենում են միայն 3 զույգ փոփոխվող սեղանատամներ:

Մինչև 30 օրական հասակը դուրս են գալիս կաթնային բռնիչները:

15—45 օրական հասակում դուրս են գալիս միջին կտրիչները:

6—7 ամսական հասակում դուրս են գալիս կաթնային եզրային կտրիչները:

10—12 ամսական հասակում մաշվում են կաթնային բռնիչների բաժակները:

12—14 ամսական հասակում մաշվում են կաթնային միջին կտրիչների բաժակները:

15—24 ամսական հասակում մաշվում են կաթնային եզրային կտրիչների բաժակները:

2½ տարեկան հասակում փոխվում են կաթնային բռնիչները:

3 տարեկան հասակում մնացուն բռնիչները հասնում են լրիվ զարգացման:

3 ½ տարեկան հասակում փոխվում են կաթնային միջին կտրիչները:

4 տարեկան հասակում մնացուն միջին կտրիչները հասնում են լրիվ զարգացման:

4 ½ տարեկան հասակում փոխվում են կաթնային եզրային կտրիչները և հովատակների մոտ սկսում են դուրս գալ ժանիքները:

5 տարեկան հասակում մնացուն եզրայինները, իսկ հովատակների մոտ նաև ժանիքները հասնում են լրիվ զարգացման:

6 տարեկան հասակում մաշվում են ստորին ծնոտի բռնիչների բաժակները, և նրանց մաշվող մակերեսը լայնակի վալի ձև է բնորոշում:

7 տարեկան հասակում մաշվում են ստորին ծնոտի մի-

ջին կտրիչների բաժակները, բռնիչների բաժակի հետքի մոտ գեղնավուն բծի ձևով երևան է գալիս արմատային աստղը, մաշվող մակերեսը լայնակի օվալի ձև ունի:

8 տարեկան հասակում մաշվում են ստորին ծնոտի եզրայինների բաժակները, միջին կտրիչների վրա երևան է գալիս արմատային աստղը, մաշվող մակերեսը լայնակի օվալի ձև ունի:

9 տարեկան հասակում մաշվում են վերին ծնոտի բռնիչների բաժակները, ստորին ծնոտի բռնիչների մաշվող մակերեսը նմանվում է շրջագծի, իսկ եզրայինների վրա երևում է արմատային աստղը:

10 տարեկան հասակում մաշվում են վերին ծնոտի միջին կտրիչների բաժակները և արմատների միջև սկսում է տառջանալ տարածություն:

11 տարեկան հասակում մաշվում են վերին ծնոտի եզրայինների բաժակները, այսինքն՝ ծնոտի միջին կտրիչների մակերեսը մոտենում է շրջագծին:

12 տարեկան հասակում ստորին ծնոտի կտրիչների մաշվող մակերեսը արդեն մոտեցել է շրջագծին, բոլոր կտրիչների վրա արմատային աստղը լայն տեսք է ընդունում:

13 տարեկան հասակում ստորին ծնոտի կտրիչների վրա անհետանում են բաժակների հետքերը, բացառությամբ եզրայինների:

14 տարեկան հասակում բռնիչները (մաշվող մակերեսը) սկսում են ընդունել եռանկյան ձև:

15 տարեկան հասակում բռնիչների մաշվող մակերեսը լրիվ կերպով ընդունում է եռանկյան ձև, բաժակի հետքերը անհետանում են նաև եզրայինների վրա:

16 տարեկան հասակում միջին կտրիչներն ընդունում են եռանկյան ձև, վերին ծնոտի բռնիչների վրա անհետանում են բաժակների հետքերը:

17—18 տարեկան հասակում բոլոր կտրիչների մաշվող մակերեսը եռանկյունաձև է, անհետանում են վերին ծնոտի միջին կտրիչների բաժակների հետքերը, վերին և ստորին ծնոտի կտրիչները իրար են առնում ավելի սուր անկյան տակ:

19 տարեկանից սկսած ստորին ծննդի կտրիչներն մաշվող մակերեսը աստիճանաբար օվալի հակառակ ձև է ընդունում, ըստ որում՝ սկզբում բռնիչներին, հետո միջիններին և ապա եղրալիներինը:

Զիերի տարիքը ըստ ատամների որոշելիս անհրաժեշտ է նկատի ունենալ հետևյալը.

1. Հզի դամբիկների մոտ ատամների փոխվելը կարող է 6—12 ամսով ուշանալ:

2. Վաղահաս ցեղերի մոտ, կերակրման լավ պայմաններում, ատամների փոխվելը ավելի վաղ հասակից է սկսվում, քան ուշահաս ցեղի ձիերի մոտ:

3. Կերի տեսակը և կերակրման եղանակը կարող է արագացնել կտրիչների մաշվելը, օրինակ, երամակալին պահպանման ժամանակ, մանավանդ, եթե խոտակազմը կոպտացողուն է:

4. Ատամնանյութի (դենտինի) կարծրությունը տարբեր աստիճանը կարող է դանդաղեցնել, կամ, ընդհակառակը, արագացնել ատամների մաշվելու պրոցեսը: Օրինակ, ատամները շատ կարծր լինելու դեպքում, նրանք մի քանի տարով ավելի ուշ են մաշվում և ընդհակառակը, դենտինի փուխը լինելու դեպքում մաշվելու պրոցեսը զգալի արագանում է:

5. Զիու կրծախոտով տառապելը, որովհետև այգալիսի ձիերի կտրիչները, մանավանդ բռնիչները, ժամանակից շատ շուտ և անկանոն են մաշվում:

ԳԼՈՒԽ 3

ԶԻԵՐԻ ՅԵՂԵՐԸ

Զին պատկանում է կաթնասողների դասին, միասեռակալորների ընտանիքին, ձիերի տոհմին:

Զիերի տոհմն իր հերթին ստորաբաժանվում է երեք ենթատոհմերի՝ իսկական ձիերի, զերբերի և էշերի: Սրանցից

ԿԵՐԵՎԻՑ ԼԱՅՆԵԼՈՒ

ԱՌՃԵՎԻՑ ԼԱՅՆԵԼՈՒ

ԿՐԻՑԻՅ ԼԱՅՆԵԼՈՒ

1 ՏԱՐԵՎԱԼ



2 ՏԱՐԵՎԱԼ



3 ՏԱՐԵՎԱԼ



4 ՏԱՐԵՎԱԼ



5 ՏԱՐԵՎԱԼ



Նկ. 29 ա. 2-ի ու տարիքի սրտչումը ըստ առամների



6 հԱՐԵԿԱՆ



7 հԱՐԵԿԱՆ



8 հԱՐԵԿԱՆ



9 հԱՐԵԿԱՆ



10 հԱՐԵԿԱՆ



11 հԱՐԵԿԱՆ

12 հԱՐԵԿԱՆ



15 հԱՐԵԿԱՆ



18 հԱՐԵԿԱՆ



20 հԱՐԵԿԱՆ



Նկ. 29 ր. 2 իս տարիքի որոշումը ըստ առամենների

ձիերը և էշերը մարդու կողմից բնակացվել են, բայց գոշու-
կյուն ունեն նաև վաչքի վիճակում, իսկ զերբերը միայն վաչ-
քի վիճակում են գտնվում: Զիերը էշերի և զերբերի հետ
տրամախաչելիս ստացվում է սերունդ (հիրբիդ), որոնք լի-
նում են անտոտուղ (ոչ բեղուն): Այսպես՝ էշը զամբիկի հետ
զուգավորելիս ստացվում է ջորի, իսկ որձ ձիու և էգ էշի
զուգավորումից ստացված հիրբիդը կոչվում է իշաջորի: Այս
երկու խառնածիններից (հիրբիդներից) ավելի մեծ տնտե-
սական նշանակություն ունի ջորին, իսկ իշաջորին շատ հազ-
վագեղ է և իր բանող հատկություններով պիշում է ջորուն:
Ինչպես ստացինք, ջորին երբեք սերունդ չի տալիս, որով-
հետև նրա մոտ սեռական բջիջները չեն հասունանում:
առանձին զեպքերում էգ ջորիներն ընդունակ են լինում սե-
րունդ տալու, բայց քանի որ արունները երբեք չեն կարող
սերունդ տալ, ապա այդպիսի էգ ջորիներից սերունդ կարելի
է ստանալ նրանց ձիերի հետ տրամախաչելով:

Ինչպես վերևում նշեցինք, շնորհիվ մարդու կողմից տար-
ված աշխատանքի, սկսած հին դարերից մինչև մեր օրերը,
պտացվել են զանազան տիպի ձիերի բաղմամբիվ ցեղեր:

Այս ձեռնարկում խոսվում է միայն այն ցեղերի մասին,
որոնք նշանակություն ունեն ՀՍՍՌ-ի համար:

Ձիերի ցեղերի ուսումնասիրությունը հեշտացնելու համար
նրանց ենթարկում են դասակարգման (կլասիֆիկացիայի):
Ամենապարզ տնտեսական դասակարգումը հետևյալն է. 1)
հեծնելու ձիեր, 2) ծանրաքարշ կամ լծելու ծանր ձիեր և
3) լծելու թեթև ձիեր. այս խմբի մեջ գլխավորապես մտնում
են վարզուն ցեղերը:

ՀԵՄՆԵԼՈՒ ՅՆՂԵՐ

ԱՐԱՐԱԿԱՆ ՑԵՂԸ

Արարական ցեղը հին ցեղերի շարքին է պատկանում:
Նա ստացվել է Արարիայում՝ նրանից ավելի հին ծագում
ունեցող ասիական, և մասամբ էլ հյուսիս աֆրիկյան ցեղե-

րից: Արաբական ցեղը մեծ դեր է խաղացել ուրիշ երկրների ձիերի ցեղերի լավացման գործում: Ռուսաստանում նրա մասնակցությամբ ստացվել են վարդուն և հեծնելու ձիերի ցեղեր:

Արաբական ձիու կոնստիտուցիան շոր է և նուրբ: Նրա գլուխը բավականին փոքր է, գեղեցիկ, աչքերը՝ խոշոր, աշխույժ, պրոֆին ուղիղ է կամ քիչ զոգավոր, ճակատը՝ լայն: Պարանոցը՝ միջակ երկարության, ուղիղ: Մնդավը՝ միջակ, մեջքը և գոտկատեղն՝ ամուր, կուրծքը՝ բավարար խորության և լայն, կողերը՝ շատ ուռուցիկ, դավակը՝ ուղիղ, բավականին երկար, սուր բարձր է դրված, որի մազերը ձիու շարժման մասնակի գեղեցիկ կերպով հեռանում են մարմնից: Ոտքերը միջակ երկարության են, շատ շոր, լավ դարգացած հողերով և ամուր ջիլերով: Ամբակներն ավելի շուտ փոքր են և շատ ամուր: Մաշկը նուրբ է, թույլ դարգացած ենթամաշկով, որի հետևանքով երևում է արյան անոթների ցանցը: Մազերը նուրբ են: Ճակատափունջը լավ է դարգացած: Նա մեծ մասամբ լինում է կարմիր և մոխրագույն (գնեգաշա և սևոաշա) երանգներով: Արաբական ձին համեմատաբար փոքր է՝ կարճ իրանով և գեղեցիկ, վաշկուշ տեսքով: Զամբիկների բարձրությունը մնդավից մինչև գետին միջին հաշվով հասնում է 149 սմ, կրծքի փաթը՝ 174 սմ և ենթադաստակի փաթը՝ 18,4 սմ: Հովատակների միջին բարձրությունը հասնում է մոտ 152 սմ:

Արաբական ձին աչքի է ընկնում իր լավ բայով և արագ արշավով, վարդը միայն բավարար կարելի է համարել: Նրա յավաղույն ներկայացուցիչները արշավով 1600 մ տարածությունն անցել են 1 րոպե 47 վայրկյանում: Արաբական ձին իր արագավազությամբ դիջում է ձիերի զտարյուն հեծնելու ցեղին, ինչպես նաև՝ հայրենական ախալթեքինյան և բուդյոնովյան ցեղերին: Արաբական ցեղի ձիերն ամրակազմ են, դիմացկուն և տոկուն: Ղրա համար էլ մեծ տարածությունների վրա կազմակերպված վազքում հաճախ հաղթող են դուրս գալիս: Արաբական ձին երկարակյաց է և ավելի

շուտ՝ ուշահաս։ Նրա տոհմային հատկությունները բարձր են, աչսինքն ալլ ցեղերի հետ տրամախաշելիս նա մեծ շափով իր հատկությունները հաղորդում է խառնածիններին։ Մինչև XIX դարի կեսը արաբական ցեղը մեծ դեր է խաղացել եվրոպական զանազան երկրների և Ռուսաստանի ձիաբուծության լավացման գործում, որից հետո իր դերը աստիճանաբար զիջել է հեծնելու զտարյուն ձիուն։



Նկ. 30. Արաբական ցեղի հովասակ։

ՍՍԻՄ-ում արաբական ձիերը բուծվում են գլխավորապես Հյուսիսային Կովկասում՝ Տերսկի և Ստավրոպոլսկի ձիաբուծարաններում, որտեղ նրանց մասնակցությամբ ստացվել է հայրենական տերսկի նոր ցեղը։

ՍՍՌՄ արարական ցեղը պլանային է: Միության որոշ
 շրջաններում տեղական ձիերը լավացվում են նրանով: Անդր-
 կովկասում՝ Հայկական և Ադրբեջանական ռեսպուբլիկանե-
 րում ևս արարական ձին օգտագործվում է որպես լավացնող
 ցեղ: Թրինակ, ՀՍՄՌ Նոյեմբերյանի, Գորիսի շրջաններում
 տեղական ձիերը հիմնականում լավացվում են տատարական
 ձիերով: Արարական ձիերի խառնածինները, տեղական ձիերի
 համեմատությամբ, լինում են ավելի խոշոր, սրընթաց և լավ
 են հարմարվում տեղի պայմաններին:

ՀԵԾՆԵԼՈՒ ԶՏԱՐՅՈՒՆ ՑԵՂԸ

Այս ցեղը ստացվել է Անգլիայում XVIII դարի կեսե-
 րին: Նրա առաջացմանը մասնակցել են Անգլիայի տեղական
 ձիերը և Հյուսիսային Աֆրիկայի (բերբերական), Միջին
 Ասիայի (թուրքմենական), ինչպես նաև թյուրքական, պարս-
 կական և արարական ցեղերը: Այսպիսով, հեծնելու գոտա-
 րուն ձին բարդ տրամախաչման արդյունք է: Ստացված խառ-
 նածիններին հետազայում բուծել են ինքն իր մեջ՝ կատարե-
 լով բնորոշյուն: Առանձնապես մեծ դեր են խաղացել բա-
 սրընթացության բնորոշյունը (փորձարկում հիպոդրո-
 մում) և լավ կերակրումն ու խնամքը:

Հեծնելու գոտարյուն ձին ունի շոր և նուրբ կոնստիտու-
 ցիա: Նրա գլուխը միջակ մեծության է, պարանոցն ուղիղ է
 և երկար: մնդավր բարձր է, երկար, մեջքն ու գոկատեղը
 կարճ են և ուղիղ. թիակը երկար է և թեք դրված: Կուռծոտ
 լայն չէ, բայց շատ խորն է. գավակը՝ երկար, թեթևակի,
 թեքված. ստերը երկար են, շոր, մկաննդ, լայն զարգացած
 հոդերով և լավ արտահայտված ջիլերով: Նրանզը մեծ մա-
 սամբ լինում է կարմիր և շեկ (զնեղայա և ուիժայա): Այս-
 պիսով, նրա էքստերյերը միանգամայն բնորոշ է հեծնելու
 սրընթաց ձիերի համար:

Հեծնելու գոտարյուն ձին վաղահաս է, աշխույժ՝ տեմպե-
 րամենտով և վայելուչ՝ տեսքով: Նա խոշոր ցեղերի շարքին

է. սյատկանում. նրա միջին շափումները մեզ մոտ բնորոշ-
վում են հետևյալ թվերով. (սանտիմետրերով):

Բարձրութ. մըն- դավից	Կրծքի փա- թը	Թեք երկարու- թյունը	Ենթադաստա- կի փաթը
Հոփառակներ. 159	179	158	19,6
Զամբիկներ 157	178	158	18,9

Միջին կենդանի քաշը հավասար է 480—500 կգ. Հեծնե-
լու զտարյուն ձիերը բացառիկ սրընթաց են՝ նրանք կարող
են մեկ կիլոմետր տարածությունը անցնել մեկ րոպեում և
դեռ ավելի շուտ. օրինակ, Սովետական Միությունում «Բեա-
կարնի» հովառակը 2400 մետր տարածությունը անցել է 2
րոպե 37 վայրկյանում, իսկ «Ռանմիր» հովառակը՝ 2 րոպե
29 վայրկյանում: Հեծնելու զտարյուն ցեղը տարածված է
համարյա ամբողջ աշխարհում, և շնորհիվ իր տոհմային
բարձր հատկությունների, լայնորեն օգտագործվում է տեղա-
կան ցեղերը լավացնելու համար: Նրա մասնակցությամբ
ստացվել են բազմաթիվ հեծնելու տիպի կույտուրական ցե-
ղեր: Այս ցեղը Ռուսաստանում սկսեցին բուծել XVIII դա-
րի վերջերից: Սովետական Միությունում հեծնելու զտարյուն
ձին բուծվում է ձիարուծական սովխոզներում (զավոդնե-
րում), իսկ նրա խառնածինները՝ նաև կույտուրական տոհ-
մային ֆերմաներում:

Հեծնելու զտարյուն ձին պլանով նախատեսված է որպես
լավացնող՝ Միության մի շարք շրջաններում, որտեղ ձիարու-
ծությունը հեծնելու ուղղություն ունի. նա պլանային է նաև
ձենդրկովկասի ռեսպուբլիկաներում, այդ թվում և Հայաս-
տանում:

Նրկար տարիների ընթացքում բուծման տեխնիկայի, կե-
տակրման, խնամքի և մարզեցման յուրահատուկ պայմաննե-
րում մեզ մոտ՝ ՍՍՄԽ-ում ստեղծվել է զտարյուն ձիարուծու-
թյան ուրույն ուղղություն: Մեզ մոտ հիմնվել են մի շարք
նոր, բարձրորակ գծեր, օրինակ՝ Բրիմստոնի, Տագորի, Գրա-
նիտի և այլ գծերը:

Տեղական մանր ցեղերի սկզբնական լավացման համար

Հաճախ օգտագործում են ոչ թե հեծնելու գտարյուն ձին, այլ նրա արտադրյալները, այսինքն՝ խառնածիններն ուրիշ ցեղերի հետ տրամախաչելու միջոցով, ինչպես, օրինակ, կարարդինյան ձին։

Հեծնելու գտարյուն ձին պահանջում է խնամքի և կերակրման խիստ լավ պայմաններ, այլապես նա կորցնում է իր լավ հատկությունները։ Մեր տեղական ձիերի լավացումը հեծնելու գտարյուն ցեղով պետք է մեծ զգուշությամբ կատարել, ըստ ամենայնի աշխատելով պահպանել տեղական ձիերի անտեսապես օգտավետ հատկությունները և խառնածինների համար ստեղծել կերակրման ու խնամքի լավ պայմաններ։



Նկ. 31. Հեծնելու գտարյուն ցեղի հովատակ

Տերսկի ցեղը հայրենական նոր ցեղերի թվին է պատկանում: Նա ստացվել է Հյուսիսային Կովկասում՝ Տերսկի պետական ձիարուծարանում, բարդ վերարտադրական տրամախաշման միջոցով: Այս ցեղը ստանալիս օգտագործել են ստրելեցկի և արաբական ցեղերի հովատակներին և զոնական ու կարադինյան գամբիկներին: Ստրելեցկի ցեղը մաս է կանգնած արաբականին, որովհետև իր ժամանակ ստացվել է արաբական և հեծնելու զտարյուն ցեղերի տրամախաշումից: Փաղաքացիական կռիւների ընթացքում ստրելեցկի ցեղը համարյա թե ոչնչացել է: մնացած հատ ու կենտ ներկայացուցիչները Մովսեսական իշխանության օրոք կենտրոնացվում են Տերսկի ձիարուծարանում և օգտագործվում տերսկի ցեղի ստացման համար: Այդ ցեղի առաջացման գործում առանձնապես մեծ դեր խաղացին «Յիլինդը» և «Յեհիտել» հովատակները:

Տերսկի ձիարուծարանում վերև նշված ցեղերի տրամախաշումից ստացված խառնածիններին հետադաշում լավացնում են ինքն իր մեջ, աստիճանաբար կայունացնում և ստանում տերսկի ցեղը:

Այս ցեղի ստացման գործում հսկայական դեր խաղացին արտաքին պայմանները՝ կերակրումը, խնամքը և վարժեցումը:

Տերսկի ձիարուծարանում ձիերը պահվում էին կուլտուրական ախոռային ձևով: Հետագայում ձիերը տեղափոխեցին Ստալրոպոլի ձիարուծարանը, և սկսեցին պահել կուլտուրական երամակային եղանակով:

Կուլտուրական երամակային պահպանման պայմաններում, թեև ձիերը մեծ մասամբ օգտվում էին արտաքին, սակայն տարվա որոշ ամիսներին ստանում էին նաև լրացուցիչ կեր՝ խոտ և հատիկ, սկսած մատղաշ հասակից: Մատղաշների մարզանքը (տրենինգը) և ընտրության նպատակով նրանց փորձարկումը, նույնպես մեծ դեր խաղացին այս ցեղի ստացման գործում: Տերսկի ցեղն ստեղծող ձիարուծ-

ները իրենց համառ և արդյունավետ աշխատանքի համար արժանացան Ստալինյան մրցանակի։ Տերսկի ցեղը, ինչպես և բուդյոնովյան ցեղը, ստացվել է Ս. Մ. Բուդյոննու անձնական ղեկավարությամբ։

Տերսկի ցեղը հեծնելու ձիերի տիպին է պատկանում և բնորոշվում է հետևյալ ցուցանիշներով։ Նրա ղլուխը միջակ մեծության է՝ ուղիղ կամ դողավոր պրոֆիտով, պարանոցը բավականին երկար է և ավելի շուտ բարձր դրված, մեղավր լավ զարգացած, թիակը (ուռը) թեք է դրված, մեջքը և գոտիասեղը կարճ են՝ լավ զարգացած մկաններով։ Գավաղը լայն է, նորմալ թեքվածությամբ. կողերը՝ երկար և կլորավուն, կրծքի վանդակը՝ ծավալուն։ Ութերը՝ ամուր, կարծր սմբակներով։



Նկ. 32. Տերսկի ցեղի հովատակ։

Տերսկի ցեղի ձիերը ճնշող մեծամասնությամբ լինում են արծաթափայլ, մոխրագույն երանգի:

Տերսկի տիպի զամբիկների համար բնորոշ են հետևյալ միջին չափումները. բարձրությունը (մեղավից)՝ 152 սմ, իրանի թեք երկարությունը՝ 154, կրծքի փաթը՝ 176, ենթազաստակի փաթը՝ 18,6 սմ. հովատակների միջին բարձրությունը 154 սմ է: Տերսկի ցեղի ձիերը ամրակազմ են, դիմացկուն, բավականին սրընթաց և վաշխուշ: Սրանք հիանալի կերպով համակերպված են կուպտության երամակային պահպանման պայմաններին: «Տեխնիկայ» հովատակը 1600 մ անցել է 1 րոպե 50 վայրկյանում:

Ներկայումս տերսկի ձիերին բուծում են Ստավրոպոլի և Մտրեկեցկի պետական ձիարուծարաններում (զավոդներում): Տերսկի ցեղը օգտագործվում է որպես լավացնող՝ Ստավրոպոլի երկրամասում, Ազրբեջանական, Վրացական և Հայկական ՍՍՌ-ներում:

ԿԱՐԱՐԳԻՆՅԱՆ ՑԵՂԸ

Կարարգինյան ցեղը Կովկասի լավագույն ցեղերից մեկն է: Բուծվում է Կարարգինական ավտոնոմ ՍՍՌ-ում, Ստավրոպոլի և Կրասնոդարի երկրամասերում: Հեռավոր անցյալում ռուսացվել է տափաստանային (մոնղոլական) և հեծնելու որընթաց ձիերի տրամախաշումից՝ Կովկասի փարթամ լեռնային արոտավայրերում: Հետագայում նորից թեթևակի կերպով ազդվել է մի շարք հեծնելու ձիերի ցեղերից, ինչպես, օրինակ, արաբական, զարաբադի, իրանական և այլն: Կարարգինյան ցեղը համարյա մինչև հիմա էլ բուծվում է երամակային եղանակով:

Կարարգինյան ցեղի ձիերին կարելի է օգտագործել լծելու և բռնելու համար, բայց նա հիմնականում հեծնեզու ձի է: Կարարգինյան ձին խոշոր չէ, ունի քիչ երկարաձգված, խորը և լայն իրան, գլուխը բավականին մեծ է, շոր, տկանջներն՝ ավելի շուտ երկար, բայց ցցված, բթի պրոֆիլը մեծամասնությամբ՝ ուսուցիկ (սապատավոր), պարանոցը՝

քարակ և ուղիղ, կարճ կամ միջակ երկարություն, հաճախ
ցածր դրված: Մեղավր բավականին բարձր է, մեջքն ու
գոտկատեղն ուղիղ են՝ լավ զարգացած մկաններով և ամուր:
Մեջքը մյուս հեծնելու ցեղերի հետ համեմատած քիչ ավելի
երկար է: Գավակը՝ միջակ երկարություն, լայն և զգալի շա-
փով թերված: Կուրծքը բավարար լայնության է և խորը:
Վերջավորությունները ամուր են, չոր՝ լավ զարգացած հո-
դերով ու ջիլերով և կարծր սմբակներով: Առջևի ոտքերը մեծ
մասամբ կանոնավոր են դրված, իսկ հետևի ոտքերը հա-
ճախ թրածե են լինում և ցատկիչ հոդերում որոշ չափով
մոտիկացած: Երանդը մեծ մասամբ կարմիր է լինում:

Կարարդինյան ցեղը խոշոր չէ, նրա բարձրությունը, մրն-
դավից մինչև գետին, միջին հաշվով հավասար է 144 սմ:



Նկ. 33. Կարարդինյան ցեղի հովասակ:

Տոհմական դամբրիկների չափումներն են՝ բարձրությունը մեղավից — 147, թեք երկարությունը — 149, կրծքի փաթը — 176, ենթադաստակի փաթը — 18,2 սմ:

Կարաբղինյան ձիերը ունենալով շոր և ամուր կոնստիտուցիա հայտնի են իրենց դիմացկունությամբ, աշխատունակությամբ, և հիանալի կերպով համակերպված են լեռնային պայմաններին: Որպես օրինակ կարող են ծառայել կարաբղինյան ցեղի ձիերի բանող հատկությունները ուսումնասիրելու նպատակով 1935/36 թվականի ձմռանը կազմակերպված վազքը Կովկասյան լեռնաշղթայի շուրջը: Բացի այդ ձիերից, վազքին մասնակցում էին կարաբղինյան ցեղի 15 ձի: Չնայած վազքի ծանր պայմաններին, 3000 կմ տարածությունը ձիերը կարողացան կտրել 47 օրում, չհաշված հանգստյան օրերը, միջին հաշվով օրական անցնելով 64 կմ տարածություն:

Կարաբղինյան ցեղի ձիերն աչնքան էլ սրընթաց չեն, օրինակ՝ նրանց լավագույն ներկայացուցիչները 1600 մետր տարածությունն անցնում են 1 րոպե 54 վարկյանում:

Կարաբղինյան ցեղը պլանային է ՄՍՄՄ-ի մի շարք շրջաններում, գլխավորապես Հյուսիսային Կովկասում: Այս ցեղի հետագա բարելավման համար կազմակերպված են երկու պիտական տոհմարոժարան և մի շարք տոհմային սովխոզներ (գավաղներ):

ՀՍՄՄ-ում ևս կարաբղինյան ցեղը պլանով ընդունված է որպես լավացնող: Առանձնապես նպատակահարմար է նրանում լավացնել տեղական ձիերը՝ խիստ անհարթ ուղիների ունեցող լեռնային շրջաններում, ինչպես, օրինակ, Ազիզբեկովի, Ղափանի և այլն: Կարաբղինյան ցեղի ձիերի որոշ մասը լավացրել են հեծնելու գտարյուն ցեղի ձիերի հետ տրամախաշելով: Ստացված խառնածինները կարաբղինյան ձիերի համեմատությամբ ավելի խոշոր են, սրընթաց և ավելի վաշելույ տեսքով: Սրանք ևս մեր մի շարք շրջաններում օգտագործվում են որպես լավաղնողներ:

Օսլովյան վարդունը ստացվել է Ռուսաստանում XVIII դարի վերջերին և XIX դարի սկզբներին, Խրենովսկի ձիարուծարանում, Օսլով — Չիսմենսկու և նրա ձիարուծարանի կառավարչի՝ Վ. Ի. Շիշկինի կողմից:

Նպատակ էր դրված ստանալ լծելու թեթև (կառքի) ձի, որը լինելու խոշոր, բավականաչափ մասսիվ և լավ վարդավ դնացող: Այդ նպատակի համար Օսլովը և Շիշկինը օգտագործեցին տարբեր ուղղության մի քանի ցեղեր. արաբական, արևմտաեվրոպական՝ լծելու և լծելու-հեծնելու ցեղեր:

Այդպիսով, ցեղը ստանալու համար կիրառեցին բարդ վերարտադրողական արամախաշման մեթոդը: Յեղի ստացման ամբողջ ընթացքում տարվում է ընտրությունը ըստ տիպի: Միևնույն ժամանակ տուաչին անդամ Ռուսաստանում Խրենովսկի ձիարուծարանում սկսեցին կիրառել մատչառ ձիերի արենինդը (մարզում) և փորձարկում՝ ըստ արագավաղության: Հետագայում Օսլովյան ցեղը աստիճանաբար յայն տարածում գտավ ամբողջ Ռուսաստանում:

Ռեուլյուցիայից հետո հսկայական աշխատանք է տարվել այս ցեղի հետագա կատարելագործման ուղղությամբ, որի շնորհիվ ներկայումս Օսլովյան վարդունը աշխարհիս լավագույն ցեղն է հանդիսանում:

Օսլովյան վարդունն ըստ իր տիպի պատկանում է լծելու թեթև ձիերին, բայց միևնույն ժամանակ նա խոշոր է և բավականին մասսիվ:

Նրա գլուխը բավականին մեծ է՝ ուղիղ պրոֆիլով, պարանոցը երկար է, մկանեղ և հաճախ (մանավանդ հովատակների մոտ) կարապի ձևի: Կուրծքը և մեջքը լավ զարգացած են մկաններով, գավակը հզոր է (լավ զարգացած), վերջավորությունները երկար են և մեծ մասամբ ճիշտ կերպով դրված: Համեմատաբար ավելի հաճախ նկատվում են հետևյալ պակասությունները. կոպտավուն գլուխ, ոչ բավա-

բար խորության հարձք, հողերի խոնավություն և առջևի վերջավորությունների ծուլաթափություն (դեպի դուրս):

Ամենատարածված երանգներն են՝ սևաթույրը և մոխրագույնը:

Օւլովյան ցեղի դամբիկների միջին չափումներն են՝ բարձրությունը մոտավոր՝ 158 սմ, թեք երկարությունը՝ 160 սմ, կրծքի փաթը՝ 179 սմ և ենթադաստակի փաթը՝ 19,8 սմ: Հովատակներն ալիկի խոշոր և մասսիվ են, նրանց բարձրությունը հավասար է 160 սմ., իսկ ենթադաստակի փաթը՝ 20,2 սմ:

Օւլովյան վարդունը շատ արագավազ է, միջին հաշվով հա 1600 մետր տարածությունը վարդով անցում է 2 րոպե 25 վայրկյանում, իսկ «Ուլով» և «Պիլոտ» հովատակները նույն տարածությունն անցել են 2 րոպե 2 $\frac{2}{8}$ վայրկյանում:

Օւլովյան վարդունը որպես կաշուն ցեղ աչքի է բնկնում նաև իր առհմային հատկություններով:

Օւլովյան վարդունը բուծում են կուլտուրական (ախտոային) ձիարուծության պայմաններում:



Նկ. 34. Օւլովյան վարդուն ցեղի հովատակ:

Այս յեզի լավագույն մասը կենտրոնացված է պետութ-
ւարաններում (զավոզներում). բացի դրանից, նրա հետագա-
բարելավման նպատակով Կուրսկի, Ուլյանովի, Գորկու, Տամ-
բովի և այլ մարզերում կազմակերպված են պետական տե-
մարութարաններ՝ կոլտնտեսությունների սպասարկման հա-
մար:

Օւլովյան վարգունը ՍՍՌՄ բազմաթիվ շրջաններում ըն-
դունված է որպես հիմնական լավացնող ցեղ. նրանով լա-
վացնում են տեղական ավելի ցածրորակ ցեղերը և ստանում
հիանալի գյուղատնտեսական ձի:

Վերջին տարիներում ՀՍՍՌ-ում ևս սկսել են օւլովյան վար-
գուններին օգտագործել տեղական ձիերի լավացման համար:
Բայց այս հարցում անհրաժեշտ է ցուցաբերել սրտ զգուշու-
թյուն, այսինքն սկզբում նրանց օգտագործել սահմանափակ
չափերով, և միայն դրական արդյունքներ ստանալու դեպ-
քում, օգտագործման շրջանը լայնացնել:

ՌՈՒՍԱԿԱՆ ՎԱՐԳՈՒՆ

Ռուսական վարգունը ստացվել է վերջին տարիներում
Օւլովյան և ամերիկյան վարգունների խառնածիններից:

Օւլովյան վարգունը մինչև Հոկտեմբերյան սեպտեմբերի
մասսայական կերպով տրամախաչվում էր ամերիկյան վար-
գունի հետ, որը թեև ավելի մանր էր, քան օւլովյանը, բայց
տրադավադությամբ գերազանցում էր նրան:

Սովետական իշխանության օրոք աշխարհի տրամախա-
չումը դադարեցվեց, որովհետև օւլովյան վարգունի տնտե-
սապես օգտավետ հատկությունները, ամերիկյանի հետ հա-
մեմատած, անհամեմատ ավելի բարձր էին: Դրա համար մի
կողմից մեծ ուշադրություն դարձվեց օւլովյան վարգունի
հետագա բարելավման (կատարելագործման) գործին, իսկ
մյուս կողմից նպատակ դրվեց նրա և ամերիկյան վարգունի
խառնածիններից ստանալ նոր ցեղ, որը և հաջողվեց իրա-
գործել:

Ռուսական վարգունն ըստ իր մասսիվության փոքր ինչ

շիջում է օդովյան վարդունին և ավելի շտր կոնստիտուցիա ունի: Նա ամրակազմ է, լավ զարդացած մկաններով և շատ արագավազ է: Այս ցեղի սեկորդը պատկանում է «Ժեստ» հովտականին, որը 1600 մետր տարածությունը վարդով անցել է 1 րոպե 59 $\frac{6}{8}$ վայրկյանում:

Ռուսական վարդուն ցեղի զամբիկներին բնորոշ են հետևյալ միջին շտիումները. բարձրությունը մնդավից՝ 157 սմ., իրանի թեք երկարությունը՝ 159 սմ, կրծքի փաթը՝ 179 սմ և ենթադաստակի փաթը՝ 19,5 սմ: Հովատակների բարձրությունը հավասար է 160 սմ, կրծքի փաթը՝ 182 սմ, և ենթադաստակի փաթը՝ 20,1 սմ:



Նկ. 35. Ռուսական վարդուն ցեղի հովատակ:

Այս ցեղի լավագույն մասը կենտրոնացված է պետձիարուծարաններում (Դուրբովսկի, Լավրովսկի, Ալեքսանդրովսկի և այլն). բացի դրանից, ռուսական վարդունը բավականին մեծ քանակությամբ բուծվում է նաև մի շարք կոլտնտեսություններում, որտեղ տոհմական աշխատանքը իրագործում

ևն պետական տոհմաբուծարանները (Օմսկի, Ուլյանովսկի և արիշները)։ Ռուսական վարդունը, ինչպես օղյովյան վարդունը, որպես լավացնող է ընդունված ՍՍՌՄ-ի համարյա բոլոր մարզերում, երկրամասերում և ուսպուրլիկաներում։

Ռուսական վարդունը, ինչպես և օղյովյանը, Հայաստանում օգտագործվում է տեղական ձիերի լավացման համար։

ՄԱՆՐԱՔԱՐԵ ՅԵՂԵՐ

ՌՈՒՍԱԿԱՆ ՄԱՆՐԱՔԱՐԵ ՅԵՂ

Ռուսական ծանրաքարշ ցեղը ստաշացել է «Արդեն» ցեղի մասնակցությամբ։

Արդենը մանր ծանրաքարշ ցեղ է, որը սկզբում ստացվել է Բելգիայի լեռնային շարդենները կոչվող վայրում։ Արդենները հետագայում տարածվեցին Ֆրանսիայում, Շվեդիայում, Նորվեգիայում և այլ երկրներում, բայց ներկայումս նշված երկրներում, ինչպես և իր հայրենիքում, քիչ թվով է պահպանվել։ Արդեն ցեղը Ռուսաստան մուտք է գործել դեռևս XIX դարում։

Ռուսական ծանրաքարշ ցեղը ստացվել է պետական ձիաբուծարաններում և կոլտնտեսություններում՝ արդեններն այլ ծանրաքարշ ցեղերի, վարդունների և տեղական ձիերի հետ տրամախաչելու միջոցով։ Այս ցեղի ստացման դարձում վճռական դեր խաղաց ձիերի ընտրությանը և գույգների ընտրությունը (որը տարվում էր ըստ ախպիկության), կերակրման ու խնամքի լավ պայմանները, ինչպես նաև տոհմային ձիերն աշխատանքի մեջ օգտագործելը։

Ռուսական ծանրաքարշ ցեղն ըստ ախպի պատկանում է ծանրաքարշ ձիերի շարքին։

Նրանց գլուխը միջակ մեծության է, պարանոցը միջակ երկարության՝ հաստ և լավ դարգացած մկաններով, իրանը լայն է և խորը, կրծքի վանդակը լավ դարգացած, գավակը լայն է՝ ծավալուն մկաններով, զգալի թեքվածությամբ, պատահում է նաև երկրաժան գավակ։

Վերջավորությունները, մյուս տիպի ծանրաքարշ ցեղերի հետ համեմատած, ավելի չոր են, ամուր, և մեծ մասամբ զրված են ուղիղ:

Էքստերյերային պակասություններից ավելի հաճախ պատահում են՝ մեջքի թեթևակի դողավորություն, սաքերի թրածնություն, ցատկահոգերի մոտիկություն և առջևի ոտքերի ծուռթաթվություն (դեպի ներս):



Նկ. 36. Ռուսական ծանրաքարշ ցեղի հովատակ:

Նրանցքը մեծ մասամբ լինում է շեկ և շեկաշալ:

Ռուսական ծանրաքարշ ձին խոշոր չէ, նրա համար բնորոշ են հետևյալ միջին չափումները. զամբիկների բարձրությունը հավասար է 145 սմ, թեք երկարությունը՝ 155 սմ, կրծքի փաթը՝ 183 սմ և ենթադաստակի փաթը՝ 20,6 սմ. հովատակների միջին բարձրությունը հավասար է 146 սմ:

Ռուսական ծանրաքարշ ձիերը վաղահաս են. նրանք իրենց աճն ու զարգացումը հիմնականում ավարտում են 3

տարեկան հաստիքում: Նրանք ամրակազմ են, հեշտությամբ համակերպվում են զանազան կլիմայական պայմաններին:

Ռուսական ծանրաքարշ ձիերի բանող հատկությունները շատ բարձր են, նրանք ոչ միայն ընդունակ են մեծ բեռ քաշելու, այլև աչքի են ընկնում իրենց դյուրաշարժությամբ, այսինքն ունեն աղատ արագ քայլ և բավարար արագության վարդ:

Այսպես՝ «Ազգաստեղիկ» հովատակը 2 տոննա բեռը 1 կիլոմետր տարածության վրա տեղափոխեց քայլով 8 րոպե 44 վայրկյանում, իսկ վարդով՝ 2 րոպե 38 վայրկյանում: Բեռ քաշելու ռեկորդը պատկանում է «Կավարնի» հովատակին, որը կարճ տարածության վրա տեղափոխել է 7265 կգ բեռ, որի ժամանակ քարշի ուժը հավասար էր 314 կգ:

Ռուսական ծանրաքարշ ցեղի ձիերի լավագույնս գլխաքանակը կենտրոնացված է Ուկրաինայի (Նովո-Ալեքսանդրովսկի ու Կոստանտինովսկի) և Ռուսիի մի շարք պետծիարուծարաններում:

Շնորհիվ իր տնտեսապես օգտավետ հատկությունների, սուսական ծանրաքարշ ցեղը ՍՍՌՄ մի շարք վայրերում, այդ թվում Լենդրկովկասի ռեսպուբլիկաներում, ընդունված է որպես պլանային:

Փորձը ցույց է տվել, որ Հայաստանի տեղական ձիերը, սուսական ծանրաքարշ ցեղով լավացնելու դեպքում, լավ արդյունքներ են ստացվում: Այդպիսի տրամախաշումից ստացված ձիերը, տեղական ձիերի համեմատությամբ, լինում են ավելի խոշոր, մասսիվ, ուժեղ են և ունեն լավ բանող հատկություններ: Գրական պետք է համարել նաև այն, որ նշված խառնածինները դյուրաշարժ են և շատ լավ են հարմարվում մեր լեռնային պայմաններին:

Ստեփանավանի շրջանի կոլտնտեսություններում մի շարք տարիների ընթացքում ռուսական ծանրաքարշից և տեղական ձիերից ստացված խառնածինների նկատմամբ տարվում է աշխատանք՝ հետագա բարելավման ուղղությամբ: Գրաշնորհիվ այստեղ արդեն ստացվել է խառնածինների չափազանց արժեքավոր խումբ, որոնք իրենց բարձր բանող հատ-

կույթյունները համատեղում են գյուրաշարժության և տեղի գալմաններին համակերպված լինելու հետ:

Այդ խառնածինների զամբիկների միջին բարձրությունը հավասար է 142 սմ, թեք երկարությունը՝ 145 սմ, կրծքի փաթը՝ 170 սմ և ենթադաստակի փաթը՝ 19,2 սմ, իսկ հովատակների միջին բարձրությունը հավասար է 148 սմ:

Թե որքան ուժեղ են հիշված խառնածինները, կարելի է օրինակ բերել Միխայլովկա գյուղի կուլտնատեսությանը պատկանող «Ժոկեյ» հովատակը, որը փորձարկման ժամանակ կարողացավ փոքր տարածության վրա (250 մ) տեղափոխել 9940 կգ բեռ, դարգացնելով 497 կգ քաշող ուժ:

Ինչպես ոռոտական ծանրաբարձ ձիերը, այնպես էլ նրանց միջոցով ստացված բարձրորակ խառնածինները ըստ հնարավորության պետք է լայնորեն օգտագործել մեր մի շարք շրջաններում, նրանց միջոցով գյուղատնտեսական բարձրորակ ձիեր ստանալու համար:

ՀԱՅԱՍՏԱՆԻ ՏԵՂԱԿԱՆ ՁԻԵՐԸ

ՀՍՍՌ-ի տեղական ձիերն ավելի շուտ ունեն հեծնելու ուղղություն: Նրանց կոնստիտուցիան նուրբ է և չոր: Տեղական ձիերի համար բնորոշ է հետեյալ էքստերյուրը: Գլուխը մեծ, մասամբ միջակ կամ փոքր է, ուղիղ պրոֆիլով, պարանոցն ունի միջակ երկարություն, մեղավր բավականին լավ է զարգացած, մեջքը միջակ երկարության է կամ կարճ, գոտկատեղը ևս կարճ է և ամուր, գավակը միջակ երկարության է, բավարար լայնության և չավալոր թեք. կուրծքը միջակ լայնության և խորության է, ոտքերը չոր են, ջլուտ, ամուր և կարծր սմբակներով, ոտքերի երկարությունը միջակից բարձր է: Տեղական ձիերի ոսկրակազմը և մկանները բավարար են զարգացած. նրանց տեմպերամենտը աշխույժ և եռանդուն է: Ամենատարածված երանգներն են կարմիր և մոխրագույնը պատահում են և այլ երանգի ձիեր. սպիտակ նշանները հազվադեպ են, ավելի հաճախ են պատահում ճակատի վրա պեծիկներ ունեցող ձիեր:

Տեղական ձիերը մանր են. դամբիկների համար բնորոշ են հետևյալ միջին չափումները. բարձրությունը՝ (մեղավից) 134 սմ, թեք երկարությունը՝ 135,5 սմ, կրծքի փաթը՝ 159 սմ և ենթադաստակի փաթը՝ 17 սմ: Հովատակները փոքր-ինչ ավելի խոշոր են:

Մեր մի շարք շրջաններում տեղական ձիերի միջին ցուցանիշներն ավելի ևս ցածր են և քիչ չեն դեպքեր, երբ նրանց բարձրությունը հասնում է հասնում 128—130 սմ:

Տեղական ձիերը ուշահաս են, ամրակազմ, դիմացկուն, սակավապահանջ և հիանալի կերպով համակերպված են մեր լեռնային պայմաններին:

Իրենց փոքրության համեմատ նրանք բավարար արագությունը են արշավում. պատահում են և արագ շոթերաքայլ ղեացող ձիեր:

Տեղական ձիերից համեմատաբար ավելի աչքի են ընկնում Ղազախի ձիերը, որոնք բուծվում են Շամշադինի, Իջևանի, Նոյեմբերյանի և Կրասնոսելսկի շրջաններում, ու Զանգեզուրի ձին, որը տարածված է Ղափանի, Գորիսի և Սիսիանի շրջաններում:

Չնայած իրենց մի շարք դրական հատկություններին, տեղական ձիերը չեն կարող լրիվ բավարարել մեր ժողովրդադատնտեսական պահանջները, այդ պատճառով և լավացվում են մի շարք բարձրորակ կուլտուրական ցեղերով:

ՋՈՐԻ

Ջորին շատ արժեքավոր կենդանի է. նա աչքի է ընկնում իր երկարակեցությամբ (ապրում է մինչև 60—90 տարի), շատ դիմացկուն է, տոկուն և ուժեղ, ձիու հետ համեմատած՝ նա շոգին, ցրտին ավելի լավ է դիմանում և ավելի նվազ պահանջկոտ է: Ջորին հիանալի կերպով համակերպված է լեռնային ուղիներին և ընդունակ է մեծ բեռի տակ շարժվելու նեղ և քարքարոտ կաժաններով:

Շնորհիվ իր այս արժեքավոր հատկությունների, Ջորին լայնորեն պետք է օգտագործել դյուղատնտեսության մեջ,

տրանսպորտի համար, լեռնային վայրերում նաև որպես լեռնակիր գրասու:

Հայաստանում ջորիների արտադրությամբ զբաղվել են շատ հին ժամանակներից: Ներկայումս լեռնաբեռնակիր ջորիների արտադրությամբ զբաղվում են Ղափանի, Սիսիանի, Գորիսի, Մեղրու և Ագիգրեկովի շրջաններում: Հայաստանի պայմաններում պետք է ստանալ երկու տիպի ջորի՝ 1) լեռնաբեռնակիր և 2) լծելու տիպի: Առաջին տիպի ջորիներ ստանալու համար պետք է օգտագործել թուրքմենական, մարիական ցեղի, ինչպես նաև համազանի էշերը, կամ նրանց խառնածինները՝ մեր տեղական էշերի հետ: էշերի նշված ցեղերը բավականին խոշոր են: Նրանց միջին բարձրությունը մեղավից մինչև գետին հավասար է 120—130 սմ: նշված ցեղերը բավականին խոշոր են: Նրանց միջին բարձրությունը հազիվ մի մետրի է հասնում: Լեռնաբեռնակիր ջորիներ ստանալու համար պետք է օգտագործել տեղական և կարաբղինյան կամ արարական ցեղերով լավացրած զամբիկներ: Այսպիսի տրամախաչումից ստացված ջորիները կլինեն ոչ այնքան խոշոր (մինչև 140 սմ բարձրությամբ), բայց ամրակազմ և լեռնային պայմաններին համակերպված:

Լծելու տիպի ջորիներ ստանալու համար պետք է օգտագործել վերև նշված ցեղի էշերին և ռուսական ծանրաքարշու վարդուն ցեղերի խառնածին զամբիկներին: Այս հանապարհով ստացած ջորիները կլինեն բավականին խոշոր (բարձրությունը 140—152 սմ), մասսիվ, միևնույն ժամանակ պյուրաշարժ:

ԳԼՈՒԽ 4.

ՋԻՐԻ ԲՈՒԾՄԱՆ ՏԵԽՆԻԿԱՆ

Բուծման տեխնիկայի ճիշտ կիրառումը հակառակ էշանակություն ունի գյուղատնտեսական կենդանիների գրխաքանակի բնդլայնացրած վերարտադրումն ապահովելու գործում:



Նկ. 37. Զորի:

Զինրի բաղմացման դործը ճիշտ կազմակերպելու համար անհրաժեշտ է խմանալ նրանց բաղմացման ֆիզիոլոգիան:

Առաջին զուգավորման ժամկետը: Ինչպես արու, այնպես էլ էգ մատղաշ ձիերը սեռական հասունացման են հասնում բավականին վաղ հասակում, երբ դեռ նրանց աճն ու զարգացումը չի ավարտվել, այն է՝ 9—18 ամսական հասակում: Հետևարար ձիերին առաջին անգամ զուգավորման թողնելիս մենք չենք կարող դեկավարվել սեռական հասունացման ժամկետով: Զամբիկներին վաղ զուգավորելու դեպքում նրանք զարգացմամբ չափազանց հետ են մնում, իսկ նրանցից ստացված սերունդը լինում է ավելի ցածրորակ. նույնը կարելի է ասել հովատակների մասին: Դրա համար էլ ինչպես զամբիկներին, այնպես էլ հովատակներին առաջին անգամ զուգավորման պետք է թողնել սեռական հասունացման սկզբից ավելի ուշ, երբ նրանք հիմնականում արդեն աճել ու զարգացել են: Իհարկե բոլոր դեպքերում չի կարելի առա-

ջին զուգավորման ժամանակ առաջնորդվել նույն ժամկետով, օրինակ, հավասար պայմաններում վաղահաս ցեղերի ձիերին ավելի շուտ են թաղնում զուգավորման, քան ուշահասներին. համեմատաբար ավելի շուտ են զուգավորում նաև հերակրման ավելի լավ պայմաններում աճած մտադաշներին:

ՍՍՍՄ Միությանների Մովեաի և ՀամԿ(բ)Պ Կենտկոմի 12 մայիսի 1943 թ. որոշման համաձայն, 3 տարեկանից բարձր բոլոր զամբիկների զուգավորումը պարտադիր է. հովատակներին պետք է սկսել օգտագործել որպես արտադրող ոչ շուտ, քան 3—4 տարեկան հասակում, ընդ որում օգտագործման առաջին տարում նրանց ավելի քիչ են ծանրաբեռնում:

ՍԵՌԱԿԱՆ ՅԻՎԸ ԵՎ ՀՈՍՔԸ (ՅԱՆԿՈՒԹՅՈՒՆԸ)

Զին պատկանում է այն կենդանիների շարքին, որոնք կերակրման, խնամքի նորմալ պայմաններում ընդունակ են տարվա բոլոր ժամանակներին սերունդ տալու:

Հովատակը, եթե առողջ է ու երիտասարդ, միշտ սեռական ձգտում է զգուհի դեպի զամբիկը. նա ընդունակ է զուգավորվելու և սերունդ տալու: Իսկ զամբիկը միայն որոշ ժամանակաշրջաններում է սեռական ցանկություն զգում և ընդունակ դառնում սերունդ տալու:

Այն ժամանակաշրջանը, երբ փոխվում է իգական սեռի կենդանու վարքը, նա սեռական ցանկություն է զգում և թույլ է տալիս զուգավորվելու, կոչվում է հոսքի, ցանկության կամ կաղուցի շրջան: Ցանկության շրջանում հասունացած ձվարջիչը հեղուկի հոսանքով զուրս է ընկնում ֆոփկուլից և տարվում է ձվափողի մեջ. այդ վիճակում զամբիկն ընդունակ է լինում բեղմնավորվելու: Մեկ հոսքից (ցանկության) մինչև մյուս հոսքի ժամանակաշրջանը կոչվում է սեռական ցիկլ, նա միջին հաշվով հավասար է 19—23 օրվա, տատանվելով 13—25 օրերի միջև:

Զամբիկների ցանկությունն ավելի հաճախ տևում է 4—7 օր. բայց լինում են դեպքեր, երբ ցանկության շրջանը

տեղում է ընդամենը 2—3 օր, կամ ընդհակառակը, շատ երկար՝ մինչև 10—13 օր և ավելի:

Ատերը զամբիկների ցանկության շրջանն ավելի երկար է տևում: Զամբիկներին վատ և ոչ լիարժեք կերերով կերակրելու, չափից ավելի աշխատացնելու դեպքում նրանց ցանկության շրջանի տևողությունը և սեռական ցիկլն ավելի անկանոն է դառնում: Ցանկության շրջանի տևողությունը կախված է նաև զամբիկի անհատականությունից և մի շարք այլ պատճառներից:

Մենկուց հետո զամբիկը սովորաբար ցանկության է գալիս առաջին 6—10 օրերին, բայց առանձին ձիեր կարող են ցանկության գալ 4 օրից հետո, կամ, ընդհակառակը, շատ ուշ՝ 20 օրից հետո և դեռ ավելի ուշ: Զամբիկների մոտ օվուլյացիան, այսինքն հասունացած ձվաբջջի ձվարանից դուրս գալը, մեծ մասամբ տեղի է ունենում ցանկության շրջանի վերջում, ավելի հաճախ՝ նրանից 1—2 օր առաջ: Ապերմատոգոիդները զամբիկի սեռական օրգաններում իրենց բեղմնավորվելու ընդունակությունը պահպանում են մոտ 24 ժամ ավելի, հետևաբար եթե զամբիկին զուգավորման թողնենք միայն մեկ անգամ՝ ցանկության սկզբին, ապա մեծ մասամբ բեղմնավորում տեղի չի ունենա, քանի որ այդ ժամանակ ձվաբջիջը դեռ հասունացած չի լինում, իսկ սպերմատոգոիդները, ինչպես ասացինք, միայն մեկ օր են պահպանում իրենց կենսունակությունը: Դրանից ելնելով ձիարուծության մեջ ընդունված է ցանկության շրջանում զամբիկին սերմնավորել մի քանի անգամ: Անհրաժեշտ ենք համարում նշել, որ ինչպես առաջավորների փորձն է այդ ցույց ավել, ցանկության հայտնաբերման, ինչպես և սերմնավորման ժամկետի ճիշտ որոշման հարցում պետք է յուրաքանչյուր զամբիկին մոտենալ անհատորեն:

ԶԱՄԲԻԿԻ ԾԱՆԿՈՒԹՅԱՆ (ՀՈՍՔԻ) ՀԱՅՏՆԱԲԵՐՈՒՄԸ

Ցանկության շրջանում զամբիկի սեռական օրգաններն ուռչում են և սովորաբար լինում են այնպիսի վիճակում, ինչպես միզկույց հետո, այսինքն հաճախակի սեռական

շրթների թարթելու շարժումներ են նկատվում: Յանկուժյան ղեպքում բացվում է արգանդի վզիկը, սեռական օրգաններից հաճախ սպիտակավուն լորձ է հոսում, զամբիկները դառնում են անհանգիստ, ջղախին, շուտ են հոգնում և մեծ մասամբ հովատակին հաճությամբ են մոտ թողնում: Փոխվում է մինչև անգամ նրանց կաթի բաղադրությունը, նրա մեջ ալիլանում է յուղի քանակը, որի հետևանքով այդ օրերին ծծմայր զամբիկների մարուկները փորլույծ են ստանում:

Զամբիկի ցանկությունը որոշելիս չի կարելի առաջնորդվել միայն վերահիշյալ նշաններով, որովհետև այդ արտաքին նշանները միշտ չէ, որ լավ են արտահայտված լինում և քիչ չեն ղեպքերը, երբ մինչև անգամ աննկատելի են մնում: Այս պատճառով ձիարուծության մեջ ընդունված է զամբիկի ցանկությունը որոշել ոչ թե արտաքին նշաններով, որը միայն օժանդակ նշանակություն ունի, այլ մեծ մասամբ հովատակի «ցնություն»:

Սովորաբար որպես փորձահովատակ օգտագործում են տոհմական տեսակետից արժեք չներկայացնող, բայց եռանդուն, ամրակազմ, համառ և բնավորությամբ ոչ չար հովատակներին:

Զամբիկի ցանկությունը հայտնաբերում են հետևյալ կերպ. փորձահովատակին, որի երկար երասաններից բռնած են լինում երկու ձիապահ, մոտեցնում են զամբիկին. երրորդ ձիապահը զամբիկին պահում է աջ ձեռքով սանձը կարճ բռնած, իսկ ձախ ձեռքով պահում է նրա մեղավը: Փորձահովատակին մոտեցնում են զամբիկին այնպես, որ նա սկզբում հոտ քաշի գլխից, ապա նա սովորաբար հոտ է քաշում «դարանոցից, արմունկից, փորից և հետևի մասից: Եթե զամբիկը չի վանում հովատակին, այլ ընդհակառակը զուգավորման համար դիրք է ընդունում, կնշանակի նա ցանկության շրջանում է գտնվում: Զամբիկին վնասվածքներ չհասցնելու համար փորձահովատակը չպետք է պայտած լինի: Ծծմայր զամբիկների ցանկության ստուգման ժամանակ մարուկը հետը չպետք է լինի:

Սովորաբար զնամրիկներին ստուգում են առավոտյան՝ մինչև նրանց կերակրելը և աշխատեցնելը:

Զիերին երամակային ձևով պահելիս կարելի է փորձահովատակի երեք ոտքը կապել (բխավել), առավոտյան և երեկոյան մի քանի ժամով թողնել զամրիկների երամակի մեջ: Եթե զամրիկին փորձահովատակին մոտեցնելուց հետո նույնիսկ հնարավոր չի լինում պարզել, թե նա հոսքի շրջանում է թե ոչ, կամ եթե հոսքի շրջանը չափից դուրս երկար է տևում, այդ դեպքում կատարում են զամրիկի սնուական օրգանների զննում: Եթե պարզվեց, որ հեշտոցի լորձաթաղանթը հավասարապես վարդագույն է և թեթևակի ուռած, լորձի քանակը քիչ է և նա խափանցիկ է, արգանդի պարանոցը թուլացած է և բացված, իսկ ձվարանում հեշտությամբ չռչափվում է հասունացող ֆոլլիկուլը, ապա կնշանակի, որ այդ զամրիկը հոսքի շրջանում է գտնվում: Այդ զննումները իհարկե պետք է կատարի զոռանաանարուժական անձնակազմը:

Օվուլյացիա տեղի ունենալու ժամանակը մոտավոր հըշտությամբ կարելի է որոշել սեկսուալ հետազոտության միջո-



Նկ. 38. Զամրիկի ցանկության հարանրերումը փորձահովատակի միջոցով:

ցով: Ռեկտալ հետազոտում կարող են կատարել հատուկ
զասընթացներում սովորած՝ փորձ ունեցող անձինք: Ռեկտալ
հետազոտում կատարելիս ձեռքն ուղիղ աղիքից տանում են
ներս և շոշափելով ֆուլիկուլը, զաղափար են կաղմում օմե-
լյացիայի մասին: Զուգավորման այն սխեման, որի դեպքում
քացի փորձահովատակի միջոցով ստուգելուց, կատարում են
նաև դամբրիկների ռեկտալ հետազոտություն, պետք է համա-
րել ամենից կատարյալը:

ԶԱՄԲԻՆՆԵՐԻ ՍԵՐՄՆԱՎՈՐՈՒՄԸ

Զամբիկների սերմնավորումը կատարում են երկու եղա-
նակով՝ բնական և արհեստական: Բնական սերմնավորումը
կամ, ինչպես ընդունված է այն անվանել, զուգավորումը,
որի քանի ձևով է կատարվում:

Ձեռնաֆաշ զուգավորում: Զուգավորման այս եղանակը
լայնորեն կիրառվում է ձիերի կուլտուրական ախտային
եղանակով պահպանման ժամանակ: Նրա էությունն այն է,
որ արտադրող հովատակին զամբիկներից անջատ են պա-
հում և հայտնաբերելով ցանկության եկած զամբիկներին,
մոտեցնում են հովատակին և զուգավորում:

Զուգավորումը կատարվում է այդ նպատակի համար
հատկացված տեղում: Զուգավորումից առաջ զամբիկի պո-
չի վերևի մասը փաթաթում են բինտով, պարանոցին հագցը-
նում են զուգավորման լանջափոկ (շիյկա), որի փոկերը
պարանոցից առջևի ոտքերի միջով տանում են դեպի ետ և
ամրացնում ցատկիչ հոգերի մոտ: Այս արվում է նրա հա-
մար, որ զամբիկը ի վիճակի չլինի հովատակին արացի տա-
լու: Զուգավորման շիյկայի (լանջափոկ) բացակայությամբ
դեպքում զուգավորման ժամանակ ձիապահը զամբիկի գլու-
խը պետք է բարձր պահի, որով զամբիկի ծանրության կենտ-
րոնը կաեղափոխվի դեպի ետ և նա ի վիճակի չի լինի
հովատակին խփելու:

Երկու ձիապահ, երկու կողմից զուգավորման երասան-

ներից բռնած, հովատակին մոտեցնում են դամբրիկին և թույլ են տալիս կատարելու զուգավորում:

Զուգավորման ժամանակ ձիապահը շարունակում է դամբրիկի սանձը պահել ձեռքին և կարիքի դեպքում նեցուկ է տալիս նրա կրծքին: Նույն պահին, հարկ եղած դեպքում, պահում են հովատակին, բռնելով նրա առջևի ոտքերից՝ արժուկի հատվածում: Ավագ ձիապահը, որի ձեռքերը նախապես խնամքով պետք է լվացված լինեն, անհրաժեշտության դեպքում հովատակին օգնում է զուգավորման ակտի ժամանակ՝ ուղղում նրա առնանդամը և տանում դեպի դամբրիկի հեշտոցը: Հովատակը պետք է մնա դամբրիկի վրա մինչև սեռական ակտի լրիվ ավարտումը, այսինքն սերմնահոսությունը, որը կարելի է իմանալ հովատակի պոչարմատի բնորոշ շարժումից: Եթե զուգավորումը լրիվ չի կատարվել, ապա 10—15 րոպեից հետո պետք է կրկնել այն: Զուգավորումից հետո հովատակի առնանդամի վրա գոլ ջուր են ցանում և քիչ ման ածելուց հետո տանում իրեն կացոցը: Խորհուրդ չի տրվում զուգավորումից անմիջապես հետո կերակրել հովատակին:

Սովորաբար դամբրիկին առաջին անգամ թողնում են զուգավորման նրա ցանկության երևան գալու 2-րդ օրը, սրից հետո թողնում են օրը մեջ, այսինքն՝ 4-րդ, 6-րդ, 8-րդ օրերը, մինչև ցանկության վերջը, երբ դամբրիկը հովատակին այլևս մոտ չի թողնում: Զուգավորումը նշված կարգով կատարելու իմաստն այն է, որ սպերմատոզոիդները բեղմնավորելու ընդունակությունը պահպանում են առնվազն մեկ օր (24 ժամ), այնպես որ դամբրիկին օրմեջ զուգավորելով, մենք ամբողջ ցանկության ընթացքում նրա բեղմնավորման համար ավելի մեծ հնարավորություն ենք ստեղծում: Եթե ռեկտալ հետազոտության միջոցով մոտավոր կերպով որոշվում է օվուլյացիայի ժամանակը, ապա կարելի է զուգավորումների թիվը պակասեցնել: Մեզ մոտ դամբրիկների ստերջության հիմնական պատճառներից մեկն այն է, որ հաճախ ցանկության ամբողջ ընթացքում դամբրիկին միայն մեկ անգամ են զու-

զաւարժան թողնում, կամ սերմնավորում արհեստական կերպով:

Հովատակի բնութածութիւնը զուգավորման սեզոնում կախած է նրա տարիքից, առողջութիւնից, պաշտակա-
նութիւնից, անհատականութիւնից (սեռական էներգիայից),
կերակրումից և զուգավորման սեզոնի տևողութիւնից: Չորս
տարեկան և ավելի բարձր տարիք սնեցող հովատակների
միջին բնութածութիւնը սահմանում են 35—40 զամբիկ,
հաշվելով, որ սեզոնի ընթացքում զուգավորումների քանակը
կկազմի մոտ 175: Ավելի արժեքավոր կամ բեղմնավոր հո-
վատակների բնութածութիւնը հասցնում են 50—60: Առաջին
անգամ զուգավորման համար օգտագործվող հովատակներին
տալիս են 15—25 զամբիկ, այն հաշվով, որ զուգավորում-
ների թիվը սեզոնում 80-ից շանցնի:

Առողջ, շափահաս հովատակին հարկ եղած գեպրում
կարելի է օրական երկու անգամ թողնել զուգավորման, աշն-
ւայմանով, որ 2 զուգավորումների ընդմիջումը 10 ժամից
պակաս չլինի. 7—10 օրը մեկ հովատակին պետք է տալ
տնդիստ, աշսինքն թողնել զուգավորման:

Յանկութիւն տևողութեան և զուգավորումների վերաբե-
րյալ տվյալները գրանցվում են հատուկ մատչանում:

Ձիարուծութեան առաջավորների փորձը ցույց է տալիս,
որ զուգավորումից ավելի լավ արդյունքներ ստանալու հա-
մար անհրաժեշտ է ինչպես հովատակի, այնպես էլ դամ-
բիկների նկատմամբ անհատական մոտեցում ունենալ՝ հաշ-
վի առնել նրանց առանձնահատկութիւնները, հատկապես
նրանց ներվային սխառեմի տիպը: Ձեռնաքաշ զուգավորու-
մը լայնորեն կիրառվում է մեր սովխոզներում ու կոլտնտե-
սային ֆերմաներում, և գործի լավ կազմակերպման դեպքում
ապահովում է հզիութեան բարձր տոկոսը:

Ձուգավորման աշս եղանակն ունի մի շարք դրական
կողմեր, այն է. ա) հովատակի սեռական էներգիան ավելի
խնայողաբար է օգտագործվում, որով երկարանում է նրա
տոհմային օգտագործման ժամկետը, չնայած այն հանգա-
մանքին, որ աշս դեպքում նա զուգավորման սեզոնի ըն-

խաղցրում, ազատ զուգավորման հետ համեմատած, կրկնակի քանակությամբ զամբիկներ է զուգավորում. բ) խորացրած տոհմական աշխատանք տանելու ամելի մեծ հնարավորություններ են ստեղծվում և գ) սահմանափակվում է որոշ վարակիչ հիվանդությունների տարածման հնարավորությունը:

Ջոկային զուգավորում: Զուգավորման այս եղանակը այն կիրառում ունի երամակային ձիարուծության մեջ: Նրա էությունն այն է, որ յուրաքանչյուր 20—25 զամբիկին ամբողջում են մի հովատակ: Այս կերպ կազմած ջուրը թողնում են արոտ, որտեղ նա ամբողջ զուգավորման կամպանիայի ընթացքում գիշեր-ցերեկ գտնվում է երամակավարի հսկողության տակ: Ջոկի հովատակն ինքը հայտնաբերում է ցանկություն ունեցող զամբիկներին և զուգավորում:

Ջոկային զուգավորումը կանոնավոր կերպով անցկացնելու համար անհրաժեշտ է առաջնորդվել հետևյալ կանոններով.

1) Ուշադրությամբ հետևել, թե հովատակը որ զամբիկներին է ծածկել, և այդ դրանցել ջոկի գրքում:

2) Ջոկից հեռացնել այն զամբիկներին, որոնց հովատակն ամենևին չի ծածկում, և նրանց, որոնցից չի հեռանում:

3) Հետևել հովատակի առողջությանը և նրան օրական լրացուցիչ տալ 4—5 կգ վարսակ:

4) Եթե զամբիկները ծածկվելուց հետո չեն հղիանում և զուգավորվելուց հետո շարունակում են դալ ցանկության, ապա այդ դեպքում ջոկի հովատակին պետք է փոխել:

5) Ջոկը կոմպլեկտավորել այնպես, որ միաժամանակ շատ զամբիկներ ցանկության չգան:

Ոչ բոլոր հովատակներն են պիտանի ջոկային զուգավորման համար: Ջոկային զուգավորման ժամանակ հովատակը պետք է ընդունակ լինի զուգավորման ամբողջ սեզոնի ընթացքում դիմանալու երամակային պահպանման պայմաններին, պահպանելու իր ուժերը, բուլածությունն ու պտղատվությունը, նրանք պետք է ընդունակ լինեն իրենց պաշտպանելու զամբիկների հարվածներին:

Զոկային զուգավորումն անցկացնելու համար բոլորից հարմար են տեղական այն ցեղերի հովատակները, որոնք տվորարար երամակային ձևով են պահվում:

Զոկային զուգավորումը թեև ունի որոշ թերի կողմեր, ինչպես, օրինակ, հովատակի համեմատաբար ավելի ցածր բեռնվածությունը, սակայն այն լայն կիրառում ունի ՍՍՌՄ-ում: Գրա պատճառն այն է, որ նա մեծ ծախսեր չի պահանջում և ապահովում է հղիության ամենաբարձր տոկոսը (85—100):

Զիարուծության առաջավորները ջոկային զուգավորումը որոշ ձևափոխությամբ անցկացնելով ստանում են շատ բարձր էֆեկտ: Նրանք զուգավորումը սկսում են վաղ գարնանը, հովատակին ամրացնելով մի քանի զամբիկ միայն և հետո աստիճանաբար նոր զամբիկներ են ստալիս. այս եղանակը հնարավորություն է տալիս սեզոնի ընթացքում հովատակի բեռնվածությունը բարձրացնել 40—50 զամբիկի և ապահովել հղիության շատ բարձր տոկոսը:

Ցանկապատային զուգավորում: Զուգավորման այս ձևի ժամանակ մի խումբ զամբիկների քշում են այդ նպատակի համար առանձնացված, ցանկապատված մի տեղ և նրանց մոտ թողնում են նշանակված հովատակը: Նրբ վերջինս ծածկում է մեկ-երկու զամբիկի, նրան տանում են ախոռ, իսկ զամբիկներին բաց են թողնում արածելու: Զուգավորման այս եղանակի դեպքում անհրաժեշտ է տանել զուգավորված զամբիկների ճիշտ հաշվառում:

Ցանկապատային զուգավորումը կիրառում են երամակային ձիարուծության մեջ, գլխավորապես այն դեպքում, երբ զամբիկները բոլորովին անվարժ (խամ) են, իսկ հովատակը պատկանում է կուլտուրական ցեղերին և բարձրարժեք է:

Ցանկապատային զուգավորման դեպքում հովատակի բեռնվածությունը զուգավորման սեզոնի ընթացքում կազմում է 30—35 զամբիկ:

Արհեստական սերմնավորում: Արհեստական սերմնավորման նշանակությունը ձիարուծության մեջ շատ մեծ է: Նա

Նախաժողովրդական է տալիս մեկ ծածկի բնթացքում ստացած սպերմաշով սերմնավորել 3—7 դամբիկ, իսկ սպերման նոսրացնելու (ջրիկացնելու) դեպքում՝ 15—25 դամբիկ։ Հովատակից ստացած սպերման հնարավոր է լինում տեղափոխել բավականին հեռավոր վայրեր և նրանով սերմնավորել դամբիկներին։ Այս աճենն ավելի լայն հնարավորություններ են ստեղծում բարձրորակ հովատակների օգտագործումը, նրանց քեռնամածությունը բարձրացնելու և նպատակահարմար կերպով գույգերի բնաբուծություն կատարելու համար։

Արհեստական սերմնավորումը մեծ նշանակություն ունի յոթն վարակիչ հիվանդությունների տարածումը կանխելու առհասկանայից։

Արհեստական սերմնավորման արդյունքները կախված են մեծ մասամբ նրանից, թե որքան ճիշտ են կիրառվում հրահանգով նախատեսված կանոնները։ Եթե դամբիկի ցանկությունը հայտնաբերվում է ճիշտ ժամանակին և սերմնավորումը կատարվում է ամենայն բարեխղճությամբ, ապա արհեստական սերմնավորման էֆեկտը կարող է լինել շատ բարձր։

Ինչպես բնական, այնպես էլ արհեստական սերմնավորման դեպքում անհրաժեշտ է ընդունված հատուկ ձևով տանել սերմնավորման ճիշտ հաշվառում։

ԶՈՒԳԱՎՈՐՄԱՆ ԿԱՄՊԱՆԻԱՅԻ ԱՆՅԿԱՅՄԱՆ ԺԱՄԿԵՏՆԵՐԸ

Զուգավորման կամպանիայի անցկացման ժամկետները կախված են ձիաբուծության ձևից (կուլտուրական և երամակային) և տվյալ վայրի կլիմայական պայմաններից։

Սովորաբար կուլտուրական ախոռային պահպանման դեպքում գուգավորման կամպանիան ավելի շուտ են սկսում։ Ենթակալումս ընդունված են հետևյալ ժամկետները. ախոռային պահպանման պայմաններում ձիաբուծական սովխոզներում (զավոդներում) սկսում են փետրվարի 1-ից մինչև հուլիսի մեկը, ըստ որում Միության հյուսիսային շրջանների

Համար այդ ժամկետը երկու շաբաթով երկարացվում է, այսինքն սկսվում է և ավարտվում փոքր-ինչ ուշ, երամակային պահպանման պայմաններում՝ ապրիլի 15—20-ից մինչև օգոստոսի մեկը, կոլտնտեսային մասսայական ձիարուծության մեջ զուգավորման կամպանիան սկսվում է մարտի 1-ից և վերջանում է հուլիսի 15-ին:

Ձիարուծության առաջավորների փորձը ցույց է տալիս, որ զուգավորման կամպանիան ավելի վաղ ժամկետներում անցկացնելու դեպքում կարելի է ավելի լավ արդյունքների հասնել:

Գուգավորման կամպանիայի կազմակերպումը: Զուգավորման կամպանիայի ճիշտ կազմակերպումը և անցկացումը վճռական նշանակություն ունի ձիերի գլխաքանակի ընդլայնացված վերարտադրման գործում:

Յուրաքանչյուր կոլտնտեսություն և սովխոզ պետք է ունենա զուգավորման իր տարեկան պլանը, որը կազմելու պետք է նկատի ունենա հետևյալը.

1. Ձիարուծության զարգացման պետական պլանը, իսկ տոհմային տնտեսություններում՝ նաև զույգերի ընտրությունը պլանը.

2. Ձիերի ցեղայնության և որակի բարձրացումը.

3. Պայքարը ստերչության դեմ.

4. Սերմնավորման եղանակը և յուրաքանչյուր տնտեսության զուգավորման ենթակա զամբիկների քանակը՝ ըստ ամիսների և զուգավորման ժամկետների.

5. Զամբիկների ամրացումը յուրաքանչյուր արտադրող հովատակին.

6. Սպասարկող անձնակազմի պահանջը.

7. Անհրաժեշտ ինվենտարի և շենքերի պահանջը:

Հովատակների օգտագործման պլանը կազմելիս պետք է հիշել, որ ձեռնաքաշ զուգավորման կայանի գործողության շառավիղը 3—5 կմ-ից, իսկ արհեստական սերմնավորման կայանինը՝ 5—7 կմ-ից ավելի չպետք է լինի:

Զուգավորման ենթակա են սերունդ տալու ընդունակ 3 տարեկանից բարձր բոլոր զամբիկները: Սերունդ տալու

ընդունակ յուրաքանչյուր զամբիկի նկատմամբ, անասնաբու-
ժական զննումից հետո, կազմվում է արձանագրություն, որը
ներկայացվում է ՄՏ կայանին ի հաստատություն:

Մինչև զուգավորման կամպանիայի սկսվելը, անհրաժեշտ
է անցկացնել բոլոր արտադրող-հովատակների և զամբիկնե-
րի զոոտեխնիկական-անասնաբուժական զննում, հայտնա-
բերված հիվանդ ձիերին անհրաժեշտ է առանձնացնել բուժ-
ման համար: Միննույն ժամանակ հարկավոր է պարզել
առաջին անգամ զուգավորման ենթակա զամբիկների քանակը,
և զուգավորման ժամկետները սահմանել ելնելով նրանց
զարգացման աստիճանից և ծնի ժամկետների պլանա-
վորումից:

Զուգավորման կամպանիայի նախապատրաստման շրջ-
անում անհրաժեշտ է բարելավել սերմնավորման ենթակա
ձիերի կերակրման, խնամքի և պահպանման պայմանները,
այն հաշվով, որ մինչև կամպանիայի սկսվելը, ինչպես ար-
տադրող հովատակները, այնպես էլ զամբիկներն ունենան
տոհմային կոնդիցիա, այսինքն գտնվեն սնվածության այն-
պիսի աստիճանում, որն ամենից ավելի բարենպաստ է
բարձրորակ սերունդ ստանալու համար:

Նույն շրջանում պետք է որոշել տնտեսություններում
եղած բոլոր հովատակների որակը՝ ինչպես նրանց տոհմա-
յին լարժեքի, այնպես էլ բարձրորակ սպերմա ստանալու
տեսակետից:

Անհրաժեշտ է զուգավորման կամպանիայի ընթացքում ևս
կատարել արտադրող-հովատակի սպերմայի ստուգում:

Մինչև զուգավորման կամպանիայի սկսվելը հարկավոր է
կարգի բերել զուգավորման տեղը, անհրաժեշտ ինվենտարը
և հովատակների ախտոր: Միաժամանակ արտադրողների
համար պետք է առանձնացնել պահանջվող կերը: Զուգավոր-
ման պլանը պետք է քննարկել արտադրական խորհրդակ-
ցություններում այն հաշվով, որ բրիգադավարը և ձիապահը
իմանան, թե իրենց զամբիկները ո՞ր հովատակներով պետք է
զուգավորվեն:

Զուգավորման պլանի կատարման համար պատասխա-

նատու են՝ կոլտնտեսության նախագահը, ֆերմայի վարիչը, զուգավորման կամ սերմնավորման կայանի վարիչը, բրիգադիրը, ձիապահը և զամբիկներին աշխատեցնող կոլտնտեսականը (ձիավարը)։

Տոհմական և առհասարակ զոոտեխնիկական աշխատանքի հիշատակաբանության համար անհրաժեշտ է տանել հաշվառում ընդունված ձևերով։

ԱՐՏԱԳՐՈՂ ՀՈՎԱՏԱԿՆԵՐԻ ԿԵՐԱԿՐՈՒՄԸ ՈՒ ԽՆԱՄՔԸ

Հովատակներին պետք է կերակրել այնպես, որ նրանք զուգավորման ամբողջ շրջանում գտնվեն տոհմային կոնդիցիայում, այսինքն այնպիսի վիճակում, որն առավել չափավ նպաստի նրանցից սերունդ ստանալուն։

Արտադրող հովատակներին պետք է կերակրել այն հաշվով, որ նրանց հատկացված ռացիոնը լիովին ապահովի օրգանիզմի պահանջը բոլոր այն սննդանյութերի նկատմամբ, որոնք անհրաժեշտ են ինչպես նրա կյանքի պահպանման, այնպես էլ սպերմայի նորմալ արտադրանքի համար։ Բացի դրանից, արտադրողների ռացիոնալ կերակրման միջոցով կարելի է երկարացնել նրանց օգտագործման տևողությունը։

Փորձերը ցույց են տվել, որ արտադրողների օրվա ռացիոնի մեջ բացի լավորակ խոտից և վարսակից, պետք է մտցնել նաև ոլոռ, կորեկ, կանաչ կեր, որի շնորհիվ սպերմայի քանակը ավելանում է ու որակը բարձրանում։

Լավ արդյունք են տալիս նաև ձկան կամ մսի ալյուրը, թեփը, կարմիր գաղարը, կաթը, հավի ձուռն։ Մի խոսքով, պետք է ձգտել, որ ռացիոնն իր մեջ պարունակի անհրաժեշտ քանակությամբ լիարժեք սպիտակուցներ, հանքային նյութեր և վիտամիններ։

Զուգավորման շրջանում հովատակներին հարկավոր է այնպես կերակրել, որ 100 կգ կենդանի քաշին ընկնի մոտ 2 կերի միավոր և 100—120 գ սպիտակուց։ Օրինակ, 450—500 կգ կենդանի քաշ ունեցող հովատակն օրվա ըն-

թացքում պետք է ստանա 9—10 կերի միավոր՝ 0,90—1 կգ մարսելի սպիտակուցի պարունակությամբ:

Միջին քաշ ունեցող հովատակներին օրական պետք է տալ մինչև 10—12 կգ խոտ, ընդ որում լավ է, որ այդ քանակի կեսը կազմի մարգագետնային խոտը, իսկ մյուս կեսը՝ ցանավի փիթեռնածաղկավորներից ստացված խոտը (առվուշտ, կորնզան, երեքնուկ և այլն): Եթե բացի խոտից հովատակները ստանում են նաև թարմ կանաչ խոտ (նոր հարած), ապա շոր խոտի քանակը կարելի է զգալի չափով կրճատել: Մսուրային շրջանում կանաչ կերի քանակը կարելի է հասցնել մինչև 25 կգ: Ավելի լավ է հովատակներին ուղղակի թողնել սրոշ ժամանակ ցանովի խոտադաշտերում արածելու: Արևի ճառագայթները, մաքուր օդը, կանաչ կերը և ազատ շարժումները չափազանց բարերար ազդեցություն են ունենում արտադրողի առողջության և սեռական ֆունկցիայի վրա: Հովատակների համար հատիկային կերերից լավագույնը համարվում է վարսակը, սակայն առանց սպերմայի որակը զցելու, նրա մի մասը կարելի է փոխարինել ջարդված կորեկով, գարով կամ նույնիսկ եգիպտացորենով: Ինչպես վերևում ասացինք, խոտացրած կերերից լավ է պարբերաբար տալ նաև ցորենի թեփ, որը բացի սննդարար լինելուց, հիանալի ազդեցություն է թողնում մարսողության վրա:

Սպերմայի արտադրման վրա շատ բարերար ազդեցություն են թողնում կենդանական ծազում ունեցող կերերը: Հովատակին զտած կաթ կարելի է տալ օրական 2—8 կգ, իսկ արյան, ձկան և մսի ալյուր՝ 200—500 գ:

Հովատակին տրվելիք բոլոր տեսակի կերերը պետք է բարձրորակ լինեն:

Արտադրող հովատակների ռացիոնը կազմելիս միշտ պետք է նկատի ունենալ նրանց անհատական հատկությունները՝ սնվածությունը, առողջությունը, տարիքը, սեռական ակտիվությունը, ինչպես նաև օգտադրածման աստիճանը և սպերմայի որակը:

Հովատակի սպերմայի քանակը և որակը կախված է ոչ

միայն նրա կերակրումից, այլև խնամքից և ճիշտ օգտագործումից: Դրա համար անհրաժեշտ է հովատակներին ապահովել խնամքի և պահպանման համապատասխան պայմաններով, նրանց պետք է մաքրել օրական երկու անգամ՝ առավոտյան և երեկոյան, մաքրել միջանցքում կամ դրսում, քայց ոչ կացոցում, հովատակների սմբակներն ամեն օր հատուկ երկաթե կեռի միջոցով մաքրել և դու ջրով լվանալ:

Արտադրող հովատակին ամեն օր պետք է ման ածել՝ անցնելով 8—9 կմ, ըստ որում վարդուն և հեծնելու հովատակներին պետք է քշել արագ, մինչև նրանց թեթև քրտնելը, իսկ վերջում քայլով, այն հաշվով, որ մինչև կացոց հասնելը նրանց քրտինքը չորացած լինի: Մանրաքարշ ձիերին ման են ածում 6—7 կմ տարածության վրա լծած վիճակում, քիչ բեռով՝ ինչպես քայլով, այնպես և վարդով: Այս հարցում անհրաժեշտ է յուրաքանչյուր հովատակի նկատմամբ տննելու անհատական մոտեցում, այսպես՝ կան հովատակներ, որոնք ավելի լավ են գնում զուգավորման, եթե նրանց ման են ածում ոչ թե զուգավորումից առաջ, այլ հետո: Բանող ուղղության հովատակներին կարելի է շափավոր կերպով օգտագործել գյուղատնտեսական թեթև աշխատանքների համար:

Արտադրող հովատակների խնամքը պետք է լավ լինի ամբողջ տարվա ընթացքում, իսկ նրանց զուգավորման նախապատրաստումը պետք է սկսել սերմնավորման կամ պահիայից $1\frac{1}{2}$ —2 ամիս առաջ:

ՀՂԻՈՒԹՅԱՆ ՈՐՈՇՈՒՄԸ

Արտաքինից զննելով հղիությանը հնարավոր է որոշել միայն նրա երկրորդ շրջանում, երբ զամբիկների փորը ըզալի շափով մեծացած է լինում և հնարավոր է դառնում սաղմը գրսից շոշափել:

Մինչդեռ հղիության ավելի վաղ որոշումը հնարավորություն է տալիս իր ժամանակին հայտնաբերել չհղիացած զամբիկներին, նրանց կրկին սերմնավորել և դրանով իսկ

պայքարել ստերջութեան դեմ և մշուս կողմից հղի զամբիկ-
նիւրի համար ստեղծել անհրաժեշտ պայմաններ:

Հղիութեան որոշման ամենահասարակ և մատչելի ձևը
հանդիսանում է ոեկտալ եղանակը: Այս եղանակով հղիու-
թյունը որոշելու համար համապատասխան մասնագետը,
ձեռքը քնդունված ձեռով մշակելուց հետո, զգուշութեամբ
ներս է տանում զամբիկի ուղիղ աղիքից և սեռական օրգան-
ները շոշափելով, որոշում է հղիութեանը:

Ռեկտալ եղանակով հնարավոր է որոշել հղիութեանը
սաղմի 30—35 օրական հասակից սկսած: Որոշման ճշտու-
թյունը շատ մեծ է. փորձված մասնագետները կարողանում
են համարյա թե անվրեպ կերպով որոշել զամբիկների հղիու-
թյունը:

Գործի լավ կազմակերպման համար անհրաժեշտ է աշ-
խատող մասնագիտական կադրեր ունենալ, որոնք պատ-
րաստված լինեն այդ նպատակի համար կազմակերպված
հատուկ դասընթացներում:

Հղիութեանը կարելի է որոշել նաև հեշտոցը հետազոտե-
լու միջոցով: Այսպես՝ հղի զամբիկների հեշտոցը ավելի
սեղմված՝ չոր է լինում, հեշտոցի և արգանդի վզիկի լոր-
ձաթաղանթը լինում է դունատ, չոր, լորձը՝ պինդ, մածուցիկ,
հարպանման. հեշտոցային հայելին կամ ձեռքը հեշտոցից
ներս տանելիս զգացվում է դիմադրություն, արգանդի վզի-
կը սեղմ փակված է լինում, լորձով ծածկված և կենտրոնից
թեքված է լինում դեպի աջ կամ ձախ, և ներքև: Այս բոլոր
նշանները ակնհայտ կերպով արտահայտված են լինում մոտ
1 ամսվա հղիութեան ժամանակ և տեղում են մինչև նրա
վերջը, այնպես որ սաղմի հասակը որոշելու տեսակետից և
իր մատչելիության տեսակետից այս մեթոդը դիջում է ոեկ-
տալ մեթոդին: Կան հղիութեան վաղ որոշման և այլ եղա-
նակներ, որոնք ավելի բարդ են, իսկ որոշման ճշտության
տեսակետից դիջում են ոեկտալ մեթոդին:

ՀԴԻ զամբիկին պատշաճ կերպով խնամելը և կերակրումը բարձրորակ սերունդ ստանալու առաջին նախապայմանն է:

Կերակրման ու խնամքի վատ պայմաններում ոչ միայն հնարավոր են հղի զամբիկների վիժումները, այլև մարուկները լինում են թերի զարգացած՝ փոքր, թույլ և հետագայում մինչև անգամ լավ կերակրման պայմաններում հնարավոր է նրանցից աճեցնել բարձրորակ ձիեր:

ՍՍՌՄ Մինիստրների Սովետը և ՀամԿ(բ)Պ Կենտրոնական Կոմիտեն 1943 թ. մայիսի 12-ի որոշումով հողային օրգաններին պարտավորեցրին ամեն տարի օգոստոս-հոկտեմբեր ամիսների շրջանում անցկացնել զուգավորվող բոլոր զամբիկների հղիության առուգում՝ բոլոր հղի զամբիկներին տալով հղիության վկայագրեր:

Հղի զամբիկների կերակրումը պետք է կազմակերպել այնպես, որ նրանք հղիության ամբողջ շրջանում գտնվեն սոճմական կոնդիցիայում, այսինքն ոչ նիհար լինեն, ոչ էլ շատ ճարպակալած: Հղիության շրջանում զամբիկների վատ կերակրումը ոչ միայն բացասաբար է անդրադառնում պտղի զարգացման վրա, այլև այդ դեպքում զամբիկները հյուծվում են, որի հետևանքով ծնելուց հետո նրանց կախարավությունը և աշխատունակությունը ցածր է լինում:

Չնայած այս ամենին, զամբիկներին կոլտեստություններում հղիության շրջանում թույլ են կերակրում, կամ կերակումն ուժեղացնում են վերջին 1—1½ ամիսների ընթացքում: Փորձերը ցույց են տվել, որ անհրաժեշտ է հղիության 4—5 ամսից սկսած, ուժեղացնել զամբիկների կերակրումը: Միջին քաշ ունեցող բանող զամբիկների ռացիոնին մոտավորապես պետք է ավելացնել օրական 2—2,5 կերի միավոր, ընդ որում յուրաքանչյուր կերի միավոր պետք է պարունակի 75—85 գ մարսելի սպիտակուց:

Առհասարակ հղի զամբիկներին ռացիոնը պետք է հա-

բուստ լինի լիարժեք սպիտակուցներով, հանքային նյութե-
րով և վիտամիններով:

Հանքային նյութերի և վիտամինների պակասություն հե-
տևանքով հաճախ զամբիկները ստերչ են մնում կամ տեղի
են ունենում վիժումներ, ծնվում են թուլակաղմ մորթվներ:

Մոտ 500 կգ քաշ ունեցող հղի զամբիկները պահանջ են
զգում օրական մոտավորապես 60—70 գ կալցիումի և
35—40 գ ֆոսֆորի:

Մսուրային շրջանում սպիտակուցների, հանքային նյու-
թերի և վիտամինների հարուստ աղբյուրը հանդիսանում է
բարձրորակ մարգարենային, ինչպես նաև հացադդիների և
թիթեռնածաղկավորների խառնուրդից բաղկացած ցանովի
խոտը: Զուտ թիթեռնածաղկավորներից բաղկացած խոտ
(առվույտ, երեքնով և այլն), մանավանդ եթե նրա որակն
այնքան էլ լավ չի, մեծ քանակությամբ կերցնելու դեպքում
կարող է առաջացնել մարսողության խանգարում:

Համբիկներին օրական միջին հաշվով պետք է տալ չու-
րաքանչյուր 100 կգ քաշին՝ 3 կգ խոտ: Խոտի մի մասը կա-
րելի է փոխարինել վարնանացան հացահատիկների ծղոտով,
որը լավ է հղիության առաջին 5—6 ամիսների ընթացքում:
Հղի զամբիկների համար լավագույն խտացրած կեր են՝
վարսակը, թեփը և քուսպը: Հարկ եղած դեպքում վարսակի
մի մասը կարելի է փոխարինել հատիկային ալլ կերով:
Մսուրային շրջանում, քանի որ զամբիկներն արտադրում են
բից չեն օգտվում, խորհուրդ է տրվում տալ նրանց հյութալի
կեր՝ ճակնդեղ և մանամանդ գազար՝ օրական 5—10 կգ: Ար-
մատապատելները կերցնելուց առաջ պետք է լվանալ և
մանրել:

Հղիության վերջին քառորդում լավ է դադարեցնել սիլո-
տով կերակրելը:

Լավ արդյունք է տալիս հղի զամբիկներին ծլեցրած հա-
տիկով և գրծավորած կերով կերակրելը: Գրծավորած
խտացրած կերը պետք է տալ օրական 2 կգ չափով:

Հղի ձիերին տրվելիք բոլոր տեսակի կերերը պետք է

քարծրորակ լինեն. բորբոսնած, փխած, նեխած, սառած և առհասարակ փշացած կերը հաճախ վիժումներ է առաջացնում: Արոտային շրջանում հղի դամբիկներին պետք է ապահովել բարձրորակ կանաչ կերով: Արոտային կերակրումը չափազանց բարենպաստ ազդեցություն է ունենում դամբիկների հղիության վրա: Նրանց պետք է հատկացնել լավագույն արոտամասերը:

Մենիուց մեկ-երկու շաբաթ առաջ պետք է դադարեցնել թիթենածաղկավոր բույսերից բաղկացած խոտով (հրեքնուկ, առվույտ, կորնզան) կերակրելը և կարելի է տալ միայն մարգագետնային խոտ: Խտացրած կերերից լավ է ոացիոնում թողնել միայն հզմած վարսակը և թեփր. ծնելուց 2 օր առաջ ոացիոնը կրճատվում է $\frac{1}{3}$ չափով:

Հղիության երկրորդ շրջանում, ստամոքսը միանգամից ջժանբարենունելու համար, լավ է դամբիկներին կերակրել օրական 4 անգամ: Զրել հարկավոր է այնքան անգամ, որքան անգամ կերակրում են ձիուն: Մենիուց մի քանի օր առաջ դամբիկներին պետք է զգուշությամբ ջրել, այսինքն յուրաքանչյուր անգամ տրվելիք ջրի քանակը 8—10 լ ավելի չպետք է լինի և ջրի ջերմաստիճանը հավասար լինի 8—9°: Երկրորդ շրջանում լավ է օրական ջրել 3 անգամ:

Հղիության նորմալ բնթացքի տեսակետից մեծ նշանակություն ունի ոչ միայն դամբիկների ճիշտ կերակրումը, այլև նրանց խնամքը: Հղի դամբիկների մաշկն ամեն օր խնամքով պետք է մաքրել խողանակով և շորով, իսկ տարվա առաջ եղանակներին լողացնել ոչ շատ սառը ջրով: Եթե դամբիկին չեն աշխատեցնում և նա չի արածում, ապա անհրաժեշտ է ամեն օր (բացառությամբ շատ բուք, սառնամանիք օրերի) դուրս բերել զրոսանքի: Հնարավոր վիժումներից խուսափելու համար, առանձնապես զգուշ պետք է լինել հղի դամբիկներին աշխատեցնելիս:

Անհրաժեշտ է փոքր միշտ պահել մաքուր, հատակը ծածկած շոր ցամաքով և աշխատել, որ կացոցներում օդը միշտ մաքուր լինի:

Յնչելով զամբիկների սերմնավորման ժամկետներից, կազմում են ծնի պլանը, հաշվելով, որ զամբիկի վերջին սերմնավորման օրվանից մինչև ծինը կազմում է միջին հաշվով 11 ամիս: Զամբիկների հղիության տևողությունը թեև միջին հաշվով կազմում է 11 ամիս, սակայն առանձին զամբիկների մոտ կարող են զգալի տատանումներ լինել:

Հղիության տևողության վրա ազդում են արտաքին պայմանները՝ առանձնապես կերակրումը: Դիտողությունները ցույց են տվել, որ թերսնման պայմաններում հղիության շրջանը 8—10 օրով երկարում է: Հղիության տևողությունը որոշ շափով կախված է նաև ժառանգականությունից, պտղի սեռից և այլն:

Ծնից 10—15 օր առաջ հղի զամբիկներին պետք է տեղափոխել ծինը ընդունելու համար հատկացված կացոցները, իսկ եթե զամբիկները, ինչպես այդ ընդունված է տոհմային սովորոցներում, պահվում են առանձին կացոցներում, ապա ծինը հենց նույն կացոցումն էլ կարելի է ընդունել: Ծինն ընդունելու համար հատկացված կացոցները պետք է նախօրոք խնամքով ախտահանել, ապահովել ցամքարով: Զամբիկներին առանձին կացոցները տեղափոխելիս ելնում են ոչ միայն ծնի ենթադրվող ժամկետից, այլև արտաքին նշաններից: Մոտալուտ ծնի ամենաակնհայտ նշանն է՝ կրծի մեծանալը. սկզբում մեծանում է միայն կուրծը, ավելի ուշ մեծանում են նաև պտուկները, որոնք դառնում են ավելի ուռուցիկ և նրանց ծայրերը թեքվում են դեպի մի կողմ իսկ ծնից անմիջապես առաջ կուրծն ավելի առաձգական է դառնում և պտուկների ծայրերին երևում են խիժի կաթիլներ: Մովորաբար նույն ժամանակ ուռչում են զամբիկների արտաքին սեռական գործարանները և նրանցից աննշան չորձ է հոսում: Որոշ զամբիկների մոտ նկատվում են որովայնի և ազդրերի աշտուցներ:

Հղի զամբիկների վրա մշտական հսկողություն ունենալու համար անհրաժեշտ է սահմանել մշտական հերթապահու-

թյուն, հիշելով այն, որ ծինը մեծ մասամբ տեղի է ունենում պիշերը: Յանկալի է ծնի համար հատկացրած կացոցներին կից ունենալ հատուկ սենյակ՝ ջուր տաքացնելու, կերը նախապատրաստելու և մանկաբարձական դործիքներ պահելու համար:

Երկուների նշանները հետեյալներն են. դամբիկը հրաժարվում է կերից, անհանգստանում է, հաճախակի նայում է իր փորին, մերթ պառկում է, մերթ կանգնում, ման է գալիս. խիստ քրտնում և այնպիսի գիրք է ընդունում, ինչպես միզելու ժամանակ:

Եթե ծինը նորմալ է տեղի ունենում, ապա օգնության կարիք չի զգացվում, միայն հարկավոր է հսկել և զժվարությունների դեպքում օգնություն ցույց տալ: Սովորաբար դամբիկների ծննդաբերությունը տևում է 30—40 րոպե. եթե վերջինս շատ է երկարում, կամ պտուղն անկանոն է գալիս, պետք է անհապաղ դիմել անասնաբուժական անձնակազմի օգնությանը:

Նորմալ ծնի ժամանակ պտուղը գալիս է առջևի ոտքերով, որոնց դաստակային մասի վրա հենված է լինում գլուխը: Պտուղի դուրս գալու ժամանակ անմիջապես պետք է շուրջպտղային թաղանթը հեռացնել: Պորտալարը մեծ մասամբ ինքն իրեն կտրվում է, իսկ եթե այդ տեղի չի ունեցել, պետք է պորտալարը մարուկի փորից 3—5 սմ տարածության վրա կապել ախտահանած թելով և կապած տեղից 2 սմ ներքե կտրել ախտահանած մկրատով: Կտրելուց հետո պորտալարի ծայրը ախտահանում են յոզով կամ այլ ախտահանիչ նյութերով (կրեոլին, լիզոլ):

Մարուկի բերանը, ականջները և ուռնզները մաքրում են յոթնից, որից հետո նրա մարմինը շփում են փափուկ ծղոտի ոլորով և թողնում են, որ մայրը լիզի: Խորհուրդ չի տրվում մարուկի մարմնին ցանել ալյուր կամ աղ. դա կարող է միայն մաշկը ավելորդ տեղը գրգռել: Այս ամենից հետո մարուկին ոտքի են կանգնեցնում և մոտեցնում մորը՝ ծծեցնելու:

Մնից հետո պետք է հետևել, որ ընկերքն ընկնի, որք

սովորաբար տեղի է ունենում 1—1,5 ժամ հետո, միայն երբևէ մնում է մինչև 6 ժամ: Իսկ եթե ընկերքի ընկնելը շատ է ուշանում, ապա այդպիսի դեպքերում անհապաղ պետք է գիմել անասնաբուժական անձնակազմի օգնությամբ: Ընկերքը ընկնելուց անմիջապես հետո, գոլ չբով պետք է լվալ զամբիկի շերերը, կուրծք, հետևի ոտքերը և պոչը, որից հետո ընկերքը և թաց ցամքարը դուրս տանել ու աչրել, կամ թաղել գետնի մեջ, իսկ կացոցում փռել թարմ և չոր ցամքար:

Ծնելուց անմիջապես հետո զամբիկը լինում է շատ հոգած, քրտնած, հետևաբար կարող է շատ հեշտությամբ մըրտել: Նրա ծննդաբերական օրգաններն այդ ժամանակ նմանվում են բաց վերքի, որտեղ հեշտությամբ կարող են ներթափանցել հիվանդություն առաջացնող միկրոօրգանիզմներ: Այս բոլորն ասում են այն մասին, որ նոր ծնած զամբիկներին պետք է խնամել ամենամեծ հոգատարությամբ: Ենթե պետք է լինի առանց միջանցիկ քամիների, մաքուր և ապահոված ցամքարով: Ծնելուց 2—3 ժամ հետո զամբիկին հարկավոր է տալ դոլ չուր և քիչ քանակությամբ թեփից պատրաստած շփոթ: Սովորաբար զամբիկին կերակրում են ծնելուց 5—6 ժամ հետո: Այդ ժամանակ ամենալավ կերը համարվում է բարձրորակ խոտը և ցորենի թեփից պատրաստած շփոթը: Հետագա մի քանի օրերի ընթացքում կերակրման նույն ռեժիմը շարունակել, միայն թեփը տալ ոչ թե շփոթի ձևով, այլ ուղղակի թրջած գոլ չրով:

Արմատապտուղների կարելի է տալ ինչպես ծնելուց առաջ, այնպես էլ ծնելուց հետո: Լավ է նաև կերցնել թարմ հարած կանաչ խոտ, որը տրվում է օրական մեկ անգամ: Առաջին 5—6 օրերի ընթացքում նոր ծնած զամբիկներին լավ է չափավոր կերակրել և միայն մի շաբաթից հետո անցնել նորմալ ուսցիոնին:

ԾԾԱՄԱՅՐ ԶԱՄԲԻԿՆԵՐԻ ԿԵՐԱԿՐՈՒՄԸ ԵՎ

ԽՆԱՄՔԸ

Ծծմայր զամբիկների կերակրումն ու խնամքը պետք է այնպես կազմակերպել, որ նրանք պահպանեն իրենց նորմալ

կոնդիցիան (բանող և տոհմային), միաժամանակ մեծ քանակությամբ կաթ արտադրեն, որը հսկայական նշանակություն ունի մարուկի նորմալ աճման ու զարգացման համար:

Կերակրման լավ պայմաններում զամբիկների կաթնա-տվությունը բավականին բարձր է լինում, այսպես, վարդունները առաջին 2—3 ամիսների ընթացքում օրական միջին հաշվով տալիս են (մարուկը ծծում է) 10—12 կգ կաթ, իսկ ծանրաքարշ զամբիկները ավելի շատ՝ 14—18 կգ: Կաթնային շրջանի 6 ամիսների ընթացքում վարդուն և ծանրաքարշ տիպի մարուկները ծծում են մոտ 2000—3500 կգ կաթ: Այս-տեղից էլ կարելի է եզրակացնել, որ կաթի գոյացման համար զամբիկներին անհրաժեշտ է տալ զդարձ քանակությամբ լրացուցիչ կեր:

Կաթի գոյացման համար բանող ձիու սովորական ուս-ցիոնին օրական պետք է ավելացնել հետևյալ քանակությա-ն կերեր (աղյուսակ 1):

Աղյուսակ 1

Պարի գոյացման համար ծծմայր զամբիկներին տրվելիք լրացուցիչ կերի քանակը

	Մարուկների կաթով կերակրումը					
	Առաջին հասնայակի ընթացքում		2-րդ հասնայակի ընթացքում		Նրորդ հասնայակի ընթացքում	
	կերի մեղմոր	Մարսելի սպիտակուց	կերի մեղմոր	Մարսելի սպիտակուց	կերի մեղմոր	Մարսելի սպիտակուց
Բանող զամբիկներ	3,0	0,33	2,2	0,22	—	—
Տոհմական զամբիկներ						
ա) վարդուն և հեծկան	3,7	0,37	3,0	0,30	2,0	0,20
բ) ծանրաքարշ	5,3	0,53	4,3	0,43	3,0	0,30

Ծծմայր զամբիկներին անհրաժեշտ է համահավասար կերպով կերակրել այնպիսի ուսցիոններով, որոնք հարուստ

են լիարժեք սպիտակուցներով, հանքային նյութերով և վիտամիններով:

Ինչպես վերևում ասվեց, ծնելուց հետո, առաջին օրերին անհրաժեշտ է զամբիկին համեմատաբար պակաս կերակրել: Խալով նրան չափավոր քանակությամբ խոտ, 1,5—2,5 կգ թեփ կամ մանրած վարսակ՝ շփոթի-խաշիլի ձևով, հետո աստիճանաբար կերերի քանակն ավելացնել և ծնելու 6—8 օրը՝ հասցնել լրիվ ուսցիոնին:

Եթե հնարավորություն կա զամբիկներին արածացնելու, ապա նրանց հիմնական սնունդը պետք է կազմի արոտային կերեր: Արոտային կերակրումը չափազանց բարերար ազդեցություն է թողնում զամբիկի վրա և նպաստում է մեծ քանակությամբ կաթի գոյացմանը: Չնայած դրան, արոտային շրջանում զամբիկներին պետք է լրացուցիչ կերպով տալ հատիկ (վարսակ) 1,5 մինչև 3 կգ չափով, իսկ եթե արոտը վատ է, ապա լրացուցիչ կերպով օրվում է նաև խոտ:

Մսուրային շրջանում հիմնական կերը համարվում է բարձրորակ թիթեռնածաղկավոր խոտը (ապուլուտ, վիկ, կսրնգան, երեքնուկ), որի մի մասը լավ է փոխարինել բարձրորակ մարզագետնային խոտով: Աչդպիտի խոտն իր մեջ պարունակում է զգալի քանակությամբ սպիտակուցներ, հանքային նյութեր և վիտամիններ: Մծմալը զամբիկներին լավ է շտալ կոպիտ կերեր՝ ծղոտ, մղեղ, բայց խոտի պակասության դեպքում կարելի է տալ քիչ քանակությամբ դանադան հացահատիկների հարդ (դարման)՝ խառնած վարսակի հետ:

Խոտաշրած կերերից ամենալավը համարվում է վարսակը: Ոգտավետ է նաև զամբիկին տալ օրական 1—2 կգ բուսիկ և 1,5—4 կգ թեփ:

Մսուրային շրջանում շատ օգտակար է կերցնել նաև հյութալի կերեր, այն է՝ զազար, ճակնդեղ և կարտոֆիլ՝ օրական 8—12 կգ, բարձրորակ սիլոս կարելի է տալ 5—8 կգ ոչ ավելի: Հանքային նյութերից ամեն օր պետք է տալ 20—30 գրամ աղ:

Եթե ծինը տեղի է ունեցել արոտային շրջանում, աչդ

դեպքում 8—9 օր զամբիկին պետք է պահել ախոռում և զրանից հետո միայն թողնել արոտ: Մսուրային շրջանից արտալին շրջանի անցումը հարկավոր է կատարել աստիճանաբար, հակառակ դեպքում, ինչպես զամբիկը, այնպես էլ մարուկը կարող են մարսողության խանգարում ստանալ:

Ծծմայր զամբիկների խնամքը պետք է բարձր հիմքերի վրա դրված լինի: Նրանց կացոցները միշտ պետք է լինեն մաքուր, ցամքարը թարմ ու չոր, նրանց մաշկը ամեն օր խնամքով պետք է մաքրել և, եթե զամբիկը չի արածում, կարելի է մտրուկի հետ դուրս թողնել ման գալու:

Մեկուց 15 օր անց միայն թույլ է տրվում զամբիկներին աշխատանքին թեթև աշխատանքներում:

ՄՏՐՈՒԿՆԵՐԻ ԱՃԵՑՈՒՄԸ

Բարձրորակ բանող և տոհմային ձիեր ստանալու համար անհրաժեշտ է մարուկներին աճեցնել ճիշտ, աշխինքն նպատակադիր եղանակով:

Մատղաշների աճեցումը նպատակադիր է կոչվում այն դեպքում, երբ նախապես նպատակ է դրվում ստանալ որոշակի տիպի և որակի ձի: Այդ խնդրի իրագործումը սերտորեն կապված է զոոտեխնիկական դիտության և առաջավոր փորձի նվաճումները լայնորեն արտադրության մեջ մտցնելու հետ:

Միշտորինյան բիոլոգիան ապացուցում է, որ բույսերի և կենդանիների կողմից կյանքի պայմանների ընթացքում ձևեր բերած հատկությունները կարող են ժառանգաբար փոխանցվել սերնդին:

Դա հնարավորություն է տալիս մեզ արտաքին պայմանների ազդեցության տակ փոխել գոյություն ունեցող ձևերը մեր ցանկացած ուղղությամբ: Կենդանու օրգանիզմի վրա ազդող ամենատեղի ֆակտորները հանդիսանում են՝ կերակրումը, խնամքը և մարզանքը: Բայց այդ պայմաններն իրենց ամենամեծ ազդեցությունն են ունենում կենդանու փոքր հասակից, երբ նա ընդունակ է աճելու և զարգանալու:

Սաղմնային շրջանում պտղի (սաղմի) համար մոր օր-
դանիզմը հանդիսանում է արտաքին միջավայր, հետևաբար
պտղի վրա կարելի է ազդել միայն մոր օրդանիզմի միջո-
ցով:

Հզի գամբրիկներին հղիության ամբողջ շրջանում կերակրո-
ման և խնամքի լավ պայմաններում ուսհետ գեպքում
նրանցից ստացված մտրուկները կլինեն խոշոր, աճրակազմ
և առողջ: Եթե հղիության ընթացքում գամբրիկը կերակրման
ու խնամքի վատթար պայմաններում է գտնվում, ապա
պտուղը լավ չի զարգանում և մտրուկը ծնվում է թերզար-
գացած (փոքր, թույլ կառուցվածքով), որը լրիվ չի վերանում,
եթե մինչև անգամ ամբողջ հետարգանդային շրջանում մատ-
ղաշը կերակրման ու խնամքի բարենպաստ պայմաններում
է գտնվում: Եթե մտրուկը արդանդային շրջանում լավ է զար-
գացել և ծնվել է միանգամայն նորմալ վիճակում, սակայն
հետո, իր աճի զարգացման ամբողջ ընթացքում, կամ մինչև
անգամ միայն որոշ շրջանում կերակրման և խնամքի վատ
պայմանների մեջ է, ապա նրանից բարձրարժեք կենդանի
չի ստացվի և նա այս կամ այն աստիճանի թերզարգացած
կլինի: Այստեղից պետք է անել այն հետևությունը, որ սկսած
ծնված օրվանից մինչև լրիվ աճն ու զարգացումը մատղաշ-
ներին պետք է ապահովել իրենց հասակի պահանջներին
համապատասխան կերակրման, խնամքի և պահպանման
անհրաժեշտ պայմաններով:

Աճի ու զարգացման շրջանը հարկավոր է ավելի լրիվ
օգտագործել կենդանու մեջ ցանկալի տնտեսապես-օգտա-
վետ հատկություններ զարգացնելու համար:

Որպես կանոն ընդունված է մտրուկներին կերակրման
կաթնային շրջանում դաստիարակել մոր տակ՝ ծծեցնելու
միջոցով:

Բարեհաջող ծնի դեպքում մտրուկը շուտով փորձեր է
անում ինքնուրույն կերպով մոր կուրծք գտնելու, այդ ժա-
մանակ պետք է նրան օգնություն ցույց տալ: Սովորաբար
մտրուկին առաջին անգամ թողնում են մորը ծծելու՝ ծնվելուց
մետ մեկ ժամ անց: Նոր ծնած գամբրիկների առաջին օրերի կա-

թը (խիժը) ըստ իր բազադրութեան խիստ կերպով տարբերվում է սովորական կաթի բազադրութունից և մտրուկի համար հանդիսանում է անփոխարինելի կեր: Մտրուկը առաջին ամսվա ընթացքում ծծում է մոտը շատ հաճախ օրական մինչև 30—40 անգամ: Ուսումնասիրութունները ցույց են տվել, որ զամբիկների կաթնատվութունը բավականին բարձր է, այսպես, վարդուն և հեծնելու զամբիկներին կաթնատվութունն առաջին 6 ամիսների ընթացքում կազմում է 1800 կգ, իսկ օրվա միջին կիթը՝ 11 կգ: Ծանրաբարձ զամբիկներն ավելի շատ կաթ են տալիս, նրանց կաթնատվութունն առաջին ամիսների ընթացքում հասնում է օրական 16—20 կգ: Այստեղից կարելի է անել այն եզրակացությունը, որ ծծմայր զամբիկներին կերակրելիս նրանց ըստ էության պետք է ղիտել որպես կաթնատու անասունների, և ըստ այնմ կազմակերպել նրանց կերակրումը:

Ծնելուց 5—7 օր հետո զամբիկին մտրուկի հետ միասին պետք է թողնել զրոսանքի, սկզբում՝ 20—30 րոպեով, իսկ հետո՝ ավելի երկար ժամանակով: Յուրտ, անձրևային և բամի օրերին խորհուրդ չի տրվում մտրուկներին դուրս թողնել:

Իրենց կյանքի առաջին տարում մտրուկները շատ արագ են զարգանում և մեծ աճ են տալիս, օրինակ, ըստ պրոֆ. Պ. Դորրինկինի տվյալների, վարզունների ցեղին պատկանող մտրուկների օրական աճն առաջին 3 ամիսների ընթացքում կազմում է 1—1,2 կգ: Ծանրաբարձ ցեղերի մտրուկների օրական աճն ավելի ևս բարձր է լինում և միջին հաշվով կազմում է 1,4—1,6 կգ: Այստեղից կարելի է եզրակացնել, թե որքան մեծ է ծծմայր զամբիկների լավ կերակրման նշանակությունը մտրուկների նորմալ զարգացման համար: Զամբիկների կաթնատվութունը ցածր լինելու դեպքում մտրուկը վատ է աճում և նրա մազափոխությունը ավելի ուշ է կատարվում: Թեև մոր կաթը մտրուկի համար հանդիսանում է ամենալավ կերը, բայց ավելի լավ աճելու համար երկրորդ ամսից սկսած նրան պետք է սովորեցնել խոտացրած կերերի: Սկզբում մտրուկին կերակրում են իր

մոր մատրից, իսկ խտացրած կերին սովորելուց հետո՝ առանձին: Մտրուկներին կերակրում են արոտավայրում՝ ցանկապատված տեղում, իսկ ախոռում՝ հատուկ այդ նպատակի համար հատկացված կացոցում: Որպես լրացուցիչ կեր մտրուկներին պետք է տալ ճզմած վարսակի և թեփի խառնուրդ՝ սկսել 200 գրամից և հասցնել այն, մորից անջատելու հասակում, 2—3,5 կգ:

Մտրուկներին պետք է մորից անջատել 6 ամսական հասակից ոչ շուտ:

Մտրուկներին ծծից կտրում են ոչ թե աստիճանաբար, այլ միանգամից: Մտրուկներին մորից անջատելուց հետո նրանց նորմալ աճը պահպանելու համար անհրաժեշտ է հատկացնել լավագույն արոտավայրերը (եթե անջատումը կատարվում է արոտային շրջանում) և լրացուցիչ կերպով տալ նրանց հետևյալ կերերը. ճզմած վարսակ կամ դարի՝ 3—4 կգ, խոտ՝ 3—5 կգ, թեփ՝ 0,5 կգ և դաշար՝ 2 կգ:

Մտրուկներին ծծից կտրելու համար լավ է նրանց բաժանել հետևյալ խմբերի. 1) փետրվարին և մարտին ծնվածներ, 2) ապրիլին և մայիսին ծնվածներ և 3) հունիս և հուլիս ամիսներին ծնվածներ:

Մտրուկներին լավ է անջատել մորից կեսօրին, լրացուցիչ կերակրման ժամանակ: Անջատման ենթակա մտրուկներին թողնում են ախոռում և նրանց տալիս են խոտ, իսկ նրանց մայրերին ախոռից հեռացնում: Անջատումից հետո անհրաժեշտ է խիստ հսկողություն ունենալ, որ մտրուկները չկռվեն և հարկ եղած դեպքում նրանց հանգստացնեն քորելով կամ փաղարջելով: Ծծից կտրած մտրուկներին 2—3 օր պահել ախոռում: Չորրորդ օրվանից՝ առավոտյան լրացուցիչ կեր տալուց հետո մտրուկներին երկու ձիապահների հսկողությամբ թողնել արոտի, լավ է մտրուկների երամակի մեջ թողնել մեկ ծեր ստերջ զամբիկ կամ ծեր ամորձահատած արու ձի: Սովորաբար 2—3 օրից հետո մտրուկներն արդեն հանգիստ կերպով արածոտ են:

Բացի արոտային կերից, մտրուկներին պետք է տալ մանրած դադար, վարսակ կամ դարի, թեփ և քիչ քանակու-

վլամբ խոտ: Մտրուկների կերակրման այս եղանակը պետք է պահպանել մինչև ուշ աշուն՝ ցերեկը նրանց թողնել արածելու, իսկ գիշերը պահել ախոռում: Այդ ժամանակվանից էլ և արու մտրուկներին պետք է առանձին արածացնել:

Ուշ աշնանային ցրտերի և անձրևների ժամանակ դադարեցնել մտրուկներին արոտ դուրս թողնելը և անցնել մսուրային պահպանման:

Մսուրային շրջանում մտրուկների կերակրումը կազմակերպելիս պետք է նկատի ունենալ, որ նրանք զրկվում են այնպիսի սննդարար կերերից, ինչպիսիք են կաթը և արոտի կանաչը, որը հաճախ հաշվի չեն առնում անասնապահները և մսուրային շրջանում մատղաշներին անբավարար են կերակրում. դրա հետևանքով նրանց աճը խիստ դանդաղում է և այդպիսով նրանք մնում են թերզարգացած:

Մսուրային շրջանում մատղաշների հիմնական կերը հանդիսանում է բարձրորակ խոտը. բացի խոտից կարելի է նաև տալ քիչ քանակությամբ զարնանացան հացահատիկների հարդ: Բացի կոպիտ կերերից անհրաժեշտ է մտրուկներին տալ նաև խտացրած կեր (վարսակ, գարի, թեփ և այլն), ինչպես նաև հյութալի կերեր: Վերջիններից ամենից օգտակարը պետք է համարել գազարը, որը հարուստ է վիտամիններով. կարելի է տալ նաև արմատապտուղներ և բարձրորակ սիլոս:

Անհրաժեշտ է մտրուկներին տալ ադ՝ օրական 15—20 գ շափով, կամ քարաղի ձևով: Խտացրած կերերը տալիս են հավասարաշափ բաժիններով — օրական 3 անգամ, իսկ կոպիտի կերերը — 4 անգամ, բոտ որում երեկոյան տրվելիք կերաբաժինը ավելի շատ պետք է լինի:

Մսուրային շրջանում մտրուկների կերակրումն ու խնամքը կարելի է տանել հետևյալ հաջորդականությամբ. 1— առավոտյան ժամը 6-ին մատղաշներին ջրել, տալ կոպիտ և խտացրած կերերի առավոտյան բաժինը, կամ տալ մանրած գազար՝ հարդի հետ խառնած. կերի մնացորդը մաքրել, և ախոռը մաքրելուց հետո աղբը դուրս հանել: 2— ժամը 10-ին երկրորդ անգամ ջրել, տալ կոպիտ և խտացրած կե-

լերի նշանակված բաժինը, որից հետո մատղաշներին թողնել
դուրս՝ գրոսանքի. 3— ժամը 15-ին գրոսանքից վերադառ-
նալուց հետո տալ կոպիտ կեր. 4— ժամը 20-ին մատղաշ-
ներին նորից ջրել և տալ խտացրած կերի մնացած մասն
արմատապատուղների հետ միասին, որից հետո գիշերվա հա-
մար տալ կոպիտ կեր. 5— ժամը 24-ին հերթապահ ձիա-
պահը տալիս և կոպիտ կերերի վերջին մնացորդը:

Տոհմային մատղաշներին հարկավոր է ավելի լավ կերա-
կերել: Սովորաբար նրանց ավելի երկար են թողնում մոր
տակ: Բանող տիպի մատղաշներին կերակրելիս կարելի է
առաջնորդվել հետևյալ սխեմայով (կիլոգրամով).

Կենդանի քաշը . . .	200	250	300	350	400
Կերի միավոր . . .	5,0	5,7	6,3	6,7	7,2
Մարսելի սպիտակուց . . .	0,5	0,57	0,63	0,60	0,58

Այս նորմաները միայն ընդհանուր ցուցումներ են տալիս
մատղաշների սննդանյութերի պահանջի մասին. դրանց հի-
ման վրա յուրաքանչյուր կոնկրետ դեպքում զոոտեխնիկ-
ները պետք է մշակեն կերակրման սխեմաները և կերային
ոացիոնները:

Երկրորդ գարնանից մեկ տարեկան մատղաշներին թող-
նում են արածելու: Հավորակ արոտը նրանց համար անսկո-
խարինելի կեր է հանդիսանում: Մաքուր օդում շարժում-
ները նպաստում են մկանների, ինչպես նաև սրտի և թոքերի
զարգացմանը և կենդանուն առհասարակ զարձնում են ավե-
լի առողջ ու ամրակազմ: Բարձրորակ արոտում մատղաշ-
ները ստանում են համարյա թե բոլոր իրենց զարգացման
համար անհրաժեշտ սննդանյութերը: Այդ հասակում մատ-
ղաշ ձիերը արածելիս օրական ուտում են 30—40 կգ կանաչ:
Չնայած այս ամենին, լավ է, բացի արոտում ստացած կե-
րից, մատղաշներին օրական լրացուցիչ տալ 2—3 կգ խտաց-
րած կեր (վարսակ, գարի, թեփ):

Երկրորդ ձմռան ընթացքում մատղաշների ոացիոնում
կոպիտ կերերը, ինչպես նաև արմատապատուղները (զազար,
շաքարի ճակնդեղ) ու սիլոսը կարող են ավելի մեծ տեղ
գրավել:

Բարձրորակ ձիեր աճեցնելու համար, բացի կերակրումից, մեծ նշանակություն ունի նաև մատղաշների խնամքն ու մարզանքը:

Նորածին մտրուկներին հենց առաջին օրերից պետք է սովորեցնել մարդուն վստահել և բարեհեղ լինել: Դրան կարելի է հասնել միայն մտրուկների հանդեպ ուշադիր և փառաբանական վերաբերմունք ցույց տալով:

Մտրուկի հետ կոպիտ վարվելիս նա դառնում է վախկոտ և ավելի զժվար է լինում նրան հետադաշում աշխատանքի սովորեցնել:

Լավ է, դեռ մոր տակ եղած ժամանակ, մտրուկին սովորեցնել նոխտայի, իսկ մորը մաքրելու ժամանակ նաև՝ խոզանակին:

Մորից անջատելուց հետո մտրուկներին պետք է խնամել այնպես, ինչպես մեծահասակ ձիերին:

Ամենից առաջ մատղաշին պետք է սովորեցնել նոխտայի, եթե այդ մինչև մորից անջատելը չի կատարվել: Դրա համար մտրուկներին արածելու և զբոսանքի պետք է դուրս հանել նրա զլխին հագցրած նոխտայից բռնած, արոտից կամ զբոսանքից վերադառնալիս նույնպես պետք է նոխտայից բռնած տանել ախոտը: Մտրուկներին աստիճանաբար են սովորեցնում մաքրելու: Սկզբում քորում են և շփում այն տեղերը, որտեղ մտրուկն ինքը չի կարող քորել (պարանոցը, կուրծքը):

Մտրուկներին հարկավոր է մաքրել խոզանակով և երբեք չսովորեցնել քերոցին (ղաշավին): Ռունդները (քիանցքերը), շրթունքները, աչքերը և առհասարակ նուրբ, անմաղ տեղերը խոզանակով չպետք է մաքրել, այլ հարկավոր է դորձածել խոնավ սրբիչ կամ սպունգ: Մտրուկների մարմինը մաքրում են նույն հաջորդականությամբ, ինչպես չափահաս ձիերին:

Խորհուրդ է տրվում պարբերաբար բարձրացնել մտրուկների ոտքերը, թխկթխկացնել սմբակներին, և ներբանները մաքրել փայտի կտորով, այս ամենը նախապատրաստում է

մտրուկին ապագայում պայտելու ժամանակ հնազանդ լինելու:

Եթե մտրուկներն ամբողջ օրը դռնվում են արտավայրում, ապա նրանց մարմինը խնամքով մաքրել հնարավոր չի լինում: Այդպիսի դեպքերում բավական է օրական մեկ անգամ անմազ մասերը սրբել խոնավ սպունդով, ոտքերը և մարմինը խնամքով մաքրել խոզանակով ու շորով: Անհրաժեշտ է հատուկ ուշադրություն դարձնել ոտքերի և սմբակների գրգռված վրա: Որպեսզի սմբակները ալյանդակ կերպով չաճեն, անհրաժեշտ է ամեն ամիս մտրուկների սմբակների ներքանային եզրը դորմիիով հավասարեցնել (կտրացնել): Սմբակներն ամեն օր պետք է կեղտից, գոմաղբից մաքրել, իսկ տաք եղանակներին՝ ջրով լվանալ:

Աստրային շրջանում մորից անջատած (ծծից կտրած) մտրուկների համար հատկացրած ախոռը պետք է լինի տաք և լուսավոր: Սովորաբար մի կացոցում տեղավորում են 2 մտրուկ, որի համար այնտեղ սարքավորում են երկրորդ շարժական մսուրը:

Առաջին ծմռան բնթացքում, եթե ախոռում առանձին կացոցներ չկան, մտրուկներին կարելի է պահել 6—8 գլխից բաղկացած խմբերով, միայն այն պայմանով, որ չորաքանչուր գլխին հասնող հատակի տարածությունը 6—7 մ² պակաս չլինի:

Կացոցները կամ առհասարակ ախոռն ամեն օր պետք է գոմաղբից մաքրել, մտրուկների տակը փռել շոր և մաքուր ցամաք ու շենքն օդափոխել ամեն օր: Կավ է ամսանը մտրուկներին, բացի մաքրելուց, լողացնել:

Զմռանն ախոռը մաքրելու ժամանակ մտրուկներին այնտեղից դուրս են անում հատուկ ցանկապատած տեղ (վարոկ), որտեղ նրանք հնարավորություն ունեն ազատ շարժվելու:

Կոլտնտեսությունները մորից անջատված մտրուկներին տրտադրական բրիզադներից փոխադրում են (հանձնում) ձիաբուծական ֆերման: Երբ կոլտնտեսությունը ձիա-

բուժական ֆերմա շունի, այդ դեպքում մատղաշներին խնամելու համար առանձնացվում է հատուկ բրիգադ, իսկ մքա-րուկները, թվով քիչ լինելու դեպքում, նրանց խնամքը դընում են հատուկ ձիապահի վրա:

Մեկ ձիապահին միջին թվով ամրացնում են 10—12 մարուկ: Հաճախ լավ արդյունք է ստացվում, երբ մարուկներին աճեցնում են կին ձիապահները: Նրանք իրենց մեղմ վերաբերմունքով ապահովում են հնազանդ և բարեհեղ ձիերի աճեցումը:

Երկրորդ ձմեռվանից սկսած՝ վարդուններին և սահասարակ լծելու ձիերի մատղաշներին սովորեցնում են նաև առանձին մնալուն և ապա լծելուն:

Լծասարբը հազցնելով մարուկին, սանձից բռնած ման են ածում, և այս կրկնում են մի քանի օր, մինչև նա լծասարբին սովորի, որից հետո սովորեցնում են երասաններին:

Մարուկին երասաններին սովորեցնում է բրիգադավար ձիապահի մասնակցությամբ, լծասարբը հազցրած՝ մարուկին սանձից բռնելով դուրս են բերում երկու մարդ, իսկ բրիգադիրը երասանները բռնած գնում է հետևից: Թեթևակի կերպով ձգելով մեկ կամ մյուս երասանը, նա ստիպում է մարուկին փոխել իր ընթացքի ուղղությունը, այսպես շարունակում են մի քանի օր, մինչև մարուկը երասաններին սովորի, որից հետո նրան լծում են Սովորաբար այդ նպատակի համար օգտագործում են թեթև սահակներ կամ սուլակներ, որոնց կողաքեղիները (օղտրի) պետք է երկար լինեն:

Լծած մարուկին սկզբում ման են ածում սանձից բռնած, իսկ մեկ ուրիշը հետևից է գնում՝ ձեռքին պահած երասանները: Այսպիսի մի քանի դասերից հետո մարդն արդեն նստում է սահակին և ղգուշով թշում:

Հեծնելու ձիերին սովորեցնում են 1,5 տարեկան հասակում: Այստեղ ևս սկզբում մատղաշին սովորեցնում են սանձին, դրանից հետո նրա վրա ամրացնում են փորքաշը, սկզբում թույլ կերպով, որք հետո ձգում են: Փորքաշին սո-

վորելուց հետո մատղաշի մեջքին դնում են թեթև թամբ առանց ասպանդակների, որին սովորելուց հետո՝ ամրացնում են և ասպանդակները:

Մեջքի վրա բեռ տանելուն վարժեցնում են հետեյալ կերպ. եթե ձին ցածրահասակ է, ապա մեկը գնում է ձիու ձախ կողմից և ձևորով սեղմում է թամբին, աստիճանաբար ավելացնելով ճնշումը, իսկ եթե մատղաշը բարձրահասակ է, ապա թամբի վրա ամրացնում են ավազով լի պարկ, ընդ որում ավազի քանակը պարկում աստիճանաբար ավելացնում են:

Ձիուն հեծնում են մեջքին բեռ կրել սովորեցնելուց հետո Լեյզ կատարում են այսպես՝ երկու ձիապահ ձիու աջ և ձախ կողմերից սանձից բռնում են և թեթև քաշ ունեցող (մինչև 40 կգ) պատանին հեծնում է ձիուն. զրանից հետո սկսում են ձիուն ման ածել, իսկ հեծյալը ղգուշովյամբ ղեկավարում է ձիու ընթացքը:

Մատղաշներին սովորեցնելիս պետք է ցուցաբերել մեծ համբերատարություն. բղավոցները և մտրակի հարվածները միայն կարող են գործին վնասել: Սովորեցնելու ժամանակ անշնորհք և անթույլատրելի վերաբերմունք ունենալու հետևանքով, քիչ չեն զեպքերը, երբ ձին վատ սովորություններ է ձեռք բերում և բնավորությամբ կամակոր է դառնում: Զրանից խուսափելու համար մատղաշների վարժեցման գործի նկատմամբ պետք է ունենալ լուրջ մոտեցում, և այս աշխատանքը հանձնարարել գործին լավ ծանոթ հմուտ մարդկանց:

ՉԻԵՐԻ ՏՐԵՆԻՆԳԸ ԵՎ ՓՈՐՁԱՐԿՈՒՄԸ

Տոհմային գործում ձիերի ընտրությունը և զույգերի ընտրությունը ճիշտ կերպով կատարելու համար անհրաժեշտ է տալ նրանց տոհմային գնահատականը, որի համար այլ ցուցանիշների հետ միասին հաշվի են առնում արտադրողականությունը:

Ինչպես հեծնելու, այնպես էլ լծելու բանող ձիերի ար-

«աղբիւրներն ու խորանայնքն ուր զայնքն ան զոր ծարկման միջոցով, արի համար ձիերին նախօրոք նախապատրաստում են՝ վարժեցնում են ու մարդում: Փորձարկմանը նախապատրաստվող ձիերի մարզումը կոչվում է տրենինգ, իսկ մարզողը՝ տրեննը:

Կուլտուրական ցեղերի ձիերի տրենինգը սկսում են մեկուկես տարեկան հասակից, երբ նրանց աճն ու զարգացումը ղեռ չի ավարտվել: Նախքան տրենինգը, մարումները նախօրոք վարժեցված են լինում սանձին, լծելուն կամ հեծնելուն:

Հեծնելու ձիերին մարզում են հեծած վիճակում, իսկ վարդուններին և ծանրաքարշներին՝ լծած:

Տրենինգի բնթացքում ոչ միայն մարզվում են ձիերի մկանները, այլ օրգանիզմում առաջանում են խոշոր փոփոխություններ: Տրենինգի հետևանքով ձիու մոտ առաջանում են պայմանական ռեֆլեքսներ, իսկ կենտրոնական ներվային համակարգի ներդրածության շնորհիվ նրա օրգանիզմում ավելի կատարյալ ձևով է բնթանում նյութափոխանակությունը, զաղափոխանակությունը: Որպես արդյունք այս բոլորի, մարզված ձին բնդունակ է դառնում ավելի քիչ էներգիա ծախսելով ավելի մեծ աշխատանք կատարելու դրա հետ միասին, նա ավելի ուշ է հոգնում, ավելի ազատ է շրջում՝ տրյան շրջանառության և շնչառական օրգանների ավելի կատարյալ աշխատանքի շնորհիվ:

Տրենինգի բնթացքում ձիու օրգանիզմից աստիճանաբար անհետանում է կուտակված ամբողջ ավելորդ ճարպը, որովայնը փոքրանում և դառնում է ավելի հավաք, մկաններն բնդունակ են դառնում ավելի մեծ աշխատանք կատարելու: Քանի որ ձիերի տրենինգը սկսվում է նրանց վաղ հասակում, երբ ղեռ օրգանիզմի աճը չի դադարել, ապա այն բարենպաստ կերպով է ազդում հյուսվածքների և օրգանների զարգացման վրա:

Տրենինգի ժամանակ սխտեմատիկ կերպով կատարվող շարժումներից (մարզանքից) բացի բավականին մեծ նշանակություն ունի նաև մարումների կերակրումը:

Տրենինգի ընթացքում ձիերի ուսցիտնում պետք է մտքը-
նել ընտիր խոտ և զգալի չափով ավելացնել վարսակի քա-
նակը:

Մատղաշ ձիերին առաջին անգամ փորձարկում են երկու
տարեկան հասակում, որից հետո նրանց նորից մարզում են
և փորձարկում 3 տարեկան հասակում: Զամբիկները հիմ-
նականում իրենց զնահատականը ստանում են երեք տա-
րեկանից հետո և զնում են զուգավորման, իսկ հովատակ-
ները փորձարկվում են մի տարի ևս և 4 տարեկան հասա-
կում ստանում իրենց զնահատականը: Բարձր մրցանակ
չահած առանձին հովատակներին զլխավորապես (վարդուն-
ներին) փորձարկում են նաև շորս տարեկան դառնալուց
հետո:

Հեծնելու ցեղերին պատկանող ձիերի փորձարկումը կա-
տարվում է արշավների միջոցով. այն անձը, որը փորձարկ-
ման ժամանակ ձիու վրա նստած արշավում է, կոչվում է
«Ժոկեյ»:

Ժոկեյից պահանջվում է մեծ հմտություն և փորձ, որը
ձեռք է բերվում տարիների ընթացքում: Ժոկեյների քաշը
երկու տարեկան հովատակների համար պետք է հավասար
լինի 57 կգ, երեք տարեկանի համար՝ 59 կգ և շորս տարե-
կանի համար՝ 61 կգ: Զամբիկների համար ժոկեյի քաշը
համապատասխանորեն 2-ական կգ պակաս պետք է լինի:

Հեծնելու ձիերի փորձարկումը հիմնականում կատարվում
է հետևյալ տարածությունների վրա.

- 2 տարեկաններին՝ 1000, 1200 և 1500 մետր,
- 3 տարեկաններին՝ 1500, 1600, 1800 և 2400 մետր,
- 4 տարեկաններին՝ 1800, 2400, 3200 մետր:

Վարդուն ձիերը փորձարկվում են լծած միջակում՝ վազ-
քով, ալսինքն՝ նրանց քշում են վարդով, ալս ոչ թե արշավով,
նրանց ալզ նպատակի համար պատրաստված հատուկ երկ-
ականի սալակներին (կաշալկա) լծելով:

Վարդուններին երկու տարեկան հասակում փորձարկում
են մինչև 1600 մետր տարածության վրա, 3 տարեկան հա-

սակում՝ 1600 և 2400 մետրի վրա, իսկ 4 տարեկաններին՝ 1600, 2400 և 3200 մետր տարածության վրա:

Ծանրաքարը ձիերին փորձարկում են լծած վիճակում՝ նրանց բևռ քաշելու մաքսիմալ հնարավորությունները պարզելու համար. բացի դրանից նրանց փորձարկում են որոշ ծանրության բևռը (2—3 տոննա) քայլով և վարգով ավելի շատ տեղ հասցնելու տեսակետից:

Փորձարկումները կազմակերպված ձևով անցկացնելու համար կառուցում են հատուկ արշավավայրեր՝ հիպոդրոմներ, Այսպիսի հիպոդրոմներ կան Մոսկվայում, Լենինգրադում և Միուսիայի մի շարք այլ խոշոր քաղաքներում: Մրհանք ևս ունի իր նորակառույց հիպոդրոմը, որն ըստ իր մեծությամբ, դիրքի և հնարավորությունների կարելի է լավ հիպոդրոմների շարքը դասել:

ՊԼՈՒՆ 5.

ՋԻԵՐԻ ԵՐԱՄԱԿԱՅԻՆ ՊԱՀՊԱՆՈՒՄԸ

Երամակային ձիաբուծության էությունն այն է, որ ձիերը ամբողջ տարին զտնվում են արոտում և սնվում արածելու միջոցով:

Երամակային ձիաբուծությունը ՍՍՌՄ-ում մեծ նշանակություն ունի: Նա հնարավորություն է տալիս օդապարծելու Միության տափաստանային և լեռնային շրջաններում եղած այն տարածությունները, որոնք առայժմ գյուղատնտեսական հույսերանների մշակման համար չեն օգտագործվում: Բացի դրանից ձիերի երամակային պահպանումն ունի այն առավելությունը, որ այս պայմաններում աճեցրած ձիերի ինքնաբերական լինում է շատ ցածր, իսկ իրենք՝ ձիերը շատ ամրակազմ, դիմացկուն և սակավապահանջ են լինում:

Երամակային ձիաբուծությամբ զբաղվում էին դեռ շատ հին ժամանակներից սկսած, բայց նրա ձևերը և եղանակներն առտիճանարար փոփոխության են ենթարկվել: Նախա-

սեպուցիոն շրջանում երամակային պաշպանման պայմաններում ձիերն ամբողջ տարվա ընթացքում արտաավայրերում իրենք էին հայթայթում իրենց կերը, շտանալով լրացուցիչ կերեր։ Այդօրինակ պաշպանման պայմաններում հնարավոր չէր լինում աճեցնել բարձրորակ ձիեր, բացի այդ տեղի էին ունենում մեծ թվով անկումներ։ Սովետական իշխանության օրոք աստիճանաբար երամակային ձիարուծության պայմանները բարելավվեցին, իսկ առաջավոր պետձիարուծությունները և կուլտուրական ֆերմաներն արդեն անցնում են կուլտուրական երամակային պաշպանման։

Ձիերի երամակային պաշպանումը լայնորեն կիրառվում է Ղազախական ՍՍՌ-ում, Կիրգիզական ՍՍՌ-ում, Բաշկիրական և Բուրյատ-Մոնղոլական ԱՍՍՌ-ում, Ալթայի և Կրասնոյարսկի երկրամասերում, Հյուսիսային Կովկասում և մասամբ՝ Անդրկովկասում։ Հայաստանում ոչ լրիվ երամակային ձևով ձիերին պահում են Իջևանի, Շամշադինի և Նույեմբերյանի շրջաններում։

Երամակային ձիարուծությամբ կարելի է զբաղվել տարբեր զոնաներում՝ տափաստանային, նախալեռնային և լեռնային։

Երամակային ձիարուծության համար ոչ բոլոր ցեղի ձիերն են պիտանի, օրինակ, կուլտուրական ալնպիսի ցեղեր, ինչպիսիք են հեծնելու զտարյուն կամ ծանրաքաբշ ձիերը, լավ չեն կարող դիմանալ երամակային պաշպանման պայմաններին և կարճ ժամանակամիջոցում կորցնում են իրենց լավ հատկությունները։

Երամակային ձևով սովորաբար պահում են մեր տեղական հալբենական ցեղերը, ինչպես, օրինակ՝ դոնի, կարարդինյան, դադախական, բաշկիրական և այլն։

Յուրաքանչյուր ձիարուծական տնտեսությունում, որտեղ կիրառվում է ձիերի երամակային պաշպանումը, բնական կերային տարածությունները բաժանում են ձմեռային, դարնանային, ամառային և աշնանային արտաավայրերի։ Լեռնային շրջաններում ձմեռային արտաավայրերը գտնվում են ամենացածր ստորոտներում, իսկ ամառը երամակները

քարձրանում են բարձրալեռնային արտավայրերը: Երամակի մեջ ընդգրկված ձիերի քանակը տարբեր է լինում՝ լեռնային վայրերում 60—70 գլուխ, իսկ տափաստանային վայրերում՝ մինչև 100—120 գլուխ:

Երամակային լեռնատնտեսություններում բոնիտիքովկայից (տոհմային դնահատումից) հետո բոլոր ձիերին բաժանում են 5 խմբի. ա) տոհմային առաջին, բ) տոհմային երկրորդ, գ) երամակի վերանորոգման (ռեմոնտի) ձիեր, դ) վերանորոգման համար թույլ տրված ձիեր և ե) խոտան: Երամակները կոմպլեկտավորում են ըստ առանձին սեռահասակային խմբերի, օրինակ՝ զամբիկների, մատղաշների և այլն:

Երամակները ղեկավարում են երամակավարները, որոնք մեծ հմտությամբ արածացնում են ձիերին, կազմակերպում են նրանց ժամանակին ջրելն ու խնամքը:

Փորձված երամակավարներն առանձին ուշադրություն են դարձնում ձիերի գիրացմանը՝ դարնանային և մանավանդ աշնանային արածացման շրջանում:

Երամակային պահպանման պայմաններում ամենից հաճախ կիրառում են ձիերի զուգավորման երամակային ձևը: Զուկերը սովորաբար կազմում են ապրիլի 20-ի մոտերքը: Միջին հաշվով յուրաքանչյուր 20—35 զամբիկին ամրացնում են մեկ հովատակ՝ հաշվի առնելով նախկին տարիներում նրանից ստացված սերնդի որակը, էքստերյերը, ինչպես նաև հովատակի և զամբիկների ծագումը: Հովատակների կոմպլեկտը խուսափելու համար ջուկերը միմյանցից առնվազն կես կիլոմետր հեռավորության վրա պետք է արածեն:

Զուգավորման կամպանիան վերջանալուց հետո հովատակներին ջուկերից հեռացնում են, իսկ զամբիկներին համախմբում են՝ նորից կազմելով երամակներ: Երամակային պահպանման դեպքում մորոտկներին մայրերից անջատում են աշնանը կամ դարնանը:

Եթե մորոտկների աճեցման համար կան պայմաններ՝ տաք շենքեր, բավարար քանակությամբ կոպիտ և խտացրած կերեր, այդ դեպքում մորոտկների աշնանային անջատումն ավելի լավ կլինի, նա կնպաստի մատղաշների լավ դար-

զացմանը: Այն դեպքում, երբ այդ պայմանները չկան, ան-
շատման ամենալավ ժամանակը գարունն է: Մտրուկները
մայրերի հետ միասին լինելով, ավելի լավ են կարողանում
օգտվել ձնառակի բուսականությունից (խոտից): Գարնան
մոտերքին մտրուկները բավականին մեծացած են լինում:
Ինքնուրույն կերպով հայթայթում են իրենց կերը և աստի-
ճանաբար անտարբեր են դառնում իրենց մայրերի նկատ-
մամբ:

Մեկ տարեկան հասակում պարտադիր կերպով էգ մտ-
րուկներին ջոկում են արու մտրուկներից և արածեցնում են
առանձին: Կազմում են մեկ տարեկան ու երկու տարեկան
արու և էգ մտրուկների երամակներ, որոնց արածեցնում են
առանձին-առանձին:

Երամակային ձիարուծության մեջ պարտադիր է կերի
հատուկ ապահովագրական պաշարի առանձնացումը՝ ամեն
մի դլիսի համար 10—12 ցենտներ խոտից ոչ պակաս: Այդ
հնարավորություն կա ձիերին լրացուցիչ կերակրել արու-
տավայրերի ստոցապատման, բուրի և խիստ ստոնամանի-
րների պայմաններում:

Երամակային ձիարուծության մեջ կարևորագույն միջո-
ցառում է հանդիսանում ախոռների, բաղաների, սրահների,
բամիններից պաշտպանված տեղերի և այլ հասարակ ու
էփանդին շենքերի շինարարություններ՝ աչնտեղ ձիերին
վատ հղանակներին պատսպարելու, տոհմական հովատակ-
ներին պահելու, շատ հյուծված, թուլացած ձիերին կազ-
դուրելու և լավացրած մտրուկներին տեղավորելու համար:

Ավելի բարձրորակ ձիեր աճեցնելու համար առաջավոր
տնտեսություններում, ինչպես, օրինակ՝ բնի, Բուդյոննու և
Առաջին հեծյալ բանակի անվան պետձիարուծարաններում
անցել են կուլտուրական երամակային պահվածքի ձևին,
որի էությունը կախնում է նրանում, որ բացի արածելուց,
ինչպես մայրական կազմը, աչնպես էլ մտրուկները դառ-
նում են խոտ և հատիկային կեր: Բացի այդ, տարվա որոշ
ամիսներին մատղաշներին և արժեքավոր մեծահասակ ձիե-
րին գիշերները պահում են ախոռներում, արտաի թողնելով

ցերեկվա որոշ ժամերին: Կուլտուրական երամակային պահանջանման ղեկավարում նաև կիրառում են մատղաշների տրենինգ (վարժեցում), որը լավ կերակրման հետ միասին, մի կողմից բարերար ազդեցություն է թողնում նրանց աճի և դարդացման վրա, իսկ մյուս կողմից՝ հնարավորություն է տալիս փորձարկման միջոցով (արշավներ, վազքեր) հայտնաբերելու ձիերի արտադրողականությունը, հետևապես ավելի ճիշտ տալ նրանց տոհմային գնահատականը:

Կուլտուրական երամակային ձիարուծության պայմաններում են ստացվել այնպիսի արժեքավոր նոր ցեղեր, ինչպիսիք են բուլղոնովյան և տերսկի ցեղերը:

ՊԱՌԻՍ 6.

ՏՈՀԱՄԱՅԻՆ ԱՇԽԱՏԱՆՔԸ ՉԻԱԲՈՒԾՈՒԹՅԱՆ ՄԵՆ

Տոհմային աշխատանք ասելով պետք է հասկանալ զոտ-տեխնիկական միջոցառումների մի ամբողջ կոմպլեքսի կիրառումը անասնարուծության մեջ. այն է՝ կենդանիների խնամքը, կերակրումը, մարզանքը, բնորոշյունը և զույգերի ընտրությունը: Միայն տոհմային գործի ճիշտ կազմակերպման ղեկավարում հնարավոր է ապահովել եղած ցեղերի սխառեմատիկ բարելավումը և նոր բարձրորակ ցեղերի ստացումը:

Մեր երկրում ձիարուծության մեջ տոհմային աշխատանքի հիմնական խնդիրն է՝ ձիերի բանող հատկությունների (աշխատունակության) բարձրացումը, զույություն ունեցող լավորակ ցեղերի բազմացումը, ցածրորակ ձիերի տրամախաշումը լավացնող ցեղերի ձիերի հետ և տնտեսապես բարձր օգտավետ հատկություններ ունեցող նոր տիպերի և ցեղերի ստացումը:

Ձիերի ցեղերի լավացման աշխատանքը ՍՍՌՄ-ում տարվում է պլանային կարգով, որի համար մեզ մոտ ընդունված է ցեղերի շրջանացման պլան, ընդ որում կոլտնտեսական-

ների ընդհանուր ժողովին իրավունք է վերապահվում պլանով խորհուրդ տրված ցեղերից ընտրել իրենց ցանկացած ցեղը:

ԲՈՒԾՄԱՆ ՄԵԹՈԴՆԵՐԸ

Զիարթութեան մեջ կիրառվում են բուծման հետևյալ մեթոդները՝ 1) մաքուր կամ ներցեղային բուծում, 2) միջցեղային բուծում կամ տրամախաշում: Բացի դրանից, ձիաբուծության մեջ կիրառում են նաև միջտեսակային տրամախաշում կամ հիբրիդիզացիա:

Մաքուր բուծման էությունն այն է, որ դուգավորումը կատարվում է նույն ցեղի կենդանիների միջև:

Բուծման այս մեթոդը կիրառվում է այնպիսի ցեղերի նկատմամբ, որոնք իրենց տնտեսապես օգտավետ հատկություններով հիմնականում բավարարում են ժողովրդական տնտեսության պահանջներին, այլ կերպ ասած, ընդունված են որպես պլանային, ինչպես, օրինակ, ախալ-թեքինյան, օւլովյան վարզուն, դոնական, բուդյոնովյան, վլադիմիրովյան և այլ շատ ցեղեր: Այդպիսի ցեղերի յուրահատուկ հատկությունները ամենից լավ կարելի է պաշտպանել և զարգացնել նրանց մաքուր բուծման դեպքում:

Մաքուր բուծումը չպետք է նույնացնել ժինքն իր մեջ՝ բուծման հետ, վերջինս հնարավոր է ինչպես մաքրացնել բուծման, այնպես էլ խառնածին (մետիս) անասունների բուծման ժամանակ: Անասնաբուծության պրակտիկայում մաքուր բուծման ժամանակ հաճախ դիմում են այսպես կոչված «արյան թարմացման» մեթոդին, այսինքն՝ երբ որպես արտադրող օգտագործում են նույն ցեղին պատկանող, բայց ուրիշ տնտեսությունից բերված կամ այլ գծի պատկանող հովառակի, որը ոչ մի արյունակցական կապ չպետք է ունենա տվյալ տնտեսության մեջ եղած զամբիկների հետ:

Արյան թարմացումը կիրառվում է զխաւորապես այն դեպքում, երբ տվյալ տնտեսության մեջ անասունների բուծումը տարվում է ինքն իր մեջ, մանավանդ, երբ միևնույն

ժամանակ կիրառում են ազգակցական բուժում: Նման դեպքերում սովորաբար անասունների կենսունակությունը ընկնում է, մինչև անգամ ալլասերման երևույթներ են նկատվում: Միջցեղային բուծման կամ տրամախաչման էությունն այն է, որ զուգավորումը կատարվում է տարբեր ցեղերի անասունների միջև, այսինքն՝ զուգավորվող էգն ու արուն պատկանում են տարբեր ցեղերի:

Տրամախաչումը մեծ շահով արագացնում է ցածրակ ցեղերի արմատական բարելավման պրոցեսը, հետևապես սոցիալիստական անասնաբուծության մեջ լայնորեն կիրառվում է այն դեպքերում, երբ տվյալ ցեղն իր տնտեսապես օգտավետ հատկություններով մեր պահանջներին չի բավարարում: Սակայն տրամախաչման կիրառումը սրանով չի սահմանափակվում. քիչ չեն դեպքերը, երբ ավելի արժեքավոր անասուններ կամ նոր ցեղեր ստանալու նպատակով տրամախաչումը կատարում են բարձրորակ ցեղերի միջև: Որինակ, բուդյոնովյան ցեղը ստացվել է 2 արժեքավոր ցեղերի՝ ղոնական և հեծնելու գոտարյուն ցեղերի տրամախաչումից:

Միջուրինյան բիոլոգիան ապացուցել է, որ տրամախաչումը կենդանու ժառանգականության պահպանողականության (կոնսերվատիվմի) խախտման դիմավոր միջոցներից մեկն է հանդիսանում: Խախտված ժառանգականությունը խառնածիններն արտաքին պայմանների ազդեցության տակ ավելի հեշտ են փոփոխվում: Դա հնարավորություն է տալիս շնորհալի ընտրության և զույգերի ընտրության, կերակրման, խնամքի, մատղաշների նպատակադիր աճեցման պայմաններում ավելի կարճ ժամանակում բարելավել գոյություն ունեցող գյուղատնտեսական ցեղերը և ստանալ նոր ցեղեր:

Չպետք է կարծել, որ խառնածինները մեխանիկորեն միացնում են տրամախաչված ցեղերի հատկությունները: Նրանք ձևեր են բերում մի շարք նոր հատկություններ, որոնք արդյունք են արտաքին պայմանների ակտիվ ազդեցության, կենդանու աճի ու զարգացման ընթացքում: Բացի

թվածից, տրամախաշումը հնարավորություն է տալիս բարձրացնելու կենդանիների կենսունակությունը, որը ըստ Տ. Դ. Լիսենկոյի, արդյունք է այն բանի, որ տարբեր ցեղերի կենդանիների սեռական բջիջների միջև դանազանությունը ավելի մեծ է լինում, որի հետևանքով նրանցից առաջացած նոր սրգանիզմի մեջ հակասականությունը բարձր է լինում և նյութերի փոխանակությունն ավելի ինտենսիվ, ուժեղ է կատարվում, իսկ ալոպաթի կենդանիներն ավելի կենսունակ են լինում:

Տարբերում են տրամախաշման հետևյալ եղանակները՝

ա) վերարտադրական,

բ) ներարկման,

գ) կլանման,

դ) արդյունաբերական:

Վեբաբոտադրական տրամախաշումը լայնորեն կիրառվում է դյուդատնտեսական կենդանիների նոր բարձրորակ ցեղեր, ցեղատներ և ցեղային խմբեր ստանալու համար: Նա կոչվում է պարզ, երբ տրամախաշումը կատարվում է 2 ցեղերի միջև և բարդ՝ երբ տրամախաշմանը երկուսից ավելի ցեղեր են մասնակցում: Վերարտադրական տրամախաշման ժամանակ ստացված խառնածինների բուծում են ինքն իր մեջ, իհարկե, դրան զուգընթաց տանելով տոհմային աշխատանք, ընդ որում բուծումը կարելի է տանել առաջին (հազվագյուտ գեղքերում), մեծ մասամբ երկրորդ, իսկ երրեմն նաև երրորդ սերնդի խառնածինների միջև, եթե նրանք համապատասխանում են ցանկալի տիպին:

Օրինակ, ակադեմիկոս Մ. Ֆ. Իվանովն իր հայտնի ուկրաինական տափաստանային խոզի ցեղը ստանալիս կանգ առավ երկրորդ սերնդի խառնածինների վրա:

Տրամախաշման այս եղանակի կիրառման հետևանքով ստացված անասունները ոչ միայն իրենց մեջ համատեղում են տրամախաշմանը մասնակցած ցեղերի լավագույն կողմերը, այլև հարստացված են լինում տնտեսապես օգտակար նոր հատկություններով:

Վերարտադրական տրամախաշման մեթոդով ՍՍՌՄ-ում

ստացվել են գյուղատնտեսական կենդանիների բազմաթիվ բարձրորակ ցեղեր՝ ինչպես, օրինակ, ձիերի բուլղոնովյան և տերսկի ցեղերը: Հին հայրենական ցեղերից որպես բարդ վերարտադրական տրամախաչման կլասիկ օրինակ կարող է ծառայել օւլովյան վարզունը, որի առաջացմանը մասնակցել են մինչև 7 ցեղ:

Արյան ներարկման մեթոդը կիրառում են այն դեպքերում, երբ ցանկանում են լավացվող ցեղի տիպը, հատկությունները հիմնականում պահպանել, լավացնելով նրա բացասական որոշ կողմերը: Օրինակ, դոնական և կարադինյան ձիերի սրընթացությունը ավելացնելու նպատակով հաճախ այդ ցեղերին տրամախաչում են զտալյուն արշավի ցեղի հետ՝ կիրառելով բուծման ներարկման մեթոդը: Ստացված խառնածինները հիմնականում պահպանելով դոնական և կարադինյան ցեղերի դրական կողմերը, այսինքն՝ նրանց դիմացկունությունը, առողջ, ամուր կոնստիտուցիան և երամակային պահվածքին համակերպված լինելը, միևնույն ժամանակ ավելի արագընթաց են լինում: Այս մեթոդը կիրառում են տեղական մանր ձիերի հասակը բարձրացնելու համար: Այսպիսով, տրամախաչման այս եղանակը բավականին լայն կիրառում ունի անասնաբուծական պրակտիկայում, մանավանդ, որ այս դեպքում ավելի քիչ քանակությամբ լավացնող ցեղի հովառակներ են պահանջվում և տոհմական աշխատանքի սիստեմում խորը փոփոխությունների կարիք չի դրացվում:

Արյան ներարկման եղանակի էությունն այն է, որ լավացնող ցեղի հովառակներով ծածկում են լավացվող դամբիկներին, ստացված սերնդի էգերին ծածկում են լավացվող ցեղի հովառակներով և դրանից ստացած սերունդը բուծում են ինքն իր մեջ: Հաճախ երկրորդ սերնդի խառնածին էգերին մեկ անգամ էլ ծածկում են լավացվող ցեղի հովառակներով և միայն դրանից հետո ստացված խառնածին սերունդը բուծում են ինքն իր մեջ: Երբեմն տրամախաչման այս եղանակը կիրառում են փոքր-ինչ այլ ձևով: Վերցնում են տրամախաչման ենթակա ցեղերի առաջին սերնդի խառ-

խածին հովատակներին և նրանցով սերմնավորում լավաց-
վող ցեղի զամբիկներին, հետո ստացած խառնածիններին
բուծում են ինքն իր մեջ: Բայց այս երկու ձևերը չի կարելի
նույնացնել, քանի որ մի դեպքում սաղմը զարգանում է
խառնածին զամբիկի արգանդում, իսկ մյուս դեպքում՝ լա-
վացվող:

Տրամախառնուման կլանման եղանակի դեպ-
քում լավացվող ցեղի զամբիկներին զուգավորում են լա-
վացնող ցեղի հովատակների հետ, ստացած խառնածին
զամբիկներին դարձյալ ծածկում են լավացնող ցեղի հովա-
տակներով և այսպես շարունակ, մինչև որ ստացված բարձ-
րարյուն խառնածինները, ըստ իրենց տիպի և մթերատվու-
թյան, մեծ չափով կմոտենան լավացնող ցեղին, որից հետո
կլանումը դադարեցնում են և խառնածիններին սկսում են
բուծել ինքն իր մեջ: Սովորաբար արդեն 4-րդ, 5-րդ սե-
րնեղում կլանումն ավարտված են համարում:

Բայց անհրաժեշտ է նշել, որ լրիվ կլանում տեղի չի ու-
նենում, քանի որ կլանող ցեղը սովորաբար այլ արտաքին
պայմանների արդյունք է հանդիսանում:

Տրամախառնման այս ձևը լայն կիրառում չունի սոցիա-
լիստական անասնաբուծության մեջ, քանի որ ավելի նպա-
տակահարմար է ստանալ տեղի տնտեսական և բնապատ-
մական պայմաններին հարմար մի նոր ցեղ, քան թե բոլո-
րովին այլ պայմաններում ստացված ցեղով կլանել լավաց-
ման ենթակա ցեղը:

Մեղ մոտ բուծման կլանման մեթոդին դիմում են գլխա-
վորապես այն դեպքերում, երբ տվյալ տնտեսության մեջ
տարվում է մաքրացնել բուծում (կոլտնտեսային տոհմային
ֆերմաներում, պետտոհմաբուծարաններում), սակայն մայ-
րական կազմի մի մասը հանդիսանում է խառնածին: Այս-
պիսով, բուծման այս մեթոդը հնարավորություն է ստեղծում
լավացնող ցեղերի գլխաքանակը զգալի չափով ավելացնել:

Կլանման մեթոդը միայն այն դեպքում է նշված նպա-
տակին հասցնում, երբ խառնածինների աճեցումը կատար-
վում է այնպիսի պայմաններում, ինչպիսի պայմանների

համակերպված է լավացնող ցեղը: Հակառակ պարագայում կլանման մեթոդի կիրառումը կարող է անցանկալի հետևանքների հասցնել այն իմաստով, որ խառնածինները կորցնելով լավացվող ցեղի լավ հատկությունները, միևնույն ժամանակ զուրկ են լինում նաև լավացնող (կլանող) ցեղի դրական հատկություններից (օրինակ՝ սրբնաբանություն, խոշորություն և այլն):

Եթե խառնածինները աճեցվում են լավացնող ցեղի պահանջներին համապատասխանող պայմաններում, ապա արդեն 3-րդ—4-րդ սերնդում խառնածինները ըստ իրենց տիպի և հատկությունների մեծ չափով նմանվում են լավացնող ցեղին և կարող են մաքրացնող անասունների հետ օգտագործվել որպես լավացնողներ:

Բուծման կլանման մեթոդին դիմում են նաև այն դեպքում, երբ անհրաժեշտ է լինում վերականգնել մի որևէ ոչնչացած ցեղ նրա հատուկ կենտ մնացած ներկայացուցիչներից: Օրինակ, ներկայումս Ադրբեջանում աշխատանք է տարվում առաջներում հայտնի Ղարաբաղի ցեղը վերականգնելու ուղղությամբ:

Արդյունաբերական տրամախառման նպատակն է ստանալ առաջին սերնդի խառնածիններ տնտեսական օգտագործման համար, հետևաբար այս մեթոդի դեպքում խառնածիններին ինքն իր մեջ չեն բուծում որոշակի տիպի ձիերի խումբ ստանալու համար, այլ յուրաքանչյուր անգամ վերցնում են նշանակված ցեղերը և նրանցից աճեցնում խառնածին սերունդ: Արդյունաբերական տրամախառման ճանապարհով ստացված խառնածինները լինում են բարձր կենսունակության, հոանդուն, ամրակազմ և ավելի քիչ պահանջկոտ:

Ակներև է, որ այս մեթոդի դեպքում անհրաժեշտ է երկու ցեղերի վերարտադրման մշտական աղբյուր ունենալ, որ հնարավոր լինի անընդմեջ խառնածինների սերունդ աճեցնել:

ՍՍՍՄ-ում արդյունաբերական տրամախառնումը հաշտու-

բուժուկյան մեջ այս մեթոդը համեմատաբար սահմանափակ գործադրում ունի: Արդյունաբերական տրամախաշումը որոշ չափով օգտագործվում է Ղազախական և Կիրգիզական ՍՍՌ-ում, որտեղ տեղական ձիերը այս մեթոդով տրամախաշում են հեծնելու զտարյուն, դոնական և բուդյոնովյան ցեղերի հետ, ստանալով բավականին լավորակ օգտագործելի ձիեր. բացի այդ, վերջերս սկսել են ծանրաքարշ ձիերին տրամախաշել վարդոնների հետ, ինչպես նաև տեղական ցածր արդյունավետ ցեղերի ձիերին՝ ծանրաքարշերի և վարդունների հետ:

ԱՉԳԱԿՅԱԿԱՆ ԲՈՒԾՈՒՄ

Այս կամ այն աստիճանի ազգակցական կապ ունեցող կենդանիների զուգավորումը կոչվում է ազգակցական բուծում: Ազգակցական բուծումը կարող է տարվել ինչպես շատ մոտ ազգակցական կապ ունեցող կենդանիների (նեղ ազգակցական բուծում), այնպես և միմյանցից ավելի հեռու կանգնած կենդանիների միջև:

Ինչպես պարզված է, ազգակցական, մանավանդ նեղ ազգակցական բուծումը զցում է կենդանիների կենսունակությունը և հաճախ հասցնում է նրանց ալյասերման, բայց միևնույն ժամանակ կարող է բարձրացնել սերնդի մեջ ժառանգականությունը: Այդ նկատի ունենալով Տ. Գ. Լիսենկոն խորհուրդ է տալիս ազգակցական բուծում կիրառել միայն տոհմական սովխոզներում և գիտա-հետազոտական բազաներում, այն էլ նոր ցեղեր ստանալու ժամանակ, քանի որ այս դեպքում ազգակցական բուծումը նպաստում է խառնածիններին ավելի կարճ ժամանակում կաշտնացնելու՝ բարձրացնելու նրանց ժառանգականությունը: Միևնույն ժամանակ նշված տիպի տնտեսություններն ավելի լայն հնարավորություններ ունեն հնարավոր ալյասերման դեմ պայքարելու:

Կոլտնտեսային ֆերմաները, ինչպես տոհմային, այնպես էլ ապրանքային, պետք է խուսափեն ազգակցական բուծման կիրառումից:

Կուլտուրական տո՛ւմային անասնաբուծության մեջ լայնորեն կիրառվում է գծային բուծումը, որը արագացնում և հեշտացնում է ցեղերի բարելավումը:

Յեղի մեջ գիծ կազմում են մի խումբ կենդանիներ, որոնք առաջացել են մի որևէ աչքի ընկնող նախնիից և որոնք ըստ իրենց էքստերյերի, աիպի, արտադրողականության ու ժառանգականության նմանվում են այդ նախնիին, հետևապես և միմյանց: Ըստ գծերի բուծումը կատարում են միայն տվյալ գծին պատկանող կենդանիների միջև:

Գիծը սերնդից սերունդ ընտրության, զույգերի ընտրության և արտաքին պայմանների (կերակրում, խնամք, մարզանք և այլն) ազդեցության տակ աստիճանաբար փոխվում է և ավելի կատարելագործվում: Յեղի մեջ ստեղծվում են մի քանի գծեր:

Գիծը սովորաբար հովատակի գծով են տանում, որովհետև նա անհամեմատ ավելի շատ սերունդ է տալիս, քան զամբիկը: Երբ տվյալ գիծը աստիճանաբար զաղարում է գոյություն ունենալուց, հիմնում են նոր գծեր: Զամբիկի գիծը սովորաբար կոչվում է ընտանիք:

Զիարուծության մեջ հաճախ դիմում են միջգծային բուծման, այսինքն մի որևէ գծի պատկանող հովատակը զուգավորում են մի այլ գծի պատկանող զամբիկի հետ: Միջգծային բուծումը կիրառում են՝ մի կողմից նեղ ազգակցական բուծումից խուսափելու և մյուս կողմից երկու գծերի լավագույն կողմերը սերնդի մեջ միատեղելու համար:

Գծային և միջգծային բուծումը կարելի է սկսելցիայի (ընտրության) ամենակատարյալ ձևերից մեկը համարել:

ԸՆՏՐՈՒԹՅՈՒՆՆԸ ԵՎ ԶՈՒՅԳԵՐԻ ԸՆՏՐՈՒԹՅՈՒՆԸ ԶԻԱԲՈՒԾՈՒԹՅԱՆ ՄԵՋ

Նշած ցեղերի բարելավման և նոր բարձրորակ ցեղերի ստացման գործում, կերակրման, խնամքի և մարզանքի հետ միասին, հսկայական նշանակություն ունի ձիերի ընտրությունը:

Ընտրութեան էութեանն այն է, որ տվյալ տնտեսութեան մեջ (տոհմային) եղած ձիերի գլխաքանակից բուծման համար ընտրում են լավերին, շնորհալի կերպով տարվող զույգերի ընտրութեան միջոցով ապահովում են գլխաքանակի բարելավումը սերնդից սերունդ: Եթե գոյություն ունեցող (մինչև անգամ լավագույն) ցեղերի մեջ սխառեմատիկաբար ընտրություն և զույգերի ընտրություն չտարվի, այդ ցեղը կսկսի աստիճանաբար վատանալ: Ծիշտ ընտրություն կատարելու համար անհրաժեշտ է նախօրոք տալ ձիերի տոհմային գնահատականը (ենթարկել բոնիտիբրովկայի) և դրանից ելնելով միայն կատարել ընտրություն:

ԲՈՆԻՏԻԲՐՈՎԿԱ

Բոնիտիբրովկայի նպատակն է որոշել ձիերի տոհմային արժեքը և նրանց նշանակումը կոնսլիքսային գնահատման հիման վրա: Կոնսլիքսային գնահատումը կատարում են ըստ ձիերի ծագման, շափումների, էքստերյերի, աշխատունակության և սերնդի որակի:

Քոլոր այն տնտեսությունները և կազմակերպությունները, որոնք ունեն տոհմային ձիեր, պարտավոր են ամեն տարի աշնանը անցկացնել բոնիտիբրովկա:

Ձիերի բոնիտիբրովկան հատուկ հրահանգի համաձայն կատարում է բոնիտյոր-գոտեխնիկը, որը նախապես հաստատվում է Գյուղատնտեսության մինիստրության կողմից:

Յուրաքանչյուր տոհմային ձի առաջին անգամ բոնիտիբրովկայի է ենթարկվում 2,5—3,5 տարեկան հասակում, երկրորդ բոնիտիբրովկան կատարում են 3,5—4,5 տարեկան և երրորդ բոնիտիբրովկան՝ 7,5—8,5 տարեկան հասակում, ըստ որում առաջին բոնիտիբրովկան կատարում են ըստ ծագման, շափումների և էքստերյերի, 2-րդ բոնիտիբրովկայի ժամանակ, բացի թվածից հաշվի են առնում և աշխատունակությունը, իսկ երրորդ անգամ բոնիտիբրովկայի ենթարկելիս նկատի են առնում նաև սերնդի որակը: Բոնիտիբրովկան

կատարում են աշնան ամիսներին: Համաձայն հրահանդի
բռնիտիրովկա անցկացնում է բռնիտյոր-դոստեխնիկը:

Ձիերի բռնիտիրովկան կատարելիս հաշվի են առնում
հետևյալ ցուցանիշները.

1) ծագումը և տիպիկությունը,

2) չափումները,

3) էքստերյերը,

4) աշխատունակությունը,

5) սերնդի որակը:

Նշված յուրաքանչյուր ցուցանիշը գնահատվում է տասը
բալային սիստեմով:

Բռնիտիրովկան ավարտելուց հետո հաշվում են յուրա-
քանչյուր ցուցանիշի համար ձիու ստացած բալերի քանակը
և դրա հիման վրա տալիս են նրա կոմպլեքս գնահատակա-
նը, այսինքն որոշում են նրա դասը:

Ձիերի տոհմական գնահատումը կատարելուց հետո, դրա
հիման վրա, նրանց բաժանում են որակական խմբերի՝ դա-
սերի:

Ընդունված է ձիերին ըստ իրենց տոհմային արժեքի
բաժանել հետևյալ դասերի.

1) էլիտա — բարձրագույն դասն է, որն ընդգրկում է ցե-
ղի տոհմային հատկությունների տեսակետից ամենաարժե-
քավոր ձիերին:

2) առաջին դաս — որին պատկանող ձիերը բավարարում
են ցեղի հիմնական պահանջները.

3) երկրորդ դաս — ընդգրկում է տոհմային նշանակու-
թյուն ունեցող մնացած ձիերին:

Այն ձիերը, որոնց հնարավոր չէ ոչ մի դասի մեջ
մտցնել, տոհմային չեն համարվում:

Բռնիտիրովկայից ստացված նյութերը օգտագործվում են
ընտրության և զուգերի ընտրության համար, նրանց հիման
վրա կազմում են զուգավորման պլանը, ձիերին գրանցում
են տոհմային գրքերում և տալիս են տնտեսության մեջ
օգտագործելու ձիերի տոհմային գնահատականը:

ԶՈՒՅԳԵՐԻ ԸՆՏՐՈՒԹՅԱՆ ՀԻՄՆԱԿԱՆ ԿԱՆՈՆՆԵՐԸ

Զույգերի ընտրություն կատարելիս, այսինքն զամբիկներին հովատակների կցելիս, առաջնորդվում են հետևյալ սկզբունքներով.

1. Հովատակը մեկ դասով պետք է զամբիկներից բարձր լինի, իսկ եթե զամբիկները էլիտ դասին են պատկանում, ապա նրանց պետք է զուգավորել էլիտ դասի ամենաբարձրորակ հովատակների հետ:

2. Միատեսակ էքստերյուրային թերություններ ունեցող զամբիկին և հովատակին միմյանց հետ չզուգավորել:

3. Զամբիկին հովատակի կցելիս նկատի ունենալ նրանց ազգակցական կապը, այսինքն՝ եթե ցանկանում են խուսափել ազգակցական բուծումից, պետք է հետևել, որ նրանք ազգակից չլինեն և ընդհակառակը՝ եթե ազգակցական բուծումը ցանկալի է, ապա պետք է նկատի առնել նրանց ազգակցական մոտիկության աստիճանը:

4. Նկատի են ունենում զամբիկի և հովատակի դիժր, այսինքն՝ եթե ցանկանում են գծային բուծում անցկացնել, ապա պետք է հետևել, որ զամբիկը և հովատակը նույն գծին պատկանեն, իսկ եթե միջգծային բուծում է անցկացվելու, այդ դեպքում զամբիկը և հովատակը ցանկալի գծերի ներկայացուցիչները պետք է լինեն:

5. Նկատի են ունենում հովատակի և զամբիկի անհատական հատկությունները:

6. Նկատի են ունենում հովատակի և զամբիկի տարիքը, այն իմաստով, որ մեծահասակ զամբիկներին կցում են ավելի երիտասարդ արտադրողներին, և ընդհակառակը:

ԲՈՒԾԱՐԱՆԱՅԻՆ ԵՎ ՏՈՀՄԱՅԻՆ ԳՐՔԵՐ

Ֆուրաբանչուր տոհմային տնտեսություն պետք է ունենա փքր պրծարանային գրքերը, որտեղ գրանցվում են արտադրող-հովատակի, մայրական կազմի և սերնդի վերաբերյալ տվյալները: Գործարանային գրքերում գրանցվում է նշված ձիերի խմբերի ամբողջ գլխաքանակը, անկախ նրանց

որակից: Գործարանային գրքերում գրանցում են ձեռքի ծաղմանը, էքստերյերին, աշխատունակությանը և սերնդի որակին վերաբերող բոլոր տվյալները:

Գործարանային գրքերի տվյալները հիմք են ծառայում բռնիտիրովկայի և տոհմատարակ տոհմային աշխատանքների համար:

Տոհմային գրքերը հնարավորություն են տալիս ավելի ճիշտ կարծիք ունենալ ձեռքի տոհմային արժեքի մասին և գրանից էլիելով կատարել ընտրություն, հետևապես և ցեղի բարելավում, այլ կերպ ասած տոհմային գրքերը ապահովում են տոհմային զործի ավելի բարձր մակարդակը:

Տոհմային գրքերը լինում են շրջանային և պետական: Տոհմային գրքերում մտցնում են տվյալներ՝ այնտեղ գրանցված ձեռքի ծաղման, էքստերյերի, արտադրողականության և սերնդի որակի վերաբերյալ: Տոհմային գրքերում գրանցում են միայն այն ձեռքին, որոնք ըստ իրենց ցուցանիշների համապատասխանում են տոհմային գրքի պահանջներին (ստանդարտին):

Շրջանային տոհմային գրքում գրանցում են զտացեղ և խառնածին բոլոր այն ձեռքին, որոնք իրենց տնտեսապես օգտակար հատկություններով համապատասխանում են սահմանված պահանջներին:

Պետական տոհմային գրքում գրանցում են կուլտուրական (լավացնող) ցեղի բոլոր այն զտացեղ և բարձրարյուն (բարձր սերունդների) ձեռքը, որոնք բավարարում են տվյալ տոհմային գրքի պահանջներին:

Պետական տոհմային գրքի աշխատանքները ղեկավարում է Գյուղատնտեսության մինիստրությունը՝ հանձինս հատուկ տեսչի:

ՊԵՏՋԻԱԲՈՒԾԱՐԱՆՆԵՐ (զավոդնե)

Պետծխարուծարանները սովյադներ են, որոնք մեր ժողովրդական տնտեսությանը մատակարարում են բարձրորակ տոհմային մատերիալ՝ մասնավորապես արտադրող-հովատակներ: Միևնույն ժամանակ պետծխարուծարաններում

խորացրած տոհմային աշխատանքի շնորհիվ բարեկամվում են եղած ցեղերը և հարկ եղած դեպքում ստեղծվում նորերը:

Պետձիաբուծարանները բազմաճյուղանի տնտեսություններ են, ոսկայն առաջատար դերը պատկանում է ձիաբուծությունը: Պետտոհմաբուծարաններում կենտրոնացված է ՍՍՌՄ-ում բուծվող պլանային ցեղերի տոհմային արժեքի տեսակետից ամենաբարձրորակ գլխաքանակը: Պետձիաբուծարանները ամեն տարի վաճառում են պետախոտներին, սովխոզներին և տոհմային ֆերմա ունեցող կոլտնտեսություններին մի քանի հազար գլուխ վարդուն, ծանրաքարշ և հեծնելու տիպերին պատկանող արտադրող-հովատակներ:

ՊԵՏԱԿԱՆ ՏՈՀՄԱԲՈՒԾԱՐԱՆՆԵՐ

Տոհմային մատերիալ ստանալու երկրորդ աղբյուրը հանդիսանում է պետական տոհմաբուծարանը: Պետտոհմաբուծարանները իրենց գլխաքանակը շունեն և կոշված են ղեկավարելու կոլտնտեսային տոհմային ֆերմաների աշխատանքները: Նրանք կազմակերպվում են այն շրջաններում, որտեղ կոլտնտեսություններում բուծվող ձիերը տոհմային արժեք ունեն:

Այսպիսով, պետական տոհմաբուծարանը նպատակ ունի ժանդակել կոլտնտեսություններին աճեցնելու տոհմային մատերիալ՝ գլխավորապես կոլտնտեսային ապրանքային ֆերմաների ձիերի գլխաքանակի լավացման համար:

Այս նպատակով պետտոհմաբուծարանի կողմից սպասարկվող զոնայում ամբողջ տոհմային գործը և առհասարակ զոոտեխնիկական բոլոր միջոցառումները կոլտնտեսական տոհմային ֆերմաներում տանում են պետտոհմաբուծարանի մասնագետները:

ՊԵՏԱԿԱՆ ԱՆՈՒՆՆԵՐ

Պետական ախոռներում պահվում են պետությունը պատկանող պլանային ցեղերի արտադրող-հովատակներ, որոնց զուգավորման կամպանիայի նախօրյակին փոխադրում են կոլտնտեսությունները կամ զուգավորման կայանները՝ օդ-

տադրոժման համար: Զուգավորման կամպանիան վերջանալուց հետո հովատակները նորից վերադարձնում են պետական ախոռին, որտեղ նրանք պահվում են մինչև մյուս տարի՝ զուգավորման շրջանում օգտագործելու համար: Մասնաշահիան ձիաբուծության լավացման գործում պետական ախոռների դերը շատ մեծ է. բացի այն, որ նրանք կոլտնտեսային ձիաբուծությունը ապահովում են բարձրորակ արտադրողներով, այլև լայնորեն մասնակցում են զոոտեխնիկական միջոցառումների անցկացմանը կոլտնտեսություններում:

1943 թվականից սկսած պետական ախոռները նաև զբաղվում են տոհմային մատղաշներ աճեցնելու գործով, նպատակ ունենալով առաջին հերթին պետախոտի արտադրող-հովատակների համալրումը: Այս նպատակով պետախոտին կից կազմակերպում են մայրական բուծարան, որն ընդգրկում է փոքրաթիվ զամբիկներ: Բացի դրանից պետախոտը կարող է սովորողներից գնել տոհմային մարտկներ, կամ էլ կոնսրակտացիայի ճանապարհով կոլտնտեսային տոհմային ֆերմաներից ձեռք բերել լավորակ մատղաշներ և աճեցնել: Պետախոտները արտադրող-հովատակներով ապահովելու հիմնական աղբյուրը մնում են պետձիաբուծարանները:

ՀՍՍՌ Պետական ախոռին կից ևս կազմակերպվել է բուծարան, որտեղ մի խումբ ցեղական զամբիկներից ստանում են և աճեցնում հովատակացունք:

Ավելի արագ էֆեկտ ստանալու համար Պետական ախոռը կազմակերպում է նաև արհեստական սերմնավորման կայաններ և իր հովատակների մեծ մասը օգտագործում է այդ ճանապարհով:

ՅՈՒՅԱՀԱՆԳԵՄՆԵՐ

Յուցահանգեսը կարևորագույն զոոտեխնիկական միջոցառումներից մեկն է, որը հայտնաբերում և արտացոլում է տնտեսության անասնաբուծության վիճակը, լավագույն

նվաճումները և հնարավորությունն է տալիս կատարված զոտեխնիկական աշխատանքի հաշվհարդար կատարել:

Միևնույն ժամանակ անասնաբուժության ֆրոնտում աշխատողների համար ցուցահանդեսը փորձի փոխանակման և նրանց քաջալերման լավագույն միջոցներից մեկն է: Ցուցահանդեսները դեռ նախապատրաստական շրջանից սկսած խթանում են աշխատանքի սոցիալիստական մեթոդների ծավալումը և նպաստում զոտեխնիկական գիտելիքները մասնաների լայն սեփականությունը դարձնելուն: Ըստ իրենց բնույթի ցուցահանդեսները կարող են լինել՝ ա) ընդհանուր դյուղատնտեսական, որի մեջ կմտնի և անասնաբուժությունը: բ) անասնաբուժական, որը կարող է ընդգրկել բոլոր ճյուղերը, գ) անասնաբուժական մի որևէ ճյուղի, օրինակ՝ ձիաբուժության և վերջապես դ) միայն մեկ ցեղի համար:

Ըստ մասշտաբի ցուցահանդեսները կարող են լինել՝ համամիութենական, ռեսպուբլիկական, մարզային կամ երկրամասային և շրջանային:

Կառավարության և պարտիայի ցուցումների համաձայն շրջանային ցուցահանդեսներ պետք է կազմակերպվեն ամեն տարի: Շրջանային ցուցահանդեսի կազմակերպման և անցկացման համար կազմակերպվում է կոմիտե հետևյալ կազմով՝ ՄՏԿ-ի ներկայացուցիչ, զոտեխնիկ, անասնաբույժ, սեռատոհմաբուժարանի և սովխոզների ղեկավարներ (եթե այդպիսիք կան շրջանում), անասնապահության առաջավորների և հասարակական կազմակերպությունների ներկայացուցիչներ:

Ցուցահանդեսը հաճախ ընդգրկում է նաև դյուղատնտեսություն մշտա ճյուղերն ու անց է կացվում աշնանը՝ բերքահավաքի վերջում, այս դեպքում կոմիտեի կազմի մեջ մտնում է նաև ագրոնոմը:

Մեծ նշանակություն ունի նախապատրաստական շրջանը, երբ ծավալվում է սոցմրցումը՝ ցուցահանդեսին մասնակցելու իրավունք ձեռք բերելու համար:

Ցուցահանդեսում ձիերի և առհասարակ էքսպոնատների գնահատումը կատարվում է ՍՍՌՄ Գյուղատնտեսության

Ճինխարութեան հրահանգի հիման վրա՝ հատուկ էքսպերտուշին հանձնաժողովի կողմից, որի կազմի մեջ մտնում են շրջանային ղոռտեսիսները, անասնաբույժը և անասնապահութեան առաջավորները:

Անհրաժեշտ է էքսպերտների գնահատումը կատարել Շախքան ցուցահանգեսի բացումը, որը հնարավորութիւն կտա համախորհներին իմանալու նրա արդյունքները:

Ցուցահանգեսի վերջում բարձր ցուցանիշների համար պարգևատրվում են լավագույն տնտեսութիւնները, անասնապահութեան առաջավորները և լավագույն ձիերը:

ԳԼՈՒԹ 7.

ԶԻՈՒ ԱՇԽԱՏԱՆՔԸ ԵՎ ՆՐԱ ԲԱՆՈՎ ՀԱՏԿՈՒԹՅՈՒՆՆԵՐԸ

Կուլանտեսութիւններում ձիերը օգտագործում են առաջին հերթին լծած՝ բեռներ տեղափոխելու և զանազան դուղատնտեսական աշխատանքներ կատարելու համար, և ապա նաև հեծնելու, իսկ մասամբ էլ որպէս բեռնակիր անասուն:

Բանող ձիու աշխատանքը ընդունված է որոշել երկու ցուցանիշներով՝ 1) քարշի ուժով և 2) անցած տարածութեամբ:

Բաղմապատկելով քարշի ուժը (կգ) անցած տարածութեան վրա (մետրերով), կստանանք ձիու կատարած աշխատանքի քանակը՝ կիլոգրամմետրերով:

Քարշի ուժ կոչվում է այն ուժը, որը ձին գործադրում է սայլը, գյուղմեքենան կամ գործիքը տեղափոխելու համար՝ հաղթահարելով նրանց դիմադրութիւնը:

Քարշի ուժը որոշում են հատուկ գործիքի՝ ուժաչափի (դինամոմետրի) միջոցով, որի մեկ ծայրը ամրացնում են սայլին, իսկ մյուսը՝ վալյոկին: Զիու աշխատանքի ժամանակ ուժաչափի զսպանակը ձգվում է, և նրա վրա հղած սլաքը ցույց է տալիս ձիու զարգացրած քարշի ուժը կիլոգրամմներով: Քարշի ուժը ավելի հեշտ կարելի է որոշել հեռեւյալ կերպ. բեռի քաշը, վերցրած սայլի հետ միասին,

քաղաքացիական ևն ավելի Հանապարհի շփման գործակցի հետ, ստացած թիվը կտա քարշի ուժի շափը կիլոգրամներով. օրինակ՝ եթե բեռի քաշը սալլի հետ միասին կազմում է 800 կգ, իսկ Հանապարհի շփման գործակիցը՝ 0,05, ապա նշված 800 կգ բեռը տեղափոխելու համար ձիու գործադրած քարշի ուժը հավասար կլինի՝ $800 \times 0,05 = 40$ կգ:

Իմանալով քարշի ուժի շափը, կարելի է որոշել ավելի Հանապարհի շփման գործակիցը. դրա համար հարկավոր է քարշի ուժը, արտահայտված կգ-ով, բաժանել բեռի վրա (կգ). այսպես, մեր վերցրած օրինակի դեպքում՝ 40 կգ քարշի ուժը բաժանելով բեռի 800 կգ քաշի վրա կստանանք արվելի Հանապարհի շփման գործակիցը, որը հավասար է 0,05:

Հանապարհների շփման գործակցի միջոցով քարշի ուժի որոշումը հեշտացնելու համար, գիտական հիմնարկների կողմից նախօրոք ուժաշափի միջոցով որոշվում են պանազան Հանապարհների շփման գործակիցները, որի ավելյալները բերում ենք հավելվածի N 1 աղյուսակում: Յուրաքանչյուր կոնկրետ դեպքում, քարշի ուժը որոշելու համար, նշված աղյուսակում սկստք է գտնել մեր ունեցած Հանապարհին (օրինակ՝ միջին որակի խճուղի) համապատասխանող շփման գործակիցը և բազմապատկել բեռի և սալլի քաշի վրա՝ միասին վերցրած:

Պլուզատնտեսական տարրեր աշխատանքների ժամանակ ձիու գործադրած քարշի ուժի, կամ ինչպես ընդունված է անվանել՝ քարշային դիմադրություն շափը գեանդված է հավելվածի N 2 աղյուսակում:

ՉԻՐԻ ՆՈՐՄԱԼ ՔԱՐՇԻ ՈՒՅԸ

Ձիու քարշի ուժը՝ նրա բանող հատկությունները բնորոշող կարևորագույն ցուցանիշներից մեկն է: Հավասար սալմաններում, որքան ձիու քարշի ուժը մեծ լինի, այնքան նա ավելի ուժեղ կլինի և ավելի մեծ աշխատանք կկատարի:

Քարշի ուժը առաջին հերթին կախված է ձիու կենդանի քաշից: Որպես կանոն՝ ավելի խոշոր և ծանր բաշ ունեցող

ձիերը ընդունակ են ցուցաբերելու ավելի մեծ շափի քարշի ուժ։
Մեծ նշանակություն ունի նաև ձիու մկանների զարգացումը
և նրանց մարզվածությունը, աշխատանքին վարժ լինելը,
գիրության աստիճանը, առողջական դրությունը և այլն։

Քանի որ ձիու քարշի ուժը մեծ չափով կախված է նրա
կենդանի քաշից, ապա գործնականում նորմալ քարշի ուժի
չափը սահմանելիս, ելնում են ձիու կենդանի քաշից։

Գիտությունը պարզել է, որ ձիուն օրվա ընթացքում քայ-
լով նորմալ բեռնվածությամբ աշխատեցնելու համար, նրա
քարշի ուժը պետք է հավասար լինի իր կենդանի քաշի
13—14% -ին, ըստ որում ավելի ուժեղ, տոկոսն և աշխա-
տանքի ավելի վարժ ձիերի համար նորմալ քարշի ուժը կա-
րելի է փոքր-ինչ ավելի բարձր ընդունել։

Անհրաժեշտ ենք համարում նշել այն, որ աշխատանքի
վարժ ձին շատ կարճ ժամանակամիջոցում ընդունակ է դար-
գացնել անհամեմատ ավելի մեծ քարշի ուժ, այն է՝ իր կեն-
դանի քաշի 60—80% -ի, իսկ երբեմն 90 և ավելի տոկոսի
չափ։ Սակայն այդպիսի ուժեղ լարվածությամբ ձին կարող
է անցնել ընդամենը մի քանի մետր տարածություն։

Կան մի շարք պայմաններ, որոնք պետք է են ձիու քարշի
ուժը. 1) երբ ձիու սմբակները սահում են (տոթ են տալիս),
2) երբ ճանապարհը վերելք է, այս դեպքում ձին ստիպված
է լինում լրացուցիչ կերպով ուժ գործադրելու՝ թեքությունը
հաղթահարելու համար, այստեղից էլ՝ որքան ավելի մեծ
լինի թեքությունը, այնքան բեռը թեթև պետք է լինի, որ
ձին ի վիճակի լինի առաջ շարժվելու Օրինակ՝ եթե ճանա-
պարհի թեքության անկյունը հավասար է 7°, այդ դեպքում
ձին իր սեփական մարմնի և բեռի տեղափոխման համար
գործադրում է որոշ լրացուցիչ ուժ, որ հավասար է իր կեն-
դանի քաշի և բեռի (սայլի հետ միասին) քաշի 12% -ին.
3) երբ մի քանի ձի միասին են լծված լինում, նրանց շար-
ժումների անհամաձայնության և որոշ այլ պատճառների
հետևանքով յուրաքանչյուր ձիու քարշի ուժը որոշ չափով
պակասում է։ Կա կարծիք, որ որքան ավելի շատ թվով ձիեր
լծված լինեն միասին, այնքան քարշի ուժի կորուստը ավելի

մեծ կլինի. սակայն այս տեսակետը այնչափ էլ ճիշտ չէ. Բազմաձիանի լուծքի շնորհալի կիրառումը Հյուսիսային Կովկասի պայմաններում ցույց է տալիս, որ քարշի ուժի պակասումը օրինաչափորեն չի կատարվում, այլ ընդհակառակը, այդ կորուստը կարելի է հասցնել համեմատաբար փոքր չափերի:

Որքան ձիերն ըստ իրենց արագության, եռանդի և աշխատունակության միմյանց համապատասխան լինեն, այնքան քարշի ուժի կորուստը ավելի քիչ կլինի. 4) եթե ձին աշխատելիս անընդհատ շրջան է կատարում, ապա նա լրացուցիչ ճիգ է դործադրում իր մարմինը շրջելու համար, որը զցում է քարշի ուժի չափը, և որքան ավելի փոքր լինի շրջանը, այնքան ձիու քարշի ուժը ավելի կպակասի:

ՉԻՈՒ ԸՆԹԱՅԷԻ ԱՐԱԳՈՒՅՈՒՆՆԵՐ

Բացի քարշի ուժից, ձիու բանող հատկությունները որոշելու համար շափաղանց կարևոր նշանակություն ունի նրա ընթացքի արագությունը:

Հավասար պայմաններում, որքան ձիու ընթացքը ավելի արագ լինի, այնքան նրա կատարած աշխատանքը ժամանակի մեկ միավորում ավելի շատ կլինի:

Ձիերի ճիշտ օգտագործման խնդրում մեծ նշանակություն ունի նրանց արագության ճիշտ բնորոշյունը, այսինքն թե տվյալ աշխատանքը ինչ արագությամբ պետք է կատարել: Արագությունը ընդունված է չափել մեկ ժամում անցած կիլոմետրերի, կամ մեկ վայրկյանում անցած մետրերի քանակով: Բանող ձիերը, նայած աշխատանքի բնույթին, ցեղին և իրենց վիճակին, քայլով աշխատելիս մեկ ժամում անցնում են 3—6 կմ: Օրինակ, մեր տեղական մանր ձիերի միջին արագությունը 3,5—4 կմ է, իսկ ծանրաքարշ ձիերի և վարդունների խառնածինները մեկ ժամում անցնում են 4,5—5,5 կմ:

Հնձող մեքենաները (հնձի, խոտհար) աշխատեցնելիս ձիու արագությունը 4,5—5 կմ պակաս չպետք է լինի մեկ

ժամում, այլապես մեքենայի կտրող մեխանիզմը չի կարող աշխատել:

Գյուղատնտեսական աշխատանքների ժամանակ ձիերին մեծ մասամբ քայլով են աշխատեցնում:

Ձիերին վարդով են (ոխ) քշում միայն թեթև բեռներ տեղափոխելու ժամանակ, երբ քարշի ուժը նրանց կենդանի քաշի 7—8% -ից չի անցնում: Բայց որքան էլ բեռը թեթև լինի, ձիուն անընդհատ վարդով չի կարելի աշխատեցնել: Կարգի արագությունը սովորաբար մեկ ժամում հավասար է 8—12 կմ: Խորհուրդ է տրվում թեթև բեռներ տեղափոխելիս ձիուն պարբերաբար քշել մերթ վարդով, մերթ քայլով, օրինակ, 10 րոպե քայլով, 5 րոպե վարդով, կամ 10 րոպե քայլով, 15—20 րոպե վարդով, և այլն:

Արագությունը, քարշի ուժը և աշխատանքի ժամանակը որոշ հալարերության մեջ են գտնվում: Այդ արտահայտվում է նրանում, որ եթե կարիք կա ձիու արագությունը ավելացնելու, ապա անհրաժեշտ է պակասեցնել կա՛մ քարշի ուժի չափը, կա՛մ աշխատանքի տևողությունը և կա՛մ երկուսն էլ միասին վերցրած:

ՁԻՈՒ ԱՇԽԱՏԱՆՔԻ ՀՂՈՐՈՒԹՅՈՒՆԸ

Ժամանակի մեկ միավորում կատարած աշխատանքը կոչվում է հզորություն:

Սովորաբար ձիու աշխատանքի հզորությունը չափում են կիլոգրամոմենտերով՝ մեկ վայրկյանում: Օրինակ, եթե աշխատանքի ժամանակ ձիու քարշի ուժը հավասար է 75 կգ և 1 մետր տարածությունը նա անցնում է 1 վայրկյանում, ապա նրա աշխատանքի հզորությունը կլինի 75 կիլոգրամոմենտը՝ 1 վայրկյանում: Այդպիսի հզորությունը բնորոշված է անվանել ձիու ուժ: Սովորաբար միջին մեծության ձիու հզորությունը հավասար է լինում 0,6—0,7 ձիու ուժի. միայն խոշոր ծանրաքարշ ձիերն աշխատում են մոտավորապես մեկ ձիու ուժի հզորությամբ: Կարճ ժամանակամիջոցո մ ձին ընդունակ է զարգացնել մինչև 6—8 և ավելի ձիու ուժի հա-

վասարվող հզորություն: Նույն հզորությունը կարելի է ստանալ ժամանակի մեկ միավորում, քարշի ուժի և արագության տարբեր փոխհարաբերության դեպքում: Օրինակ՝ մեկ վայրկյանում 60 կիլոգրամումեաւ հզորություն կարելի է ստանալ՝ եթե քարշի ուժը մեկ վայրկյանում հավասար է 60 կգ, իսկ արագությունը մեկ վայրկյանում՝ 1 մ, կամ՝ եթե քարշի ուժը կազմում է 15 կգ, իսկ արագությունը 1 վայրկյանում՝ 4 մեաւ, հետեապես հզորությունն ինքնըստինքյան չի կարող բնորոշել ձիու աշխատանքն անհրաժեշտ ճշտութեամբ, եթե հայտնի չեն նրա բաղկացուցիչ մասերը՝ քարշի ուժը և արագությունը:

ՁԻՈՒ ԴԻՄԱՑԿՈՒՆՈՒԹՅՈՒՆԸ

Դիմացկունությունը բանող ձիու կարեւոր հատկություններից մեկն է: Դիմացկունության կամ առկունության հատկությունը բնորոշ է միայն կենդանի օրգանիզմին: Ի տարբերություն մեխանիկական շարժիչի, բանող անասունը անընդհատ չի կարող աշխատել և երկար ժամանակամիջոցում ցուցաբերել նույն հզորությունը:

Երկարատեւ աշխատանքի ժամանակ ձիու աշխատունակությունը անխուսափելիորեն ընկնում է նրա հոգնելու հետեանքով, ուստի անհրաժեշտ է աշխատող կենդանուն պարբերաբար հանգիստ տալ, իր ուժերը վերականգնելու համար:

Դիմացկուն կոչվում է այն ձին, որն օրըստօրե կատարում է մեծ աշխատանք, ավելի ուշ է հոգնում և իր ուժերը վերականգնելու համար պահանջում է ավելի կարճ ժամանակամիջոց:

Ուսումնասիրությունները ցույց են տվել, որ ուժեղ, առկուն ձիերը, ծանր աշխատանքից հետո մեկ ժամ հանգրտանալու ընթացքում հասնում են միանգամայն նորմալ դրության, նրանց զարկերակը (պուլսը), շնչառությունը և ջերմաստիճանը լինում է նորմալ:

Որպես ծայրահեղ հոգնածության կոնկրետ ցուցանիշներ

Պարող են ծառայել՝ շատ արագ շնչառությունը (մեկ րոպեում 100 և ավելի), արագացած զարկերակը (մեկ րոպեում 100 և ավելի դարկ) և մարմնի ջերմաստիճանի բարձրացումը (մինչև 40° և ավելի) և հաճախ նկատվող մկանների և ոտքերի դողոցը: Սովորաբար ալյուրիսի դեպքերում ձին հրաժարվում է կերից և հոգնած տեսք է ունենում:

Եթե նշված երևույթները 30 րոպե հանգստանալուց հետո զգալի չափով չեն նվազում, ապա այդ ցույց է տալիս ձիու ծայրահեղ հոգնածությունը: Ալյուրիսի դեպքերում անհրաժեշտ է ձիուն տալ ավելի երկարատև հանգիստ և պակասեցնել նրա բեռնվածությունը:

Հանգիստ վիճակում առողջ ձիու կլինիկական նշանները հետևյալն են՝ շնչամանրի քանակը մեկ րոպեում հավասար է 8—20, զարկերակի հաճախականությունը՝ 36—44, մարմնի ջերմաստիճանը՝ 37,6—38,4: Անհրաժեշտ է նշել, որ նորմալ աշխատանքի ժամանակ ձիու ջերմաստիճանը փոքր-ինչ կարող է բարձրանալ՝ մինչև 39—39,5°, իսկ շոգ ժամանակ՝ զարկերակը և շնչառությունը արագանալ:

ՉՈՒՒ ԱՐՏԱՔԻՆ ՄԵՆԱՆԻԿԱԿԱՆ ԱՇԽԱՏԱՆԲԸ

Ինչպես վերևում նշեցինք, ձիու մեխանիկական աշխատանքը չափվում է կիլոգրամոմետրերով, իսկ երկար տարածությունների վրա՝ կիլոգրամոկիլոմետրերով, որը ստացվում է քարշի ուժը (կգ) անցած ճանապարհի (մետրերով կամ կիլոմետրերով) վրա բազմապատկելու միջոցով: Օրինակ, եթե քարշի ուժը հավասար է 60 կգ, իսկ ձիու անցած ճանապարհը՝ 20 կմ, ապա ձիու կատարած աշխատանքը կկազմի 1200 կիլոգրամոկիլոմետր:

Ելնելով օրվա ընթացքում ձիու կատարած աշխատանքի ծավալից, վերջինս բաժանում են՝ թեթև (կամ փոքր), միջակ և ծանր (կամ մեծ) կատեգորիաների: Քանի որ նորմալ քարշի ուժի մեծությունը հիմնականում կախված է ձիու կենդանի քաշից, ապա միանգամայն պարզ է, որ ավելի խոշոր հետևապես և ծանր ձիու համար տվյալ աշխատանքը կարող

է իննել թեթև, իսկ ավելի մանր ձիերի համար՝ միջակ կամ մինչև անգամ ծանր: Դրա համար էլ ձիու բնական զանազան չափեր որոշելիս միշտ էլ նկատի են ունենում նրա կենդանի քաշը, նորմալ քարշի ուժը և միայն այն ժամանակ սահմանում նրա համար թեթև, միջակ կամ ծանր աշխատանք: Նշելով դրանից ձիու օրվա աշխատանքը կարելի է արտահայտել հետևյալ թվերով (աղ. 2):

Աղյուսակ 2

Ձիու օրվա աշխատանքի կիլոգրամակիլոմետրերով:
(Նորմալ քարշի ուժի դեպքում):

Ձիու քաշը (կգ)	300	400	500	600
Նորմալ քարշի ուժը (կգ) քայլի ժամանակ	45	60	70	80
Թեթև աշխատանք (անցած ճանապարհը 15 կմ)	700	900	1100	1200
Միջին աշխատանք (անցած ճանապարհը 25 կմ)	1200	1500	1800	2000
Ծանր աշխատանք (անցած ճանապարհը 35 կմ)	1600	2100	2500	2800

Որպես կանոն ձին ավելի լրիվ չափով և ռացիոնալ կերպով է օգտագործվում, երբ նա ամբողջ աշխատանքային օրը (9 ժամ օգտակար աշխատանք) աշխատում է իր համար նորմալ քարշի ուժով և արագությամբ:

Բեռների մասսայական փոխադրումների ժամանակ ընդունված է ձիու աշխատանքը հաշվել տոննակիլոմետրերով:

Տոննակիլոմետր կոչվում է ձիու այն աշխատանքը, որը անհրաժեշտ է մեկ տոննա բեռը մեկ կիլոմետր տարածության վրա տեղափոխելու համար:

Սովիտոյներում և քաղաքային տրանսպորտում ձիերի տարեկան արտադրողականությունը հաշվում են աշխատանքի ձիաօրերով:

Ձիուն օրվա ընթացքում պետք է աշխատեցնել 8—9 ժամ:

Գիտականորեն ապացուցված է, որ աշխատանքի աշղպիսի տեղությունը, ձիու ուսցիոնալ կերակրման, խնամքի և օդատարածման պայմաններում, չի վնասում նրան: Իհարկե, ձիու աշխատանքային օրվա ընդհանուր տեղությունը ավելի երկար է և միջին հաշվով 12—15 ժամ է կազմում, որովհետև դրա մեջ, բացի բուն աշխատանքից, մտնում են նաև կանգառները, ընդմիջումները, ուղրանները, ձին լծելու և արձակելու, ինչպես նաև բառնալու և բեռնաթափման համար պահանջվող ժամանակը: Աշխատանքային օրվա տեղությունը նաև կապված է աշխատանքի սեզոնից: Գարնան և ամռան ամիսներին, ցերեկը երկար լինելու պատճառով, աշխատանքային օրվա տեղությունը ավելի երկար է լինում, քան ձմռան և աշնան ամիսներին:

Պետք է ձգտել բատ հնարավորության օրվա ընթացքում ժամանակի ավելորդ կորուստներ չտալ և դրանով երկարացնել ձիու փաստացի աշխատանքի ժամերը (օգտավետ աշխատանքը):

ՉԻՆՐԻ ԱՐՏԱԳՐՈՂԱԿԱՆՈՒԹՅԱՆ ՈՐՈՇՈՒՄԸ ԳԱՇՏԱՅԻՆ ԱՇԽԱՏԱՆՔՆԵՐԻ ԺԱՄԱՆԱԿ

Չինրի արտադրողականությունը դաշտային աշխատանքների ժամանակ ընդունված է չափել հեկտարներով:

Չիու օրվա հնարավոր արտադրանքը որոշելու համար, անհրաժեշտ է դիտենալ գյուղատնտեսական դործիքի ընդգրկումը մեարերով, ձիու ընթացքի արագությունը և օգտավետ աշխատանքի տեղությունը: Օգտավետ աշխատանքի տեղությունը (ժամանակը) բազմապատկելով ընթացքի արագությամբ, որոշում են այն տարածությունը (ձանապարհի երկարությունը մեարերով), որը կարող է անցնել ձին աշխատանքային օրվա ընթացքում: Ճանապարհի երկարությունը բազմապատկելով դործիքի ընդգրկմամբ, որոշում են այն տարածությունը (քառակուսի մեարերով), որը կարելի է մշակել մեկ օրվա ընթացքում: Այս տարածությու-

ներ հեկտարներով արտահայտելու համար բաժանում են 10,000-ի:

Օրինակ՝ եթե վար անելիս գոթանի ընդգրկումը հավասար է 0,25 մետրի, ձիու միջին արագությունը մեկ ժամում հավասար է 3,5 կմ կամ 3500 մետր, իսկ օդատվիտ աշխատանքի տևողությունը օրվա ընթացքում 8 ժամ է, ապա մեկ օրվա արտադրողականությունը հեկտարներով հավասար կլինի՝ $3500 \times 8 \times 0,25 = 0,7$ հեկտար, այդ նշանակում է, որ ձին 8 ժամվա ընթացքում անցել է 28000 մետր ճանապարհ, որը բազմապատկելով գոթանի ընդգրկման վրա (0,25) ստանում ենք 7,000 քառ. մ կամ 0,7 հեկտար մշակված տարածություն:

Մյուս կողմից, եթե մեկ հայտնի է արտադրողականության չափը օրվա ընթացքում, ապա մենք կարող ենք խմանալ նրա աշխատանքի ծավալը արտահայտված կիլոգրամով կիլոմետրերով: Դրա համար հարկավոր է մշակված տարածությունը բաժանել դյուղգործիքի կամ մեքենայի ընդգրկման վրա, որը կտա մեկ անցած ճանապարհը: Վերջինս կիլոմետրերով բազմապատկելով ձիու քարշի ուժով, կստանանք օրվա ընթացքում նրա կատարած աշխատանքը կիլոգրամով կիլոմետրերով:

ԻՆՉՊԻՍԻՆ ՊԵՏՔ Է ԼԻՆԻ ԳՅՈՒՂԱՏՆՏԵՍՈՒՄԱՆ ՁԻՆ

Ինչպես յուրաքանչյուր ձիու, այնպես էլ դյուղատնտեսական (բանող) ձիու որակը կախված է ցեղից, նրա ծագումից և աճեցման պայմաններից: Դյուղատնտեսական ձին պետք է լինի ամրակազմ և բավականին մասսիվ: Նրա իրանը փոքր-ինչ ավելի երկար պետք է լինի, քան բարձրությունը (մրջավից մինչև գետին), կրծքի վանդակը պետք է լինի լայն, խորը և երկար, մեջքը և գոտկատեղը՝ լայն և միջակ երկարության, գավակը՝ բավականին երկար և ուժեղ, որովայնը՝ մեծածավալ, օսկրակազմը՝ ամուր և մկանները՝ լավ զարգացած: Նրա վերջավորությունները (ոտերը) պետք է լինեն

միջակ երկարությամբ, ամուր, ճիշտ դրված և ամուր սրմ-
բակներով: Բայց ամենից կարևորն այն է, որ գյուղատնտե-
սական ձին ունենա լավ բանոց հատկություններ, այսինքն
ունենա բավականին արագ շարժումներ, լինի տոկուն և
ուժեղ:

Մեծ նշանակություն ունի նաև ձիու խառնվածքը. լավ է,
որ ձին ունենա բարձր կենսունակություն, լինի փութաշան,
հասկացող և հնազանդ: Նա չար չպետք է լինի:

Ինչպես շատ գյուղատիրոջ, այնպես էլ շատ թմրած ձիե-
րը լավ չեն համարվում գյուղատնտեսական աշխատանքնե-
րի համար:

Հայաստանի տեղական ձիերը գյուղատնտեսության մեջ
օգտագործելու համար այնքան պիտանի չեն: Նրանք զար-
գացած չեն լծելու ուղղությամբ, մանր են, թեթև, տաքար-
յուն, թեև հիանալի կերպով հարմարված են մեր տեղական
պայմաններին և պահանջկոտ չեն:

Մեր պայմաններում գյուղատնտեսական աշխատանք-
ների համար միանգամայն պիտանի պետք է համարել տե-
ղական ձիերի և արգենների խառնածինները, որոնք տեղա-
կան ձիերից խոշոր են, բավականին մասսիվ, բայց միևնույն
ժամանակ դյուրաշարժ և մեր պայմաններին լավ համա-
կերպված: Այդպիսի ձիերի բավականին մեծ խումբ մենք
ունենք Ստեփանավանի և Կալինինոյի շրջաններում: Լավ
են նաև տեղական ձիերի և վարդունների խառնածինները:

ԲԱՆՈՂ ՁԻԵՐԻ ԽՆԱՄՔԸ

Ձիերի ռացիոնալ օգտագործումը հնարավոր է միայն կե-
րպիրման և խնամքի պատշաճ պայմաններում:

Անհրաժեշտ է մեծ ուշադրություն դարձնել ձիու մաքրու-
թյան վրա, որից զգալի չափով կախված է նրա առողջու-
թյունը: Աշխատանքի ժամանակ ձին քրտնում է, որը շորա-
նալով, փոշու, թեփի և կեղտի ալլ մասնիկների հետ խառնը-
վելով կաշուս է մաշկին, փակելով մաշկի ծակոտիկները,
սրունց միջոցով կատարվում է մաշկային շնչառությունը:

Բացի դրանից, կեղտոտ մաշկի վրա ավելի հեշտությամբ են զարգանում պարազիտները և առաջ են գալիս զանազան մաշկային հիվանդություններ:

Բանող ձիերին պետք է մաքրել առավոտյան, մինչև ուշ-խառանքի սկսվելը:

Ձիերին մաքրում են խողանակով, իսկ քերոցը (ղարշավը) օգտագործում են միայն խողանակը մաքրելու համար: Թույլ չի տրվում ձիերին մաքրել քերոցով, որովհետև քերոցը ավելորդ տեղը մաշկը գրգռում է և կարող է մինչև անգամ վնասվածքներ հասցնել նրան: Խողանակով մաքրելուց առաջ, մաշկի վրա շորացած քրտինքն ու կեղտը նախապես մաքրում են ծղոտի ուղորով:

Լավ եղանակին ձիերին մաքրում են դրսում, իսկ ցուրտ, անձրև օրերին՝ խոտոի միջանցքում:

Ձիուն մաքրում են որոշ հաջորդականությամբ. սկզբում ձիու ամբողջ մարմինը շփում են մազին հակառակ ուղղությամբ՝ ծղոտն ուղորով և միայն դրանից հետո մաքրում խողանակով: Սկզբում մաքրում են ձիու գլուխը, հետո պարանոցի և կրծքի ձախ կողմը, առջևի ձախ ոտքը և ապա մեջքի, փորի, գավակի ձախ կողմը և վերջում հետևի ձախ ոտքը, որից հետո նույն կարգով մաքրում են կենդանու աջ կողմը: Ձիուն մաքրելիս մոտ շորս անգամ մազին հակառակ և մազի ուղղությամբ խողանակով շարժում կատարելուց հետո, յուրաքանչյուր անգամ խողանակը մաքրում են քսելով քերոցին: Հավաքված թեփը և կեղտը քերոցի վրայից հեռացնում են, թեթև կերպով խփելով նրան հատակի վրա: Գրված մի օրեւէ կոշտ առարկայի: Ձիու ավելի նուրբ մասերը սրբում են շորով:

Բաշը, ճակատափունջը և պուշը սանջում են փայտյա դանակով կամ սանրով, իսկ խճճված մազերը ուղղում ձեռքով:

Ձիերին անհրաժեշտ է հիմնականում մաքրել առավոտյան, իսկ երեկոյան աշխատանքից հետո մաքրել թեթև կերպով:

Եթե աշխատանքից հետո ձին տաքացած է, քրտնած,

ապա նրան հարկավոր է 20—30 բուլի ման ածել և հետո միայն տանել ախոռը ու անուրը հանել:

Խորհուրդ է տրվում աշխատանքից հետո ձիու մարմինը, մանավանդ անուրի (խոմուտի) և լծաթամբիկի տեղը, ծղոտի ոլորով շփել, որը կնպաստի արյան շրջանառության ուժեղացմանը և նրան կաշտպանի զանազան բորբոքումներից:

Զիռն՝ աշխատանքից ցեխոտված և թրջված վիճակում վերադառնալու դեպքում, պետք է մաքրել նրա թաց տեղերը չորանալուց հետո: Առանձնապես կարևոր է խնամքով չորացնել և ցեխից մաքրել ձիու ոտքերի ստորին մասը, մասնավորապես կոճղամազերը (խոզանակները):

Ամառը, երբ ջրի ջերմաստիճանը 18-ից ցածր չէ, շատ օգտավետ է ձիերին լողացնել դետում, լճակում, բնտրելով հարմար տեղ, իսկ եթե հարմար տեղ չկա, կարելի է լողացնել՝ ջուրը դույլով ձիու վրա լցնելով, որի ժամանակ նրա մարմինը տրորում են ծղոտի ոլորով:

Տաքացած, քրտնած վիճակում, ինչպես նաև կեսօրվա շոգին, ձիուն չի կարելի լողացնել:

Եթե ձին հատիկային կեր է ընդունել, ապա նրան կարելի է լողացնել միայն 1,5—2 ժամ հետո: Զիռն ջրում լողացնելիս թողնում են 10—15 բուլի, հետևելով, որ նրա գլուխը միշտ ջրից դուրս մնա՝ ականջները ջուր լցվելուց խուսափելու համար: Լողացնելուց հետո ձիերին հարկավոր է ման ածել և ապա նրանց մարմինը տրորել չոր ծղոտի ոլորով:

Ամռանը ձիերին անհրաժեշտ է պաշտպանել ճանճերից և միջատներից: Միջատների պատճառած անհանգստություն հետևանքով ձիերի արտադրողականությունը դգալի չափով քնկնում է:

Զիերին միջատներից պաշտպանելու համար խորհուրդ է տրվում նրանց ամբողջ մարմինն (մաղերին և մաշկին) քսել հեքսաքլորանի սուսպենզիա (2 մաս հեքսաքլորանը 8 մաս ջրի հետ): Այդ միջոցառումը ձիերին միջատների (զանազան ճանճերի) հարձակումից պաշտպանում է մոտ 16 օր, որից հետո հարկավոր է նման մշակումը պարբերաբար կրկնել: Ախոռներում ճանճերի դեմ պայքարելու համար հեքսաքլոր-

լանի և ջրի նշված խառնուրդով սրսկում են ախոռի պատերը, առաստաղը, միջնորմները և այլն: Լավ է նաև լուսամուտները ներկել լեղակով:

Չափազանց մեծ նշանակություն ունի ձիերի սմբակների խնամքը և ճիշտ պաշտելը: Քիչ չեն դեպքերը, երբ սմբակները փշանալու հետևանքով ձիերի արտադրողականությունը խիստ կերպով ընկնում է, կամ նրանք բոլորովին դուրս են գալիս շարքից:

Մսուրային պաշտանման պայմաններում անհրաժեշտ է ամեն օր աշխատանքից առաջ, և մանավանդ հետո, սմբակները լվանալ ջրով և մաքրել: Սմբակները մաքրելու համար օգտվում են հատուկ այդ նպատակի համար դործադրվող փայտյա դանակից կամ բույժ երկաթե կեռից: Լվանալուց հետո սմբակները խնամքով շորով շորացնում են, որից հետո բսում են քիչ վաղելին կամ մաքուր ճարպ: Ոչ մի դեպքում թույլ չի տրվում սմբակները առատ յուղել և մանավանդ նրանց վրա քսել մազույթ: Առնվազն 1,5 ամիսը մեկ անգամ սմբակների եզրերը կտրում և հարթում են, ըստ որում ներբանները պետք է հարթել շատ զգուշությամբ, միայն վերջնելով վերևի բարակ շերտը: Եթե պայտը նույնիսկ մաշված չէ, 1—1,5 ամիսը մեկ անգամ պետք է հանել, նորից պայտել, որովհետև այդ ժամանակամիջոցում սմբակը բավականաչափ աճած է լինում:

Անհրաժեշտ է ձիերին պայտել ժամանակին և ճիշտ կերպով:

Բանող ձիերի ախոռը պետք է լինի ընդարձակ, լուսավոր, շոր, տաք և օդը՝ մաքուր: Ախոռում կացոցների հատակը լավ է, որ լինի կավից, դրա համար կավե շաղախի հետ խառնում են հարդ և դրանով մոտ 30 սմ հաստությամբ պատում են հատակը, խնամքով դոփանում (տրամբովկա) և թողնում են չորանալու: Եթե հատակը չորանալուց հետո ճաքճքում է, ապա պատրաստում են կավի և կրի լուծույթ և լցնում են ճեղքերի մեջ: Հատակը 30 սմ բարձր պետք է լինի ախոռի շրջապատի տարածությունից և չորարանշուր մեկ մետրի վրա 2 սմ թերություն պետք է ունենա: Այսպիսի

հատակը պահանջում է մշտական հսկողություն. խորհուրդողություններ և փոսեր առաջանալու դեպքում անհրաժեշտ է անմիջապես վերանորոգել:

Հավ է համարվում նաև տախտակապատ հատակը, ըստ որում հատակի հիմքը անում են կավից:

Անկախ նրանից, թե ախոռի հատակը ինչպիսին է, բանոց ձիերի տակը պետք է փռել ցամքաբու: Ցամքաբու լավ է պահպանում հատակը, ծծում է մեզը և կենդանին հնարափորություն է անենում պառկելու և հանգստանալու փափուկ տեղում: Որպես ցամքաբու ամենից լավ է օգտագործել աշնանացան հացահատիկների ծղոտը: Մսուրային պահպանության ժամանակ օրական միջին հաշվով մեկ ձիու համար պետք է նախատեսել 2—3 կգ ծղոտ: Ցամքաբուի համար կարելի է օգտագործել նաև շոր տորֆը (գորշ) և փայտի թեփը:

Ամեն օր առավոտյան և երեկոյան պետք է ախոռը մաքրել, սպրը դուրս տանել և ցամքաբու փռել: Առհասարակ ախոռը հարկավոր է մաքուր պահել և պաշտպանել մկների, առնետների և այլ կրծողների դեմ:

ԲԱՆՈՂ ՁԻԵՐԻ ԿԵՐԱԿՐՈՒՄԸ

Ձիու առողջ վիճակը և աշխատունակությունն առաջին հերթին կախված են նրա կերակրումից: Յուրաքանչյուր կոլտնտեսությունում անհրաժեշտ է ձիերի համար ստեղծել կերային ֆոնդ և այն ծախսել խնայողաբար:

Բանոց ձիերի կերակրումը պետք է համապատասխանի նրանց կոտարած աշխատանքին: Որքան ավելի ծանր է ձիու աշխատանքը, այնքան նրան ավելի լավ պետք է կերակրել: Պակաս կերակրման պայմաններում ձին վատ է աշխատում, արագորեն հյուծվում է, նրա արտադրողականությունը օրըստօրե ընկնում է, և շուտով նա դուրս է գալիս շարքից:

Չնայած կառավարության և պարտիայի ցուցումներին, քիչ չեն դեպքեր, երբ կոլտնտեսությունը ժամանակին հող

չի տանում ձիերի համար կռպիտ և խտացրած կերեր
տոանձնացնելու, որի հետևանքով բանող ձիերը չեն ապա-
հովվում անհրաժեշտ քանակությամբ կերերով: Կերակրման
վատ պայմաններում բանող ձիերը չեն կարող ցուցաբերել
բարձր աշխատունակություն, հետևապես նրանց արտադրու-
թյանությունը լինում է չափազանց ցածր:

Բացի կռպիտ և խտացրած կերերի կուտակումից, կու-
տանետություններին խորհուրդ է տրվում ֆերմայամերձ հո-
ղաժառանգում ցանել դադար, շաքարի ճակնդեղ և կարտոֆիլ՝
չուրաքանչյուր ձիուն 0,1 հեկտարի չափով:

Ձիերին տրվելիք կերերը ամենից առաջ պետք է լինեն
լավորակ: Գոսացած, նեխած և առհասարակ փշացած կերերը
առաջացնում են ձիերի մարսողական գործաբանների դա-
նազան լուրջ հիվանդություններ:

Բանող ձիերի հիմնական կերերից մեկը հանդիսանում է
խոտը: Ռատի անհրաժեշտ է նրանց ապահովել բավարար-
քանակությամբ բարձրորակ խոտով (ապուլա, երեքնուկ,
մարգագետնաչին խոտ և այլն):

Ձիերի համար լավագույն խտացրած կերերը հանդիսա-
նում են՝ վարսակը, դարին, թեփը և ապա մինչև քուսպը:
Հատիկաչին կերերից պետք է դերադասել վառասակը, որը
թեև բոլոր սննդարժեքի զիջում է շատ ալի հատիկների,
բայց ավելի անվտանգ է ձիու համար: Վարսակը կամ դարին
խորհուրդ է տրվում տալ ձիուն ճզմած վիճակում, կամ էլ
հարդի հետ խառնած: Եզիպտացորենի հատիկները հույնպես
կարող են ձիերի համար որպես կեր ծառայել: Վերջինս ուս-
ցիոնում պետք է կաղմի հատիկաչին կերի կեսից ոչ ավել-
լին: Յորենի կամ տարեկանի թեփը սովորաբար խառնում են
թրջած հարդի հետ: Արևածաղկի կամ կտավճատի քուսպի
մեծ քանակությունը կարող է առաջացնել ստամոքսի խան-
գորում: Առհասարակ բոլոր տեսակի քուսպերն էլ քիչ քա-
նակությամբ են տալիս ձիերին (մինչև 1 կգ): Ձիերին
քուսպ տալիս են չոր վիճակում, քուսպջարգիչի միջոցով
մանրացնելուց հետո:

Հյութալի կերերից ձիերի համար օգտագործում են ճա-

Արնդեղը (ավելի լավ է շաքարի ճակնդեղը), դադարը, կարտոֆիլը և սիլոսը:

Ճակնդեղը, գազարը կերցնում են հում վիճակում, կտրատելուց հետո խառնելով հարդի հետ, իսկ կարտոֆիլը՝ խաշած, որը ճմռում են և դարձյալ խառնում են հարդի հետ, վրան ցանկելով մի քիչ աղ կամ աղաչուր:

Քեկ ձիերին սիլոս տրվում է ավելի սահմանափակ քանակությամբ, քան տավարին, (10 կգ-ից ոչ ավելի), բայց և այնպես ձիերի համար էլ նա հանդիսանում է արժեքավոր կեր:

Սիլոսը անպայման պետք է բարձրորակ լինի: Դերագասելի է հատուկ սիլոսային կուլտուրաներից պատրաստած սիլոսը. ալգալիսին շլինելու ղեպքում կարելի է տալ լավորակ մարգագետնային բույսերից պատրաստած սիլոս: Կանաչ կերը, որը ձին ստանում է կամ արոտում, կամ էլ քաղած վիճակում, հանդիսանում է լիարժեք և հեշտ յուրացվող կեր: Կանաչ կերը հարուստ է վիտամիններով, սպիտակուցներով և հանքային նյութերով:

Քաղած կանաչը ձիերին պետք է կերցնել միայն թարմ վիճակում, չթողնել, որ նա մնալով տաքանա:

Ամառը՝ ձիերին, աշխատանքից ազատ ժամանակ, պետք է թողնել, բայց հնարավորին, ավելի երկաթ ժամանակ տրուում արածելու:

Կոմբիկերերը, մանավանդ այն տեսակները, որոնք պատրաստված են հատկապես բանող ձիերի համար, հանդիսանում են շատ արժեքավոր կերեր, բայց կոլտնտեսություններում դեռ լայն օգտագործում չեն գտել:

Երբ ձիու ռացիոնի մեջ հանքային նյութերով հարուստ կերեր չեն մտնում, ինչպես, օրինակ՝ ցորենի թեփը, առվույտը և այլն, ապա խորհուրդ է տրվում նրան ավելացնել սոսիերի ալյուր, որը հարուստ է կալցիումի և ֆոսֆորի աղերով: Անկախ նրանից, թե ձին ինչպիսի կերեր է ստանում, անհրաժեշտ է նրան տալ աղ: Բանող ձիերին օրական մեկ գլխին պետք է տալ 30—50 գ աղ. դիրագասելի է քարաղը,

որը զնում են մատուում, որպեսզի ձին հնարավորություն ունենա իր աղի պահանջը բավարարել:

Բանոց ձիերին պետք է կերակրել ըստ նորմաների: Կերանորմաները սահմանելիս հենում են ձիու կենդանի քաշից, աշխատանքի չափից, գիրություն, աստիճանից, նկատի են առնում հղիությունը և այլ անհատական հատկություններ:

Կերանորմաները խափախան է փոփոխել ամիսը 1—2 անգամ: Բանոց ձիերի կերային ռացիոնը կազմելիս պետք է առաջնորդվել գրականության մեջ արված նորմաներով:

Սովորաբար որպես բանոց ձիերի կերակրման օրինակելի նորմաներ օգտագործում են պրոֆ. Ի. Ա. Պոպովի մշակած նորմաները: (Աղյուսակ 3):

Աղյուսակ 3

Բանոց ձիերի կերանորմաներ:
(Օրական մեկ գլխի համար (կգ.)):

Չիտ. կենդանի քաշը (կգ)	Զաշխատող		Թեթև աշխատանքի զեպում		Միջակ աշխատանքի զեպում		Մանր աշխատանքի զեպում	
	մսխով	հատախով	մսխով	հատախով	մսխով	հատախով	մսխով	հատախով
400	4,8	0,26	5,7—6,1	0,36—0,40	6,7—7,7	0,47—0,54	8,3—10,0	0,61—0,66
500	5,5	0,30	7,1—7,7	0,46—0,50	8,4—9,7	0,59—0,68	10,4—12,5	0,77—0,83
600	6,2	0,33	8,5—9,2	0,55—0,60	10,0—11,6	0,70—0,81	12,5—15,0	0,92—1,00

Ցանկալի է, որ կերային ռացիոնը բաղկացած լինի կուպիտ, խտացրած և հյութալի կերերից:

Կուպիտ կերերը ռացիոնում պետք է նախատեսեն չորաբանջուր 100 կգ կենդանի քաշին 3—3,5 կգ չափով, մնացած կերի միավորների պակասը լրացնելով խտացրած և հյութալի կերերի հաշվին: Ամառը կարելի է ձիերին արա-

ծեցնել և այդ դեպքում արտաշին կերը կարող է ծածկել ձիու կերի պահանջի մոտ 40 տոկոսը:

Բերենք բանող ձիերի օրական կերաբաժնի (ռացիոնի) մի քանի օրինակներ:

1) 400 կգ քաշ ունեցող և միջակ աշխատանք կատարող ձիերի համար՝

Կեր (կգ.)	Կերի միավոր (կգ.)
Վարսակ	2 2,0
Քուսպ բամբակի	1 1,1
Մարգագետնային խոտ	3 3,2
Առվույտ	2 1,0
Հյութալի կերեր	3 0,4
	16 7,7

2) 400 կգ քաշ ունեցող և ծանր աշխատանք կատարող ձիերի համար.

Գարու ծղոտ՝ 6 կգ, լավորակ խոտ՝ 6 կգ, կարտոֆիլ կամ ճակնդեղ՝ 4—5 կգ և վարսակ կամ դարի՝ 3—4 կգ: Նշված ռացիոնը կարելի է փոխարինել 15 կգ խոտով և 2—3 կգ հատիկային կերով:

3) 400 կգ քաշ ունեցող և միջակ աշխատանք կատարող ձիերի համար կարելի է խորհուրդ տալ նաև հետևյալ ռացիոնը. խոտ՝ 12 կգ, արմատապտուղներ՝ 6 կգ և վարսակ՝ 3 կգ, կամ խոտ՝ 4 կգ, կանաչ կեր՝ 40 կգ, վարսակ՝ 2 կգ, կամ խոտ՝ 6 կգ, ծղոտ՝ 6 կգ, կարտոֆիլ՝ 6 կգ, վարսակ՝ 3 կգ և թեփ՝ 1 կգ:

Այլ կերերի բացակայության դեպքում, բանող ձիերին կարելի է կերակրել միայն խոտով, կամ կանաչ կերով. միայն այս դեպքում հնարավոր է նրանց օգտագործել թեթև կամ միջակ աշխատանք կատարելու համար, նշված կերերը տալով մեծ քանակությամբ և հաճախակի: Այդպիսի դեպքերում օրական տրվում է մինչև 25 կգ առվույտի խոտ:

Ծծմայր բանող դամբիկներին կաթի գոյացման համար առաջին 3 ամիսների ընթացքում պետք է նախատեսվել լրա-

ցուցիչ 3 կերի միավոր, իսկ հաջորդ 3 ամսվա ընթացքում՝ 2 կերի միավոր:

Հղիության երկրորդ շրջանից սկսած բանուղ զամբիկների օրվա կերանորմաներին ավելացնում են 1,5—2 կերի միավոր: Գործնականում այս հարցը լուծում են այսպես՝ հղի և ծծմայր զամբիկների բեռնվածությունը պահասեցնում են $\frac{2}{3}$ չափով, պահպանելով անփոփոխ նրանց կերանորմաները:

Ձիերի կերակրման և ջրելու տեխնիկան պետք է հարմարված լինի նրանց մարսողության առանձնահատկություններին: Իր կենդանի քաշի համեմատությամբ ձիու ստամոքսը համեմատաբար փոքր է, դրա համար յուրաքանչյուր անգամ տրվելիք կերի քանակը շատ մեծ չպետք է լինի: Բացի դրանից, ձին բավականին դանդաղ է ուտում կերը, որը ծամում է մեծ խնամքով և կուլ տալիս փոքր բաժիններով (15—20 գրամ): Կերը ծամելիս ձին արտադրում է մեծ քանակությամբ թուք (կերի քաշից 3—4 անգամ ավելի), որով թրջվում է կերը և այնպես հասնում ստամոքսը: Կերը այնքան էլ երկար չի մնում ստամոքսում (օրինակ՝ ընդունած 25 կգ խոտից 2 ժամից հետո ստամոքսում մնում է միայն 40%, իսկ 5 ժամից հետո՝ 20%):

Ձիերին բավարար չափով և ժամանակին կերակրելու և ջրելու դեպքում նրանց օրգանիզմը ապահովվում է անհրաժեշտ սննդանյութերով և կանոնավորվում է նյութափոխանակությունը: Փորձերը ցույց են տվել, որ միայն հանգիստը, առանց կերակրման, չի կարող ձիու աշխատունակությունը լրիվ վերականգնել ընդմիջման ընթացքում:

Ողբան ձիու դիրությունն աստիճանը ցածր է, այնքան ավելի հեշտակիւմը է խախտվում նրա օրգանիզմում նյութափոխանակությունը, հետևաբար և ընկնում աշխատունակությունը: Վատ դիրացած ձին, ոչ լիարժեք կերակրման պայմաններում, աշխատանքը մեծ մասամբ կատարում է ի հաշիվ իր մկանային հյուսվածքի, որի վերականգնումը շատ դժվարությամբ է կատարվում:

Վերոհիշյալից բխում է այն, որ ձիերի բարձր արտադրո-

դակահույթունը ապահովելու համար անհրաժեշտ է նրանց միշտ պահել գիրության նորմալ վիճակում:

Գրա համար ոչ միայն պետք է ձիերին ապահովել անհրաժեշտ քանակությամբ լավորակ կերերով, այլև աշխատանքային օրվա և գիշերային հանգստի ժամանակ ճիշտ կազմակերպել նրանց կերակրումն ու ջրելը:

Զիարուծական ինստիտուտի տվյալների համաձայն, լրիվ բեռնվածությամբ աշխատեցնելիս՝ նորմալ գրության ձիերին աշխատանքային օրվա ընթացքում պետք է կերակրել և ջրել յուրաքանչյուր երեք ժամը մեկ անգամ: Այդ ժամահաշվարկից հետո նրանք ընդունակ են կատարել 500—600 կիլոգրամով լիցքավորված աշխատանք: Իսկ միջակ և մանավանդ միջակից ցածր գիրության ձիերին 300—400 կիլոգրամով լիցքավորված աշխատանք կատարելուց հետո պետք է կերակրել և ջրել աշխատանքի ընթացքում՝ յուրաքանչյուր 2 ժամը մեկ անգամ: Ըստ որում յուրաքանչյուր ընդամիջման ընթացքում տրված կերը պետք է հավասար լինի մոտավորապես 2—3 կերի միավորի:

Որպես կանոն բանող ձիերին պետք է ջրել կերակրումից և ընդամիջումից 30 րոպե առաջ, ինչպես և աշխատանքը վերսկսելուց անմիջապես առաջ:

Ամեն մի ընդամիջման տեղում ձիերին մասամբ կախված է նրանից, թե ինչպիսի կեր ենք տալիս ձիուն: Օրինակ, եթե միայն խոտով ենք կերակրում, ապա ընդամիջումն ավելի երկար պետք է լինի, մանավանդ եթե ձին բացի խոտից ստանում է նաև խտացրած կեր: Միջին հաշվով ձին 5—6 կգ խոտը կամ 16 կգ կանաչը ուտում է 1,5 ժամում: Նույն ինստիտուտի տվյալներով (Ն. Վ. Կոթենիկով և ուրիշները), այն աշխատանքների ժամանակ, որոնք ըստ իրենց բնույթի կանգառներ չեն պահանջում (վար, փոխում), բացի հիմնական ընդամիջումներից, ամեն 45—50 րոպեն մեկ ձիուն պետք է տալ կարճատև (10—15 րոպե) հանգիստ: Այդ ընդամիջումները ևս պետք է օգտագործել ձիերին կերակրելու համար՝ հենց կանգնած տեղում:

Կիշերվա ընթացքում ձիերին պետք է կերակրել 3—4 անգամ, փոքր բաժիններով:

Կարճատև՝ 10—15 րոպե տևող ընդմիջումների ժամանակ լավ է ձիերին տալ միայն խոտ:

Տրանսպորտային աշխատանքների ժամանակ բացի ճաշվա ընդմիջումից ձիերի կերակրման համար պետք է օգտագործել բեռնելու և բեռնաթափ անելու հետ կապված բոլոր կանգառները: Խնչպես կերակրումից առաջ, այնպես էլ հետո, ձիուն 1—2 կմ անապամանորեն պետք է քշել քայլով: Ճանապարհին ձիուն ջրում են կերակրումից, հետևապես և հանգստից, մոտ կես ժամ առաջ:

Հաճախակի կերակրումը հնարավորություն է տալիս ձիու աշխատանքային օրը հասցնել 8—9 ժամի և միևնույն ժամանակ պահպանել նրա աշխատունակությունը:

Աշխատանքային օրվա ընթացքում բանուղ ձիերին, թեթև աշխատանք կատարելու դեպքում, կարելի է կերակրել միայն մեկ անգամ: Իսկ եթե փորձենք կերակրման ալյուպիսի պայմաններում ձիերին միջակ և մանավանդ ծանր աշխատանքի համար օգտագործել, ապա նրանք արագորեն կհշուժեն և նրանց արտադրողականությունը կարճ ժամանակում խիստ կպակասի, որի հետևանքով ձիերին հնարավոր կլինի աշխատեցնել հազիվ օրական 4 ժամ:

Տարբեր տեսակի կերերը պետք է ձիերին տալ որոշ հերթականությամբ: Խորհուրդ է տրվում սկզբից ձիերին տալ կոպիտ կերերն, ինչպես, օրինակ՝ խոտը, և միայն որոշ ժամանակ անցնելուց հետո՝ հատիկային կերը: Իսկ եթե ձին ստանում է նաև հյութալի կեր, ապա կոպիտ կերից հետո լավ է տալ հյութալի և վերջում՝ հատիկային կերը:

Աշխատանքից վերադարձած ձիերին հանգստի հենց սկզբից անմիջապես տալիս են խոտ, իսկ հատիկային կերը՝ միայն 1—2 ժամից հետո: Կերն ընդունելուց հետո, ձիուն պետք է տալ հանգիստ (1—2 ժամ) և միայն դրանից հետո վերսկսել աշխատանքը: Եթե ձիուն աշխատեցնում են կերակրելուց անմիջապես հետո, ապա նրանք հաճախ հիվան-

դանում են ծակոցներով՝ ալսինքն աղետամոքսային գործարանների խանգարումով:

Աշխատանքից հետո ձիերին ջրում են մեծ մասամբ կերակրման ժամանակ, երբ նրանք կռպիտ կերի մի մասը արդեն կերել են և որոշ չափով հանգստացել: Խորհուրդ չի արվում ձիերին ջրել հատիկային կեր քնդունելուց անմիջապես հետո, ոչ այնքան նրա համար, որ ջուրը անմաքս հացահատիկը կարող է դուրս քշել ստամոքսից, այլ որովհետև դրա հետևանքով կարող են առաջանալ մարսողական գործարանների ծանր խանգարումներ:

Տարվա ընթացքում կերերի ծախսման ճիշտ պլանավորումը մեծ նշանակություն ունի: Օրինակ՝ աշնանը կռպիտ կերերից նպատակահարմար է ավելի շատ կերցնել հարզը (ծղոտը), մզեղը՝ խոտը թողնելով ձմռան և գարնան ամիսների համար: Բայց դա չի նշանակում, որ կարելի է ձմռան ընթացքում ձիերին վատ կերակրել և միայն դարձանային սեզոնի սկզբին նրանց կերակրումը լավացնել:

Այդ կերպ կերակրելու դեպքում ձիերը սկսում են նիհարել և մինչև անգամ, եթե գարնան աշխատանքների ընթացքում խիստ բարելավենք նրանց կերակրումը, միևնույն է, նրանք ի վիճակի չեն լինի աշխատել բարձր արտադրողականությամբ:

Միջին մեծությամբ գյուղատնտեսական ձիու կերերի տարեկան ընդհանուր պահանջը կազմում է մոտ 35—40 ցենտներ կերի միավոր: Այդ ընդհանուր քանակից 25—30% բնկնում է արտադին կերի վրա, 20—35%՝ խոտացրած կերերի, որպես կռպիտ կեր՝ 35—45% և որպես հյութալի կեր՝ 5—8%: Կերերի նման փոխհարաբերության դեպքում կարելի է ճիշտ ուղեղողներ կազմել, հետևապես և ձիերին պահել լավ վիճակում:

ՉԻԵՐԻ ՕԳՏԱԴՈՐԾՈՒՄԸ ՏՆՏԵՍՈՒԹՅԱՆ ՄԵԶ

ԱՇԽԱՏԱՆՔԻ ԿԱԶՄԱԿԵՐՊՈՒՄԸ ՈՒ ՎԱՐՉԱՏՐՈՒՄԸ

Կոլտնտեսության բոլոր բանող ձիերը ամրացվում են արտադրական բրիգադներին: Բրիգադի ներսում յուրաքանչյուր ձին ամրացվում է ձիապահին, որը ապահովում է ձիու խնամքն ու նրա համար պատասխանատու է միայն ախոռում գտնված ժամանակ: Ձին ամրացվում է և ձիավարին, որը ձիու համար պատասխանատու է միայն աշխատանքի ժամանակ: Ձիերի ամրացումը ձիապահին և ձիավարին կատարում է կոլտնտեսության վարչությունը, իսկ հաստատում է կոլտնտեսության անդամների ընդհանուր ժողովը: Բրիգադին ամրացված բոլոր ձիերի ընդհանուր պատասխանատվությունը բնկնում է բրիգադավարի վրա:

Աշխատանքի այս ձևի բաշխումը հնարավորություն է տալիս խուսափելու դիմադրելիությունից: Ձիապահին ամրացվում է 10-ից մինչև 15 դուխ ձի, իսկ ձիավարին՝ 1—2 ձի: Ամրացումը կատարվում է հատուկ տեղի միջոցով: Բանող ձիերին ամրացնում են քանիմաց և փորձված կոլտնտեսականներին: Ձիավարը պետք է քաջ ծանոթ լինի ձիերի ուցիտնալ (ճիշտ) օդադործման սկզբունքներին և աշխատանքի ժամանակ պետք է խստիվ պահպանի ձիերի կերակրման, ջրելու և խնամելու կարգը:

Կառավարությունը և պարտիան խորհուրդ են տալիս՝ այն կոլտնտեսություններում, որտեղ ձիերի քանակը 15-ից ավելի է, կոլտնտեսականներից նշանակել ձիարուծության գծով վարիչ, որը ընտրում է ձիապահներ և ձիավարներ և անմիջականորեն ղեկավարում է ձիերի օդադործման, խնամքի, կերակրման և բուծման (բանող գամբիկներին՝ նաև ժամանակին սերմնավորելը) բոլոր աշխատանքները:

Ձիարուծական ֆերմա ունեցող կոլտնտեսություններում ձիարուծության ղեկավարի պարտականությունները դրվում են ֆերմայի վարիչի վրա, իսկ մնացած կոլտնտեսություններում՝ ավագ ձիապահի վրա: Գյուղատնտեսական արտելի վարչության նախագահը պատասխանատու է կոլտնտեսու-

խնայանքի և բոլոր ձեռքի աշխատանքի ճիշտ պլանավորման և կազմակերպման համար:

Զիավարն ամեն անգամ ձին ձիապահից ընդունելիս ուշադրությամբ զննում է, որ նա առողջ լինի: Եթե ձին ունի վնասվածքներ, կամ կերը լավ չի կերել, հիվանդ է, ապա աշգրիտի դեպքում ձիավարը չի ընդունում ձին և այս մասին անհապաղ հայտնում է ավագ ձիապահին: Աշխատանքից հետո ձիապահն իր հերթին ձիավարի ներկայությամբ ուշի-ուշով զննում է ձիուն և լծասարքը, վնասվածքներ, վերքեր, վնասվածքներ, նկատելու դեպքում ձիապահն աշգ մասին իրազեկ է դարձնում ավագ ձիապահին, ձիաբուծության վարիչին (կամ ֆերմայի վարիչին), կամ կոլանտեսության վարչության նախագահին, որպեսզի ժամանակին անհրաժեշտ միջոցներ ձեռք առնվեն:

ՍՍՌՄ Մինիստրների Սովետի և Համկ(բ)Պ Կենտրոնական Կոմիտեի 1949 թվի հոկտեմբերի 15-ի որոշման համաձայն, առնվազն երեք ամիսը մեկ անգամ պետք է անցկացնել բոլոր ձիերի ստուգատես:

Զոոտեխնիկական և անասնաբուժական անձնակազմին իրավունք է վերապահվում ազատել աշխատանքից բոլոր հիվանդ և հյուծված ձիերին մինչև նրանց բուժվելը և կազդուրվելը: Ավելի հաճախակի կազմակերպված ստուգումները կարող են միայն օգուտ բերել գործին:

Նորմալ վիճակի և առողջ ձին պետք է լինի միջակ գիրությամբ և բարձր աշխատունակությամբ ունենա: Հարթ փայլուն մազերը, առույգ հասակը և լավ ախորժակը ցույց են տալիս ձիու առողջ լինելը:

Աշխատանքի վարձատրումը կատարվում է ՍՍՌՄ Գյուղատնտեսության մինիստրության 1954 թվականի հունվարի 5-ի № 4 հրամանի հավելվածի համաձայն, ըստ որի՝

ա) Հասակավոր ձիեր խնամող ձիապահին ամրացվում է 10-ից մինչև 15 գլուխ ձի:

Զիապահին աշխօրեր են գրանցվում պահպանված յուրաքանչյուր ձիու և նրա խնամքի համար, հաշվի առնելով գիրությունը, ամսական 2-ից 4 աշխօր:

Ստացված յուրաքանչյուր առողջ մտրուկի համար՝ 10 աշխօր և աչդ մտրուկը մինչև մորից անջատելը աճեցնելու համար՝ 15 աշխօր:

բ) Մորից անջատելուց հետո մինչև 3 տարեկան մատղաշներ խնամող ձիապահին ամրացվում է 12—16 գլուխ:

Նրան աշխօրեր են գրանցվում՝ պահպանված յուրաքանչյուր գլխի և խնամքի համար, հաշվի առնելով գիրությունը, ամսական 2,0—3,5 աշխօր:

գ) Գիշերաչին արածեցման դեպքում ձիապահին ամրացնում են 20—30 գլուխ հասակավոր ձիեր կամ մինչև 3 տարեկան հասակի մատղաշներ և նրան աշխօրեր են գրանցվում՝ պահպանված յուրաքանչյուր գլխի համար, հաշվի առնելով գիրության վիճակը, ամառվա ժամանակաշրջանում՝ ամսական 0,7—1,0 աշխօր, զարնան և աշնան ժամանակաշրջանում՝ 1,0—1,5 աշխօր:

դ) Զիերի երամակային պահպանման դեպքում 2—4 մարդուց բաղկացած երամակային բրիգադին ամրացվում են 60—150 գլուխ զամբիկներ կամ մինչև 3 տարեկան մատղաշներ:

Երամակային բրիգադին աշխօրեր են գրանցվում՝ պահպանված յուրաքանչյուր գլխի համար, հաշվի առնելով գիրությունը, ամսական՝ 0,5—2,0 աշխօր:

Ստացված յուրաքանչյուր առողջ մտրուկի համար՝ 4—6 աշխօր, իսկ աչդ մտրուկը մինչև մորից անջատելը աճեցնելու համար՝ նորից 6—9 աշխօր. աշխատանքի և նրատելու համար վարժեցրած յուրաքանչյուր ձիու համար՝ 3—5 աշխօր. յուրաքանչյուր ձի խարանելու (զաղմելու) համար 0,15 աշխօր:

Ստացված մտրուկների և պահպանած գլխաքանակի համար գրանցված աշխօրերի բաշխումը երամակային բրիգադի անդամների միջև սահմանվում է կոլտնտեսության վարչության կողմից երամակը բրիգադին ամրացնելու ժա-

մանակ, հաշվի առնելով նրանց որակավորումը և աշխատանքի ստաժը:

ե) Վարժեցման մեջ դանվող տոհմային մատղաշներ խնամող ձիապահին ամրացվում է 4—6 գլուխ: Նրան աշխօրեր են գրանցվում պահպանած յուրաքանչյուր գլխի համար, հաշվի առնելով գիրությունը, ամսական՝ 3,5—6 աշխօր:

զ) Մարզիչ ձիավարին կամ մարզիչ ժոկեչին ամրացվում են 12—24 գլուխ տոհմային մատղաշներ և նրան աշխօրեր են գրանցվում վարժեցման աշխատանքի համար, յուրաքանչյուր գլխի համար ամսական 1,0—3,0 աշխօր:

Մարզիչի օգնականին աշխօրեր են գրանցվում մարզիչին գրանցված աշխօրերի 60—80 տոկոսի չափով:

է) Արտադրող հովատակներ խնամող ձիապահին աշխօրեր են գրանցվում՝ արտադրող հովատակների կերակրման, խնամքի և պահպանման համար—յուրաքանչյուր գլխի համար ոչ գույավորման շրջանում ամսական 8—10 աշխօր և գույավորման շրջանում՝ 10—13 աշխօր, նրան ամրացված հովատակով ծածկված և հղիութունը հաստատված յուրաքանչյուր զամբիկի համար՝ 2—3 աշխօր:

ը) Զիավարին՝ աշխատեցնելու համար ամրացված յուրաքանչյուր ձիու համար, միջին գիրության դեպքում, գրանցվում է ամսական 3 աշխօր, իսկ լավ գիրության դեպքում— 6 աշխօր և նրան ամրացված զամբիկներից ստացված ու մինչև մորից անջատելը պահպանված յուրաքանչյուր մորուկի համար — 10 աշխօր:

ժ) Արտադրական բրիգադի բրիգադիրին ամրացված յուրաքանչյուր միջակ գիրության ձիու համար ամսական գրանցվում է 0,2 աշխօր, յուրաքանչյուր լավ գիրության ձիու համար՝ ամսական 0,4 աշխօր, բացի այդ, ստացված և մինչև մորից անջատելն աճեցրած յուրաքանչյուր մորուկի համար՝ 3 աշխօր:

Արտադրական բրիգադիների բրիգադիրներին ու ձիավարներին միջակից ցածր գիրության ձիերի համար աշխօ-

քեր շեն գրանցվում: Զիերի վրա վերք կամ այլ վնասվածք առաջանալու համար մեղավորներից հո է պահվում մինչև ձիու առողջանալը, ձիու յուրաքանչյուր օրվա պարապուրդի համար 2-ական աշխօր, իսկ դամբիկի վիժման համար մեղավորներից՝ 20 աշխօր:

Ավագ ձիապահին կամ ավագ երամակավարին ձիապահների և երամակապահների աշխատանքը ղեկավարելու համար ամսական լրացուցիչ գրանցվում է 10—15 աշխօր:

ՉԻԵՐԻ ԱՇԽԱՏԱՆԻ ԿԱԶՄԱԿԵՐՊՈՒՄԸ

Տնտեսության բանող ձիերին ըստ հնարավորության ավելի լրիվ և ճիշտ կերպով օգտագործելու համար, անհրաժեշտ է նրանց աշխատանքը պլանավորել: Պլանը պետք է ընդգրկի ինչպես կոլտնտեսության մեջ, այնպես էլ նրանից դուրս տարվող բոլոր աշխատանքները և պետք է ապահովի գյուղատնտեսական աշխատանքների կատարումը նշանակված ժամկետներին: Պլանն ընդգրկում է ինչպես ամբողջ տարվա ընթացքում տարվելիք աշխատանքները, այնպես էլ գյուղատնտեսական աշխատանքների առանձին շրջանները:

Զիերի ճիշտ օգտագործման կազմակերպումը նպատակ ունի՝

1) ապահովել նրանց աշխատանքի բարձր արտադրողականությունը՝ կերի լավ հատուցման պայմաններում, 2) խցեցնել ձիերի միջոցով կատարվող աշխատանքների ինքնարժեքը, 3) ըստ հնարավորության, ավելի երկար ժամանակ պահպանել ձիերի լրիվ աշխատունակությունը, 4) յուրաքանչյուր բանող դամբիկից ամեն տարի ստանալ սերունդ:

Դրա համար անհրաժեշտ է, որ բանող ձիերը միշտ լինեն ցանկալի դիրության: Ըիշտ կերպով որոշել նրանց բուժփածոությունը և օգտագործման տևողությունը օրվա ընթացքում (մինչև 8—9 ժամ):

Անհրաժեշտ է տնտեսության մեջ օգտագործվող ձիերին խմբավորել ըստ իրենց աշխատունակության: Այդ հնարավորություն է տալիս յուրաքանչյուր ձիուն օգտագործել ավել-

լի նպատակահարմար, վնաս չհասցնելով նրա առողջությանը:

Առաջին խմբի մեջ առանձնացնում են ավելի ուժեղ և գեր ձիերին, որոնց օգտագործում են լրիվ բեռնվածությամբ՝ ավելի ծանր աշխատանքների համար:

Երկրորդ խմբի մեջ մտցնում են ավելի նվազ ուժեղ և ավելի ցածր գիրություն ձիերին, այս խմբի ձիերին օգտագործում են ավելի թեթև աշխատանքների մեջ, նրանց համար սահմանելով ավելի ցածր արտադրանքումներ:

Երրորդ խմբի մեջ առանձնացնում են երիտասարդ (առաջին անգամ օգտագործվող) ձիերին, հղի և ծծմայր զամբիկներին, նրանց համար սահմանելով ամենացածր արտադրանքումներ:

ԳԱՇՏԱՅԻՆ ԱՇԽԱՏԱՆՔՆԵՐԸ

Ընդհանուր առմամբ դաշտային աշխատանքները ձիու համար կարելի է ավելի ծանր համարել, քան տրանսպորտային աշխատանքները:

Գյուղատնտեսական աշխատանքների մեծ մասը ձիուց պահանջում են մեծ լարվածություն:

Ինչպես հայտնի է, դաշտային աշխատանքները կապված են ժամկետների հետ, այստեղից էլ մեծ նշանակություն է ստանում տրակտորի և ձիու աշխատանքի հաջող գույքը: Գումր, որը երկուսի աշխատանքն էլ ավելի էֆեկտիվ է դարձնում: Պետք է ձգտել ըստ հնարավորության ձիու աշխատանքը պլանավորել այնպես, որ ձին տարվա մեջ ավելի երկար ժամանակաշրջանում օգտագործվի:

Որպես կանոն տրակտորի միջոցով պետք է կատարել ավելի ծանր աշխատանքները, ինչպես, օրինակ՝ խորը վարը, ցանքը, հունձը, կալսումը և այլն, ավելի թեթև աշխատանքների կատարումը թողնելով ձիերին: Որոշ պայմաններում վարն ու ցանքը կատարում են ձիերով, օրինակ, փոքր կամ տրակտորի աշխատանքի համար անհարմար դիրք ունեցող հողակտորների վրա:

Պետք է ամեն կերպ աշխատել դարնանային գյուղատնտեսական աշխատանքներն ըստ հնարավորության կատարել ավելի սեղմ ժամկետներում. դրա հետևանքով դարնանային սեզոնում ստեղծվում է ինչպես կենդանի, այնպես էլ մեքենայացված քարշող ուժի օգտագործման մեծ լարվածություն: Այստեղից էլ անհրաժեշտ է՝ որքան կարելի է ավելի լրիվ կերպով օգտագործել բանող անասուններին, մասնավորապես ձիերին: Իրա համար ձիերին նախօրոք, ըստ նրանց աշխատունակության, բաժանում են առանձին խմբերի և կազմում են նրանց օգտագործման պլանը: Ձիերին բարձր արտադրողականությամբ օգտագործելու համար անհրաժեշտ է նրանց համապատասխան ձևով նախապատրաստել զաշտային աշխատանքների համար: Գարնանացանի նախօրյակին պետք է ձիերին հանգիստ տալ և ուժեղացնել նրանց կերակրումը. դա առանձնապես անհրաժեշտ է այն ձիերի համար, որոնք ձմռան ընթացքում լարված աշխատանք են տարել, կամ նիհար են ու հյուծված:

Կոլտնտեսություններում կատարած դիտողությունները ցույց են տալիս, որ եթե մինչև դարնանացանի սկսվելը ձիերը վատ են կերակրվել, ապա աշխատանքի ընթացքում, մինչև անգամ լավ կերակրման դեպքում մնում են նիհար և նրանց արտադրողականությունը ցածր է լինում:

Մինչև դարնանային աշխատանքների սկսվելը պետք է լծելու համար ընտրել ձիերի զույգերը:

Եթե ձիերն արդեն զույգ-զույգ ընտրված են և աշխատում են, ապա լավ կլինի նորից ստուգել զույգերի ընտրության հշտությունը: Չպետք է մոտանալ, որ ձիերի զույգերի հիշտ բնարությունը՝ նրանց ռացիոնալ օգտագործման անհրաժեշտ պայմաններից մեկն է հանդիսանում: Միասին լծվող ձիերը, որքան հնարավոր է, ըստ իրենց աշխատունակության, տեղոնության և խառնվածքի (տեմպերամենտի) պետք է նման լինեն:

Ինչպես հայտնի է, ձիու աշխատունակությունը մեծ չա-

փող կախված է նրա բարձրությունից, կենդանի քաշից և մասսիվությունից: Դրա համար էլ ձիերի գույգերը ընտրելիս պետք է նկատի ունենալ նշված ցուցանիշները, ինչպես նաև նրանց գիրությունը և առողջության դրությունը: Բացի այս ամենից, միասին լծվող ձիերը պետք է հարմարված լինեն միասին աշխատելու, աշխատես նրանք հանգիստ համահամասար քայլով չեն կարող աշխատել, որի հետևանքով կրնկնի նրանց արտադրողականությունը:

Մինչև զարնանացանի աշխատանքների սկսվելն անհրաժեշտ է երիտասարդ ձիերին աստիճանաբար աշխատանքի վարժեցնել. նույնը վերաբերում է նաև այն մեծահասակ ձիերին, որոնք երկարատև հանգիստ են ունեցել. ինչպես, օրինակ, ծծմայր զամբիկները: Դրա համար մինչև վաղ ու ցանքի աշխատանքների սկսվելը ձիերին օգտագործում են թեթև բեռների փոխադրման և այլ թեթև աշխատանքների համար, ինչպես, օրինակ, աշնանացանների և ցրտահերկի փոցխումը և այլն: Անհրաժեշտ է նաև կտրգի բերել լծասարքը, գլուղատնտեսական գործիքները, ֆուրգոնները և այլն:

Ձիերի դաշտային աշխատանքներին պատրաստ լինելը ստուգելու համար լավ է քրիզաղներով նախապես դաշտ դուրս գալ, որը հնարավորություն կտա հղած թերություններն ավելի լավ նկատել և զրանք վերացնել:

Գարնանային շրջանում կոլտնտեսություններում ձիերի միջոցով կատարում են հետևյալ աշխատանքները՝ փոցխումը, ցանքը, կուլտիվացիան, որոշ դեպքերում վարը և այլն: Այդ շրջանում ձիերին լայնորեն օգտագործում են նաև սերմացուն, զանազան պարարտանյութերը դաշտ տեղափոխելու, ինչպես նաև տրակտորների համար վառելանյութ և կուլտնտեսականների համար սննդամթերքներ, ջուր հասցնելու համար:

Ձիերին դաշտային աշխատանքների համար օգտագործելիս՝ պետք է ձգտել որքան կարելի է բարձրացնել նրանց աշխատանքի արտադրողականությունը, կրճատել պարապուրդները և այսպիսով ավելացնել օգտավետ աշխատանքի տեղությունը օրվա բնթացքում:

Գարնանացին աշխատանքների շրջանը համընկնում է ձիերի զուգավորման կամպանիայի սկզբի հետ, ուստի պետք է ձգտել այնպես կազմակերպել զուգավորման դորժը, որ յուրաքանչյուր զամբիկից մարումը ստացվի:

Այս հարցում մեծ նշանակություն ունի ոչ միայն զամբիկների ժամանակին սերմնավորելը, այլև նրանց աշխատեցնելու, խնամելու և կերակրելու ձիշտ ուժիմը՝ հնարավոր վաղ վիժումները կանխելու համար:

Գարնանացին դաշտային աշխատանքների համար պետք է սահմանել աշխատանքային օրվա հետևյալ ուժիմը.

ժամը 5—8 — աշխատանք.

» 8—9 — ընդմիջում նախահաշի համար.

» 9—11 — աշխատանք.

» 11—2 — հաշվա ընդմիջում և ձիերի կերակրումը խոտով և խտացրած կերերով.

» 2—5 — աշխատանք.

» 5—6 — երեկոյան հանգիստ.

» 6—9 — աշխատանքի շարունակությունը:

Ձիերի նորմալ աշխատունակության համար խտացրած կերերի պակասության դեպքում տրվում է խտացրած կեր 2 կգ, և խոտ՝ 21 կգ, որը կազմում է 11,7 կերային միավոր: Կարելի է խորհուրդ տալ օրվա աշխատակարգի հետևյալ սխեման՝

ժամը 5—7 $\frac{1}{2}$ — աշխատանք.

» 7 $\frac{1}{2}$ — 9 — կերակրում (4 կգ խոտ).

ժամը 9—11 — աշխատանք.

» 11—2 — կերակրում (5 կգ խոտ և 1 կգ խտացրած կեր).

» 2—4 $\frac{1}{2}$ — աշխատանք.

» 4 $\frac{1}{2}$ — 6 — կեսօրյա հանգիստ և կերակրում (4 կգ խոտ).

» 6—8 — աշխատանք:

Ձիերին ջրում են կերակրումներից, կեսօրյա հանգստից

և աշխատանքային օրվա վերջից 30 րոպե առաջ: Ցանկալի է ձիերին ջրել նաև ճաշվա ընդմիջման վերջում:

Նրեկոյան ժամը 8-ից մինչև առավոտյան ժամը 5-ը ձիերին հանգիստ է տրվում, որի ընթացքում 2—3 կգ կերա-
քաժիններով կերցնում են օրվա նորմայից մնացած խոտը: Ձիերին ջրում են գիշերվա ժամը 11-ին, առավոտյան ժամը 4-ին և աշխատանքի դուրս գալուց առաջ:

Առավոտյան ժամը 4-ին ձիերին տալիս են 1 կգ վար-
սակ: Այս պայմաններում 400 կգ քաշ ունեցող ձին պետք է
կատարի մոտ 1500 կիլոգրամոկիլոմետր աշխատանք, որը
մոտավորապես կհամապատասխանի 0,6 հեկտար փափուկ
վարի: Ընդմիջումների ժամանակ ձիերին կերակրում են ու
ջրում տեղում, կամ աշխատանքի վայրից ոչ հեռու: Իսկ
չորաքանչյուր 35—50 րոպեն մեկ տրվող կարճատև (11—15
րոպե) հանգստի ժամանակ, ձիերին մի քիչ խոտ են տալիս:
Հենց կանգ առած տեղում, ինչպես ասում են՝ «ափոսում»: Լավ է
շարաթը մեկ անգամ ստուգել ձիերի կենդանի քաշը
և վերջինս նկատելի չափով պակասելու դեպքում, ուժեղաց-
նել կերակրումը: Նիհարելու հետևանքով ձիու անուրբ
(խոմուտը) իր վրա մեծանում է և շփման տեղում շատ հեշ-
տությամբ վերք առաջացնում: Դրա համար պետք է միշտ
հետևել, որ եթե անուրբ տվյալ ձիուն արդեն չի համապա-
տասխանում, անհրաժեշտ է նորից հարմարեցնել նրան:

Դաշտավարական բրիգադի բրիգադիրը նախօրոք որո-
շում է, թե տվյալ հողամասը քանի դուլս ձի է հարկավոր
ուղարկել: Աշխատանքի ուղարկված ձիերի ավելորդ քանակը
միայն իջեցնում է նրանց ամեն մեկի արտադրողականու-
թյունը:

Ձիերի արտադրողականության բարձրացման գործում մեծ
նշանակություն ունի պայքարը դատարկ շարժընթացների
դեմ: Կոլտնտեսությունների պրակտիկան ցույց է տալիս, որ
բանող ձիերի համար կացատեղի կազմակերպումը մեծ չա-
փով նպաստում է խուսափելու դատարկ շարժընթացներից:

Եթե մշակվող հողամասը գտնվում է տնտեսությունից
մինչև 2 կմ հեռավորության վրա, ապա բրիգադի համար

նպատակահարմար է առավոտյան վաղ գալ աշխատանքի վայրը (դաշտ) և երեկոյան վերադառնալ տնտեսություն: Եւ այս այս դեպքում, վատ եղանակից պատասպարվելու համար, անհրաժեշտ է դաշտում ստեղծել հարմարություններ — շվաքարան, ծածկ և այլն:

Անհրաժեշտ է նաև ձիերի կերակրման համար ունենալ տաշտակներ և ջրելու համար՝ դուլլեր:

Եթե դաշտը տնտեսությունից բավականաչափ հեռու է գտնվում (2 կմ ավելի), ապա միանգամայն նպատակահարմար է այնտեղ կազմակերպել կացատեղ՝ կառուցելով էժանագին շենքեր (սարայներ) ձիերը պատասպարելու և լծասարքը, կերերը և ինվենտարը պահելու համար:

Ձիերի աշխատանքի արտադրողականությունը բարձրացնելու համար ցանկալի է, որ մշակվող հողամասի երկարությունը մոտ 1500 մ լինի, որի դեպքում վարի մի շրջանը ձիերը անցնում են մոտ 50 րոպեում: Դա հնարավորություն է տալիս ձիերի կարճատև կանգառները միշտ նույն տեղում ունենալ, հետևապես և ձիերի կերը, մաճկալի իրերը և նրա համար աննդամթերքները մի տեղում պահել: Որքան վարելաշերտը լայն է և կարճ, այնքան ձիերը ավելի շատ դատարկ շրջերթաց տարածություն պիտի անցնեն:

Անկախ հողամասի ձևից, վարի ժամանակ ձիերին յուրաքանչյուր 45—50 րոպեում տալիս են կարճատև (10—15 րոպե) հանգիստ: Իսկ ավելի թույլ ձիերի համար այդ դարձներն ավելի հաճախակի պետք է լինեն:

Մեր պայմաններում ձիերին ավելի հաճախ օգտագործում են փոցխելու համար: Սովորաբար փոցխումը համարում են թիթև աշխատանք, որովհետև այս դեպքում ձիու դործադրած քարշի ուժն այնքան մեծ չի լինում, սակայն հողը փութի լինելու հետևանքով հերկը փոցխելիս ձիու ոտքերը համարյա մինչև կապի հողերը խրվում են հողի մեջ, որով մեծ չափով դժվարանում է նրա աշխատանքը: Ուստի այդպիսի դեպքերում ձիու բեռնվածությունը որոշելիս այս հանգամանքը պետք է նկատի ունենալ և նրա նորմալ քարշի ուժը 20—25 տոկոս պակաս նախատեսել:

Անթուլլատրեղի է փափուկ հերկի փոցխումը կատարել
ձիու վրա նստած, որովհետև այս դեպքում ձին ավելի շատ
կխրվի հողի մեջ:

Շարքացանն աշխատեցնելիս ձիերի գործադրած բարձի
ուժը կախված է շարքացանի կոնստրուկցիայից, նրա խո-
փիկների կամ դիակերի քանակից, ցանքի խորությունից և
հողի որակից: Այդ դեպքում ես փափուկ, փուփուր հերկի վրա
ցանք կատարելիս ձին ավելորդ էներգիա է ծախսում:

Գարնանացանի աշխատանքներին սովորաբար հաջորդում
է ցիլերի մշակումը: Վաղ ցիլերի մշակման ժամանակ կա-
րելի է առաջնորդվել ձիերի օգտագործման այն կարգ ու
կանոնով, ինչ որ ընդունված է գարնանացանի ժամանակ:

Լավ է գարնանացանի և վաղ ցիլերի մշակման աշխա-
տանքները ավարտելուց հետո ձիերին 10—15 օրով հան-
գիստ տալ: Այդ ժամանակաշրջանում սկսվում է արոտային
շրջանը և ձիերին կարելի է տալ նաև քաղած կանաչ խոտ:
Եթե մինչև խոտհնձի աշխատանքների սկսվելը դեռ բավա-
կանին ժամանակ կա, ապա ձիերին կարելի է օգտագործել
միջշարքային մշակութային և ներտնտեսական դանազան
փոխադրումների համար:

ՉԻՌԻ ԱՄԱՌԱՅԻՆ ԱՇԽԱՏԱՆԲԸ

Ամառային շրջանում ձիերի կատարած աշխատանքի ծա-
վալն ավելի մեծ է լինում և ավելի բազմազան: Ամառվա
ընթացքում ձիերը հիմնականում օգտագործվում են խոտ-
հնձի, հացահատիկների բերքահավաքի, շարքահերկ կուլ-
տուրաների մշակութային և աշնանացանի համար հողամա-
սեր նախապատրաստելու, իսկ լեռնային շրջաններում մինչև
անգամ՝ աշնանացանքի մի մասը կատարելու համար: Ռված
բոլոր աշխատանքները ժամանակին կատարելու համար ան-
հրաժեշտ է կազմել կենդանի քաշող ուժի, այդ թվում և ձիե-
րի աշխատանքի մանրամասն պլանը: Պլանում պետք է նա-
խատեսնել ձիերի լայն օգտագործումը, առանձնապես բեր-
քահավաքի մեքենաներն աշխատեցնելու համար, ինչպես,

օրինակ՝ խոտհար, հնձի մեքենաները, ձիափոցները և այլն։ Այս անհրաժեշտ է նրա համար, որ ձիու ամառվա բոլոր աշխատանքներից կարևորը բերքահավաքն է։ Ամռանը ձիերին մեծ շափով պետք է օգտագործել նաև պետպարտավորությունների գծով, հանձնվելիք գյուղատնտեսական մթերքները ժամանակին նշանակված պունկաերը փոխադրելու համար։

Բերքահավաքի շրջանում ձիերի աշխատանքը պետք է սկսել արեածաղին և վերջացնել արևը մայր մտնելու ժամանակ, տալով նրանց 2—3½ ժամ հանգիստ՝ ճաշին և ամօլի կարճատև հանգիստ՝ նախաճաշին և ճաշից հետո, շճաշված 45—50 բուպեն մեկ անգամ տրվող կարճատև կանգառները։

Խոտհար և հնձող մեքենաներն աշխատեցնելիս նպատակահարմար է կազմակերպել ձիերի երկհերթ հերթափոխային օգտագործումը, մասնավանդ, երբ մեքենաների պահուս է զգացվում։ Ամենից հարմար է ձիերի հերթափոխային աշխատանքը կազմակերպել հետևյալ ձևով՝ մեկ հերթափոխը աշխատեցնել մինչև ցերեկվա բնոմիջումը, մյուսը՝ բնոմիջումից հետո, օրվա երկրորդ կեսին։ Եթե ձիերը ուժեղ լին, ապա պետք է ձիերի հերթափոխությունը 3—4 անգամ կատարել։

Ձիերի մասսայական օգտագործման ժամանակ նպատակահարմար է մեքենաների վերանորոգումը կազմակերպել տեղում — դաշտում, որը հնարավորություն կտա կրճատելու ձիերի պարապուրդները։

Էծասարքը փշացնելու պատճառով առաջացած պարապուրդները կրճատելու համար, ձիերի վրա աշխատող կուտնտեսականները պետք է իրենց հետ ունենան վերանորոգման համար անհրաժեշտ գործիքներ և նյութեր՝ լծասարքն անմիջապես վերանորոգելու համար։ Խոտհար, հնձող և բերքահավաքի լայ մեքենաներն աշխատեցնելիս, պետք է ի նկատի ունենալ այն, որ աչ կողմի ձին (մեքենայի կտրող մասի կողմը) ամօլի է ուժ գործադրում, քան ձախ կողմի ձին, դրա համար աչ կողմում լծած ձին պետք է ամօլի ուժեղ լինի, քան ձախ կողմում լծածը։

Թեթև մեծածավալ բեռների, ինչպես, օրինակ՝ խոտի, ծղոտի, օրանի տեղափոխման ժամանակ, սալը, ֆուրգոնը պետք է հարմարեցնել այդ նպատակի համար։ Մեծածավալ բեռների տեղափոխման համար ամենից լավ է ունենալ ուկրաինական տիպի գրոբինաներով սալեր, որոնք ոչ միայն հնարավորություն են տալիս փոխադրումները անկորուստ կատարելու, այլև բեռի բարձումը կատարելու ավելի կարճ ժամանակամիջոցում, կրճատելով դրա համար պարապուրդը. պարապուրդների կրճատման հարցում մեծ նշանակություն ունի սալերը կամ ֆուրգոնները բարձելու և բեռնաթափելու համար պահանջվող ժամանակամիջոցի կրճատումը։

Թեև խոտհար, հնձի և բերքահավաքի այլ մեքենաներն աշխատեցնելու համար ձիերի զործադրած քարշի ուժն այնքան էլ մեծ չէ, բայց և այնպես նրանց համար այդ աշխատանքը հանդիսանում է ծանր, քանի որ ձիերից այն պահանջում է բավականին մեծ արագություն (1 ժամում 4,5—5 կմ)։ Դրա համար նշված մեքենաներին պետք է լծել ավելի ուժեղ և տոկուն ձիեր, որոնք նաև բնդունակ լինեն արագ քայլելու։ Տնտեսություն մեջ այդպիսի ձիերի բացակայությունը դեպքում երկու ձիու փոխարեն երեք ձի են լծում։

Որովհետև բերքահավաքի աշխատանքները կատարվում են տարվա շոգ եղանակներին, ապա պետք է հսկել, որ ձիերին հաճախակի ջրեն, այն է՝ օրական հինգ անգամ։

Խոտհնձի շրջանում, քանի որ ձիերին ամեն 2—3 ժամը մեկ կերակրում են թարմ հնձած կանաչ խոտով, խտացրած կերերի քանակը պետք է զգալի չափով կրճատել։ Այդ շրջանում սովորաբար կանաչով կերակրում են կարճատև բնդմիջումների ժամանակ, իսկ խտացրած կերերը տալիս են ճաշվա մեծ բնդմիջումին և առավոտյան՝ մինչև աշխատանքն սկսելը։ Գիշերը ձիերին կերցնում են քաղած կանաչ խոտ, կամ թույնում արածելու։

Բերքահավաքի ընթացքում ձիերի աշխատանքի կարգ ու կանոնն ըստ էության մնում է նույնը, ինչ որ դարնանացանի աշխատանքների ժամանակ։

Աշնան ընթացքում ձիերի կատարած աշխատանքը հիմնականում հետեւյալն է. հացահատիկային կուլտուրաների բերքահավաքի ավարտումը և կալսումը, աշնանացանը, ցրտահերկը, կարտոֆիլի բերքահավաքը և այլն: Բացի դաշտային աշխատանքներից, աշնանը ձիերին լայնորեն օգտագործում են զանազան բեռների տեղափոխման համար, ինչպես, օրինակ, բերքի փոխադրումը դաշտերից մթերման կայանները կամ կոլտնտեսությունների պահեստները, վառելիքի տի, շինանյութերի փոխադրումը և այլն:

Թված բոլոր աշխատանքները ձիուց մեծ լարվածություն են պահանջում, ինչպես, օրինակ, կարտոֆիլի և հակնդեղի բերքահավաքը, փափուկ դաշտի միջով բերքի տեղափոխումը, կամ ցրտահերկը, որը որպես կանոն կատարում են զգալի խորությունը:

Աշնան աշխատանքն ավելի լարված է լինում նաև այն պատճառով, որ ցերեկը, հետևապես և աշխատանքային օրը, ավելի կարճ է լինում, քան ամառվա ամիսներին: Այդ շրջանում հզի զամբիկների մեծ մասն արդեն ազատված է լինում ծանր աշխատանքից և օգտագործվում է միայն թեթև աշխատանքների համար, ինչպես, օրինակ, անասնապահական ֆերմաների սպասարկումը:

Աշնանային դաշտային աշխատանքների, մանավանդ կարտոֆիլի բերքահավաքի համար, հատկացնում են ամենաուժեղ ձիերին (առաջին խմբից) այդպիսիների պակասի գեպում մեկ յծի մեջ ավելացնում են ձիերի քանակը: Նույնը կարելի է ասել աշնանավարի՝ ցրտահերկի աշխատանքների մասին, որոնց համար նույնպես պահանջվում են ուժեղ և տոկուն ձիեր:

Միջակ, թույլ և հզի զամբիկներին պետք է օգտագործել ավելի թեթև աշխատանքների համար:

Վարի ժամանակ ձիերի աշխատանքը որոշ չափով թեթևացնելու համար անհրաժեշտ է դոթանները միշտ սարքին պահել, իսկ խոփերը ժամանակին դողել:

Աշնանը, ցերեկները կարճանալու հետեանքով, աշխատանքային օրը շատ չկարճացնելու համար, պակասեցնում են ընդմիջումների քանակը՝ երեք ընդմիջման փոխարեն տալով 2 ընդմիջում, կամ ընդմիջումների քանակը թողնելով նույնը, կրճատում են նրանց տևողությունը: Այդպիսի կրճատում հնարավոր է միայն այն դեպքում, երբ ձիերն ընդմիջումների ժամանակ, բացի խոտից, ստանում են 1,5—2 կգ ճզմած կամ ջարդված հացահատիկ:

Ձիերի կերակրման համար օգտագործում են նաև կարճատև հանգիստները (15 րոպե), որոնք նրանց տրվում են լծած միճակում, աշխատանքի տեղում (ակոսում): Ինչպես և մյուս բոլոր դեպքերում, ձիերին ջրում են ընդմիջումից և կերակրումից 30 րոպե առաջ:

Ինչպես վերևում նշեցինք, ցրտահերկը ձիերի համար ամենածանր աշխատանքներից մեկն է համարվում, դրա համար էլ նպատակահարմար է և միանգամայն ձեռնառնել մեկ զույգ ձիու փոխարեն լծել չորս կամ ավելի ձիեր:

Այսպես, եթե 2 ձին մի խոփանի գլխանով օրական վարեն 0,5—0,7 հեկտար տարածություն, ապա չորս ձին երկխոփանի գլխանով (ընդգրկումը՝ 54 սմ) նույն ժամանակամիջոցում կկատարեն 1,3 հեկտար: Բազմաձիանի յուժքն իրեն առանձնապես արդարացնում է տնտեսության մեջ աշխատավոր ձեռքերի պակաս զգացվելու դեպքում:

Աշնան սեզոնում տրանսպորտի աշխատանքները (բեռների տեղափոխումը) ձիերի աշխատանքի մեջ մեծ տեղ են գրավում, մանավանդ հնձած հացահատիկի (քուլաշի) տեղափոխումը, ինչպես նաև զանազան շինանյութերի փոխադրումն անասնաշենքերի և այլ շինարարության համար:

ՉԻՈՒ ՉՄԵՌԱՅԻՆ ԱՇԽԱՏԱՆՔԸ

Չմեղը ձիերին օգտագործում են կոլտնտեսության համար անտառանյութ փոխադրելու, ինչպես նաև գոմադրը դաշտ տանելու և քիմիական պարարտանյութերը տեղափոխելու համար:

Զմեռային շրջանում ձիերին ավելի մեծ չափով են օգտագործում անասնապահական թերմաների սպասարկման համար, թեև բանող ձիերի քանակը այդ շրջանում պակասում է այն պատճառով, որ գամբրիկների մեծ մասն արդեն հղիության վերջին շրջանում են լինում, երբ ծնելուց 2 ամիս անաջ բոլորովին դադարում են նրանց աշխատեցնել:

Ավելի նպատակահարմար է ձիերին առաջին հերթին օգտագործել կոլտնտեսությունից դուրս կատարվող փոխադրումների համար, իսկ ներտնտեսական աշխատանքները կատարել եղներով:

Զմռան ընթացքում ձիերի օգտագործումը պետք է կազմակերպել այնպես, որ նրանք միևնույն ժամանակ նախապատրաստվեն դարնանային աշխատանքներին: Շատ հաճախ ձիերն աշնան աշխատանքների վերջում լինում են նիհար և մինչև անգամ՝ հյուծված: Այդպիսի ձիերին հարկավոր է տալ երկարատև հանգիստ և միևնույն ժամանակ լավացնել նրանց կերակրումն ու խնամքը այն հաշվով, որ դարնանային սեզոնի սկզբին նրանք արդեն նորմալ վիճակում լինեմ:

Ուժեղ սառնամանիքների ժամանակ պետք է ձիերին պաշտպանել մորսիուց և ցրտահարությունից:

Պետք է հետևել, որ աշխատանքի ընթացքում ձիերը շատ չգրտնեն և աշխատանքից վերադառնալիս վերջին մեկ կիլոմետր տարածությունը անցնեն քայլով: Ախտում, մանավանդ, եթե այն ցուրտ է, աշխատանքից վերադարձած ձիերին պետք է տապալակով (ծիռ ծածկուց) ծածկել, մինչև նրանց նորմալ դրություն գալը: Նույնը պետք է անել, երբ աշխատանքի ընթացքում տաքացած ձիուն կանգնեցնում են:

Շատ խիստ սառնամանիքների ժամանակ ($-35-40^{\circ}$ և ավելի) ձիու մարմնի մազով չպատված մասերը՝ կուրծք, փոշտը, հարկավոր է յուղել ճարպով կամ վաղելիքով, այդ մասերը ցրտահարությունից պաշտպանելու համար: Այդպիսի օրերին մետաղյա սանձի վրա պետք է փաթաթել մառլա կամ շորի կտոր, որ սառը մետաղը ձիու շրթունքների անկյուններին չհպվի:

Խիստ ցուրտ օրերին բեռներ փոխադրելիս, ճանապարհին ձիուն պետք է խոտ տալ, որովհետեւ խոտը ուտելու ընթացքում ձին զգալի տաքանում է: Նույն նպատակով նաեւ ալն դեպքում, երբ ախոռը ցուրտ է, պետք է ձիերին որպէս լրացուցիչ կեր՝ տալ խոտ:

Զմեռային շրջանում եւ աշխատանքի ընթացքում ձիերին մի քանի անգամ հանդիստ է տրվում, որի ժամանակ նրանց կերակրում են ու ջրում:

Երկար տարածությունների բեռներ տեղափոխելիս, անհրաժեշտ է 10—20 կմ անցնելուց հետո ձիերին հանդիստ տալ եւ նրանց կերակրել:

Սալը (ֆուրդներ) դատարկ քշելիս, լավ է 2—3 կմ գնալ վարդով, 0,5—1 կմ՝ քայլով, եւ այսպէս շարունակ:

Զմեռը ձիերին պետք է պայտել ձմեռային պայտով, հակառակ դեպքում ձիու արտադրողականությունը մեծ չափով կրնի նվազել, իսկ հաճախ նրան աշխատեցնել անհմարին կդառնա:

ՉԻՈՒ ԱՇԽԱՏԱՆԲԸ ՏԲԱՆՍՊՈՐՏՈՒՄ

Գյուղատնտեսության մեջ ձին, բացի դաշտային աշխատանքներից, լայնորեն օգտագործվում է նաեւ փոխադրումների (տրանսպորտի) համար:

Կուլանտեսությունների խոշորացման, ագրոտեխնիկայի ավելի բարդացման եւ բերքատվության բարձրացման հետ միասին՝ տրանսպորտային աշխատանքների ծավալն ավելի է մեծանում: Ավտոմեքենաների քանակի ավելացումը կուլտնտեսություններում ամենեին չի նսեմացնում ձիու դերը տրանսպորտային աշխատանքների մեջ:

Ավտոմեքենաները գլխավորապէս օգտագործում են ծանր բեռները հեռու տարածությունների վրա տեղափոխելու համար: Թեթեւ քաշ ունեցող մեծածավալ բեռը ձեռնառու չէ ավտոմեքենայով փոխադրել, մանավանդ կարճ տարածությունների վրա: Այդպիսի դեպքերում նպատակահարմար է օգտագործել կենդանի քաշող ուժը եւ առաջին հերթին՝ ձիերը:

Ձիերը լայնորեն օգտագործում են դոմադրը, հանքային

սյարարտանյութերը, սերմացուն, զանազան կերերը, չուրը
գաշտ տեղափոխելու համար, ինչպես նաև մարդագետիներնե-
րից և դաշտերից հարած խոտն ու օրանը գյուղ տեղափո-
խելու համար:

Տրանսպորտային աշխատանքներում ձիերի արտադրո-
ղականությունը բարձրացնելու համար մեծ նշանակություն
ունի նրանց բեռնվածության չափի ճիշտ որոշումը, լծա-
սարքի լավ վիճակը և կերակրման, ջրելու ու խնամքի ճիշտ
ունեցումը:

Ներառականային փոխադրումների ժամանակ, բացի ճաշ-
վա ընդմիջումից, ձիերին կերակրում են նաև շատ թե քիչ
երկար կանգառների ժամանակ (սալլի բարձում, բեռնա-
թափում), նույնը կարելի է ասել նրանց ջրելու նկատմամբ:
Բեռները երկար տարածությունների վրա փոխադրելիս, թույլ
ձիերին կերակրում են ճանապարհին հանգիստ տալով՝ յու-
րաքանչյուր 15 կմ ճանապարհ անցնելուց հետո, իսկ ավելի
ուժեղ և տոկուն ձիերին՝ 20—25 կմ-ից հետո: Կերակրումից
հետո ձիերն առնվազն 2 կմ պետք է քայլով գնան, որից
հետո միայն կարելի է նրանց բշկ վարգով (ոխ): Հեռա-
վոր փոխադրումների ժամանակ ձիերին ջրում են կանգա-
ռից (ընդմիջումից) կես ժամ առաջ, ըստ որում, եթե ձիերը
քրտնած են կամ տաքացած, ապա նրանց ջրում են սանձը
բերանին, կամ էլ ջրի վրա զցում են մի բուռ խոտ:

Որպես կանոն, տրանսպորտային աշխատանքների ժամա-
նակ ճանապարհի սկզբի և վերջի 1—2 կմ տարածությունը
պետք է անցնել անպայման քայլով:

Ձիերին՝ ճանապարհին կերակրելու համար օգտվում են
տոպրակներից, պարկերից և ցանցերից, որոնք այս նպա-
տակի համար միանգամայն հարմար պետք է համարել:

Ձիու աշխատանքը թեթևացնելու տեսակետից բավականին
մեծ նշանակություն ունի բեռի դասավորումը սալակի
վրա: Այսպես, եթե ճանապարհը շատ անհավասար է, խոր-
դուրսդուրյուններով և վերելքներով, այդ դեպքում ավելի
շատ ծանրաբեռնում են սալակի առջևի մասը, իսկ ճանա-
պարհը հարթ, լավ լինելու դեպքում՝ ընդհակառակը, բեռի

ծանրության ավելի մեծ մասը զցում են հետևի անիվների վրա, դրանով իսկ պակասեցնելով սալի ղիմագրությունը:

Ցեխի, վատ ճանապարհի դեպքում ավելի նպատակահարմար է լծած ձիերի քանակը ավելացնել, քան թե բեռի չափը պակասեցնել:

Տրանսպորտային աշխատանքների համար ավելի ձեռնառու է երկու ձի լծել սալակին, ֆուրգոնին, որովհետև մեկական ձի լծելու դեպքում քարշի ուժի ավելի մեծ մասը կդնւ գատուրկ սալակի տեղափոխման համար:

ՀՂԻ ԵՎ ԾԾՄԱՅՐ ԶԱՄԲԵԿՆԵՐԻ ՕԳՏԱԴՈՐԾՈՒՄԸ

Ձիերի գլխաքանակի ընդլայնացրած վերաբաղությունն առաջովելու համար անհրաժեշտ է հղի և ծծմայր զամբիկների օգտագործման հարցին առանձնահատուկ մոտեցում ունենալ:

Հղի զամբիկների նկատմամբ հղիության սկզբից եեթ անհրաժեշտ է ցուցաբերել հոգատար վերաբերմունք՝ հնարավոր վաղ վիժումները կանխելու և զարգացող սաղմի համար բարենպաստ պայմաններ ստեղծելու նպատակով:

Այս տեսակետից չափազանց մեծ նշանակություն ունեն կառավարության և պարտիայի որոշումները՝ հղի զամբիկների օգտագործման հարցի վերաբերյալ:

Կառավարությունը և պարտիան խորհուրդ են տալիս կուտնավարչություններին՝ ծանր աշխատանքից ազատել այն հղի զամբիկներին, որոնց արգեն տրված է պահպանական վկայագիր (հղիության 6-րդ ամսից), միևնույն ժամանակ՝ բարձրացնել հղի և ծծմայր զամբիկների վրա աշխատող կուտնտեսականների աշխատանքի վարձատրման նորմաները:

Բացի դրանից, ծնելուց 2 ամիս առաջ և ծնելուց հետո, առաջին 15 օրերի ընթացքում, զամբիկներին աշխատեցնելը բոլորովին արգելվում է:

Նշված միջոցառումները իրագործելու համար բոլոր կուտնտեսությունները, համաձայն ՍՍՌՄ Գյուղատնտեսության

մինիստրության 1949 թ. 21/10 հրամանի, պարտավոր են տարին մեկ անգամ իր ժամանակին ստուգել սերմնավորված բոլոր զամբիկներին՝ հղիներին հայտնաբերելու և նրանց պահպանական վկայագրեր տալու համար:

Նույն որոշմամբ նախատեսվում է 1950 թվականից կուտոնտեսություններում և սովխոզներում ռեկտալ մեթոդով յուրաքանչյուր զամբիկի հղիությունը որոշելու համար վճարել 3 ռուբլի:

Քացի դրանից, ՍՍՌՄ Մինիստրների Սովետի 1948 թ. 19/4 որոշման համաձայն յուրաքանչյուր վիժած զամբիկի դիմաց մեղավոր անձից պահվում է 20 աշխօր:

Համաձայն ՍՍՌՄ Մինիստրների Սովետի և Համկ(բ)Պ ԿԿ-ի որոշման, կուտոնտեսություններում ապրանքային ձիաբուծությունն ավելի ևս զարգացնելու նպատակով, կուտոնտեսություններին թույլ է տրվում ձիաբուծության զարգացման պետական պլանը և ձիերի վաճառման առաջադրանքը կատարելուց հետո, կուտոնտեսության անդամների ընդհանուր ժողովի որոշմամբ, ձիերի արտապլանային գլխաքանակից վաճառել ուրիշ կուտոնտեսություններին և ստացված գումարի 50%-ը բոտ աշխօրերի բաժանել կուտոնտեսականների միջև:

Ինչպես նշեցինք, զամբիկների հղիության սկզբի շրջանից, նրանց արտադրանքումներն անհրաժեշտ է պահպանել, հասցնելով նորմալ բեռնվածության 3/4-ին:

Հղի զամբիկներին օգտագործում են համեմատաբար ավելի թեթև աշխատանքներում (կուլտիվացիա, փափուկ վար և այլն) և լավ հանապարհներով բեռների տեղափոխման համար:

Ավելի նպատակահարմար է հղի զամբիկների աշխատանքը թեթևացնել, լծելով ավելի թվով ձիեր, աշխատանքի ժամալը թողնելով նույնը:

Հղի զամբիկներին օգտագործելիս, պետք է խուսափել այնպիսի աշխատանքներից, որոնք համարվում են թեթև, բայց կարճ ժամանակամիջոցում պահանջում են ուժերի մեծ լարվածություն, ինչպես, օրինակ՝ կարտոֆիլի, հակնդեղի տեղափոխումը դաշտից, բեռների փոխադրումը այնպիսի

ճանապարհով, որտեղ կան ուժեղ խոչընդոտներ և այլն: Նույնը կարելի է ասել բերքահավաքի մեքենաները (խոտհար, հնձող) աշխատեցնելու վերաբերյալ, այն իմաստով, որ այս դեպքում թեև ձիերից այնքան էլ ուժ չի պահանջվում, բայց դրա փոխարեն պահանջվում է բավականին մեծ արագություն, որի հետևանքով նրանց աշխատանքը դառնում է շատ լարված:

Թույլ չի տրվում հզի զամբիկներին քշել շատ արագ, ինչպես նաև կատարել շատ խիստ, հանկարծակի շրջումներ:

Վաղ գարնանը, ձնհալքի ժամանակ, լավ է հզի զամբիկներին ամենևին չաշխատեցնել: Նույնը կարելի է ասել աշնան-ձմռան ամիսների մասին, երբ հզի ձիերին կամ բոլորովին ազատում են աշխատանքից և կամ նրանց օգտագործում են շատ թեթև աշխատանքների համար:

Հզի զամբիկներին օրվա բնթացքում պետք է կերակրել և ջրել առնվազն 6 անգամ, իսկ աշխատանքի ժամանակ՝ յուրաքանչյուր 2—3 ժամը մեկ անգամ:

Մեծ նշանակություն ունի աշխատանքից բոլորովին ազատված հզի զամբիկների ճիշտ կերակրումն ու խնամքը: Անհրաժեշտ է ամեն օր կերակրումից հետո նրանց դուրս թողնել զրոսանքի, այդ նպատակի համար հատկացված հատուկ տեղում:

Բաց օդում գտնվելը չափազանց բարերար և ազդեցություն է թողնում ձիու օրգանիզմի վրա՝ ուժեղացնում է նյութերի փոխանակությունը և բարենպաստ պայմաններ է ստեղծում սաղմի զարգացման համար:

Եթե ձիերի ուսցիտնում բացակայում է բարձրորակ վիտամիններ պարունակող խոտը, ապա հնարավոր միջոցները կանխելու համար օգտավետ է հզի զամբիկներին տալ ծլած հացահատիկ:

Հզի զամբիկներին կերակրելու ժամանակ առանձնակի ուշադրություն պետք է դարձնել կերի որակի վրա: Յածրոքակ, փշացած, նեխած, սառած կերերը հաճախ առաջացնում են վիժում:

Մեկուց 8—10 օր առաջ, զամբիկներին տրվելիք կերի

ընդհանուր քանակը պետք է որոշ շափով կրճատել. լավ է աչդ օրերին նրանց տալ 5—6 կգ խոտ և 2—3 կգ ցորենի թեփ, կամ նույն քանակությամբ ջարդած վարսակ: Նշված խտացրած կերերը լավ է տալ թրջած միճակում:

Երբ զամբիկի կացոցում նեղվածք է, ապա ծնից մի քանի օր առաջ անհրաժեշտ է նրան տեղափոխել ավելի տղատ տեղ, միաժամանակ ավելացնելով ցամաքի քանակը:

Հղիության վերջին օրերին, հղի զամբիկների նկատմամբ պետք է խիստ հսկողությունն սահմանել, հարկ եղած դեպքում նրանց օգնությունն ցույց տալ: Մենուց հետո, առաջին մի քանի օրը զամբիկներին տալիս են միայն խոտ և թեփ՝ խաշիլի ձևով:

Հինգերորդ օրվանից ուսցիոնի մեջ աստիճանաբար մտցնում են հատիկաչին կերեր, օգտավետ է տալ նաև դազար, կանաչ կեր, կամ մտրուկի հետ զամբիկին թողնել արածելու:

Ինչպես վերևում ասվեց, մայր զամբիկներին սկսում են աշխատեցնել՝ ծնելուց 15 օր հետո, միայն աստիճանաբար ավելացնելով նրանց բեռնվածությունը:

Ծծմայր զամբիկին աշխատեցնելիս անհրաժեշտ է մեծ խնամքով վերաբերվել մտրուկի հետ: Լավ է առաջին 3—4 ամիսների ընթացքում մտրուկին միշտ թողնել մոր հետ, իսկ դրանից հետո, մինչև ծծից կտրելը (6—7 ամսական հասակը), կարելի է մորից պահել անջատ, սակայն նրանից ոչ հեռու և հաճախակի թողնել մորը ծծելու:

Մենուց հետո առաջին ամիսներին զամբիկներին չպետք է օդադործել երկար ճանապարհներ անցնելու համար, քանի որ մտրուկն անընդհատ մոր հետևից վազելով հոգնում է և հո է մնում նրանից:

Պետք է խուսափել ծծմայր զամբիկներին օդադործել խոտհար, հնձող մեքենաների վրա, որովհետև մոր կողքից վազող մտրուկը հեշտությամբ կարող է հարող մեքենայի դանակի տակն ընկնել:

Զիւ աշխատունակութիւնը մեծ չափով կախված է լծա-
սարքի որակից: Վատորակ, սխալ պատրաստված և տվյալ
ձիւ վրա լավ չհարմարեցված լծասարքը ոչ միայն դնում է
ձիւ արտադրողականութիւնը, այլև հաճախ ձիւ մարմնի
վրա առաջացնում է դանազան վերքեր և վնասվածքներ, որի
հետևանքով ընկնում է ձիւ արտադրողականութիւնը և կամ
երկար ժամանակ ձին բոլորովին շարքից դուրս է գալիս:

Ամենից առաջ լծասարքը պետք է լինի ամուր, թեթև և
ձիւ վրա լավ նստած, ախինքն աչնախ, որ ձիւ մարմնի
դանազան մասերում վնասվածքների շառաջացնի, չկաշկանդի
ձիւ շարժումները և չդժվարացնի նրա շնչառութիւնն ու ար-
շան շրջանառութիւնը:

Սովորաբար ձիւ լծասարքի մէջ մտնում են հետևյալ
հիմնական մասերը. 1) սանձը, 2) անուրը (խոմուտը), 3)
լծաթամբիկը իր փորքաշով, 4) շրջափուկը (շլեյա), 5) լծա-
թամբիկի փուկը (չերեղսեղենիկ), 6) երասանը (վոժը), 7)
աղեղը (դուզա), 8) ձգափուկը (պոստրոմկա), 9) նոխտան և
այլն:

Սանձը ծառայում է միայն ձիւ ղեկավարման համար և
նա չպետք է ձիուն կապելու համար օգտագործել:

Սանձը պետք է լինի անհրաժեշտ ամրութիւն և լավ
նստի ձիւ գլխին, այլ կերպ առած՝ սանձի բոլոր մասերը
ըստ իրենց չափի պետք է համապատասխանեն գլխի բոլոր
աչն մասերին, որ նրանք ընդգրկում են:

Անուրը հանդիսանում է լծասարքի ամենագլխավոր և
պատասխանատու մասը: Աշխատանքի ժամանակ քարշի
ուժի հիմնական ճնշումը ընկնում է անուրի վրա, դրա հա-
մար էլ ձիւ աշխատունակութիւնը մեծ չափով կախված է
անուրի որակից և նրա՝ ձիւ վրա հարմար նստելուց:

Անուրը պետք է լինի ամուր, ըստ իր չափի և ձևի հա-
մապատասխանի ձիւ պարանոցին, կիպ հարի (հենվի) նրան,
ուսերին (թիակներին) և մեղավին, իսկ իր ստորին մասով՝
բաղկաթիակաչին հողերին:

Ձիու վրա լավ հարմարեցրած անուրը իր վերևի մասում կաշում է մնդավին և հենվում է պարանոցի կատարին, կողքերից՝ թիակի մկաններին, իսկ իր ստորին մասով՝ բազկաթիակային հոդերին (տե՛ս նկ. 39, 40):



Նկ. 39. Ձիու պարանոցի չափելը՝ անուրի Լրկարությունը որոշելու համար:

Ձիարուծության ինստիտուտի ուսումնասիրությունները պարզել են, որ անուրի լավագույն դիրքը ձիու վրա այն է, երբ նա հիմնականում հենվում է թիակի (ուսի) առջևի եզրի մեջտեղի վրա, իսկ դրանից ցածր՝ բազկաթիակային հոդի հատվածում, և պարանոցի առջևի եզրի վրա ավելի քիչ է ճնշում դորժադրում: Նույնը կարելի է ասել անուրի վերևի հատվածի մասին, որը չպետք է ճնշի թիակների աճառների վերևի ծայրերը և մնդավի ամբողջ հատվածը, ինչպես վերևից, այնպես էլ կողքերից:

Ահձ անուրը ձիու մնդավի և ուսերի վրա վնասվածքներ
4. առաջացնում: Չափից դուրս լայն, բայց կարճ անուրը
ձնշում է շնչափողը՝ դժվարացնելով ձիու շնչառությունը, և
տրորում է ուսերը: Նեղ, բայց երկար անուրը վնասվածքներ
5. հասցնում մնդավին, իսկ փոքր անուրը՝ աշխատելու ժա-
մանակ խեղդում է, շնչասպառ է անում ձիուն: Յուրաքան-
չյուր ձի պետք է ունենա իր անուրը:

Անուրն բնորելիս, նախօրոք վերցնում են ձիու պարանոցի
շափը հետևյալ կերպ. անուրի երկարությունը որոշելու հա-
մար չափում են ձիու պարանոցի հիմքը երկարությունը՝ ու-
սին (թիակին) դուրսհեռ, չափում են սանտիմետրով և ստա-
ցած մեծությունը ավելացնում են՝ 3—4 սմ, եթե անուրը
թեթև տիպի է, և 6 սմ, եթե անուրը տրանսպորտի ծանր
ձիերի համար է: Անուրի լայնությունը որոշելու համար կար-
կինով չափում են պարանոցի հաստությունը, պարանոցի
հիմքի մոտ՝ մեջտեղում:

Գլուղատնտեսական ստանդարտ անուրները հաճախ
հարմար չեն լինում և լավ չեն նստում ձիու պարանոցի վրա:
Այդպիսի դեպքերում հարկավոր է անուրը վերասարքել,
ձևափոխել, հարմարեցնելով տվյալ ձիուն:

Ավելի հարմար պետք է համարել Ա. Բ. Վոյեյկովի շար-
ժական անուրը: Այս սխեմայի անուրները, ինչպես և գլու-
ղատնտեսական ստանդարտ անուրները տարբեր համարների
են լինում, բայց շարժական լինելու հետևանքով այդ անու-
րի երեք համարը փոխարինում են ստանդարտ անուրի 10
համարին: Շարժական անուրը այնպես է պատրաստված, որ
հնարավորություն է տալիս երկարությունն ու լայնությունը
փոխել ստանդարտ անուրի 4 համարների սահմաններում:
Այդ տիպի անուրի փոփոխումը կարելի է կատարել հեշտու-
թյամբ, առանց մասնագետի օգնության, հարմարեցնելով
ամեն մի ձիուն:

Փորձը ցույց է տվել, որ շարժական անուրի օգտագոր-
ծումը դաշտային և տրանսպորտի աշխատանքների ժամա-
նակ, պաշտպանում է ձիերին վնասվածքներից: Ավելորդ չենք
համարում նշել, որ շարժական անուրի կառուցվածքը շատ



Յի. 40. Զիւն պարանոցի շափելը անուրի լաշնությունը որոշելու համար:


Հասարակ է, այնպես որ կարելի է պատրաստել մինչև անգամ կոլանտեստիլյունների արհեստանոցներում:

Լծարամբիկը ծառայում է լծասարքի մնացած բոլոր մասերը, անուրը, աղեղը, կողարեղին և այլն պահելու համար, և լուծը դարձնում է կայուն: Լծարամբիկները լինում են երկու տիպի՝ տափակ և սապատավոր: Առաջինը գործադրվում է ցածր, լայն և մսեղ մնղավ ունեցող ձիերի համար, իսկ երկրորդը՝ աչն ձիերի համար, որոնց մնղավը բարձր է ու նեղ:


Սապատավոր լծարամբիկն առանձնապես անհրաժեշտ է այն զնաքերում, երբ մնղավի վրա, մեջքի առջևի մասում վերք է լինում: Այդպիսի լծարամբիկը հենվում է մեջքի մկանների վրա, ամենևին չբավելով մնղավին և դրանով իսկ հեշտացնելով վերքի լավացումը:

Զիւն լծկիս, լծարամբիկի փոքրաչը պետք է պինդ ձղել, որ թամբիկը պինդ իր տեղում մնա:

Լծարամբիկի փոկը և փոքրաչը անուրին ձիւտ դիրք



Նկ. 41. Տափակ լծաթամբիկ:



Նկ. 42. Սաղատաձուր լծաթամբիկ

տալու համար պետք է համահավասար կերպով ձգված լինեն: Եթե լծաթամբիկի փոկը շատ է ձգված, այդ դեպքում անուրը վերև է բարձրանում, իր ստորին մասով սեղմում է ձիու պարանոցը և դժվարացնում է նրա շնչառությունը: Վերելքի ժամանակ լծաթամբիկի փոկը պետք է քիչ թուլացնել, իսկ վայրէջքի ժամանակ, ընդհակառակը՝ պետք է ձգել վերև:

Շրջափոկը վայրէջքի ժամանակ պահում է անուրն առաջ սողալուց, շրջափոկի շնորհիվ ձին արգելակում է իր հետևից արագ շարժվող սալլի ընթացքը: Տրանսպորտային աշխատանքների ժամանակ, աղեղնային լուծքի դեպքում շրջափոկի գործածումը անհրաժեշտ է:

Կողաքեղինների մեջ լծած ձիու քարշի ուժի մոտ $\frac{1}{6}$ — $\frac{1}{8}$ մասը փոխանցվում է ձիու մեջքին՝ լծաթամբիկի միջոցով, այնպես որ ալդալիսի լուծքի դեպքում առանց լծաթամբիկի ձիու աշխատանքը դժվարանում է:

Երասանները ծառայում են ձիու ղեկավարման համար: Երասանները լինում են մեկ ձիանի և զույգ ձիանի լուծքի համար և կողքից լծվող (աուծի) ձիու համար:

Երասանները պետք է պատրաստված լինեն ամուր նյութից:

Աղեղը գործածվում է այսպես կոչված ուռսական լուծքի դեպքում: Նա ծառայում է ոչ միայն անուրը կողաքեղինների



Նկ. 43. Մշակված տիպի աղեղներ:

(օգլորի) հետ միացնելու համար, այլև որպես յուրահատուկ պահանջ (ամորտիզատոր): Աղեղը ձիու ուսերը պաշտպանում է ցնցումներից, որը ուժեղ է լինում մանավանդ անհարթ տարածության վրա: Աղեղի շնորհիվ անուրը կողքերից չի սեղմվում ձիու պարանոցին, և դրանով հեշտացնում է նրա աշխատանքը:

Աղեղը պետք է լինի ամուր, առաձգական և թեթև:

Չգափոկերը պետք է լինեն ամուր և նույն երկարություն: Գլուղատնտեսական աշխատանքների համար կարելի է օգտագործել նաև փայտից պատրաստված ձգափոկեր: Այս նպատակի համար օգտագործում են ուղիղ, հարթ, մատղաշ կաղնու բույներ, որի տրամագիծը արմատի մոտ պետք է հավասար լինի 5—6 սմ: Հաստ ծայրից 5 սմ վերև շիկացած երկաթով անցք են բաց անում, մոտավորապես 4—5 սմ տրամագծով, որի միջով անց են կացնում պարանի կամ կաշվի փոքր կտորներ, սարքելով օղեր: Այդ օղերի միջոցով ձգափոկերը ամրացվում են վալյոկին. ձգափոկերի հակառակ, բարակ ծայրում հարմարանք են սարքում՝ նրանց անուրին ամրացնելու համար:

Շորկան (լյամկա կամ շլեյկա) երբեմն օգտագործում են անուրի փոխարեն: Շորկան անուրից թեթև է և առանց ղրժվարության նրան կարելի է հարմարեցնել ամեն մի ձիուն: Չնայած այս դրական կողմերին, շլեյկան իր մի շարք բացասական կողմերի շնորհիվ լայն տարածում չունի: Այսպես՝ նա ճնշում է կրծքի նեղ հատվածի վրա, որոշ չափով սահմանափակում է ձիու շարժումները և ծանր աշխատանքի ժամանակ սեղմում է ձիու կողքերը, առաջացնելով վնասվածք, այնպես որ գլուղատնտեսական աշխատանքների համար անուրն ավելի լավ պետք է համարել:

Ձիու լծասարքն անհրաժեշտ է պահել մեծ խնամքով: Ձիու վրայից հանած լծասարքը (անուրը, լծաթամբիկը և այլն) չի կարելի թողնել զետնի վրա: Լծասարքի թաղիքային մասերին, որոնք քրտնքից խոնավացած են լինում, հեշտությամբ կարող են կաշի շորացած կեղտի կտորներ, մանր քարեր և այլն, որոնք կարող են ձիու վրա վերքեր առաջաց-

նել: Աշխատանքից հետո լծասարքը հարկավոր է շորացնել, դա պաշտպանում է լծասարքը փշացումից և հնարավորութիւն է տալիս կանխել ձիու վրա վնասվածքների առաջացումը:

Լծասարքը հարկավոր է պահել միշտ մաքուր միճակում և յուզած, կախ տված՝ կախարանից: Կախարանը երկաթից չի կարելի պատրաստել, որովհետեւ նա ժանգոտովելով լծասարքը կփշացնի: Կախարանները սարքում են կա՛մ հատուկ զետեղարանում և կա՛մ փխտում այն ձիու մոտ, որին նա պատկանում է: Անուրի և լծաթամբիկի թաղիքային մասերը լավ շորանալու համար, նրանց պետք է կախ տալ թաղիքով դեպի դուրս:

Լծասարքը շորանալուց հետո, թաղիքային մասերը մաքրում են և փափկացնում՝ ճիպոտով թակելու միջոցով, իսկ կաշվի մասերը նույն նպատակով արորում են ձեռքերով: Լծասարքի կաշվի փոկերից բաղկացած մասերը՝ ձգափոկերը, շրջափոկը և այլն պետք է ոչ ուշ, քան ամիսը երկու անգամ յուզել: Յուզելու համար գործածում են հատուկ ալո նպատակի համար պատրաստված յուղանյութ, կամ յուղում են հատուկ ճարպով (լավ է ձիու ճարպով), որին ավելացնում են քիչ քանակութեամբ կուպր:

Լծասարքի մետաղյա մասերը ժանգոտելուց պաշտպանելու համար պետք է սրբել սկզբում նավթով, հետո՝ շոր շորով, իսկ վերջում՝ յուղոտ շորով: Լծասարքի յուրաքանչյուր կոմպլեկտը պետք է ամրացնել մի ձիու, որի անունը սովորաբար գրում են անուրի վրա:

ՉԻՈՒ ԼԾԱՍԱՐՔԻ ՁԵՎԵՐԸ

Տարրերում են անուրային լծասարքի հետեւյալ հիմնական ձևերը.

1) կողաքեղի-աղեղնավոր, 2) կոմբինացված, 3) ձգափոկաքեղային կամ առեղային և ձգափոկային:

Կողաքեղի-աղեղնավոր.— ավելի լայն կերպով կիրառ-

վում է ՍՍՌՄ-ի հյուսիսային մասերում՝ ինչպես ձիասայլերը, այնպես էլ գյուղմեքենաները աշխատեցնելու համար:

Կողաքեղի-աղեղնավոր լուծքի ձևն ունի այն դրական կողմը, որ այս դեպքում ձին կարող է ավելի մեծ ուժով բաշել:



Նկ. 44. Կողաքեղի աղեղնավոր լուծածք:

Լծելիս առաջին հերթին ձիու գլխին հագցնում են սանձը, հետո իր տեղն են դնում լծաթամբիկը, իսկ դրանից հետո հագցնում են անուրը շրջափոկի հետ: Անուրը ձիու վզին հագցնում են շրջված գրուխյամբ (վերևի մասը դեպի ներքև) վզի ամենաբարակ մասում, հետո անուրը նորից վզի վրա շրջում են, տալով նրան նորմալ դիրք, և տանում են իր տեղը: Դրանից հետո շրջափոկը լրիվ անց են կացնում իր տեղը և անուրի տակից ձիու բաշը հանում, սովորաբար այդ գրուխյամբ ձիուն ախոտից դուրս են բերում, իր հետ վերցնելով լծասարքի մնացած մասերը, և ձիուն մտցնում են կողաքեղիների մեջ:

Այդ ամենից հետո ձախ քեղու վրա հագցնում են լծա-

Թամբրիկի փոկը, իսկ հետո՝ փորքաշը, վերջինս կարելի է հազցնել նաև աջ քեղու վրա: Աղեղն ամրացնում են ձախ կողմից, բայտ որում անուրի ձախ օղակապը (գուժ) քեղուն ընդգրկում է ներքևից վերև, իսկ աջը՝ վերից ներքև: Նրբ աղեղն արդեն ընդունում է իր նորմալ դիրքը, այսինքն՝ երբ նա կողաքեղինների ծայրերից նույն տարածություն վրա է գտնվում, անրափոկը ձգում են այն հաշվով, որ անուրը կողքերից վիզը շսեղմի, այլ միայն ընդհուպ կաշի նրան: Ընդունված է անրափոկն այնպիսի հանգույցով կապել, որը հեշտությամբ կարելի լինի բանդել: Պետք է հետևել, որ անուրի հանգույցներն այնքան ձգված լինեն, որ աղեղը ձիու ընթացքի ժամանակ գեպի առաջ կամ գեպի հտ չթեքվի, այսինքն մնա ուղղահայաց դիրքում: Հետո աջ քեղուն կապում են ձիաթամբրիկի փոկը և ապա՝ փորքաշը: Վերջում ամրացնում են երասանները:

Լծելու կ ո մ բ ի ն ա ց վ ա ծ ձևը (առանց աղեղի) վերև հիշված ձևից տարբերվում է նրանով, որ այստեղ ձին քաշում է ձգափոկների միջոցով, իսկ կողաքեղինները ծառայում են ուղղություն տալու և վայրէջքի ժամանակ սայլը պահելու համար:

Չգափոկաբեղային-առեղային լծվածք (դիշու միջոցով) լայնորեն օգտագործվում է զույգ ձիանի լծասայլերը և դուղ-մեքենաները աշխատեցնելիս: Լծելու այս ձևը լայնորեն տարածված է ՍՍՌՄ-ի հարավային մասերում:

Զույգ ձիանի առեղային լծվածքն ունի մի շարք գրական կողմեր:

Ամենից առաջ այս ձևի լծվածքի դեպքում յուրաքանչյուր ձիուն ընկնող դատարկ սայլի ծանրությունը ավելի քիչ է լինում, որով և բարձրանում է նրանց օգտավետ աշխատանքի էֆեկտիվությունը: Տավրիշանկա կամ ստանդարտ տիպի սայլով մի զույգ ձիերով կարելի է տեղափոխել այնքան բեռ, որքան հնարավոր է գյուղացիական հինգ սայլերով, կամ կողաքեղավոր մեկ ձիանի երկու սայլերով: Դրա հետևանքով առեղային լծքի դեպքում բանող ձեռքերի տընտեսում է կատարվում:

Առեղային լծվածքի համար, քսա հնարավորության պետք է ընտրել միատեսակ աշխատունակության և առեղայեքամենտի ձիեր: Առեղը պետք է ձիու կրծքի միջին մասի բարձրությանը լինի: Անհրաժեշտ է, որ բոլոր ձգափողկերը միևնույն երկարության լինեն:

Բերքահավաքի մեքենաները (խոտհար, հնձող) աշխատեցնելիս, հաճախ առեղը ճնշում է անուրի վրա, որի հետևանքով մնդավի և բաղկաթիակային հատվածում առաջանում են վնասվածքներ: Դրանից խուսափելու համար լավ է ալգալիսի գեպերում օգտվել լծաթամբիկից, որի փոխով այնքան են ձգում ձգափողկերը, որ նրանք անուրից մինչև լծաթամբիկի փոկը հորիզոնական դիրք ընդունեն: Ինչպես ցույց են տվել փորձերը, դրանից զգալի չափով բարձրանում է ձիու արտադրողականությունը, մանավանդ ընթացքի արագությունը:

Ձգափողկային լծվածք (առանց առեղի) հանդիսանում է լծելու ամենահասարակ ձևը և գլխավորապես կիրառվում է դյուղատնտեսական գործիքները (զուլան, փոցիս և այլն) աշխատեցնելու համար: Այս ձևի լծվածքի ժամանակ միանգամաչն նպատակահարմար է օգտագործել լծաթամբիկը:

ՁԻԱՍԱՅԼԵՐ

Ձիասայլը պետք է լինի կայուն, ամուր, դյուրաշրջելի, սենենա թեթև ընթացք և հարմար լինի բեռների տեղափոխման համար:

Ձիասայլի դյուրընթացությունը զգալի չափով կախված է սոնինների և անիվների մեծությունից: Փայտյա սոնիններն առաջացնում են ավելի մեծ շփում, հեշտությամբ կտրվում են, դրա համար էլ ալգալիսի սոնիններով օժտված սայլերը, ինչպես սովորական դյուղացիական սայլերը, դյուրընթաց չեն լինում և ավելի շուտ են անպետքանում: Դրան հակառակ, երկաթե սոնիններով սայլը լինում է դյուրընթաց, ավելի ամուր և կայուն:

Անիվի տրամագիծը որքան ավելի մեծ լինի, այնքան

սայլն ավելի թեթև ընթացք կունենա: Դա բացատրվում է նրանով, որ մեծ անիվը ավելի հեշտությամբ է գլորվում, հետևաբար և զանազան խոշընդոտների վրայով ավելի լավ է անցնում, քան փոքր անիվը: Միևնույն ժամանակ մեծ անիվը ավելի քիչ է խրվում ճահճոտ կամ փափուկ գետնի մեջ: Հնայած դրան չորսականնի սայլերի անիվների տրամագիծը 100—125 սմ-ից ավելի չեն անում, նրա կայունությունը չզցելու համար: Սովորաբար սայլի առջևի խնիվներն ավելի փոքր են անում, ոլորաններով ավելի հեշտությամբ քշելու համար:

Կավահողերի և սևահողերի վրա աշխատեցնելու դեպքում անիվի շրջանակի օղազոտու (օրոդ) լայնությունը լավ է 5 սմ անել, իսկ ավաղային կամ ճահճոտ տեղերի համար՝ 6—7 սմ:

Զիաբուծության ինստիտուտի ավյալներով կողաքեղիները և սայլափոկերը (ձգալարերը) պետք է ունենան պտույտի ընդհանուր առանցք, լավ է, եթե վերջիններս ամրացված են լինում սայլի առջևի սոնիի վրա:


Ինչպես ձգափոկերի, այնպես էլ կողաքեղիների զույգը անում են միևնույն երկարության, նրանք այնպիսի երկարության պետք է լինեն, որ վարդով գնալիս կամ զառիվայր ճանապարհով իջնելիս ձիու հետևի վերջավորությունները սայլին չքսվեն: Ընդունված է բոլոր սայլերի առջևի մասը փոքր-ինչ ավելի ցածր անել՝ բեռը դեպի ետ շարժվելու համար:

Մեծ նշանակություն ունի սայլի անիվները յուղելը: Կավ է սոնիների յուղումը կատարել ամեն օր, աշխատանքից առաջ: Բացի դրանից, պետք է հետևել, որ սայլի վրայի բոլոր պնդօղակները (ղայկաները) և բոլտերը լավ ձգված լինեն:

Սովորական փայտյա սոնիներով դյուղացիական ձիասայլերը ունեն մի շարք բացասական կողմեր: Նրանց տարողությունը փոքր է, իրենց շարժման համար համեմատաբար ավելի մեծ քարշի ուժ են պահանջում, նրանց փայտյա սոնիները ավելի մեծ շփում են առաջացնում, հեշտությամբ

կոտորվում են և սովորաբար երկաթե սոնիներից ավելի երկար են լինում, որը ընթացքի ժամանակ որոշ անհարմարություններ է ստեղծում: Անհամեմատ ավելի լավ են երկաթա սոնիներով ձիասայլերը:

Գյուղատնտեսության մեջ օգտագործելու համար ամենից



Նկ. 45. Գյուղատնտեսական ստանդարտ ձիասայլ:

հարմարը պետք է համարել ստանդարտ և «տավրիչանկա» ձիասայլերը: Նրանց քաշը առանց թափքի (կուլովի) 270 կգ է, իսկ թափքի հետ միասին՝ 375 կգ, բեռնատարողությունը՝ 1500 կգ:

Նշված ձիասայլերն ունեն մի շարք առանձնահատկություններ, այն է՝ սայլի առջևի և հետևի մասերը (առաջքը և ետքը) կարելի է միմյանցից զգալի չափով հեռացնել, երկարացնելով սայլը, իսկ երկար գերաններ բեռնելու համար սայլի առջևի և հետևի մասերը կարելի է բոլորովին անջատել:

Այդպիսի սայլերի թափքը հարմար է դանազան տեսակի բեռների տեղափոխման համար: Մեծածավալ բեռներ տեղափոխելու համար ստանդարտ սայլերը կարելի է ֆուրգոնի վերածել, դրա համար սայլի վրա ամրացնում են հաղիեր կամ դորբինաներ: Բացի դրանից, այդ տիպի սայլերը ամուր են, կայուն, հեշտությունը են շրջվում և քիչ տեղ են զբաղում:

Գիմադրության նիմնական գործակիցները զանազան հաճապարհներին և նիսասայլերին համար: (Զիարուծության ինստիտուտի տվյալներով):

Հաճապարհի բնութագիրը	Զիարուծության բնութագիրը	Գիմադրության գործակիցը	Բնական սահմանը հաճապարհի նիսասայլերին ընդհանուր ֆառերի մեջ (կախ ված է լույսի տեղից)
1	2	3	4
Գետնուղիներ (սայլուղիներ)			
Հավորակ (չոր, պնդացած)	Երկաթե սոնիկներով	0,05	5
Հավորակ (չոր, պնդացած)	Փայտյա »	0,07	7
Միջակ (պինդ, քիչ ցեխոտ, կամ չոր, բայց քիչ պնդացած)	Երկաթե »	0,07	7
Վատորակ (ցեխոտ)	» »	0,10	10
Շատ վատ (ցեխոտ, անհարթ)	» »	0,15	15
Ավազի վրայով	» »	0,20	20
Զոր ավազի վրայով	» »	0,30	30
Նոր վարած դաշտով	» »	0,20	20
Հին հերկի վրայով	» »	0,15	15
Խոզանի վրայով	» »	0,10	0,10
Խնուղի և զետառի սալարկ			
Հավ փհակում	» » »	0,03	3
Միջակ դրության	» »	0,05	5
Լսֆայտապատ հաճապարհ			
Միջակ սրակի	» »	0,02	2
Զմեռային հաճապարհներ			
Հավորակ (նստած հաճապարհ)	Սահմակ երկաթե սահունով	0,04	4
Հավորակ (նստած հաճապարհ, ուժեղ սառնամանիք)	» »	0,06	6
Միջին սրակի (լավ շրացված կամ թեթևակի ձյունով լցված)	» »	0,08	8
Վատորակ (քանդված կամ խիստ ձյունով լցված)	» »	0,12	12
Զոր հողի վրայով (հողավազ)	» »	0,40	40—50
Ջրիկ ցեխի վրայով	» »	0,30	30
Կանաչի վրայով	» »	0,30	30

Հիմնական գյուղատնտեսական մեքենաների և գործիքների
 Բարձրագույն դիմագրությունը:

(Չիարունություն ինտերսուտի ավյալներով)

Մեքենայի, գործիքի անունը	Մեքենայի, գործիքի նկա- րագիրը և աշխատանքի պայմանները	Մեքենայի կամ գործիքի բնագ- ործման կայուն թվերը (սանտիմետր.)	Քարշային դի- մագրությունը (կիլոգրամ.)	
1	2	3	Միջին	Տատա- նումը
Փոթան	Հողաշերտի արամատի (կարվածքի) լուրա- րանչուր սանտիմետ- րին	—	0,2	—
Փոթան՝ մեկ խո-	Քեթե վար	—	0,3	—
փանի	Միջակ վար	—	0,4	—
	Ծանր վար	—	120	80—160
Փոթան՝ մեկ խո-	Վարի խորութ. 16 սմ	25	162	108—216
փանի	» » 18 սմ	30	180	120—240
	» » 20 սմ	30	180	120—240
Փոցխ «Զիգզագ»	Մարզագետիների, ցանո- վի խոտերի, ցրտահե- կի և աշխանացանների փոցխումը՝ զարնանը (1 օղակ)	75	—	30—35
Նույնը	Հերկի փոցխումը (1 օղակ)	75	—	40—45
Փայտյա փոցխ	Երկաթե 25 ատամներով, հերկի փոցխումը (1 օ- ղակ)	100	—	40—50
Փոցխ ափսեավոր (դիսկավոր)	12 ափսեավոր	—	140	—
Փոցխ զսպանակա- վոր	7 ատամով	68	—	75—102
Նույնը	9 ատամով	82	—	93—122
Շարքացան խոփի- կավոր	11 շարքացանի, հողը կա- վավազային	140	130	119—142
Հորոգրեկա	«Կրանի Ակապ»	145—182	—	80—158
Հեծիչ	«Մայրի մեկի» անվան գործարանի	140	125	105—140
Խոտհար	«Նովի իդեալ»	130	100	89—130
Զիափոցխ	»	180	30	20—40
Կուլտիվատոր	Հինգ թս.թանի	—	114	60—180

Յ Ա Ն Կ

Ներածութիւն	3
Գլուխ 1. Ձիերի ծագումը և էվոլյուցիան	7
Գլուխ 2. Ձիերի կոնստիտուցիան և էքստերիեր	8
Կոնստիտուցիա	8
էքստերիեր	12
Չափումներ	13
Ձիու էքստերիերի բնութագրումը առանձին մարմնամասերը զննելու և նկարագրելու միջոցով	15
Ձիերի շարժման ձևերը	35
Կանգիցիա	39
Ձիերի կրանզը և նշանները	40
Ձիու տարիքի որոշումը ատամների միջոցով	43
Գլուխ 3. Ձիերի ցեղեր	49
Հեծնելու ցեղեր	50
Արաբական ցեղը	50
Հեծնելու զտարյուն ցեղը	53
Տերսկի ցեղը	56
Կարաբգիւսյան ցեղը	58
Լձելու թեթև ցեղեր	61
Օսլովյան վարդուն	61
Ռուսական վարդուն	63
Ծանրաբաշ ցեղեր	65
Ռուսական ծանրաբաշ ցեղ	65
Հայաստանի տեղական ձիերը	68
Գլուխ 4. Ձիերի բուծման տեխնիկան	70
Սեռական ցիկլը և հոսքը	72
Չամբիկի հոսքի (ցանկութեան) հաշտարարումը	73
Չամբիկների սերմնավորումը	76
Չուգավորման կամպանիայի անցկացման ժամկետները	81
Արտադրող հովատակների կերակրումն ու խնամքը	84
Հզիութեան որոշումը	86
Հզի զամբիկների կերակրումը և խնամքը	88

Ծիրնը և Նրա նախազգացումները	91
Ծծմալը զամբիկների կերակրումը և խնամքը	93
Մարուկների աճեցումը	96
Զիւրի տրենինգը և փարձարկումը	105
Գլուխ 5. Զիւրի երամակային սրահպանումը	108
Գլուխ 6. Տոնալին աշխատանքը ձիարուծության մեջ	112
Բուծման մեթոդները	113
Ազգակցական բուծում	119
Բուծում բառ գծերի	120
Ընտրութունը և դուլդերի ընտրութունը ձիարուծության մեջ	126
Բոնիտիբովկա	121
Զուլդերի ընտրության հիմնական կանոնները	123
Բուծարանային տոհմային զրբեր	123
Պետձիարուծարաններ	124
Պետական տոհմարուծարաններ	125
Պետախոտներ	125
Ցուցաշանդաններ	126
Գլուխ 7. Զիւր աշխատանքը և բանող հատկութիւնները	128
Զիւր նորմալ բարշի ուժը	129
Զիւր բնթացքի արագութիւնը	131
Զիւր աշխատանքի հզորութիւնը	132
Զիւր զիմացկունութիւնը	133
Զիւր արտաքին մեխանիկական աշխատանքը	134
Զիւր արտադրողականութեան որոշումը դաշտային աշխատանքների ժամանակ	136
Ինչպիսի՞ն պետք է լինի դշտական աշխատանքի ձիւն	137
Բանող ձիերի խնամքը	138
Բանող ձիերի կերակրումը	142
Զիւրի օգտագործումը անտեսութեան մեջ	151
Զիւրի աշխատանքի կազմակերպումը	155
Դաշտային աշխատանքներ	156
Զիւր զարնանային աշխատանքը	157
Զիւր ամառային աշխատանքը	162
Զիւր աշխատանքը աշնանը	165
Զիւր ձմեռային աշխատանքը	166
Զիւր աշխատանքը տրանսպորտում	168
Հղի և ծծմալը զամբիկների օգտագործումը	179
Զիւր լծասարքը և ձիասայլերը	174
Զիւր լծասարքի ձևերը	181
Զիւր սայլեր	184
Հագեցվածներ	187

Խմբագիր՝ Ն. ՄԱԼԱԹՅԱՆ
Տեխն. խմբագիր՝ Վ. ԿՈՍՏԱՆԳՅԱՆ
Կոնտրոլ սրբագրիչ՝ Գ. ՄԱՆՈՒԿՅԱՆ

ՎՋ 12926: Պատվեր 956: Տիրած 2000:

Հանձնված է արտադրության 20/XII 1954 թ.:

Ստորագրված է տպագրության 11/X 1954 թ.:

Թուղթ՝ 84X1081/32, հրատ. 8,6 մամ., տպ. 12,0 մամ.:

Գինը 2 ռ. 15 կ.:

Կազմը 1 ռ.:

ՀՍՍՌ Կուլտուրայի մինիստրության Գլխահրատի I տպարան, Ալավերդյանի
փող. № 65, Երևան, 1954 թ.: